

Enchiridion
Juris ecclesiastici

A u s t r i a c i.

Edidit idiomate Germanico, dein latinitate donavit,
multisque additamentis locupletavit

Georgius Rechberger,

J. D. Cancellarius episcopalis Lincensis.

Editio secunda novo codici civ. adaptata et locupletata.

~~~~~  
Tomus secundus.  
~~~~~

Jus ecclesiasticum privatum.

L i n c i i,

apud Cajetan. Haslinger.

1819.

London

Printed by J. G. & J. H. Smith, Stationers' Hall

1841

THE

PROCEEDINGS

OF THE

ROYAL SOCIETY

OF LONDON

IN THE

YEAR 1841

AND

THE

1842

AND

1843

Bei eben dem Verleger sind auch noch
nachstehende Bücher zu haben; als:

Linz (A.) ausführliche Schul-Katechisationen
über den ersten Unterricht in der Moral. 3
Bändchen. 8. 816.

— ausführliche Schulkatechisationen über den
ersten Unterricht in der Religion. 3. Bänd-
chen. 8. 817.

— ausführliche Schul-Katechisationen über
die geoffenbarte Religion insbesondere über
das alte Testament als Einleitung zum Un-
terrichte in der christlichen Religion. Zum
Behufe der Katecheten, Schullehrer, und
aller derjenigen, denen die Erziehung und
Bildung der Jugend anvertraut ist. gr. 8.
818.

Diese ausführlichen Schulkatechisationen,
wovon der erste Theil in 3 Bändchen, nebst
den Vorbereitungslehren, alle Pflichten gegen
sich selbst und gegen andere enthält, der zweyte
Theil ebenfalls in 3 Bändchen alle Eigenschaf-
ten Gottes und die Pflichten gegen Gott lehret,
sind für Kinder deutlich, anschaulich, gründ-
lich, und auf Herz und Wille wirkend darge-
stellt. — Der Name des Verfassers (der durch
viele Jahre die Katechisir Kunst mit öffentlichem
Beifalle auf der Normalhauptschule zu Linz
praktisch ausübte), und das allgemeine günsti-

ge Urtheil sprechen laut für den Werth dieser Katechisationen.

Jeder Seelsorger also, dem sein Amt, die ihm anvertrauten Kinder in der Schule gut zu unterrichten, lieb, werth und heilig ist, wird mit Nutzen und Vergnügen diese Katechisationen lesen und studieren, und daraus mehr, als aus allen Theorien und Regeln, die schöne, aber schwere Kunst, gut zu katechisiren, sich eigen machen. — Aber nicht allein der Katechet, sondern auch jeder Prediger findet darin reichhaltigen Stoff und Erleichterung zur Ausarbeitung seiner Predigten. — Die schöne, faßliche, und richtige Entwicklung der Begriffe ist eben sowohl für Erwachsene, besonders für das Landvolk, als für die Kinder, nothwendig. Die Versinnlichung durch die in diesen Katechisationen aufgestellten Beispiele giebt erst dem Unterrichte Leben, und reizt zur Nachahmung oder zur Warnung. Für beyde Erfordernisse zu einer nützlichen Predigt findet der Seelsorger in diesen Katechesen reichlichen Stoff, so oft er immer über irgend eine Pflicht, oder über eine Eigenschaft Gottes mit Frucht zu seiner Heerde sprechen will. Der dritte Theil, welcher die Katechisationen über das alte Testament enthält, ist eben so, nicht allein dem Katecheten, sondern auch dem Prediger ungemein nützlich. Da ohnedieß das Volk sehr gern Geschichten, besonders aus der heil. Schrift höret, so lernet der Prediger daraus, wie er diese Geschichten mit Nutzen für sein Volk anwenden kann.

Dieses Werk sollte also in keiner Handbibliothek eines Seelsorgers mangeln, dem sein Beruf und das Streben sich immer mehr zu ver-

- §. 219. Privilegia circa acquisitionem bonorum ecclesiasticorum.
- §. 220. Foundationes sacrae.
- §. 221. Cautelae circa foundationes novas observandae.
- §. 222. Confectio et confirmatio litterarum foundationis.
- §. 223. Obligatio satisfaciendi foundationibus.
- §. 224. Privilegia circa administrationem bonorum ecclesiasticorum.
- §. 225. Collocatio pecuniarum.
- §. 226. Alienatio bonorum ecclesiasticorum.
- §. 227. Ad quam consensus principis necessarius est.
- §. 228. Exactio pecuniae elocatae, item mutuatio.
- §. 229. Praescriptio bonorum eccles.
- §. 230. Bona piarum fodalitatum.
- §. 231. Fundus religionis.

Articulus secundus. De bonis ac redditibus clericorum.

- §. 232. Oblationes.
- §. 233. Oblationes hodiernae in ecclesia.
- §. 234. Stipendia missarum, horum origo et notio.
- §. 235. Praescripta ratione stipendiorum missae.
- §. 236. Jura stolae.
- §. 237. Collectae.
- §. 238. Decimae.
- §. 239. Divisio decimarum.
- §. 240. Cui jus decimandi competat.
- §. 241. Quis teneatur decimas praestare.
- §. 242. Unde decimae praestandae sint.
- §. 243. Modus tollendi decimas.
- §. 244. Redemptio, et locatio decimarum.
- §. 245. Decimae novales.
- §. 246. Immunitas agrorum novalium a decimis quanto tempore duret.
- §. 247. Quomodo jus decimarum exstinguatur.
- §. 248. Tributa clericis imposta.
- §. 249. Congrua pastorum animarum, rationes.
- §. 250. Sufsentatio deficientium.
- §. 251. Nominatim parochorum inhabilium.
- §. 252. Obligationes perceptioni reddituum ecclesiasticorum inhaerentes.
- §. 253. Testamenta clericorum.
- §. 254. Successio ab intestato in haereditates clericorum.
- §. 255. Quid in divisione haereditatis observandum sit.

Articulus tertius. De bonis ac redditibus ecclesiarum.

- §. 256. Peculium ecclesiae.
- §. 257. Administratio ejusdem. Vitrici ecclesiae.
- §. 258. Parochus. Episcopus.
- §. 259. Jus advocatae.
- §. 260. Jura advocatorum.
- §. 261. Armarium ecclesiae.
- §. 262. Modus administrandi peculium ecclesiae.
- §. 263. Aeditui, famulique ecclesiae.
- §. 264. Mos redimendi sellas in ecclesia.
- §. 265. Confectio ac censura rationum peculii ecclesiae.

- §. 266. Aedificia ecclesiarum, parochiarumque. In parochiis neoerectis.
 §. 267. In parochiis antiquis. Aedificia ecclesiarum.
 §. 268. Aedes parochiales. Reparationes communes.
 §. 269. Reparationes majores.

Sectio tertia. De judiciis ecclesiasticis.


Caput primum. De modo procedendi in judiciis ecclesiasticis.

- §. 270. Divisio materiae.
 §. 271. Materia judiciorum ecclesiasticorum civilium.
 §. 272. Tribunalia ecclesiastica.
 §. 273. Modus procedendi in judic. ecclef. civilibus.
 §. 274. Auditio utriusque partis.
 §. 275. Quid observandum, cum cognitio caussae in loco instituenta est.
 §. 276. Probationes facti.
 §. 277. Probatio per testes.
 §. 278. Probatio per instrumenta.
 §. 279. Praesumptiones.
 §. 280. Probatio per jusjurandum.
 §. 281. Sententia.
 §. 282. Lex taxae cancellariae episcopalis definiens.
 §. 283. Materia judic. ecclef. criminalium, delicta et poenae ecclef.
 §. 284. Delicta clericorum leviora.
 §. 285. Modus inquirendi.
 §. 286. Examen inquisiti.

Caput secundum. De delictis, poenisque ecclesiasticis.


- §. 287. Notio.
 §. 288. Poenae ecclef. generatim.
 §. 289. Divisio.
 §. 290. Excommunicatio.
 §. 291. Effectus excommunicationis.
 §. 292. Interdictum.
 §. 293. Suspendio.
 §. 294. Depositio, et degradatio.
 §. 295. Delicta ecclesiastica Apostasia, haeresis, schisma.
 §. 296. Blasphemia, perjurium, sacrilegium, magia.
 §. 297. Simonia, ejusque malitia moralis.
 §. 298. Varia simoniae genera.
 §. 299. Poenae simoniacorum.
 §. 300. Delicta ecclesiastica clericis propria.





C o n s p e c t u s

J u r i s e c c l e s i a s t i c i p r i v a t i .



§. 1. Divisio materiae.

Sectio prima. De personis ecclesiasticis.

§. 2. Divisio capituli.

Articulus primus. De aditu ad statum clericalem.

- §. 3. Praeparatio ad statum clericalem, Studia litterarum,
- §. 4. Infitutio studii theologici privati,
- §. 5. Seminaria clericorum,
- §. 6. Quid de illis in Austria sit statutum,
- §. 7. Fundus Alumnatus,
- §. 8. Stipendia pro theologiae studiosis,
- §. 9. Statuta ad augendum clericorum numerum,
- §. 10. Ordines, Irregularitates,
- §. 11. Ex delicto,
- §. 12. Ex defectu,
- §. 13. Necessitas tituli ordinationis,
- §. 14. Titulus mensae ex fundo religionis,
- §. 15. Quis sit episcopus proprius ratione ordinationis,
- §. 16. Receptio extraneorum ad dioecesim,
- §. 17. Scrutinium ordinandorum,
- §. 18. Ordinationis tempora,
- §. 19. Locus ordinationis,
- §. 20. Effectus ordinationis,

Articulus secundus. De officiis ac juribus clericorum.

- §. 21. Officia clericorum,
- §. 22. Probitas morum,
- §. 23. Lex coelibatus,
- §. 24. Modestia externa,
- §. 25. Occupationes clero prohibitaе.

- §. 26. Statuta in Austria ratione testamentorum.
- §. 27. Officium curae animarum.
- §. 28. Officium precationis.
- §. 29. Jura praecipua clericorum. Privilegium fori.
- §. 30. Forum clericorum in causis civilibus.
- §. 31. In delictis civilibus.
- §. 32. Quoad actus muneris sacri.
- §. 33. In causis mixtis.
- §. 34. Privilegium servitorum.
- §. 35. Privilegium canonis.
- §. 36. Privilegium competentiae.

Articulus tertius. De clero regulari.

- §. 37. Divisio.
- §. 38. Status regularium generatim. Origo.
- §. 39. Notio.
- §. 40. Receptio tyronum.
- §. 41. Novitiatu.
- §. 42. Libertas egressus.
- §. 43. Exactiones pro receptione novitiorum vetitae.
- §. 44. Professio religiosa.
- §. 45. Modi, quibus egressio ex ordine religioso locum habet.
- §. 46. Diversa genera religiosorum ordinum.
- §. 47. Moniales.
- §. 48. Ordo Teutonicus.
- §. 49. Sublatio quorundam monasteriorum.
- §. 50. Officia religiosorum. Observatio votorum.
- §. 51. Disciplina regularis.
- §. 52. Ministerium curae animarum.
- §. 53. Observanda de religiosis in parocchia seculari expositis.
- §. 54. Superiores ordinum.
- §. 55. Electio superiorum.
- §. 56. Potestas superiorum.
- §. 57. Officia superiorum.
- §. 58. Exemptiones.
- §. 59. Bona temporalia. Lex amortificationis.
- §. 60. Administratio bonorum.
- §. 61. Religiosorum ex sublatiis monasteriis habitas capiendi haereditates.
- §. 62. Item religiosorum in cura animarum expositorum.

Caput secundum. De personis ecclesiasticis in sensu strictiori, seu de officiis, beneficiisque ecclesiasticis.

- §. 63. Divisio capitis.

Articulus primus. De officiis ac beneficiis ecclesiasticis generatim.

- §. 64. Notio officii et beneficii ecclesiastici.
- §. 65. Origo beneficiorum.

- §. 66. *Attributa essentialia beneficii.*
 §. 67. *Divisio beneficiorum.*
 §. 68. *Officia beneficiorum.*
 §. 69. *Vetita beneficiorum pluralitas.*
 §. 70. *Erectio beneficiorum.*
 §. 71. *Innovatio beneficiorum, ejusque modi varii.*
 §. 72. *Unio beneficiorum.*
 §. 73. *Requisita ad unionem.*
 §. 74. *Incorporatio beneficiorum.*
 §. 75. *Vicarii parochiales.*
 §. 76. *Variae species vicariorum temporalium.*
 §. 77. *Vicarii perpetui.*
 §. 78. *Vicarii parochiales ex clero regulari.*
 §. 79. *Divisio beneficiorum.*
 §. 80. *Diminutio beneficiorum.*
 §. 81. *Dismembratio, retentio, suppressio.*

Articulus secundus. De statu parochiarum in Austria.

- §. 82. *Divisio materiae.*
 §. 83. *Parochiae antiquae.*
 §. 84. *Nova parochiarum ordinatio. Regulae pro parochiis ruralibus.*
 §. 85. *Regulae pro parochiis urbium.*
 §. 86. *Curatores animarum in parochiis novis.*
 §. 87. *Cooperatores et beneficiarii.*
 §. 88. *Sustentatio curatorum animarum in parochiis novis.*
 §. 89. *Constitutio decanatum.*
 §. 90. *Suppressio ecclesiarum et capellarum inutilium.*
 §. 91. *Status parochiarum regularium.*
 §. 92. *Media occurrendi penuriae sacerdotum.*
 §. 93. *Suppressio parochiarum absque necessitate erectarum.*
 §. 94. *Cura animarum militaris.*
 §. 95. *Institutio capellanorum campestrium.*
 §. 96. *Praemia pro capellanis campestribus bene meritis.*

Articulus tertius. De modis, quibus beneficia vacant et vacantia conferuntur.

- §. 97. *Modi diversi, quibus beneficia vacant. Resignatio.*
 §. 98. *Requisita ad resignationem.*
 §. 99. *Observanda vacante beneficio.*
 §. 100. *Collatio beneficiorum.*
 §. 101. *Modi perveniendi ad beneficia majora. Electio canonica.*
 §. 102. *Forma electionis canonicae per scrutinium.*
 §. 103. *Per compromissum.*
 §. 104. *Confirmatio electionis canonicae.*
 §. 105. *Postulatio.*
 §. 106. *Electiones praelatorum in Austria.*
 §. 107. *Nominatio regia.*
 §. 108. *Consecratio episcoporum, et benedictio abbatum.*
 §. 109. *Translatio.*

- §. 110. Modi perveniendi ad beneficia minora. Dotes eorum, qui beneficia adpetunt.
- §. 111. Observanda de examine pro concursu.
- §. 112. Exemptiones ab examine pro concursu.
- §. 113. Collatio et institutio episcopalis.
- §. 114. Jus patronatus.
- §. 115. Ejusdem diversa genera.
- §. 116. Quibus modis jus patronatus acquiratur.
- §. 117. Quibus modis amittatur.
- §. 118. Praesentatio. Observanda quoad beneficia patronatus caesarei.
- §. 119. Qualitates in collatione beneficiorum caesar. praecipue acti-
mandae.
- §. 120. Modus procedendi quoad beneficia patronatus privatorum.
- §. 121. Quoad beneficia regularia.
- §. 122. Permutatio beneficiorum. Translatio.
- §. 123. Collatio beneficiorum ex jure devolutionis.

Sectio secunda. De rebus ecclesiasticis.

Caput primum. De rebus spiritualibus, sacris, et religiosis.

Articulus primus. De rebus spiritualibus.

- §. 124. Notio.
- §. 125. Sacramentum baptismi.
- §. 126. Sacramentum Eucharistiae, et poenitentiae.
- §. 127. Missae sacrificium.
- §. 128. Poenitentiae et indulgentiae ecclesiasticae.
- §. 129. Sacramentalia, benedictiones.
- §. 130. Ordo officii divini praescriptus.
- §. 131. Singularia quaedam circa ordinem officii divini.
- §. 132. Reliquiae, et imagines sacrae.
- §. 133. Dies festi.
- §. 134. Dies festi abrogati.
- §. 135. Dies jejunii ecclesiastici.
- §. 136. Vota.
- §. 137. Divisio votorum.
- §. 138. Liberatio a votis.
- §. 139. Jusjurandum.

Articulus secundus. De rebus sacris, et religiosis.

- §. 140. Exstructio ecclesiarum.
- §. 141. Consecratio, et benedictio ecclesiarum.
- §. 142. Exsecratio, et pollutio ecclesiarum.
- §. 143. Consecratio altarium etc.
- §. 144. Capellae privatae.
- §. 145. Coemeteria.
- §. 146. Modus sepeliendi.
- §. 147. Quinam arceantur ab ecclesiastica sepultura.

- Kurz (F.) Geschichte der Landwehre in Oesterreich ob der Enns. 2 Bände. gr. 8. 811.
- Beiträge zur Geschichte des Landes Oesterreich ob der Enns. 3ter und 4ter Band. gr. 8. 808. und 809.
- merkwürdigere Schicksale der Stadt Vorch, der Gränzfestung Ennsburg, und des alten Klosters St. Florian bis zum Ende des eilften Jahrhunderts. Nebst einer Sammlung der vorzüglicheren Urkunden der Klöster Gleink und Baumgartenberg. gr. 8. 808.
- Geschichte des Kriegsvolks, welches der Kaiser Rudolph II. im Jahre 1610 zu Passau anwerben ließ. Nebst einer Sammlung der vorzüglicheren Urkunden der Klöster Waldhausen und Wilhering. gr. 8. 809.
- Link (A.) ausführlicher Katechetischer Unterricht über das heilige Sakrament der Firmung. Vorzüglich zur Belehrung derjenigen Kinder, welche gefirmt werden sollen. 8. 815.
- Sittenspiegel, das ist: Sittenlehre in Beyspielen. Ein Lesebuch für Kinder. 8. 815.
- leichtfaßlicher Unterricht in der deutschen Rechtschreibung für die liebe Jugend (auch wohl für manche Erwachsene.) 2te verbesserte Aufl. 8. 815.
- sieben Fastenpredigten über die Leidensgeschichte Jesu. 8. 815.
- deutlicher und gründlicher Unterricht im Rechnen mit Ziffern für die liebe Jugend, auch wohl für manche Erwachsene. 8. 811.
- neues katholisches Gebethbuch für das liebe Landvolk. 8. 813.

Link (A.) neuer Kreuzweg in XV. Stationen. Zur
Erbauung für das liebe Landvolk. 8. 812.

— neue deutsche Sprachlehre. Nach Adelong,
Heynack, Campe, Gedike, Eberhard und
Funke bearbeitet, für Lehrer und Schüler.
2. Bände. gr. 8. 813.

Math (J. N.) Pafionspredigten. 8. 791.

Muffer (K.) kurze Predigten zum Frühgottes-
dienste, auf alle Sonntage des ganzen Jah-
res. 3te Aufl. 812.

— kurze Predigten zum Frühgottesdienste, auf
alle Festtage des ganzen Jahres. 2te Aufl.
8. 816.

— Fastenpredigten nach der Ordnung der hei-
ligen Geschichte. In einer Stadtpfarrkir-
che vorgetragen. In 2 Jahrgängen. 8. 814.

Paur (J. B.) das Buch Tobias. Zu einer
weitem häuslichen Erbauung bearbeitet.
8. 817.

— das Büchlein Ruth. Zu einer weitem häus-
lichen Erbauung bearbeitet. 8. 817.

— kurze Volkspredigten zur Beförderung einer
reinen Glaubens- und Sittenlehre auf die
Sonn- und Festtage des katholischen Kir-
chenjahres. 2 Bde. 8. 814.

— liturgische Blätter. Oder kurze Anreden,
Erläuterungen, Gebethe, die Administri-
rung der heil. Sakramente, wie auch an-
derer liturgischer Handlungen um so erbau-
licher zu machen. 8. 816.



vollkommen, und seiner Heerde nützlich zu werden, warm am Herzen liegt. — Besonders wird dieses Werk wohlhabenden und gutgesinnten Pfarrern empfohlen, um es vorzüglich solchen Schullehrern in die Hände zu geben, die wegen der Entfernung ihrer Schule von dem Pfarrorte selbst zum Theil, zum Religionsunterrichte ihrer Schuljugend mitwirken müssen.

Arnoeth (M.) die Unterschiede zwischen der bloß rationellen und der katholischen Schriftauslegung. In Briefen an einen älteren gelehrten Freund auseinandergesetzt. Nebst zwey Zugaben verwandten Inhalts. 8. 816.

— über die Bekanntschaft Mozions mit unserm Canon des neuen Bundes, und insbesondere über das Evangelium desselben. 4. 809.

Chmel (A. M.) Institutiones Mathematicae. Tom. I., continens Prolegomena Mathematicos universae et Arithmeticae tam Elementarem, quam universalem seu Algebrae. Tom. II. complectens Elementa Geometriae et Trigonometriae tam Planae, quam Sphaericae, cum Figuris. 8. 807.

Danzwohl (F. K.) akademische Rede über die Zwecke des Studierens. 8. 810.

Engelmann (J.) kurzgefaßtes Sittenbüchlein für die Jugend in Fragen und Antworten. Ein Geschenk für austretende Schulkinder. 2te verm. Aufl. 12. 808.

Hahn (L. Freyh. von) Baron Weidenthal oder die Laune des Schicksals. Ein Lustspiel in 5 Aufz. 8. 807.

Hansing (G. A. F.) Künstlerglück, oder: die Proberollen. Ein Lustspiel. 8. 807.

Höfer (M.) der blaue Montag, oder Anleitung zu einem vernünftigen und vergnügten häuslichen Leben. Scherze und Erzählungen. 8. 808.

Hopfauer (J.) Abhandlung über Strasshäuser überhaupt, mit besonderer Rücksicht auf die dießfals in den deutschen Provinzen des östereichischen Kaiserstaats bestehenden Anstalten. 8. 814.

Klama (D.) homiletische Versuche. Eine Sammlung von Predigten auf einzelne Sonn- und Festtage des Jahres. 8. 814.

Kottnauer (J.) die Menschen wie sie sind. Dargestellt in einer Reihe von Geschichten. 8. 808.

Kumpfhofner (J.) Rede über den Aufblick des Christen zur göttlichen Vorsehung bey dem gegenwärtigen Krieg. 8. 814.

— Predigt von der Pflicht der Eltern, ihren Kindern die Kuhpocken einimpfen zu lassen. 8. 808.

— Rede über die noch immer herrschenden Vorurtheile wider die eben so bewährte als wohlthätige Kuhpockenimpfung. 8. 812.

Kuralt (K.) praktische Religion Jesu Christi. Zur Beförderung des thätigen Christenthums aus seinen eigenen Reden wörtlich zusammengetragen, und mit ermunternden Anmerkungen begleitet. gr. 8. 808.

Kurz (F.) Oesterreich unter K. Friedrich dem Schönen. gr. 8. 818.

— Oesterreich unter K. Ottokar und K. Albrecht I. 2 Bände. 8. 816.

- §. 148. Jus sepulturae.
- §. 149. Catalogus defunctorum.
- §. 150. Loca religiosa, hospitalia.
- §. 151. Scholae puerorum.
- §. 152. Jus alyli.

Caput secundum. De matrimonio.

- §. 153. Divisio capituli.

Articulus primus. De matrimonio generatim spectato.

- §. 154. Notio matrimonii.
- §. 155. Sponsalia.
- §. 156. Variæ matrimoniorum species.
- §. 157. Matrimonii conditiones, et impedimenta.
- §. 158. Ulterior impedimentorum divisio.
- §. 159. Jus impedimenta statuendi.
- §. 160. Abrogatio impedimentorum dirimentium mere canonicorum.
- §. 161. Impedimenta occulta, mere canonica.
- §. 162. Civilia.

Articulus secundus. De legitimo consensu in matrimonium et impedimentis ex ejus defectu provenientius.

- §. 163. Requiritur plenus rationis usus.
- §. 164. Certitudo consensus.
- §. 165. Impedimentum erroris.
- §. 166. Impregnatio sponsae a tertio.
- §. 167. Impotentia.
- §. 168. Impedimentum metus.
- §. 169. Raptus.
- §. 170. Minorennitas, vivente patre aut avo paterno.
- §. 171. Iisdem consensus negantibus.
- §. 172. Vita functis.
- §. 173. Consensus instantiæ pupillaris.
- §. 174. Modus probandi ætatem, consensusque necessari ~~esse~~.
- §. 175. Matrimonia majorennium.
- §. 176. Matrimonia minorennium exterorum.
- §. 177. Necessitas consensus superiorum pro personis militaribus.

Articulus tertius. De habilitate personarum ad matrimonium legibus præscriptâ, et impedimentis ex ejus defectu provenientius.

- §. 178. Impedimentum disparitatis cultus.
- §. 179. Impedimentum ligaminis.
- §. 180. Declaratio mortis conjugis absentis.
- §. 181. Impedimentum ordinis sacri, et voti solemnium.
- §. 182. Impedimentum consanguinitatis et affinitatis.

- §. 183. Quomodo schema consanguinitatis vel affinitatis construatur.
- §. 184. Modus computandi gradus de jure canonico.
- §. 185. Dispensationes.
- §. 186. Dispensatio in impedimentis civilibus publicis.
- §. 187. In impedimentis civilibus occultis.
- §. 188. Obligatio legum matrimon. pro subditis Austriacis in aliena provincia contrahentibus.
- §. 189. Quoad extraneos in nostris provinciis contrahentes.
- §. 190. Effectus matrimonii.
- §. 191. Impedimenta canonica cognationis.
- §. 192. Item affinitatis.
- §. 193. Impedimentum adulterii.
- §. 194. Impedimentum conjugicidii.

Articulus quartus. De modo legitimo contrahendi matrimonium, et impedimentis ex ejus neglectu provenientibus.

- §. 195. Proclamationes praescriptae.
- §. 196. Quando in pluribus parochiis fieri debeant.
- §. 197. Dispensatio a proclamationibus.
- §. 198. Nullitas matrimonii sine praeviis proclamationibus initi.
- §. 199. Praesentia parochi, et duorum testium.
- §. 200. Quis sit parochus proprius relate ad nuptias.
- §. 201. Ecclesiae vetitum et tempus sacratum.
- §. 202. Testimonium magistratus de indicato matrimonio.
- §. 203. Liber parochialis inscribendis matrimoniis designatus.
- §. 204. Confectio hujus libri.

Articulus quintus. De declaratione nullitatis matrimonii, separatione quoad thorum et mensam, et divorcio.

- §. 205. Declaratio nullitatis matrimonii.
- §. 206. Modus procedendi in ejusmodi causis.
- §. 207. Praescriptus probandi modus.
- §. 208. Effectus declarationis nullitatis matrimonii.
- §. 209. Separatio quoad thorum et mensam.
- §. 210. Per liberum consensum.
- §. 211. Necessitas testimonii parochialis.
- §. 212. Per sententiam judicialem.
- §. 213. Effectus separationis.
- §. 214. Divortium acatholicorum.
- §. 215. Quid in causis divortii observandum.
- §. 216. Effectus divortii.

Caput tertium. De bonis ecclesiasticis.

Articulus primus. De bonis ecclesiasticis generatim.

- §. 217. Notio et divisio.
- §. 218. Acquisitio bonorum ecclesiasticorum.

Jus ecclesiast. privatum.

§. 1.

Jura et officia singulorum ecclesiae sociorum, Divisio ma-
quae jus ecclesiasticum privatum con- teriae.
ficiunt, vel ad personas ecclesiasticas, vel ad
judicia ecclesiastica referuntur. Persona-
rum ecclesiasticarum nomine proprie veniunt
clerici, et in sensu quidem strictiori illi, qui
officium beneficiumque ecclesiasticum tenent.
Rebus ecclesiasticis adnumerantur primo res
spirituales, ut sunt sacramenta, eaque,
quae cultui divino immediate sunt destinata,
deinde res sacrae et religiosae, ut eccle-
siae, vasa sacra, coemeteria etc., denique bo-
na ecclesiastica ad sustentationem mi-
nistrorum ecclesiae cultusque divini externi
sumptus sustinendos necessaria. **Judicia**
ecclesiastica in civilia, et criminalia distin-
guuntur, (I. §. 76.) quorum intuitu primum
de formâ judiciariâ seu modo procedendi in
judiciis tum civilibus tum criminalibus, dein-
de de delictis poenisque ecclesiasticis agendum
est. **Inde jus ecclesiasticum privatum tribus**

constat sectionibus. I. De personis ecclesiasticis, iisque 1) in sensu latiori, seu clericis, 2) in sensu strictiori, seu de officiis, beneficiisque ecclesiasticis. II. De rebus ecclesiasticis, et 1) quidem de rebus spiritualibus, sacris, et religiosis, 2) de matrimonio speciatim, 3) de bonis ecclesiasticis. III. De judiciis ecclesiasticis, adeoque 1) de forma judiciorum ecclesiasticorum, 2) de delictis et poenis ecclesiasticis. Hunc igitur ordinem in pertractandis juris ecclesiastici privati Austriaci materiis sequemur.

Sectio prima.

De personis ecclesiasticis.

Caput primum.

De personis ecclesiasticis in sensu latiori, seu de clericis.

§. 2.

Divisio capituli. **A**gendum est hoc loco primum de Clericis generatim, deinde speciatim de Regularibus. Quod ad clericos generatim attinet, primum indagandum, quaenam ad adeundum statum

clericalem requirantur, dein quaenam sint
 tum officia tum jura clericorum. Itaque ca-
 put istud tribus constat articulis: 1) De adi-
 tu status clericalis, 2) de officiis,
 ac juribus clericorum, 3) de Regu-
 laribus.

Articulus primus.

De aditu ad statum clericalem.

§. 3.

Status clericalis singularem animi cul- Praeparatio
 tum, praeparationemque requirit; aditur su- ad statum
 sciendo sacros ordines; quorum susceptioni clericalem—
 tum delicta quaedam, tum defectus, quos Studia litte-
 irregularitates vocant, obstare possunt. Ita- rarum,
 que agendum hoc loco a) de animi culturâ
 ad statum clericalem necessariâ, b) de irre-
 gularitatibus, c) de collatione ordinum. Ad
 animi culturam praecipuis pertinent studia
 theologica, in terris Auftriacis ad eam,
 quam conspicimus, perfectionem iteratis re-
 formationibus elevata. De quibus leges no-
 strae statuunt, ad sacros ordines neminem
 posse promoveri, nisi qui 1) aut universum
 cursum theologicum absolverit, aut absolutis
 forsitan in provinciâ exterâ studiis theologicis,
 in unâ academiâ Auftriacarum examini-
 bus praescriptis sese subjecerit, sufficientibus
 scientiae testimoniis munitus, 6. Apr. 1782.
 3. Mart. 1783. *) 2) Speciatim ex jure ec-

eclesiastico primae classis calculus requiritur, ibid. 3) Ad cursum theologicum pertinent quoque praelectiones catecheticae et paedagogicae, 9. Mart. 1792, juxta constitutionem tamen novissimam de scholis elementariis editam nonnisi ultimo cursus theologici anno frequentandae. 4) Ex methodo quoque catechizandi testimonio primae classis opus est, ut quis ad majores ordines admitti possit, 25. Jan. 1793. 5) Ad studium theologicum ii solum admittuntur, qui cursum philosophicum in universitate quâdam aut lycaeo Austriaco debito cum progressu abolverint, aut saltem ex disciplinis philosophicis praescriptis ibidem examen subierint, 15. Jan. 1791. 6) Quisquis studium theologicum adire cupit, directori facultatis theologiae litteras exhibeat oportet, quibus vel ab episcopo, vel a conventus cujusdam religiosi praeposito receptum se esse demonstrat, 15. Jul. 1790.

*) Recentiori tamen decreto caesareo dd. 16. Maj. 1807, regimini cujusvis provinciae potestas facta est, petente episcopo, dispensandi, ut theologiae in quartum annum studiosis, siquidem examen ex jure ecclesiastico cum testimonio primae classis subierint, sacri ordinis conferri possint. Ex decreto dd. 20 Febr. 1804 scholarum piarum alumni cursibus theologiae prioribus bene peractis ante annum postremum ordinari possunt; nullo tamen sub obtentu ad functiones ecclesiasticas praedicandi aut confessiones excipiendi admittantur, nisi totum cursum theologicum abolverint. Vid. Dr. Thomae Dolliner, Darstellung des Rechtes geistlicher Personen. §. 5. Opusculum istud pro intelligendo toto Cap. I. lectioni est magno opere commendandum.

§. 4.

Præter praelectiones theologicas publicas in universitatibus ac lycaeis introductas Institutio
studium quoque theologiae privatum tam studii theo-
in seminariis episcopalibus, quam in conven- logici pri-
tibus religiosis certis sub conditionibus locum vati.
habere potest. Hæ sunt, ut disciplinae theo-
logicae in scholis ejusmodi privatis pari pror-
sus ratione, uti in publicis, tradantur: ut
munus professoris nulli conferatur, nisi qui
inde ab anno 1774, cursum theologicum in
scholâ quâdam publicâ cum testimonio pri-
mae classis absolverit, aut ex disciplinis theo-
logicis singulis examen subierit; ut præterea
ex illâ disciplinâ speciatim, quam tradendam
suscipit, examini sese rigorofo subjiciat, ea-
que doctrinae specimina præferat, quibus
ejusdem idoneitas comprobetur: quare nul-
lum studiorum testimonium, nisi a professore
hujusmodi examinato et approbato expeditum,
fidem publicam habet. Conventus religiosi
etiam plures ejusdem Ordinis scholâ theologi-
câ communi uti possunt. Ad regimen pro-
vinciae politicum pertinet, scholarum ejus-
modi privatarum supremam curam gerere,
4. Jul. 1790. 1. Aug. 1791. 26. Jul. 1805.
Prælectiones vero catecheticas et paedagogi-
cas discipuli vel in scholâ sic dictâ normali
frequentare tenentur, vel si eas disciplinas a
praeceptore privato legitime approbato edocti
fuerint, in metropoli provinciae ab inspec-
tore scholarum supremo (*Schulen = Oberauf-*
seher) ac catechetâ scholae normalis, in ur-
bibus vero provincialibus a direttore ac ca-

techetâ scholae principalioris (Hauptschule) ibidem existentis, ubi autem schola talis non adest, a proximo inspectore scholarum (Distriktsaufseher) examinandi sunt ac approbandi. Constitutio de scholis elementaribus lata dd. 7. Mart. 1804. Item Politische Verfassung der deutschen Schulen in den k. k. deutschen Erbstaaten. Dolliner Darstellung des Rechtes geistlicher Personen. §. 6 — 9.

§. 5.

Seminaria clericorum. Instituta scholastica supra exposita culturam litterariam clericorum respiciunt. Ut vero iidem ad religionis virtutisque studium educentur, seminaria clericorum sunt instituta. Et concilium quidem Tridentinum sess. 23. cap. 18. de reform. tum episcopis omnibus eam legem imponit, ut seminaria clericalia suis in dioecesibus erigant, tum formam etiam ac constitutionem seminariorum accurate definit. Ad sustinendas impensas sustentationis, illas praecipuis foundationes assignat, quae alendae juventuti studiosae sunt destinatae. Quibus non sufficientibus jubet episcopos ex fructibus bonorum quorumcunque ecclesiasticorum partem aliquam vel portionem tum necessitate seminarii, tum facultatibus cujusvis ecclesiae dimetiendam detrahere, eamque unâcum beneficiis, si quae adsint, simplicibus seminario applicare. *)

*) Videatur brevis historia seminariorum episcoporum in der theolog. prakt. Monatschrift 2. Jahrg. 1. Band.

§. 6.

Imperante Augustissimo Iosepho II. Quid de illis
 mortalis memoriae erecta sunt in singulis pro- in Austria sit
 vincis Austriacis seminaria, quae vocaban- statutum.
 tur, generalia, et immediato potestatis
 politicae regimini subjecta, in quibus alumni
 singularum dioecesum cujusque provinciae
 congregabantur. Haec vero, excepto Ruthenico
 Leopoli erecto, anno 1790, sublata sunt,
 foundationibus ad manus episcoporum redeuntibus,
 quibus abhinc liberum est, propria suis in dioecesibus seminaria erigere,
 totque alumnos recipere, quot ex redditibus
 foundationum, aut proventibus episcopalibus,
 aliisque subsidiis sustentare possunt. Reliqui
 alumni extra seminarium degentes vel subsidiaria
 quaedam stipendia percipiant, vel ex bonis propriis,
 aut institutione juventutis in domibus privatis se se
 sustentare studeant. Elapso cursu theologico ad collegium
 presbyterorum, (Priesterhaus) si quod alicubi adsit,
 recipiantur, ibique ad curam animarum praeparantur,
 4. Jul. 1790. Postea vero constitutione novissima
 Augustissimi nostri dd. 25. Mart. 1802, sancitum est,
 ut suum cuiusque episcopo sit seminarium dioecesanum,
 in eoque, si quidem universitas studiorum aut lycaum
 publicum in loco desit, studium theologicum
 privatum juxta praescriptum (§. 4.) introducatur.

§. 7.

Univerfos seminarii episcopalis reditus Fundus
 non nisi in sustentationem alumnorum impen- Alumnatus.

dandos esse, leges nostrae voluerunt ita, ut
 impensa pro unoquoque summam ducentorum
 florenorum, (hodiernis tamen necessitatibus,
 rerumque pretiis haudquaquam accommoda-
 tam) non excedat, inde etiam famulitium
 sustentetur, rectoris vero munere unus ex ca-
 nonicorum numero gratis fungatur. Ceterum
 quotannis administrationis reddituum tam ex
 foundationibus, quam ex alumnatico, quod
 vocant, provenientium regimini provinciae
 rationes reddantur, 25. Oct. 1792. Iis in
 locis, ubi antea mos non obtinebat, ut alum-
 naticum a clero contribueretur, imposita est
 parochis summa unius floreni et 30. crucife-
 rorum, capellanis vero localibus ac beneficia-
 tis unius floreni, ad fundum seminarii quo-
 tannis pendenda, 9. April. 1784. Ubi autem
 mos ille obtinuit, statutum est, summam hu-
 cusque usitatam etiam in posterum solvendam
 esse, 23. Febr. 1786. 2. Nov. 1790. Qui-
 busdam in locis summa alumnatici cum con-
 sensu aulae speciali aucta est. Quodsi semina-
 rium episcopale facultatibus pro necessitate
 dioeceseos sufficientibus destituatur, vult Au-
 gustissimus, omnem in eo operam studiumque
 collocari, ut eidem ex fundo religionis, ac
 stipendiorum theologorum, aut aliâ quacun-
 que ratione succurratur, const. dd. 25. Mart.
 1802. *)

*) In Hungariâ bona mobilia ab episcopis de-
 functis relicta juxta conventionem Kollonichia-
 nam in tres partes aequales dividenda sunt,
 quarum una in usum erigendi seminarii, si-
 quidem in statu perfecto nondum fuerit, im-
 pendatur. Novissimo decreto regio dd. 13.

Jul. 1802, monentur episcopi Hungariae, ut deficientibus facultatibus ad sustentationem seminarii necessariis condant cum consensu cleri statutum, vi cujus universi beneficiorum ecclesiasticorum possessores certam haereditatis partem pro usu seminarii legare teneantur.

§. 8.

Ad majorem alumnorum clericalium numerum obtinendum, statutum est, ut si quae pro theologiae studiis. fundationes non expresse in usum seminarii a fundatoribus destinatae sint, in stipendia manualia octoginta, aut centum ad summum florenorum impendantur illis theologiae studiosis concedenda, qui unde vivant, non habent, progressumque iis, qui fruuntur stipendiis, lege praescriptum se facere, exhibitis testimoniis probant. Spes quoque facta est, fore, ut cum ad alendum necessarium alumnorum episcopalium numerum opus visum fuerit, viresque fundi religionis eo valuerint, stipendia ejusmodi ex illo fundo eo ferantur, 25. Oct. 1792. *) Qui cum philosophiae studio operam darent, stipendio fruebantur, illud tum etiam retinent, cum ad disciplinas theologicas transeunt, 23. Oct. 1792. Factum est autem nonnunquam, ut juvenes statum ecclesiasticum amplecti se velle fingentes, stipendiis theologicis fruerentur, simul tamen praelectiones studii juridici aut medici frequentarent, eo fine, ut postmodum statui ecclesiastico eo expeditius possent nuntium mittere. Unde cautum est, ne cuiquam, qui stipendio theologico potitus sit, ad prae-

lectiones five juridicas five medicas aditus permittatur, 14. Dec. 1797.

*) Ita in Bohemiâ viginti stipendia centum quinquaginta florenorum pro studiosis theologiae pauperibus ex fundo religionis defumuntur, 9. Aug. 1794.

§. 9.

Statuta ad
augendum
clericorum
numerum.

Ut alumnorum clericalium numerus augeatur, constitutione Augustissimi dd. 23. Mart. 1802, varia decernuntur. Et 1) quidem gymnasia pristina in civitatibus minoribus, si opus visum fuerit, esse restituenda, 2) studia philosophica iis praesertim in locis, ubi tum gymnasium, tum seminarium episcopale jam adsit, sub immediatâ episcopi, ac mediatâ regiminis provincialis curâ introducenda, professores vero ibidem a conventibus religiosiis esse constituendos, suisque sumptibus alendos, 3) seminaria pristina studiosae juventutis, quantum fieri possit, denuo erigenda, 4) denique tam conventibus religiosiis, quam decanis ruralibus ac parochis potestatem esse, privatim pueros linguae latinae rudimentis instruendi, eâ tamen lege, ut, priusquam ad scholas publicas recipiantur, examen ibidem subire teneantur.

§. 10.

Ordines — Irregularitates. Statum clericalem per ordinis receptionem ingressuris qualitates nonnullae ac virtutes a canonibus ecclesiasticis praescribuntur.

quarum aliae, uti sexus masculinus, et sacramentum baptismi susceptum, ad valorem ordinis, aliae ad ordines solum licite tum suscipiendos tum exercendos sunt necessariae. Defectus qualitatum hujusmodi, aut qualitates oppositae, quibus fit, ut ordines quamvis valide, non tamen licite suscipi ac exerceri queant, irregularitates vocantur. Provenit vero irregularitas vel ex delicto vel ex defectu, estque vel totalis, vel partialis, item vel perpetua, vel temporalis. Quae est ex delicto, supponit crimen grave, canonibus expressum, actuque externo consummatum, unde etiam consequitur, ignorantiam facti ab illà irregularitate excusare. Quae vero ex defectu orta est, etiam cum omnis abest culpa, locum habet, illiusque nulla est ab ignorantia excusatio. Irregularitas, quae humani duntaxat juris est, dispensatione tollitur. Temporanea cessat cessante defectu, unde profecta est. *)

*) Dolliner Darstellung des Rechtes geistl. Pers. §. 18.

Ignorantia juris, si quis ignorat ex decretis ecclesiasticis cuidam defectui aut delicto irregularitatem inhaerere illius, qui eo laborat; et *ignorantia defectus*, ubi quisquam ipsum in se defectum ignorat, non tollit irregularitatem. —

Sed *ignorantia facti*, i. e. si quis nesciens factum quoddam patrat, quod irregularitatem alias crearet, excusat ab irregularitate. v. g. si quis iterum baptizatur, qui nondum baptizatum se putavit. Cap. 9. de cler. excom. Caeterum irregularitas temporanea cessat defectu cessante. Quae vero ex delicto aut ex defec-

tu perpetuo oritur, nonnisi per dispensationem tollitur; illa excepta, quae ex partu illegitimo orta est, atque per votum solemne extinguitur. Cap. I. de fil. presbyt. Jus dispensandi est penes episcopum, sive sit irregularitas ex defectu aut delicto, sive clandestino sive notorio, dummodo disquisitioni juridicae nondum succubuerit, idque ea de causa, quia jus novissimum conc. Trid. sessio 24. cap. 6. de reformatione; inter irregularitates ex delicto clandestino ortas nonnisi homicidium voluntarium, et inter reliquas solummodo illas, quae disquisitionem juridicam expertae sunt, exceptit et pontificiae dispensationi reservavit.

§. 11.

Ex delicto,

In antiquâ ecclesiâ delictum omne post susceptum baptismum admissum susceptionem ordinum impedivit. Recentiori autem aetate certa tantum delicta irregularitate notata sunt. Ita exempli gratia irregulares sunt: 1) ob abusum baptismi, rebaptisantes, aut se rebaptisari passi, aut iterationis baptismi quoquo modo participes, 2) ob abusum ordinum, qui illos furtive, aut per saltum, aut ab episcopo excommunicato, aut minores ordines eadem die cum subdiaconatu recipiunt, aut qui ordines exercent, dum censurâ ecclesiasticâ constricti sunt, vel tales exercent, quos nunquam susceperunt. 3) Haeretici, apostatae, et schismatici. 4) De homicidio injusto ac voluntario rei, item ii, qui vel seipfos, vel alios mutilarunt, et qui abortum procurarunt.

§. 12.

Porro irregulars sunt: 1) ex defectu *Ex defectu* animi, qui rationis usu necessario carent, ac illiterati. Ex praescripto autem concilii Tridentini sess. 23. cap. 4. 10. 11. 14. de reform. requiritur, ut qui tonsurâ initiandi sunt, rudimenta fidei sint edocti, atque legere et scribere sciant; qui minoribus ordinibus, ut calleant linguam latinam, qui maioribus, ut sufficienti doctrinâ instructi sint. (§. 3.) 2) Ex defectu corporis, qui ob insignem deformitatem visum aut horrorem excitant, vel quibus deest membrum corporis ad exercendos ordines necessarium, v. g. oculus sinister, quem canonicum vocant. 3) Ex defectu natalium, et famae, illegitimis natalibus orti, et infames. 4) Ex defectu aetatis, qui aetatem ad recipiendos ordines praescriptam nondum attigerunt, de quâ statuit concilium Tridentinum loc. cit., ne quis ad subdiaconatus ordinem ante vigesimum secundum, ad diaconatus ante vigesimum tertium, ad presbyteratus ante vigesimum quintum aetatis annum inchoatum promoveatur; ad episcopatum annus trigessimus completus requiritur. 5) Ob bigamiam eamque veram, qui cum duabus successive matrimonium valide contractum consummavit, interpretativam, qui cum viduâ aut ab alio corruptâ matrimonium iniit, similitudinarium, qui, solemnî castitatis voto cum sit obstrictus, matrimonium contrahere attentat. 6) Ex defectu libertatis, conjugati, praeterquam consentiente uxore ac

continentiam vovente, item obligati ad ratiocinia, antequam absolvantur. 7) Ex defectu lenitatis, ministri justitiae in caussis criminalibus, qui ad mortis poenam irrogandam concurrerunt, *) militesque, qui in bello depugnantes quempiam aut enecarunt, aut mutilarunt.

*) Litteris patentibus Imperatricis M. Theresiae dd. 17. Apr. 1765. mandatum est clericis, ut ad adjuvandam justitiae administrationem exhumationem cadaveris in casu homicidii sine cunctatione permittant, iudicibusque in caussis criminalibus ab iisdem requisiti, neque necessariam rerum ad delictum pertinentium notitiam, neque testimonia collati baptismi, copulationis conjugalis, aut sepulturae unquam denegent inani irregularitatis metu deterriti. Constitutione porro de jure asyli lata dd. 15. Sept. 1775, cautum est, ut delictorum reos ex loco asyli abripi permittant. Immo. ex decreto dd. 2. April. 1787 tenentur etiam criminis laesae majestatis reos ad judicem deferre,

§. 13.

Necessitas Antiquis temporibus nemo ordinabatur, nisi ad ministerium certae ecclesiae, ex cujus re-
tituli ordi- titulis nominibus perciperet; unde ecclesia
nationis. tituli nomine veniebat. Posteaquam autem ordinationes absolutae in consuetudinem venissent, tituli nomine significabatur cautio subministrandae ordinato in casu inopiae sustentationis congruae, quae cautio cuivis ad sacros ordines provehendo adeo necessaria cense-
 ferri coepit, ut episcopus sine ejusmodi titulo ordines majores cuiquam conferens, eundem,

si in paupertatem incideret, alere teneretur. Titulus ordinationis hodiernis temporibus quadruplicis est generis: 1) Titulus beneficii, cum quis ad beneficium jam antea obtentum ordinatur, 2) patrimonii, cum ordinatus iis praeditus est facultatibus, quae ad futurae sustentationis sumtus sufficiunt, 3) titulus mensae, si quis alius, ordinatum in casu inopiae sustentandi, onus in se suscipit, 4) titulus professionis religiosae in ordine propriis bonis ad suos alendos sufficientibus instructo, aut paupertatis in ordine mendicantium. *)

*) Ecclesiae Hungaricae id proprium est, ut clerici seculares generatim ad titulum dioeceseos ordinentur, vi cuius tenetur episcopus dioeceseanus ordinatis in dioecesi de congrua sustentatione providere.

§. 14.

In Austria omnibus, qui statum ecclesiasticum amplectuntur, titulus mensae ex fundo religionis certis sub conditionibus impertitur. Et 1) quidem titulus ille tunc demum effectum habet, cum qui illum adeptus sit, recepto jam presbyteratus ordine ad obeunda sacra munia inhabilis factus fuerit. 2) si solum tituli obtinendi capaces sunt, qui cursum theologicum praescriptum debito cum progressu absolverint, omnique ex parte ad curam animarum idoneos se esse docuerint. 3) Ad majores ordines admittere episcopis non licet eum, qui diurnam debilitate aut defectu corporis, functiones curae animarum impe-

Titulus mensae ex fundo religionis.

diente, laborat, 4) Tenetur episcopus candidatos sacrorum ordinum regimini provinciae indicare, singulorumque nomen, patriam, aetatem, locum absoluti studii philosophici et theologici, classem facti in studiis progressus, mores, statumque sanitatis, adjectis testimoniis, notare, hisque praevie notatis collationem tituli ordinationis petere. 5) Ad presbyteratum ordinati sine mora ad curam animarum, aut munus quoddam scholasticum sese conferant, moresque integros praefereant, necesse est. Quapropter episcopi, quoties sustentationem clerici ad titulum fundi religionis ordinati, atque ad obeunda sacra munera inhabilis exposcunt, indicare tenentur, quibusnam ille muniis inde a recepto presbyteratus ordine hactenus functus sit. 6) Qui vero, cum ad sacros ordines promoverentur, titulum mensae ab aliis obtinuerunt, siquidem ante obtentum beneficium ecclesiasticum ad curam animarum inhabiles facti fuerint, ab auctore tituli sunt sustentandi, 7. Januar. 1792. Collatio autem tituli ex fundo religionis ad regimen cujusque provinciae politicum pertinet, 24. Jan. 1800. *)

*) Dolliners Darstellung des Rechts geistl. Personen. §. 21. Tischtitel von Privat.

§. 15.

Quis sit episcopus proprius ratione ordinationis. Minister ordinationis est episcopus. Et omnis quidem episcopus legitime consecratus valide confert ordines; ut vero et licite conferat, eum esse orthodoxae fidei, in com-

munione Romanae ecclesiae constitutum, et episcopum proprium illius, qui ordinetur, necesse est. Est autem episcopus proprius in conferendis ordinibus: 1) ratione originis, in cuius dioecesi parentes ordinandi, cum hic nasceretur, domicilium proprie tale habuerunt, 2) ratione domicilii, episcopus loci, ubi ordinandus cum animo perpetuo commorandi habitat, cumque animum vel per decennium jam ibidem habitando, vel suppellectilem suam in eum locum transferendo, ibique simul longiori tempore commorando demonstrat, ac praeterea iurejurando etiam confirmat. Innocent. XII. const. Speculatores. 3) Ratione beneficii, episcopus dioeceseos, in qua quis jam beneficium, quod congruam vitae sustentationem praebet, quiete possidet. 4) Ratione familiaritatis episcopus, quocum quis trium annorum spatio commoratus est, siquidem ab eodem statim beneficium obtinet, conc. Trid. sess. 24. cad. 9. de reform. 5) Regularium episcopus ille proprius esse censetur, in cuius dioecesi monasterium seu collegium situm est. *)

*) Abbates monasteriorum subditis professis suis tonsuram et ordines minores posse conferre; supra dictum est. (I. §. 250.)

§. 16.

Dioecesani extranei non nisi obtentis Receptio ex ab episcopo proprio litteris dimissorialibus, quae vel perpetuae sunt, vel temporales, ad ordines promoveri possunt. Nostrae quoque leges, nec alumnos clericales,

nec presbyteros alienae dioeceseos sine litteris dimissorialibus, ac testimoniis morum recipi volunt; nec quemquam ex dioeceli dimitti, nisi qui testimonium promissae ab alio episcopo receptionis exhibuerit, 8. Oct. 1799. 9. Jan. 1803. Quoad sacerdotes aut candidatos alienigenas decretis dd. 27. Sept. et 13. Dec. 1798. praescriptae sunt certae conditiones, sub quibus sive ad monasteria recipi, sive ad curam animarum exponi possint. Postea vero cautum est, ne omnino exteri, sive presbyteri sint, sive status clericalis candidati, absque speciali aulae consensu in posterum recipiantur, 3. Maj. 1805. *) Quoties dimittitur alumnus dioecesanus, causa dimissionis, testimoniumque morum in litteris dimissionis exprimi debet, 18. Dec. 1802.

*) De religiosis exteris in Austriam migrantibus statutum est, ut provinciali ordinis desiderium suum exponant, eidemque testimonia aetatis, studiorum, morum, sanitatis, ac insuper declarationem, totius vitae tempore curae animarum operam dare, an monasterium ingredi velint, tradant, dein provincialis eâ de re ad Ordinarium, hic vero ad regimen provinciae referat, 18. Jun. 1805. Ceterum generatim presbyteri exteri ad dioecesim aliquam Austriacam recipiendi decreto aulico dd. 22. Febr. 1806. eximuntur ab examinibus theologicis pro theologiae studiosis praescriptis, ac nonnisi examen rigorosum pro cura animarum requisitum subire tenentur.

§. 17.

Scrutinium
ordinando-
rum.

Ne vitiosi, necessariisque dotibus destituti ad sacros ordines provehantur, triplex

examen seu scrutinium ordinandorum in sacris canonibus praescriptum est: 1) Uno mense ante ordinationem publice in ecclesiâ denuncientur nomina eorum, qui ad sacros ordines adspirant, conc. Trid. sess. 23. cap. 5. et 7. de reform. Quae tamen examinis forma in defuetudinem abiit, testimoniisque tum professorum, tum superiorum seminarii clericalis de qualitatibus ordinandorum suppleri censetur. 2) Aliquot diebus ante ordinationem ordinandi ad episcopum, aut consistorium episcopale vocantur, ut tum requisita ad ordinationem, v. g. litteras baptismales, testimonia studiorum et morum, testimonium sanitatis exhibeant, tum examen de rebus relate ad ordines scitu necessariis subeant. 3) In ipso ordinationis actu archidiaconus episcopo de dignitate ordinandorum interroganti respondet, eos, quantum humana fragilitas nosse sinat, dignos esse, qui sacro officio admoveantur.

§. 18.

Pro conferendis ordinibus certa anni Ordinationis tempora canonibus statuta sunt. Et tempora. In quibusdam quidem omni die omni hora, minores vero ordines diebus dominicis et festivis, etiam extra missarum solemnias, matutino tamen tempore conferri possunt. Pro majoribus ordinibus, praecedente semper jejuniis, ac intra solemnias missarum conferendis statuta sunt sabbata in jejunis quatuor temporum, sabbatum ante Dominicam passionis, et sabbatum sanctum. Requiritur porro, ut

ordinatio fiat gradatim, nullo praetermisso ordine antecedente, *) deinde ut inter minores ordines, et subdiaconatum, eodemque modo inter unum et alterum ex majoribus ordinibus intervalla unius anni, non mathematice, sed ecclesiastice computandi intercedant, quae ordinum interstitia dici solent. **)

*) Siquis per saltum promotus sit, is praetermissum ordinem supplere tenetur.

**) Cum moribus nostris ordines sacri nec conferri possint prius, quam absoluto ab ordinandis cursu theologico, nec longiori tempore ob penuriam sacerdotum differri, facile patet, tempora ordinationum, ac interstitia a jure statuta nostris in dioecesibus vix posse observari.

§. 19.

Locus ordinationis.

Locus ordinationis ex canonum praescripto 1) proprius sit oportet, hoc est, intra dioecesim episcopi ordinantis situs, eo quod nulli episcopo in alterius dioecesi pontificalia exercere liceat; 2) locus sacer, saltem cum de ordinibus sacris conferendis agitur; 3) locus publicus, ad quem accessus pateat populo, utpote quem praesentem esse ritus ac ceremoniae in ordinationibus praescriptae aperte supponunt.

§. 20.

Effectus ordinationis.

Effectus ordinationis sunt: 1) ordinandi acquirunt jus exercendi functiones ordinis, simulque obligationes eidem annexas

in se suscipiunt. 2) Speciatim tonsurâ initiatus clero adscribitur, reliquorum ordinum, ac beneficiorum ecclesiasticorum capax redditur, privilegiorum quoque clericalium fit particeps. Conc. Trid. Sess. 23. C. 6. 3) Subdiaconatus ordine obligatio suscipitur, in statu clericali omni vitae tempore perseverandi, continentiam status coelibis servandi, horasque canonicas recitandi; 4) ordo sacer imprimis characterem, quem vocant indelebilem, vi cujus ordo semel valide receptus neque iterari neque invalidus reddi potest. Concil. Trid. Sess. 7. can. 9. de sacram. in genere. Sess. 23. can. 4. de sacram. ordinis.

Articulus secundus.

De officiis, ac juribus clericorum.

§. 21.

Clerici per sacros ordines ministerio ecclesiae consecrantur, ut proximum verbi divini praedicatione, exercitationibus cultus externi, suoque ipsorum exemplo ad sectandam virtutem, obtinendamque aeternam beatitudinem quasi manu ducant. Inde officia clericorum communia proficiscuntur: 1) obligantur praecipue morum probitati studere. et quidquid pro conditione status sit indecorum, aut offensionem populo praebere possit, evitare. 2) Recepto ordine subdiaconatus vitam coelibem agere tenentur. 3) Tum in vestitu, tum in externâ vitae ratione decorem statui conve-

Officia clericorum.

nientem, modestiamque observent. 4) Abstineant a quibusvis occupationibus a statu clericali abhorrentibus. 5) Explendis muniis sacris, ac speciatim precibus quotidianis diligenter incumbant. *)

*) Constitutione Augustissimi dd. 17. Nov. 1797. iussi sunt episcopi, assiduam curam gerere, ut clerici praecipue juniores iis sint moribus, qui sacrae illorum vocationi conveniant, proinde in omni conversatione, in victu, cultuque corporis, in vestitu fugiant, quidquid possit jure vituperari, utque non solum explendis ad amulsum muniis sacris, verum etiam externâ vitae honestate observantiam populi, fiduciamque promereantur. Etenim conservatio dignitatis cleri, ut rectissime observatur in constitutione dd. 25. Mart. 1802. ab ipsius potissimum pendet vivendi ratione. Quam ob rem quam maxime studeant episcopi, vitia honori cleri adversa singulari sollicitudine et vigilantia vel praecavere vel emendare

§. 22.

Probitas
morum,

Clericus pro status sui conditione ad singularem morum probitatem obligatur. Potissimum autem urgent canones, ut caveat ab ebrietate, ab avaritia, et ab incontinentia, fugiatque diligentissime, quidquid aut vitis illis ansam praebet, aut illorum suspicionem parit. Quapropter interdictum est clericis, 1) cauponas frequentare, nisi id fiat in itinere, aut negotiorum causa, can. 4. dist. 44. ex cunc. Carthag. III. 2) Immo et sumtuosa celebrare convivia, vel iisdem interesse. Lusibus uti ab ancipiti fortunae eventu pendentibus (Hazardspiele) et cuicun-

que ludendi generi cum nimia animi propensione, aut cum studiorum officiorumque status neglectu indulgere. 4) Frequentare choreas, inhonesta spectacula, aut oblectationes quascunque cum virtutis aut famae periculo conjunctas. 3) Denique cohabitare cum mulieribus, de quibus possit haberi suspicio, aut nimis familiari cum foeminis consuetudine uti, Tit. de de cohabit. cler. et mul. *)

*) De his, quae animarum curatorum intuitu famularum speciatim observanda sunt, differitur in der theolog. praft. Monatschrift 5 Jahrg. 2. Bd.

§. 23.

Ecclesia Latina eam disciplinam adoptavit, ut clerici in majoribus ordinibus constituti, ut clerici in majoribus ordinibus constituti batus. vitam coelibem agere teneantur. Quare ex lege quoque nostra de matrimonio lata dd. 16. Jan. 1783. §. 21. conjugium valide inire nequeunt. Praeterea cum fama percrebuisse de tollenda in terris Austriacis legem coelibatus, speciali decreto dd. 11 Jun. 1767. publicatum est, non esse eam mentem Augustissimi, ut hac in re quidquam immutetur. Quam vero ratione clerici concubinarij aut de consuetudine turpi cum mulieribus suspecti, postquam frustra admoniti fuerint, gradatim essent puniendi, conc. Trid. sess. 25. cap. 14. de reform. accurate praescripsit.

§. 24.

Oportet clericum in omni externâ specie, Modestia corporisque habitu eam praeferre modesti- externa.

a m, quae omnium aestimationem in se convertat. *) Vestitu utatur honesto, et patentem tonsuram deferat. Vestitus vero clericorum primis temporibus a communi laicorum habitu nec formâ nec colore, sed solâ vestis modestiâ discernebatur. Quod hodie inter unum alterumque obtinet discrimen, inde profectum est, quod clerici partim usum vestium oblongarum Romanis familiarem tum quoque retinebant, cum consuetudo vestibus utendi brevioribus, per barbaros imperii occidentalis provinciis potius inuenta, invaluisset, partim quod monachos imitabantur, qui studio poenitentiae incitati vili humilique vestitu sese a laicis discernere solebant. Simile quid a monachis repetitum, tonsurae clericali originem dedit. Unusquisque igitur his in rebus id sequatur, quod aut statutis aut moribus cuiusvis dioeceseos praescriptum esse noverit; certe enim qui a more communi illis in rebus insigniter declinat, is vanitatis minutiarumque studium ostendit, populoque praebet offensionem. **) Armorum quoque usus, nisi forte ad sui aliorumque defensionem iisdem praesertim in itinere opus sit, clericis interdicitur.

*) *Sic decet omnino clericos in sortem Domini vocatos vitam, moresque suos omnes componere, ut habitu, gestu, incessu, sermone, aliisque omnibus rebus nil nisi grave, moderatum, ac religione plenum praesferant.* conc. Trident. sess. 22. cap. 1. de reform.

**) De vestitu, tonsuraque clericorum plura reperies in der theol. prakt. Monatschrift 3. Jahrgang. 2. Bd.

§. 25.

Occupationes clericis interdictae, Occupationes clerico
 tanquam statui clericali indecorae, praecipuae nes clero
 sunt. 1) Negotiatio, quâ coemuntur merces, prohibita.
 ac dein cum quaestu aliis venduntur, 2) ser-
 vitia militaria, nisi forte urgente necessitate
 publicâ clericis mandato summae potestatis
 imponantur, 3) munus procuratoris, nisi
 causam propriam, vel ecclesiae, vel paupe-
 rum respiciat, item munus iudicis in causis
 mere profanis; 4) ars chirurgica, 5) omne
 genus artis manuarum, quod communi existi-
 matione vile ac sordidum reputatur, 6) ve-
 natio, saltem si modum excedat, animum-
 que perturbet, aut si detrimentum vel mole-
 stiam aliis pariat, aut cum neglectu officiorum
 suorum, aut occupationum nobiliorum con-
 jungatur. Tit. de cleric. venat.

§. 26.

Occupationibus clerico interdictis adnu- Statuta in
 meranda est legibus nostris testamentifac- Austria ra-
 tio. Etenim non licet clericis, testamta tione testa-
 aliorum conficere, ne eo quidem excepto ca- mentorum,
 su, ubi nemo alius scribendi gnarus adest, ita,
 ut testamentum a clerico confectum vi omni
 destituatur. Clerici quidem seculares ut te-
 stes testamentarii adhiberi possunt, nequa-
 quam vero regulares, quorum testimonium
 irritum iudicatur. 4. Sept. 1771. 25. Jul.
 1772. *) Neque qui e regularium numero in
 curâ animarum sunt expositi, testes testamen-
 tarii esse possunt. nisi, votis religiosi legiti-

me dispensatis, ad statum cleri secularis transferint, 2. Jun. 1785. 20. May 1786.

* Decreta haec abrogatâ videntur per novum codicem civilem universalem, qui omnes leges ac consuetudines huc spectantes annihilavit. (vide Kundmachungspatent.) Dolliner Darstellung des Rechts geistl. Personen §. 35. Antea clerici regulares nullo modo testes testamentarii esse poterant; idem etiâ in §. 591. novi codicis civilis tanquam regula statuitur, sed ex §. 597. testes legitimi declarantur in testamentis, quae conficiuntur in itineribus maritimis, aut in locis huc pestifera vel alioquin contagiosa infectis. Legitimos testes testamentarios etiam illos habere fas est, qui quamvis non directe saecularisati, ejusmodi tamen dignitatibus gaudent, vi quarum ex politicis legibus ordini addicti non amplius censentur. Vide §. 537. novi cod. civil.

§. 27.

Officium curae animarum. Clericis per ordinem presbyteratus tam potestas conceditur, quam munus imponitur praedicandi verbum Dei, ac sacramenta administrandi. (§, 100.) Cura igitur animarum officium est essentiale presbyterorum omnium quâ talium, cui renunciare, saltem ubi necessitas ipsorum ministerium postulat, nullâ ratione licet. Nostris quoque legibus supponitur, a quovis clerico simul curae animarum operam dari, 3. Mart. 1792. Enitendum igitur omnibus, ut se ad officium hoc, quantum possint, reddant idoneos, tum disciplinis sacris animum semper magis magisque excolendo, utque, ubi sacerdotium susceperunt, negotiis et functionibus curae animarum summo zelo incumbant.

§. 28.

Ad Deum precari peculiare est clerici officium, tum quia precatio sacra singulare est virtutis adjumentum, tum quia ministri sacri est, pro populo deprecari, exemplo pietatis aliis praelucere, cultumque Dei publicum celebrare. Ecce fundamentum, cui innituntur horae canonicae, quae psalmodiâ, lectionibus ex sacrâ scripturâ et sanctis Patribus excerptis; variisque precibus sacris constant. In antiquâ quidem ecclesiâ eae ad cultum publicum clero populoque communem spectarunt, iisque clerici omnes illâ in ecclesiâ, ad quam ordinati erant, interesse debuerunt; subsequis vero temporibus partim ad chorum a solis clericis celebrandum, partim ad preces privatas a singulis recitandas restrictae sunt. Uti ergo antiquitus officium fuit clericorum, horis canonicis interesse, quamdiu nimirum illae ad cultum divinum publicum pertinuerunt, ita et postea consuetudo invaluit, pluribus deinceps conciliorum canonibus confirmata, ut quisquis in ordinibus majoribus esset constitutus, aut beneficium ecclesiasticum possideret, horas canonicas tidie recitare teneretur. *)

*) Videatur elucubratio de speciali obligatione clericorum ad precationem sacram in *der theolog. prakt. Monatschrift* 2. Jahrg. 2. Bd. contenta. Canon. 9. Dist. 92. cap. 1. et 9. de celebr. miss. Conc. Basil. Sess. 22. can. 5. Lateran. V. Sess. 9. §. statuimus.

§. 29.

Jura praecipua clericorum. Privilegium fori.

Officiis clericorum, quae jam exposuimus, praecipua quaedam jura respondent, quo pertinet privilegium fori, servitorum, canonis et competentiae. *) Privilegium fori jure communi in eo positum est, quod clerici tam actionibus civilibus personalibus conventi, quam de criminibus accusati non alium nisi ecclesiasticum judicem agnoscant. Privilegium hoc, quod concessioni duntaxat principium sive expressae sive tacitae in acceptis est referendum. (I. §. 257.) sublatum est in Anstria ita, ut causae omnes profanae non nisi a iudicibus secularibus pertractentur; gaudet tamen clerus nostris quoque legibus foro quodam privilegiato. Nimirum respectu fori clericorum causae civiles, criminales, mere ecclesiasticae, et mixtae sunt discernendae.

*) Clero Hungariae singularia competunt privilegia. Episcopi et praelati gaudent jure suffragii in comitiis imperii. Immunes sunt clerici a tributis ordinariis, vectigalibus, et mansionibus militaribus. Regulariter privilegio fori fruuntur.

§. 30.

Forum clericorum in causis civilibus.

In causis civilibus, sive ad mercenarium, sive ad nobile iudicis officium pertineant, clerici non nobiles primum vi constitutionis de an. 1784, qua iudiciorum forma constituta est, (Jurisdictionsnorme) iudicibus ordinariis, deinde decreto dd. 11. Mart. 1791 magistratibus urbium proximis subiecti sunt. Postea vero litteris Augustissi-

mi dd. 25. Mart. 1802 jurisdictionio in clericos etiam non nobiles foro nobilium cujusque provinciae (Landrecht) est delata. Eam ob rem iidem tum in computandis taxis judiciariis, tum quoad mortuarium, quod vocant, nobilibus aequiparantur, 4. Aug. 1802. Neque liberum est eisdem, foro huic privilegiato renunciare; 26. Oct. 1504. Ceterum clerici, tanquam testes in judicio comparantes, non minus ac alii cives ad jusjurandum adigi possunt, 11. Sept. 1784. Generatim forum nobilium clericos non nobiles spectat in causis tantum personalibus, aut in concursu circa bona eorum exorto. Decr. 17. Apr. 1777. *Konkursordnung vom 1. May 1781.* Qua actores sequuntur forum accusati; siquà vero querelà ipsi petuntur de jure reali, quoad bonum immobile, causa pertinet ad illud forum, cui bonum subest. Norma jurisdictionis §. 9. Clericus debitorum causa custodiae personali tradendus ea solum conditione consistorio in custodiam committitur, ubi iusta creditoris argumenta non adfunt, quibus de certa atque stricta satisfactione sibi debita dubitet. 14. Mart. 1786 pro Bohemia.

§. 31.

Clericus reus delicti civilis ejusdam ex illorum delictorum numero, quae in codice criminali (*Gesetzbuch über Verbrechen und schwere Polizeyübertretungen*) continentur, in causis proprie criminalibus foro criminali, in delictis gravioribus contra leges de discipulis In delictis civilibus.

linâ publicâ commissis (Schwere Polizeyübertretungen) foro politico subest, 3. Mart. 1792. *) Statuitur vero in praedicto codice p. 1. §. 221. p. 2. §. 284. 285., tam inquisitionem, quam iudicium de clericis delinquentibus in delictis proprie criminalibus ad magistratum urbis principis provinciae, (Magistrat der Hauptstadt) in delictis gravioribus contra leges de disciplina publicâ commissis ad praefecturam circuli (Kreisamt) pertinere, cui sit potestas, si locus sit magis dissitus, aut gravitas negotij id exigat, commissarium circuli ablegandi, in causis vero levioribus, aut si ipsi inquisito levamini esse videatur, inquisitionem iudici loci (Ortsobrigkeit) aut alii magistratui deferendi. Sententia criminalis ex praescripto praefati codicis p. 1. §. 446. ante publicationem iudici superiori (Obergericht) unâ cum actis transmittenda est, qui de delicto clerici, latâque desuper sententiâ eum in finem episcopum certiozem reddit, ut is quoad depositionem aut degradationem rei, quod necessarium visum fuerit, decernat; atque intra triginta dierum spatium, quid hâc in re factum sit, iudici superiori renunciât, quo termino frustra elapso sententia promulganda est, et executioni mandanda.

*) Decretum hoc dd. 3. Mart. 1792, iudicia clericorum definiens pro Gallicia occidentali promulgatum est sub dato 26. Aug. 1797.

§. 32.

Quoad actus
muneris sa-
cri.

Quod attinet actus muneris sacri
proprie tales, doctrinam ac disciplinam eccle-

fasticam, clerici suis subsunt episcopis, in quorum potestate est, delictorum mere ecclesiasticorum reos poenis ac poenitentiis mere ecclesiasticis afficere, 17. Mart. 1791. §. 3. n. 2. Delictorum vero mere ecclesiasticorum reus sit clericus, peccans contra officia, ipsis jam ordinibus, nedum habito respectu ad curam animarum, annexa, exempli gratia, cum ministerium sibi incumbens vel prorsus negligit, vel non eo, quo oportet, modo adimplet, cum statuta canonica de vitae honestate clericis conveniente non observat, cum vel nimio ludendi studio vel ebriofitate, vel suspectâ cum mulieribus familiaritate, pudorem modestiamque violat. Delicta hujusmodi quod attinet, solius est episcopi, tum in reum inquirere, tum iudicium ferre, poenasque ac censuras ecclesiasticas delicto convenientes irrogare, 3. Mart. 1792. §. 1. Ut sunt, suspensio a sacrificio missae, a munere praedicandi, confessiones excipiendi; — jejunia, sacra exercitia etc.

§. 33.

Clericus, quatenus in curâ animarum est constitutus, simul ministerio reipublicae In caussis mixtis. fungi censetur, unde et negotia ad curam animarum pertinentia, et delicta eo sub respectu perpetrata pro caussis mixtis reputantur. Itaque delicta quidem leviora, quae interiorem solum disciplinam respiciunt, neque ullam ad rempublicam habent relationem, poenis ecclesiasticis ab episcopis corriguntur. Quodsi vero ad avertenda delicta poenae ec-

clericalia non sufficiant, sed civiles, uti privatio beneficii, aut suspensio a perceptione fructuum, necessariae esse videantur, si delicta sint ejus generis, ut scandali publici, accusationumque ansam praebeant, si rem publicam generatim, aut instituta civilia peculiariter, quorum cura rectoribus animarum incumbit, concernant, si legum civilium observationem, exoptatumque rerum publicarum successum impediunt, tum causae cognitio utrique foro, et ecclesiastico et civili, ita communis est, ut tam ab episcopo, quam a praefecturae circuli commissarii delegentur, qui communi consilio in reum inquirant, et de peracta inquisitione ad regimen provinciae referant, 3. Mart. 1792. §. 3. *)

*) Antequam praefata constitutio emanasset, jam statutum fuit, accusationes contra clericum, quae res ad mores, munus sacrum, ac disciplinam pertinentes respiciant, exceptis iis, ubi de transgressione legum civilium agatur, immediate non nisi ad consistorium episcopale, tumque demum ad regimen provinciae esse deferendas, si quis de retardatione aut iniquitate judicii contra consistorium conqueratur. 11. Apr. 1786. Causae, quae injustas stolarum exactiones concernunt, a foro politico, communicato cum consistorio episcopali consilio, componuntur. 17. Mart. 1791. §. 3. n. 3. Diebus dominicis et festis curatores animarum neque a iudicibus neque a praefecturae circulorum ullam ob causam in jus vocandi sunt. Ibid. §. 4. n. 3. Item tum praefecturae circulorum, tum magistratus inferiores vitia in explendo sacro munere, factaque legibus contraria primum ad forum ecclesiasticum, ac tum demum, si remedium malo non adferatur, ad regimen provinciae deferre jubentur, neque

potestate sibi concessa in contemptum auctoritatis episcopalis, et injuriam ministrorum ecclesiae abuti, sed in gerendis cum curatoribus animarum negotiis observare moderationem ac observantiam, quae statui ecclesiastico ob summam, quam reipublicae adfert, utilitatem debetur. Ibid. n. 4. Dolliner §. 43.

§. 34.

Gaudet etiam status clericalis privilegio servitiorum, quo imperantis beneficio ab illis eximitur ministeriis, quae cum officiis sacris vix possunt conciliari. Quo pertinet imprimis exemptio a militia, per legem novissimam de militari conscriptione editam dd. 25. Oct. 1804. §. 3. 14. clericis confirmata. Item immunitas a tutelis et curatelis, quarum intuitu clerici sine dubio officialibus publicis (*Staatsbeamten*) adnumerantur, quibus, licet invitis tutela a iudice deferri nequeat, liberum tamen relinquitur, munus tutoris suscipere, si vel testamento dati sint, vel jure sanguinis vocati. Vid. cod. civil. p. 1. cap. 5. §. 23.

§. 35.

Privilegium canonis, quod cano- Privilegium
ne 15. concilii Lateranensis II. a Gratiano canonis,
can. 29. c. XVII. qu. 4. relato nititur, in eo
situm est, quod in excommunicationis poenam incidat, quisquis in clericum vel monachum modo injusto violentas manus injecerit, aut facti ejusmodi violenti jussu, consilio, vel adprobatione confors factus fuerit. In

Auftrià tamen poena haec excommunicationis absque consensu principis locum habere nequit. Itaque talis caussa communiter a delegatis politicis et ecclesiasticis cognoscitur, et sententia ab episcopo quidem fertur, attamen ante promulgationem a summo principe est confirmanda, 17. Jun. 1775, (I. §. 256.) Porro in honorem cleri legibus nostris statutum est, ut siquis habitum clericalem deferens per apparitores ad carcerem ducendus sit, is vel in curru, aut sellà gestatorià clausà, vel tempore noctis eo perducatur, 22. Jul. 1780.

§. 36.

Privilegi-
um compe-
tentiae.

Vi privilegii competentiae clerico obaerato, qui solvendo non est, tantum ex redditibus permitti debet, quantum ad congruam statui sustentationem possit sufficere, quin eo adigatur, ut mendicando, aut quaestu quocunque sordido victum quaerat. Quam ob rem ex decreto dd. 8. et 15. Jul. 1791, bona beneficiaria quoad substantiam nullo prorsus modo, quoad fructus vero, quorum et perceptio et administratio ad clericum pertinet, eà solum ratione tam retentioni judiciali (Berboth) quam executioni subjacent, ut ante omnia clerico debitori sustentatio congrua tercentorum florenorum annuatim inde percipiendorum salva relinquatur.

Articulus tertius.

De clero regulari.

§. 37.

Differendum est hoc loco: 1) de statu *Divisio* regularium generatim, 2) de ordinum religiosorum discrimine, et quibusdam speciebus nominatim, 3) de illorum officiis et obligationibus, 4) de superioribus regularibus, 5) de acquisitione et administratione bonorum temporalium. Quâ in re diversas libet distinguere periodos, quibus religiosorum ordinum in terris Austriacis recentior historia quodammodo notatur. Piissimae memoriae Imperatrix M. Theresia clerum regularem suarum ditionum variis jam modis reformare coepit, emittendae professioni religiosae justam aetatem praelibens, acquisitioni bonorum lege amortisationis limites ponens, studiorum rationem meliorem reddens, abusus denique varios e medio tollens. Majores vero coepit progressus reformatio sub Imperatore Augustissimo Josepho II. sublatis exemptionibus, monasteriis ad minorem numerum redactis, monachis in curâ animarum constitutis, bonisque illorum ad commune religionis bonum impensis. Leges denique recentissimae, non abolitis quidem, quantum ad rei caput pertinet, legibus anterioribus, eo collinant, ut clerus regularis a pristina integritate paulatim digressus redintegretur; disciplina collapsa restituatur, religiosi tum religionis tum reipublicae bono diversimode utiliores reddantur.

§. 38.

Status regu-
larium ge-
neratim.
Origo.

Primis jam ecclesiae temporibus erant, qui vocarentur Ascetae, ab aliis fidelibus solitaria severiorique vivendi ratione distincti. Praefertim vero seculo tertio, grassante sub Decio Imperatore crudelissimâ persecutione, Christiani quam plurimi in loca abdita fugiebant, ibique vitam ejusmodi solitariam sectabantur, inde monachorum nomen adepti. Seculo quarto Pachomius monachos hos hucusque distractos ad ineundas sub uno capite societates coegit. Dein in oriente Basilii eosdem ad urbes primus convocavit. In occidente vero Benedictus seculo sexto certae regulae monachos subiecit, quae ad seculum usque undecimum monasteriis omnibus communis fuit. Post illud vero tempus paulatim tot tamque diversa religionum ordinum tum mendicantium, tum equestrium, genera inventa sunt, ut ipsi etiam concilii Lateranensis IV. et Lugdunensis II. canones, quibus novorum ordinum erectio interdicebatur, effectu carerent.

§. 39.

Notio.

Attributa essentialia, quae genuinam de regularibus notionem constituunt. in eo collocantur: 1) eosdem certam regulam *) ab ecclesiâ approbatam profiteri, tenerique vitae rationem ad illam instituire. 2) Vivere in communitate, suisque superioribus subesse, 3) vota solemnia paupertatis, castitatis, et obedientiae emittere. Status

vero clericalis, originetenus a statu monastico omnino distinctus, recentiori demum aetate cum eodem conjungi coepit, unde more hodierno inter regulares alii sunt clerici, alii fratres conversi, quorum illi decantandis horis canonicis, curae animarum, aliisque functionibus sacris inserviunt, hi operibus manualibus, servitiisque domesticis occupantur. **)

*) A regula ordinis bene distinguendae sunt constitutiones seu statuta, quae nonnisi sunt receptae regulae definitiones accuratiores, nec non nova additamenta. In terris nostris prohibitum est nova statuta in provincialibus monasteriorum capitulis componere. 15. Dec. 1785. Dolliners Darstellung ic. §. 52.

**) Professi minus idonei, necdum majoribus ordinibus initiati, qua fratres conversi ad negotia domestica sunt applicandi; jam ordinati vero ad animarum curam minime unquam admittendi. 17. Junii. 1784.

§. 40.

Facultatem recipiendi tyrones ad religiosos ordines leges nostrae variis modis Receptio
tyronum. coarctant. Et 1) illis quidem monasteriis, quae in educandam juventutem, aut tradendis altioribus disciplinis versantur, tot licet recipere tyrones idoneos; quot eum in finem sint necessarii, reliquis vero numerus praefixus est. 25. Mart. 1802. §. 2. 2) Ingressus tyronum nonnisi absoluto philosophiae cursu permittitur. Ibid. §. 3. 3) Si studiosus theologiae, qui vel in seminario episco-

pali sustentatur, vel extra illud stipendio ex fundo alumnatus fruitur, ad institutum quoddam regulare bonis propriis instructum recipitur, tenetur istud fundo alumnatus impensas factas refarcire. 17. Febr. 1797. 4) Neque quisquam sive ex dioecesi episcopali, sive ex provinciâ ordinis alienâ ullo pacto recipi potest, nisi praeter testimonia studiorum ac morum dimissionem quoque episcopi, aut superioris regularis adferat. 9. Jan. 1805. 5) Quodsi recipiatur tyro ex ordine scholarum piarum, qui plures jam annos absoluto novitiatu sumtibus ordinis sustentatus fuit, ordini illi sumtus reddantur necesse est. 14. April. 1802. 6) Alienigenae sine speciali aulae consensu imposterum prorsus non recipiantur, 3. Maj. 1805. Ordini piarum scholarum permittitur excipere statim post transactos cursus Gymnasiales. 26. Maj. 1796. Momentum ordinum antistites in seligendis et recipiendis tyronibus morum probitatem et ingeniorum praestantiam maxime respicere, ut eo certius succrescat egregiorum seges pastorum. 3. Mart. 1807. — Eiusmodi adolescentes, qui absque gravi causa monasterio sunt egressi, non ita facile admittantur in alterum, multo vero minus ii clerici aut novitii, quibus ob defectus sive morales sive phycos a superioribus abeundi consilium datum fuerat. 14. Apr. 1802. — Absque testimonio scholae normalis, quo materiis doctrinalibus et methodo bene imbutus declaratur, in ordinem nemo est recipiendus. 13. Sept. 1777. — Parentes Austriae subditi liberos suos sine praevia principis permissione monasteria extranea intrare

prohibeant; si tamen id fecerint, hujusmodi subditorum liberi utriusque sexus consensum emigrationis nunquam consequantur, 11. Sept. 1779. — Fratrum ordinis misericordiae provincialis superior sine praevia petitione tyrones potest recipere pro necessitate atque facultate bonorum; sed annuis exhibitionibus id regimini provinciae notificet. 2. Maj. 1785. 17. Dec. 1787.

§. 41.

Statuit concilium Tridentinum sess. 22. Novitiatus. cap. 15. de regular., ne professio religiosa in quocunque instituto regulari sive virorum sive mulierum nisi praevio unius saltem anni novitiatu emittatur, ita ut, si secus fiat, irrita sit. Neque instituto regulari neque tyroni liberum est, legis hujus beneficio renunciare. Computandus est annus novitiatus a tempore susceptae vestis religiosae de momento in momentum, neque unquam interrompendus. Siquis tamen finito novitiatu egressus postea rursus ad monasterium revertatur, novitiatum denuo subire non tenetur. Ceterum quibus in locis novitiatus ex constitutione ordinis longiori temporis spatio ultra annum hucusque perdurare solebat, eà in re concilium nihil immutare voluit.

§. 42.

Novitiis autem plenissima egrediendi Libertas
 e monasterio libertas relinquenda est. Inde egressus.
 ex praescripto concilii Tridentini sess. 25.

cap. 16. de regul. obligatio quaecunque in favorem monasterii a novitio contracta, etiam si jure jurando confirmata, omni vi caret, nisi quae fit intra duos menses proximos ante professionem, obtentâ ab episcopo ejusve vicario facultate, eâque sub conditione, ut professio reipsâ sequatur. Legibus quoque nostris vota temporaria novitiorum, voventium, sese, donec professionem religiosam emiserint, e monasterio non egressuros, irrita declarantur. 27. Jul. 1782. Quodsi novitius egreditur e monasterio, aut dimittitur, id a superioribus indicandum est tum illius parentibus tum regimini provinciae, cujus etiam est, curare, ut monasterio sumtus itineris, siquos forte interea novitio egresso suppeditaverit, a parentibus vel propinquis refarciantur. 4. Maj. 1781.

§. 43.

Exactiones pro receptione novitiorum vitatae. Ex praescripto canonum nullâ ratione licet, pro receptione tyronum quidquam exigere. Exactio hujusmodi pro simoniâ habetur, quae praetextu inopiae monasterii nunquam potest excusari, eo quod concilium Tridentinum sess. 25. cap. 3. de regular. diffuse praecipit, non majorem tyronum numerum esse ad monasteria recipiendum, quam qui ex redditibus monasterii aut consuetis elemosynis commode sustentari queant. Tenentur etiam secundum leges nostras monasteria, religiosi suis victum, vestitum, medicamenta, aliaque vitae necessaria subministrare, quin propterea a parentibus vel propinquis

quidquam exigant. 20. Mart. 1772. Porro severe interdictum est, ne tyrones jurejurando obstringerentur ad sumtus sustentationis, si forte ante editam professionem e monasterio essent egressuri, refarciendos. 24. Oct. 1783.

§. 44.

Emissio votorum solemnium in ordine religioso ab ecclesiâ approbato professio religiosa vocari solet. Quae ut vim habeat, requiritur 1) aetas praescripta. Et in terris quidem Austriacis annus vigesimus quartus completus professioni praefixus est, eaque, si ante illam aetatem fiat, nulla et irrita declaratur. 17. Oct. 1770. (Pro Galliciâ occidentali 1. Maj. 1797.) Eam ob rem interdictum fuit, ne novitii ad monasteria extera, in quibus lex illa non obtineret, in fraudem legis transferrentur. 17. Jul. 1782. Constitutione autem novissimâ dd. 25. Mart. 1802, venia facta est, ut si quis trinum jam annorum spatio non interrupto in monasterio constitutus omni hoc tempore mores praesetulerit inculpatos, absoluto anno aetatis vigesimo primo ad professionem religiosam admitti posset; id quod tamen ad monasteria monialium nequaquam pertinet. 7. Jul. 1802. *) 2) Professionem religiosam oportet esse prorsus liberam, et ab omni coactione immunem, eamque tum error essentialis, tum vis quaevis injusta irritam reddit. 3) Neque ullo modo jura tertii per illam violanda sunt. Unde nec obaerati, aut ratiociniis obnoxii, nec

poenae publicae subjecti neque militares ante dimissionem suam ad emittendam professionem religiosam idonei judicantur. Conjugati quoque ad eam admitti nequeunt, nisi alter conjux vel ipse consentiat, continentiamque vovent, vel adulterii reus fiat, aut vero matrimonium nondum sit consummatum, alterque conjugum intra duos menses post initum matrimonium ordinem religiosum ingredi velit. **) 4) Denique annus probationis, seu novitiatus praescriptus (§. 41.) professionem antecedit, necesse est.

*) Ne autem unquam dubitari possit, utrum professio in maturâ aetate emissâ sit, nuperrime cautum est, ut in schedulâ professionis dies et annus ipsius professi manu, idque non notis numerorum, sed litterarum characteribus exprimeretur. 16. Jun. 1807. In Hungariâ quoque aetas anni vigesimi quarti completi ad emittendam professionem religiosam praescripta est decreto regio dd. 27. Maj. 1774. Recentioribus vero decretis permissum est, ut anno vigesimo primo completo professionem deponere liceret.

**) Jure canonico communi matrimonium nondum consummatum per votum solemne infra duos menses ab inito matrimonio editum ab una parte quamvis renitente altera dissolvitur. Id vero fieri nequit iuxta leges nostras, quibus statutum est, matrimonium validum inter conjuges catholicos nonnisi morte alterius dissolvi posse, sublato omni discrimine inter matrimonium ratum aut consummatum. Cod. civ. §. 111.

§. 45.

Egressio ex ordine religioso, emissâ Modi, qui professione, triplici duntaxat modo locum habet: 1) Declaratione nullitatis, quae ex ordine ex praescripto concilii Tridentini sess. 25. cap. 19. de regul. intra quinquennium a die factae professionis computandum coram superiore ordinis ac ordinario petenda est, habitu tamen regulari antea nequaquam deposito. Interdicunt leges nostrae, ne causae nullitatem professionis religiosae concernentes ad curiam Romanam pertrahantur. 27. Nov. 1788. 2) Dispensatione, seu secularisatione, quae tamen, ut usus obtinet, nonnisi modo quodam limitato concedi solet, eâ scilicet lege, ut dispensatus quidem vitam extra monasterium degendi, haereditates capiendi, et de rebus suis testamento disponendi veniam nanciscatur, in reliquis vero substantialia votorum, quantum in eo statu commode fieri possit, servare teneatur. Preces pro obtinendâ secularisatione ad episcopum deferendae sunt, 25. Jan. 1782, eaque, sive a curiâ Romanâ sive ab episcopo concedatur, singulis in casibus placito regio confirmari debet. 3. Jan. 1803. 3) Transitu ab uno ordine ad alium, a laxiori duntaxat ad strictiorem permisso. Depulsio religiosi inemendabilis ex monasterio in terris nostris absque speciali superiorum veniâ ad id obtentâ, locum habere vix potest. Profugi et apostatae a magistratu seculari apprehendi, et ad monasterium remitti solent. Dolliner Darstellung §. 87.

§. 46.

Diverſa genera religioſorum ordinum. Religioſorum ordinum diverſa ſunt genera. Et 1) quidem notandi ſunt monachi ſeu coenobitae, qui antiquam S. Benedicti regulam retinuerunt: licet mutatis temporum locorumque adjunctis diverſimode accommodatam. 2) Canonici regulares, S. Auguſtini regulam obſervantes, de quorum origine alio in loco (l. §. 213.) mentio facta eſt. 3) Ordines equeſtres et hoſpitaliariorum tempore expeditionum cruciatarum exorti, quo pertinet ordo Teutonicus, et Johanniticus ſeu Melitenſis. 4) Mendicantes ex ordine S. Dominici, et S. Franciſci, item Eremitae, ut Carmelitae, et Auguſtiniani, proprie ad extirpationem haereſium, et ad ſubſidium curatoribus animarum praefandum inſtituti. 5) Clerici regulares, quales ſunt religioſi ſcholarum piarum et Barnabitae. 6) Denique Moniales, quae varias rursus religioſorum ordinum regulas ſequuntur. In ordinibus S. Benedicti, canonicorum regularium, et monialium ſtabilitas loci obtinet, in aliis ab uno conventu in alium migrare moris eſt.

§. 47.

Moniales. De monialibus ſpeciatim notandum eſt, 1) Abbatiffam, prioriffam, et quocumque alio nomine praefecta ſeu praepoſita appelletur, et ſive ad dies vitae ſive ad certum tempus conſtituatur, eligendam eſſe aetate non minorem annis quadraginta, et quae

octo annis post editam professionem in monasterio vixerit; quodsi talis in monasterio non reperiatur, ex alio ejusdem ordinis monasterio sumendam; aut si hoc incommodum videatur superiori, qui electioni praesit, ex iis, quae in eodem monasterio annum trigesimum excefferint, et quinque saltem annis post professionem recte vixerint, eligendam. Conc. Trid. sess. 25. cap. 7. de regul. Electio perfecta censetur, cum duae tertiae suffragiorum in personam electae consentiunt; si vero adfit solum majoritas votorum, parti minori liberum est, votis majoribus accedere, ut duae tertiae expleantur. Sin beneficio accessus non possit datarum partium consensus obtineri, electio, in quam etiam major tantum pars consenserit, confirmari potest, siquidem exceptiones ponderosae non opponantur. 2) Monasteriis monialium visitator seu commissarius specialis ab episcopo praeponi solet. 3) Puellae monasterium ingressae, antequam habitum regularem suscipiant, item novitiae, antequam professionem emittunt, circa vocationem, et qualitates requisitas per delegatos episcopi examinantur. Conc. Trid. sess. 25. cap. 17. de regul. 4) Confessarii monialium peculiari indigent missione seu approbatione episcopi; singulis vero annis aliquoties praeter confessarium ordinarium alius extraordinarius admitendus est. Ibid. cap. 10. 5) Clausura monialibus arctior praescripta est; neque enim ipsis extra casum necessitatis e monasterio unquam egredi licet, neque aliis sine

speciali veniâ ab episcopo impetratâ ad monasterium accedere. Ibid. cap. 5.

§. 48.

Ordo Teu-
tonicus.

Ordo Teutonicus, in terris quoque Austriacis receptus, partim equitibus, partim clericis constat. Utrique vota emittunt solemnia, regulamque S. Augustini profitentur, communem tamen vitam non degentes; de bonis etiam suis certis sub conditionibus disponendi potestatem habent. Sublatis exemptionibus episcopo ordinario in negotiis spiritualibus subsunt. Jurisdictio in membra ordinis in causis profanis, quibusdam tamen limitibus circumscripta, ipsi ordini legibus nostris concessa est, eaque de re existat singularis constitutio dd. 5. Jul. et 8. Nov. 1766. 3. Febr. 1791. 11. Dec. 1795. Ad capiendas haereditates eâ conditione habiles judicantur, ut ipsis contra facultas testandi a superioribus ordinis non facile denegetur. 7. Jul. 1791. Ordo Teutonicus partim propriis instructus est parochiis, quibus religiosi istius ordinis praeficiuntur, partim jure patronatus in quasdam parochias gaudet, ad quas clericos seculares praesentat; illae parochiis conventui religioso incorporatis, hae parochiis secularibus equiparantur. 11. Sept. 1785. De parochiis posterioris, non prioris generis vacantibus fructus intercalares cedunt fundo religionis. 23. Aug. 1804.

§. 49.

Sublatio Occasione novi instituti parochiarum,
quorundam quod in terris nostris anno 1783, initium

cepit, complura quoque collegia religiosa, et monasterio-
 monasteria sublata fuere. Quippe ea sola rum.
 adhuc persisterunt, quae vel ad curam ani-
 marum in parocciis incorporatis administran-
 dam, vel ad subsidium animarum curatoribus
 praestandum necessaria videbantur, vel edu-
 canda juventute, curandisve aegrotis occupa-
 bantur, certo religiosorum numero singulis
 constituto, quo tamen neque expositi in pa-
 roeciis, neque corporis infirmitate aut senio
 confecti continentur. Reliqua monasteria pro
 superfluis habita cum aliis ejusdem ordinis
 adhuc persistentibus unita sunt. 24. Oct.
 1783. Monasteria vero Carthusianorum et
 Camaldulensium, item monialium ex ordine
 Carmelitarum S. Clarae, et S. Francisci pror-
 sus omnia sunt sublata. 12. Jan. 1782. Ea-
 dem fors obtigit ordini, quem vocant, Ter-
 tiorum, item eremitis, et anachoretis. 24.
 Febr. 1782. Constitutione Augustissimi dd.
 25. Mart. 1802, cautum est, ne ullum in
 posterum monasterium aboleatur, aut cum
 alio jungatur, illis solum exceptis, a qui-
 bus nihil ultra subsidii pro curâ animarum
 sperare licet; utque monasteriorum sublato-
 rum in integrum restitutioni tam diu locus
 non sit, donec subsistentibus de necessario re-
 ligiosorum numero provisum fuerit; nisi forte
 rationes peculiare occurrant, ob quas resu-
 scitatio cujusdam monasterii utilis videatur.

§. 50.

Officia regularium professione religio- Officia re-
 sâ nituntur, quae constat votis obedientiae, ligiosorum.

Observatio
votorum.

paupertatis, et castitatis. Voto obedientiae, obligatur professus, ut superiorum mandatis quibuscunque regulae ordinis conformibus, neque legi sive civili sive ecclesiasticae adversis prompte obediat. Paupertas monachorum originetenus proprie in eo sita fuit, ut solo labore manuum ipsi sibi alimenta procurarent. Progressu temporis partim propriis monasteria facultatibus instructa sunt, partim collectis eleemosynis sese sustentabant. Hodie autem voto paupertatis ea vis inest, ut nemini regularium quidpiam proprium habere liceat, sed quidquid singuli pro usu suo aut tenent, aut acquirunt, id toti collegio vel monasterio proprium sit, neque ullus habeat potestatem, de re aliqua disponendi, nisi cum permisso superioris, qui coetum universum repraesentat, sive expresso, sive tacito, vel generali vel speciali. Collecta mendicantium in terris Austriacis interdicta sunt, iique sustentationem e fundo religionis percipiunt; solis fratribus misericordiae, et monialibus S. Elisabeth collectio eleemosynarum ad pauperes in nosocomio sublevandos permittitur. 24. Oct. 1785. 29. Sept. 1785. Votum denique castitatis obstringit professos ad fervendam continentiam vitae coelibis; et matrimonium emisso voto illo initum lege quoque nostrâ de matrimoniis latâ est irritum. Codex civ, §. 63.

§. 51.

Disciplina
regularis.

Quoad disciplinam regularem
peculiaris quedam notanda sunt, quae legibus

nostris statuuntur. Et 1) quidem statuta cujusvis ordinis, conditioni temporum accommodata, neque ullis decretis principum immutata, confirmata sunt constitutione Augustissimi dd. 25. Mart. 1802. §. 6. *) 2) Jubentur regulares habitum ordinis deferre, ita tamen, ut peregrinantes, aut in curâ animarum constituti, aut aliis negotiis ruri occupati cum permisso superioris veste breviori, et fusci coloris amiculo (Ueberrock) uti possint, ibid. §. 12. 3) Summa sustentationis pro quovis religioso necessaria, in consignatione reddituum (Fassion) expressa religiosis nequaquam ipsis tradatur, sed omnes sumptibus monasterii communiter sustententur. Ibid. 4) Cantus choralis clamorosus valetudini noxius interdictus est, praescriptumque, ut vel moderatus sit cantus, vel officium divinum clarâ solum voce recitetur, 21. Aug. 1786. 5) Monasteria, quibus jus est cauponandi, (Muschank) extra moenia, vel saltem in loco separato tabernas habeant. 20. Mart. 1772. 6) Prohibitum est monasteriis, carceres habere domesticos; monachi poenâ digni castigationi quidem paternae subjiciantur, attamen duntaxat in consuetis cubiculis inclusi detineantur, jejuniumque ipsis non nisi alternis diebus imponatur, ceterum victus sanitati proficiuus ac sufficiens porrigatur. 31. Aug. 1771. 17. Jun. 1783.

*) Decreto dd. 14. Aug. 1784. mandatum est, ut loca aut expressiones in constitutionibus ordinum, quae legibus caesareis quoquo modo adverfantur, penitus deleantur, aut chartâ supra glutinatâ regantur. Circa constitutionem cleri-

cis regularibus scholarum piarum propriam singularia quaedam statuta sunt rescriptis caesareis dd. 24. Maj. 1806. et 17. Mart. 1808.

§. 52.

Ministerium Legibus nostris regulares presbyteri ad
curae anima- subsidium in curâ animarum, et institu-
rum. tione juventutis ferendum obligantur. Re-
 centioribus tamen decretis cautum est, ne in
 posterum ad beneficia secularia promoveantur. 20. Jan. 1802. 25. Mart. 1802. §. 10. Neque in parochiis secularibus cooperatores officio fungi, sed ad tempus solum, ab episcopo definiendum, subsidium ferre tenentur; porro in superioris est potestate, religiosum talem ad tempus expositum, siquidem monasterium ipsum operâ illius indigere videatur, consentiente episcopo avocare, aliumque in ejus locum substituere, ibid. §. 11. Ejusmodi religiosi, curatores animarum ad tempus supplentes, iis in locis, ubi redditus parochiae ad sustentandum cooperatorem non sufficiunt, sumptibus monasterii sustentari debent. 3. Nov. 1787.

§. 53.

Observanda Cum antea regulares quamplurimi ad cu-
de religiosi ram animarum in parocciis secularibus essent
in parocciâ constituti, sancitum est constitutione dd. 25.
seculari ex- Mart. 1802. §. 10., ut religiosi ejusmodi
positis. scripto profiterentur, utrum omni vitae tem-
 pore curae animarum operam dare vellent,
 an potius facultatem, ad monasterium redeun-
 di, sibi integram servare. Nihilominus tamen mi-

nus liberum est episcopis, eos quoque, qui in curâ animarum persisteré se velle professi sunt, nec tamen a votorum vinculo legitime soluti, siquidem male se gesserint, ad monasterium, ut ibidem coerceantur ac emendentur, sive ad tempus sive in perpetuum ablegare. 10. Jan. 1805. Qui vero facultatem, ad monasterium redeundi, sibi reservaverunt, idque in una dioecesi scripto declaraverunt, ii neque ab episcopo alterius dioeceseos adigi possunt, ut curae animarum perpetuo deserviant, sed ut ad tempus duntaxat, retento habitu regulari, curatores animarum suppleant. 20. Jan. 1803. Porro decreto dd. 15. Oct. 1803. praeceptum est, 1) dimissionem eorum, qui ad monasteria redire se velle professi sint, ab officio curae animarum non nisi paulatim locum habere, quatenus nimirum adsit numerus tyronum cleri secularis ad vicem illorum explendam sufficiens, quod ab episcopo sit definiendum. 2) Qui vero consilium ceperunt, curae animarum perpetuo operam navandi, iis dispensationem a votis per episcopum, vel a sede pontificiâ gratis procurandam. 3) Eisdem pro meritis ad beneficia etiam secularia promoveri posse. 4) Quodsi ad curam animarum inhabiles fiant, eos iisdem subesse legibus, quibus clerici seculares utantur. 5) Ad monasteria redeuntes teneri, statuta ordinis observare, sique ob male facta eo ablegati sint, disciplinae regularis severitate coercendos esse, si autem de curâ animarum bene meriti fuerint, senioque confecti, benigne ac liberaliter tractandos. Caeterum tenentur regulares, ubi necessitas

exigit, curam animarum temporaneam in se fuscipere. 15. Oct. 1803.

§. 54.

Superiores
ordinum.

Superiores ordinum illorum, in quibus obtinet stabilitas loci, principem locum tenentes, abbates scilicet et praepositi, ad dies vitae canonice eliguntur, secundarii vero, quos priores aut decanos vocant, ad certum tempus constituuntur. In ordinibus, ubi mutatio loci in usu est, superiores triplicis sunt generis: generales ordinum, qui universo ordini, provinciales, qui monasteriis uniis provinciae, et superiores loci, rectores, priores, guardiani, qui singulis monasteriis praesunt. In terris autem Austriacis nexus monasteriorum cum provinciis et superioribus exteris in rebus tum spiritualibus tum profanis, excepta confociatione quoad suffragia et preces, penitus sublatus est, omniaque monasteria a superiore provinciali indigena reguntur, episcopo, ac regimine provinciae supremam illorum curam gerente. 24. Mart. 1581. *) Id quod constitutione quoque saepius memorata dd. 25. Mart. 1802. §. 7. ea ratione confirmatur, ut quae alioquin secundum statuta cujusvis ordinis superiori generali competunt jura officiaque, episcopis tribuantur. Ibidem §. 9. religiosi, qui superiores esse desierunt, officioque suo laudabiliter functi sunt, denuo conceditur, ut praerogativis per statuta ordinis introductis, attamen decreto caesareo dd. 25. Jan. 1784. sublatis, uti possint, quatenus non obstant

bonae disciplinae regulari, quam omnes sine discrimine dignitatis servare tenentur.

*) Eadem constitutio in Hungariâ quoque recepta est.

§. 55.

Abbates et praepositi suffragiis omnium Electio su-
 capitularium canonicè eliguntur; superiorum.
 res secundi generis ab abbate aut praeposito
 vel libero delectu; vel praeviâ electione capi-
 tularium nominantur, quâ in re consue-
 tudo cujusvis loci servanda est. In reliquis
 monasteriis provinciales ordinis, ac superio-
 res locales a capitulo provinciae, quod con-
 sstat provinciali, universis superioribus locali-
 bus, et definitoribus, eliguntur, electiones
 vero hujusmodi, uti et statuta quaecunque ca-
 pitularia, antea vim ac effectum non habent,
 quam ab episcopo, cui etiam convocatio ca-
 pituli prius indicanda est, confirmantur, re-
 gimenque provinciae de factâ electione certius
 fiat. 25. Mart. 1802. §. 8. Numero religio-
 sorum semper decrescente, facultas data est
 religiosi ordinibus, ut superiores etiam elap-
 so tempore, quo illorum potestas juxta statuta
 ordinis circumscribitur, denuo eligi aut no-
 minari possent. 31. Maj. 1803. Ceterum
 in superiorem monasterii, et multo minus
 universae provinciae, nisi indigena, adsumen-
 dus non est. 20. Mart. 1772. Dollinera
 Darstellung §. 72.

§. 56.

Potestas superiorum ordinis consiat Potestas su-
 *) potestate disciplinari, potestati patris, periorum.

ac heri non abfimili, vi cujus praecipere pof-
 funt, quaecunquae ad disciplinam, ordinem-
 que interiorem neceffaria judicaverint, modo
 legibus univerfalibus nequaquam adverfentur,
 13. Mart. 1785; b) potestate oeconomicâ,
 adminiftrandi videlicet bona ac redditus mo-
 nafteriorum; c) jurifdictione fpirituâli
 in religiofos fibi fubditos, quam ab epifcopo
 obtinent. (I. §. 225.) Speciatim fuperiorum
 provincialium jus eft atque officium, vifitan-
 di monafteria, vitiaque corrigendi; tenentur
 tamen de peractâ vifitatione ad epifcopum re-
 ferre, neque prius res gravioris momenti ab
 ipsis decretas, nifi forte in mora fit periculum,
 exfequi poffunt, quam impetrato epifcopi,
 et quandoque etiam regiminis provinciae con-
 fenfu. Iidem religiofos ab uno monafterio
 in aliud ejusdem provinciae transferendi ha-
 bent potestatem, dummodo tali translatione
 fundo religionis onus novum non imponatur.
 Item jus puniendi exercent, fi delictum non
 eft ejus generis, quod ad forum civile fpec-
 tat, poenas tamen longius duraturas exequi
 nequeunt, nifi approbante epifcopo; ei vero;
 qui poena afficitur, liberum femper relinqui-
 tur, ad epifcopum, fiquae is oppreffo fuccur-
 rere detrectet, ad regimen provinciae provo-
 care. 25. Mart. 1802. §. 9.

§. 57.

Officia fu-
 periorum.

Officiâ fuperiorum ordinis in eo re-
 deunt, ut potestate fibi concessa in bonum
 monafterii utantur, quod tamen femper ad
 fines fublimiores ecclefae ac reipublicae re-

ferendum hisque postponendum est. Monentur praelati in constitutione §. 15., ut disciplinae ac ordinis regularis quam maximam curam gerant, exemplo virtutum subditis prae luceant, caveant a sumptibus immodicis in sua ipsorum commoda faciendis, nec quidquam, quod gravioris sit momenti, decernant, nisi religiosis piissimis ac prudentissimis in consilium adhibitis. Quapropter quantum fieri potest, semper in collegiis seu monasteriis suis commorentur, eumque in finem, si qui inter deputatos ordinum provincialium locum teneant, quorum collegia seu monasteria longius ab urbe distent, ita inter se conveniant, ut siquidem duo sint deputati ex ordine praelatorum, singuli alternis vicibus per trium vel sex mensium spatium in monasterio seu collegio, si unus sit, is saltem quatuor mensibus per annum domi commoretur, et intra hoc tempus ab alio, qui jus adfidenti statibus provincialibus habeat, suppleatur.

§. 58.

Exemptiones omnes monasteriorum, Exemptiones et quarumcunque domuum religiosarum a jurisdictione episcoporum (I §. 53.) constitutione caesarea dd. 11. Sept. 1782. penitus sublatae sunt. Nec ullum deinceps privilegium pontificium vim habet, quod in concedenda ejusmodi exemptione versetur. Siquae porro conventiones inter episcopos et monasteria circa materiam exemptionum initae fuerint, eae prorsus nullae sunt ac irritae. Libera est potestas episcoporum, fungendi mu-

nere suo pastorali in omnes tum personas antehac exemptas, tum loca exempta, sive visitando, sive disciplinam ecclesiasticam in melius mutando; sive regulares ad curam animarum administrandam transferendo. Alia quoque privilegia pontificia religiosis ordinibus sive immediate sive per communicationem concessa, licet exemptionem a jurisdictione episcoporum non respiciant, omni tamen carent effectu, si legibus patriis universalibus repugnant, aut generatim ostendi nequit, eadem placito regio, ad exsequendam qualemcunque constitutionem pontificiam etiam dudum jam editam necessario, esse confirmata. 17. Mart. 1791. §. 3. n. 1.

§. 59.

Bona temporalia. Lex amortificationis.

In acquirendis bonis temporalibus ordines religiosi per leges amortificationis, quae in Austria obtinent, restringuntur. (L. §. 286.) Legibus istis pervetustis translatione quaecunque bonorum immobilium in manus cleri sine consensu principis facta irritatur. Imperatrix M. Theresia leges has non confirmavit solum, verum etiam acquisitioni bonorum mobilium modum posuit. Statuit igitur, ut quae dotis nomine ad monasterium, aut domum religiosam quamcunque transferri possit pecuniae summa, neque mille et quingentos florenos Rhenanos excedat, neque aliis rebus quam mobilibus constet, utque eà summa, quidquid monasterio illatum sit, comprehendatur. Reditus annui vero religioso quidam ad dies vitae obvenientes, qui vita-

litii nomine veniunt, ne ultra ducentos florenos annuos assurgant; eo, unde reditus illi proveniunt, (Stammvermögen) ad fundum publicum foenori dato, ac post obitum religiosi ad haeredes illius legitimos redeunte. Reliqui acquisitionum modi quicunque sublatis sunt, exceptis missarum, aliisque similibus foundationibus, quae tamen si fiant, pecuniae summa nequaquam monasterio tradenda, sed in fundo publico est collocanda. 26. Aug. 18. Nov. 1771. *) Prohibentur etiam monasteria inire contractus, quibus pecuniae summam, reservatis alteri ad dies vitae usuris, acquirerent. (Leibrenten-Kontrakte) 28. Aug. 1779. Nec licet novitiis de bonis nedum sibi propriis sed imposterum demum acquirendis per actus ultimae voluntatis disponere. 1. Apr. 1780. Idem si quidquam legant ad pias causas, id in summam legitimam mille quingentorum florenorum computandum est. 17. Dec. 1780. Recentiori tamen decreto nonnullis ordinum institutis, quae bonis vix sufficientibus neque immobilibus instructa sunt, nominatim monialibus S. Ursulae, S. Francisci Salesii, S. Elisabeth, fratribus ac sororibus misericordiae, clericis regularibus scholarum piarum, aliisque regularibus, qui vel instituendâ juventute, vel curandis aegris occupantur, permissum est, ut dotem majorem usque ad summam trium millium florenorum acquirere, et acceptare possent. 13. Jun. 1804. Speciatim fratribus misericordiae ad tempus indefinitum concessa est facultas, capiendi haereditates, ita tamen, ut summa haereditatis in quovis casu regimini provinciae

indicanda efflet. 16. Aug. 1605, Eadem facultas facta est instituto moniali angelicarum, 9. Maj. 1805., item S. Urfulae, 19. Jul. 1805. et S. Elifabeth. 3. Oct. 1806. Idem concessum est Salesianis monialibus 14. Jul. 1808, et patribus piarum scholarum 10. Dec. 1812, et nuperrime Mechitaritis, qui ad tempus indefinitum a lege amortisationis liberi, et recuperandorum bonorum mobilium vel immobilium per actus inter vivos et mortis causa capaces sunt declarati, dummodo factas acquisitiones regimini provinciae indicarint, ut illud in cognitione status facultatum hujusmodi institutorum permaneat. Hoc vero jus acquirendi solum ad tempus indefinitum et proprio nomine immediate concessum est; nequaquam eo sensu, ut etiam haereditatis partem debitam (*Pflichttheil*) aut ab intestato, singulorum membrorum ex cognatis sibi vindicare possint, Quinimmo hujusmodi legationes in favorem professorum acquisitionis impotum irritae prorsus declarantur, 10. Mart. 1809. Moniales tamen angelicae bona mobilia valide quoad membra singularia sibi acquirere posse videntur, 11. vel 21. Maji 1774. 6. Maj. 1805.

*) In Hungariâ cautum est, ut ordinem religiosum ingressi ex bonis avitis nonnisi decimam partem portionis haereditariae, nullatenus tamen summam 50,000 florenorum excedentis, exigendi jus habeant, neque parentibus liceat, majorem summam iisdem tradere vel legare; de bonis vero acquisitiis nihil omnino consequantur, nisi ex liberâ parentum dispositione. 27. Maj. 1774.

§. 60.

Quae de administratione bonorum Administrarum, quibus regulares instructi sunt, statutio bona reperiantur, sequentia sunt: 1) Prohibentur negotia gerere cambialia. 20. Mart. 1772. 2) Aeraria provinciae alias usitata (Provinzfassen) sublata sunt, decretumque, ut in singula monasteria distribuantur. 1. Apr. 12. Jul. 1775. 3) Interdictum est gravissime, ne pecuniae in exteris provincias transmittantur, 28. Jan. 1775. 4) Non licet monasteriis, quidquam bonorum suorum alienare absque consensu summi imperantis. 5. Oct. 1782. 5) Neque pecuniam mutuari sine permisso regiminis provinciae, 16. Oct. 1783., id quod etiam ad parochos et cooperatores ad curam animarum in parochiis regularibus administrandam constitutos spectat. 27. Nov. 1789. 6) Nihil vero obstat, quo minus nomina solvant, a creditoribus exacta, etiam non requisito consensu regiminis, 10. Febr. 1791. 7) Sylvae et fodinae monasteriis propriae speciali curae subsunt praefectarum rei sylvestris (f. f. Forstämter) 13. Dec. 1788. 8) Feuda a concessione monasteriorum pendentia, siquidem aperta fuerint, in allodia convertenda sunt. 8. Jan. 1789. Denique injunctum est monasteriis, ut pro aestimatione reddituum, quorum consignatio exhibenda fuit, certam pecuniae summam annuatim ad fundum religionis conferrent. *)

*) Uberius tota haec materia tractatur in Dolliners Darstellung u. s. w. §. 82 — 89.

Religioso-
rum ex sub-
latis mona-
steriis habi-
litas capien-
di haeredi-
tates.

Religiosi ex monasteriis sublatis ad statum cleri secularis transgressi, item moniales, quarum monasteria abolita sunt, et quae ad aliud monasterium adhucdum persistens non transmigraverint, tam parum, quam religiosi dispensatione legitimâ a votis liberati, ea, quae, dum monasterium persisteret, reliquis haeredibus laicis ab intestato succedentibus reipsâ jam obvenerunt, repetere possunt. 9. Nov. 1781. Verum a tempore aboliti monasterii gaudent jure, sive successione haereditariâ, sive alio quocunque modo legitimo dominium acquirendi. Bonorum tamen immobilium, aut pecuniarum acquisitionum nonnisi usus fructus ipsis permittitur, interdictâ alienatione inter vivos, relictâ vero potestate liberâ, mortis causa de iisdem prohibitu disponendi, ea solum lege, ut ne legatum vel haereditas ad exterum, aut subditum Austriacum extra patriam degentem dolvevatur. 30. Aug. 1782. *) Defunctis ex sublato quodam monasterio religiosi, qui beneficium curatum possederint, ad statum tamen cleri secularis cum facultate testandi legitime translati nondum fuerint, pars tertia bonorum ab iis relictorum cedit ecclesiae, cui deservierunt; quemadmodum id intuitu parochorum e clero seculari statutum est. 25. Oct. 1784. Quodsi religiosi e sublatis monasteriis vel intestati decedunt, vel externos haeredes instituunt, successionis ordo legibus praescriptus locum habet, sique propinqui aut plane desint, aut extra terras haeredita-

rias habitent, haereditas a fisco occupatur. Decretum hoc, uti illud etiam, quod litteris patentibus dd. 30. Aug. 1782. supra memoratis continetur, ad fratres quoque conversos pertinet. 6. Nov. 1786. Porro religionis monasteriorum sublatorum respectu legitimae ex haereditate parentum capiendae eadem, ac aliis liberis, jura competant, dummodo testator, sublato jam monasterio, e vivis excedat. 28. Dec. 1786.

*) Idem intuitu religiosorum ex sublato ordine Societatis Jesu decreto caesareo dd. 4. Jun. 1774. statutum fuit. In Hungaria religionis ex sublatis monasteriis, qui ex fundo religionis Hungarico pensionem percipiunt, facultas testandi adempta est, etiam tum, ubi in provinciâ haereditaria germanica e vivis excedant. 18. Mart. 1806. Ex decreto recentiori dd. 6. Febr. 1810. n. 1. testandi jus liberum de facultatibus suis mobilibus et immobilibus conceditur religionis ordinum sublatorum, qui pensiones percipiunt ex fundo religionis aut studiorum hungarico, in terris haereditariis germanicis degunt, ad conventum in Hungaria adhuc existentem non pertinent, et jure acquirendi et testandi in regno hungarico gaudent; siquidem facultates illae sunt in provinciis germanicis, atque eo pacto, ut ne legata extra fines statuum caesareo regionum transferantur.

abrogata

§. 62.

Monachi quoque ordinum illorum, in quibus stabilitas loci non obtinet, ex monasteriis, tametsi adhucdum persistentibus, ad curam animarum avocati, parochique aut capellani locales constituti, tamen facultate

|Item religiosorum in curâ animarum expostorum.

praediti sunt, de bonis suis testandi; si vero intestati decedunt, dividenda est haereditas secundum ordinem successionis pro clericis secularibus praescriptum in tres partes, quarum una pauperibus, altera consanguineis, tertia ecclesiae obvenit. 20. Apr. 1780. Idem obtinet intuitu eorum, qui extra monasteria cooperatorum in curâ animarum officio funguntur; namque illi pari potestate gaudent, bona acquirendi, ac de rebus suis per actus ultimae voluntatis disponendi; sique absque testamento decesserint, idem successionis ordo servandus est. 12. Dec. 1788. Attamen habilitas ista tum testandi, tum haereditates capessendi ex praescripto constitutionis saepius memoratae dd. 25. Mart. 1802. eatenus solum locum habet, quatenus monachi illi in curâ animarum omni vitae tempore perfistere se velle professi fuerint. (§. 53. *) Bona religiosorum defunctorum, qui in parochiis collegio seu monasterio incorporatis expositi erant, monasterii sunt, quod vicissim tenetur tum curatores animarum sustentare, tum domum ecclesiamque parochialem suppeditatis omnibus, quae necessaria sunt, sartam tectam servare. 23. Oct. 1784. Presbyteri quoque ex mendicantium ordine, qui in parochiâ monasterio unitâ cooperatoris munus obtinent, eoque nomine salarium quoddam e fundo religionis percipiunt, facultate testandi destituuntur, eorumque haereditas monasterio cedit. 25. Oct. 1788.

*) Secundum leges Hungariae haereditas religiosi ex sublato quodam monasterio, in cura animarum constituti, cedit fundo religionis, siqui-

dem defunctus pensionem perceperit, alias vero provinciae ordinis. 12. Oct. 1802. Regulares in regula testari non posse, statuitur in cod. civili §. 537., ubi etiam habentur exceptiones ab ea regula. Dolliners Darstellung u. s. w. §. 70.

Caput secundum.

De personis ecclesiasticis in sensu strictiori, seu de officiis, beneficiisque ecclesiasticis.

§. 63.

Agendum est hoc capite 1) de officiis ac beneficiis ecclesiasticis generatim, 2) de instituto parochiarum in Austria speciatim, 3) de modis, quibus vacant beneficia, et vacantia conferuntur; unde caput hoc in tres articulos dividitur. Divisio capituli.

Articulus primus.

De officiis ac beneficiis ecclesiasticis generatim.

§. 64.

Munus clerici, vi cuius certa ecclesiae Notio officii et beneficii ecclesiastici. negotia administrare, functionesque sacras peragere tenetur, officium ecclesiasticum dici solet. Qui tali officio fungitur, omni

jurè exigit a coetu fidelium, ut honesta ipsi vitae sustentatio subministraretur, eo quod ad explendum officium suum operam omnem industriamque collocando, de vitae necessariis alio acquirendi modo sibi ipse prospicere impediatur. Matth. X. 10. I. Corinth. IX. Est vero officium ecclesiasticum vel temporarium, mutationique obnoxium, vel perpetuum et immutabile. Posteriori casu conjunctum est cum jure perpetuo percipiendi sustentationem officio annexam, eoque respectu beneficium ecclesiasticum, seu prae-benda vocatur. Ex quo patet, non omnia officia ecclesiastica simul esse beneficia, illaque ad ministerium sacrum, haec ad sustentationem ministerio annexam referri.

§. 65.

Origo beneficiorum.

Primis ecclesiae temporibus ministros sacros voluntariis fidelium oblationibus esse sustentatos, compertum est. Saeculo circiter quarto proprias possessiones liberalitate Imperatorum, aliorumque nacta est ecclesia, quarum redditus ex arbitrio episcopi maximam partem ad alendos clericos impendebantur. Invaluit tum consuetudo in Ecclesia Latinà, ut redditus hi in quatuor partes, quamvis non omnino aequales, pro episcopo, pro clero, pro fabricà ecclesiae, seu fartis tectis, et pro pauperibus distribuerentur. Postea saeculo circiter sexto non raro solebant episcopi parochis ruralibus sustentationis loco ulumfructum praediorum, quae intra fines paroeciae sita erant, concedere, idque initio modo dunta-

xat precario ac revocabili, paulatim vero coeperunt bona ejusmodi iisdem etiam in perpetuum conferre, officioque ecclesiastico lege stabili addicere, unde beneficia ecclesiastica originem duxerunt. Nomen autem beneficii a bonis feudalibus ad redditus ecclesiasticos translatum est, quemadmodum et doctrina juris ecclesiastici de beneficiis cum principiis juris feudalis maximam habet similitudinem. *)

*) Vide Vanespen jus eccles. univ. p. 2. tit. 18. cap. 1.

§. 66.

Quae notionem beneficii ecclesiastici (§. 64.) conficiunt, attributa essentialia sequentia sunt: 1) Officium sacrum; unde neque laici beneficiorum ecclesiasticorum capaces sunt, neque jus utendi et fruendi proventibus ecclesiasticis, concessum cuiquam ob munus aliquod profanum in utilitatem ecclesiae explendum, beneficium dici potest. 2) Jus perpetuum percipiendi redditus; ex quo sequitur, beneficia, quae vocantur manualia, pro lubitu concedentis revocabilia, qualia sunt capellaniae, seu missae fundatae presbytero cuidam modo precario concessae, item vicariae temporales, non esse veri nominis beneficia. 3) Ut erectum sit beneficium auctoritate legitimae potestatis ecclesiasticae, quae et officium ecclesiasticum constituerit, et fundationem sustentationis eidem annexae acceptaverit.

Attributa
essentialia
beneficii.

Divisio be-
neficiorum.

Dividuntur beneficia ecclesiastica 1) in simplicia, et curata; curata dicuntur, quibus cura animarum annexa est, reliqua simplicium nomine veniunt. Legibus nostris beneficia simplicia in curata converti iustum est, omnibusque beneficiorum simplicium possessoribus imposita est obligatio, ut sive quâ parochi, sive quâ cooperatores curae animarum operam navent. 24. Oct. 1783. Sunt quidem prae bendae canonicorum in ecclesiis cathedralibus beneficia simplicia, quae vero consistunt adhuc, cum canonici consilio suo profint episcopo. 9. Febr. 1784. 2) Dividuntur in beneficia majora, quibuscum jurisdictio ecclesiastica pro foro externo conjuncta est, qualia sunt episcopatus, et praelaturae, et minora, quae jurisdictionem hujusmodi externam conjunctam non habent, ut beneficia parochialia. 3) In beneficia electiva, in quibus electio canonica a capitulo instituenda locum habet, collativa, quae ab episcopo libere conferuntur, et patronata, ab eodem ad praeviam praesentationem ejus, qui jure patronatus gaudet, conferenda. 4) In beneficia secularia, quae non nisi clericis secularibus tribui possunt, qualia praesumuntur omnia, donec probetur contrarium, et regularia, quae vel ex naturâ suâ clero regulari propria sunt, ut abbatiae, vel per incorporationem collegio regulari seu monasterio accesserunt. De utrisque valet regula, beneficia secularia secularibus (§. 52.) regula-

ria regularibus esse conferenda. cap. 5. cap. 32. de praebend. in 6.

§. 68.

Officia eorum, qui beneficium eccle- Officia be-
 stasticum obtinuerunt, sequentia sunt: 1) neficiario-
 Beneficium adeuntes tenentur publicam ede- rum.
 re coram episcopo fidei professionem,
 cui simul promissio jurata obedientiae canoni-
 cae episcopo praestandae adnexa est. Conc.
 Trid. sess. 24. cap. 12. de reform. 2) Tenen-
 tur sacro, quod cum beneficio conjunctum
 est, ministerio diligenter fungi, benefi-
 cium enim est propter officium, Neque offi-
 cio suo, extra casum impedimenti inevitabi-
 lis, satisfaciunt constituendo vicarium, quip-
 pe cum officium personae inhaereat, et in
 beneficii collatione specialis personae industria
 eligatur. 3) Obligantur ergo strictissime,
 praesertim si beneficium curatum est, ad re-
 sidentiam, quo nomine venit assidua com-
 moratio in loco beneficii eum in finem, ut
 ministerium sacrum beneficio adnexum prae-
 stetur. (I. §. 194. 236.) Neque aliter quam
 in casu collisionis cum officio sublimiori chri-
 stianae charitatis, obedientiae, item curae
 pro bono ecclesiae aut reipublicae gerendae,
 ab hac residentiae necessitate liberantur. Conc.
 Trid. 23. cap. 1. sess. 24. cap. 12. de reform.

§. 69.

Tam e fine, ob quem beneficia ecclesia-
 stica instituta fuere, quam ex officiis benefi-

Vetita be-
 neficiorum
 pluralitas.

ciariorum supra commemoratis manifestum est, vetitam esse beneficiorum pluralitatem, siquidem haec vel in locis diversis sunt constituta, adeoque lex residentiae servari nequit, vel utrumque, licet in eodem loco existens, peculiare tamen eodem tempore ministerium postulat, vel denique unum alterumque sufficientem jam praestat sustentationem. Inde orta est divisio beneficiorum in compatiblea, et incompatiblea. Leges Austriacae interdicunt, nequis clericus duo beneficia curata simul possideat. 10. Febr. 1785. Eam ob rem statutum est, 1) ut qui duo beneficia curata possideret, alterutri renunciare teneretur, 2) idemque locum haberet, siquis beneficium simplex, quod exigit residentiam, unâ cum beneficio curato diversis in locis possideret, 3) ut beneficium curatum cum alio quoque officio ecclesiastico, v. g. secretarii consistorialis, aut rectoris seminarii conjungi nequeat, 4) ut possessor duorum beneficiorum incompatibleorum, qui alterutri libere renunciare detrectaverit, eo beneficio privaretur, quod recentius adeptus sit, 5) plura vero beneficia simplicia, aut beneficium simplex et curatum, modo lex residentiae possit servari, aut beneficia simplicia cum officiis ecclesiasticis in unâ eademque personâ conjungi possent. 14. Nov. 1785.

§. 70.

Erectio beneficiorum.

Erectio beneficiorum fit partim fundatione, quâ quis ad perpetuam sustentationem clerici, cui certum officium sacrum in

ecclesiâ aliquâ obeundum sit, dotem sufficientem assignat, partim acceptatione ecclesiae, et confirmatione principis. Ad erectionem igitur beneficii requiritur: 1) Definitio officii sacri in ecclesiâ quâdam obeundi, 2) assignatio congruae sustentationis pro beneficiario, sufficienter stabilita, 3) praecautio, ne per erectionem beneficii jura tertii violentur, approbatio potestatis tum civilis, tum ecclesiasticae, in quâ concedendâ ratio habenda est, utrum officium sacrum, quod fundator intendit, bono ecclesiae, ordinique tum circa cultum externum tum circa curam animarum praescripto re ipsa conveniat, deinde dos assignata sitne sufficiens ac in tuto posita, demum illi, quorum interest, quique eam ob rem prius audiendi sunt, nihilne habeant, quod juste opponant.

§. 71.

Quoniam foundationes piae, legitimâ auctoritate confirmatae, sancte servandae sunt, facile intelligitur, beneficiorum innovationem vulgo illicitam esse, valereque regulam: beneficia ecclesiastica sine diminutione conferantur, cap. un. ut benef. eccl. sine dimin. conf. Justis solummodo caussis id exigentibus, antecedente superiorum auctoritate, illisque, quorum interest, auditis, innovatio ejusmodi fieri potest. Modi vero, quibus innovantur beneficia, varii sunt: 1) unio beneficiorum, 2) incorporatio, 3) divisio, 4) diminutio, 5) dismembratio, 6) retentio, 7) suppressio, seu extinctio.

§. 72.

Unio beneficiorum,

Unio beneficiorum contingit, si ex duobus beneficiis fit unum, estque vel temporalis, ac personalis, quae fit duntaxat in favorem personae, eaque expirante similiter expirat, vel perpetua, et realis, si fit intuitu ecclesiae, impostero semper permanens. Unio perpetua et realis triplici modo fieri potest, a) per aequalitatem, in eo solummodo posita, ut utraque ecclesia uni, eidemque rectori subjiatur, priori ceteroquin utriusque ecclesiae statu integro servato, b) per subjectionem seu accessionem, cum una ecclesia alteri tanquam inferior superiori subjiatur, unde illa filialis, haec matrix dici solet, c) per confusionem, quando ambo beneficia quoddammodo supprimuntur, ex iisque novum, conjunctis tamen utriusque juribus atque officiis, nascitur. Unio per aequalitatem canonibus minus odiosa est, proinde in dubio praesumitur. Qua ratione unio realis instituenda sit, ex sensu et tenore documenti unionis seu instrumenti judicandum. Si vero locum habuerit dubium, praesumitur unio per aequalitatem, quae a regula §. 71. praefixa et a canonibus minus recedit.

§. 73.

Requisita ad unionem,

Unio personalis, quae non nisi pallium est, quo beneficiorum pluralitas tegatur, universim damnata est a conc. Trid. sess. 7. cap. 4. de reform. Unio realis sub cer-

tis solum conditionibus locum habere potest: 1) Requiruntur iustae causae, quales sunt paupertas alterutrius ecclesiae, propinquitas locorum, penuria sacerdotum. 2) Servandae sunt solemnitates prae-scriptae, in eo positae, ut diligens fiat causae cognitio, iique, quorum interest, rectores nimirum, advocati, et patroni ecclesiae audiantur. 3) Unio fiat interveniente auctoritate ecclesiastica, et accedente consensu principis. Beneficiorum unio legitimâ superiorum auctoritate rursus dissolvi potest, cessante nimirum causâ unionis, aut emergente novo rerum statu, ob quem unio sit noxia, aut si detegatur, conditiones ad unionem requisitas non fuisse servatas. Conc. Trid. sess. 7, cap. 6. de reform.

§. 74.

Unioni beneficiorum quodammodo ac- Incorpora-
 censerî potest incorporatio, quâ benefi- tio benefi-
 cium non beneficio, sed universitati cuidam ciorum.
 seu corpori, v. g. capitulo, monasterio, aca-
 demiae adjicitur. Tres autem sunt species
 incorporationum, quae in terris Austriacis
 usu veniunt: 1) si beneficium quoad jus
 patronatus tantum collegio cuidam in-
 corporatur, quo casu istud aliis juribus non
 utitur, nisi quae cuivis patrono sunt propria,
 2) si praeterea incorporatur quoad tem-
 poralia; tum collegium, cui beneficium
 incorporatum est, praeter jus patronatus gau-
 det etiam jure, percipiendi fructus beneficii,
 salvâ tamen portione congruâ constituendo
 vicario perpetuo debitâ, 3) si incorporatur

pleno jure, id est tam quoad temporalia, quam quoad ministerium sacrum; tunc obtinet collegium jura rectoris principalis, seu pastoris primitivi, teneturque vicario constituendo, qui vulgo perpetuus esse debet, portionem congruam, judicio ordinarii dimetiendam, subministrare. Conc. Trid. sess. 7. cap. 7. de reform.

§. 75.

Vicarii parochiales,

Vicarii parochiales dicuntur; qui vices parochi gerunt, suntque vel perpetui, vel temporales. Vicarii perpetui ii sunt, qui ab episcopo canonice instituuntur, ut paroeciam nomine alterius, qui tum, improprie licet, rector principalis, seu pastor primitivus vocari solet, administrent. Temporales et ad nutum amovibiles sunt qui a parochi pro tempore aut certo aut indefinito ad administrandam illius nomine paroeciam cum consensu episcopi suscipiuntur, vel ad administrandam paroeciam vacantem constituuntur. Vicarii perpetui eandem habent jurisdictionem ordinariam, quae parochis ipsis competit, a rectore principali prorsus non pendentem, cui neque ullâ ratione licet, in officium sacrum vicario impositum sese immiscere; temporales vero parochi suo subsunt, potestatem solum delegatam exercentes, nihilque obstat, quo minus parochus in ecclesiâ vicariali, si velit, functiones sacras ipsemet peragat. Vicarii perpetui jure gaudent perpetuo, percipiendi redditus sibi assignatos, sive hi in universis beneficii fructibus,

sive in parte fructuum, sive in salario fixo consistant, neque diminutio ulla reddituum, neque amotio a vicariatu, deficiente causâ canonicâ, locum habet; temporalibus portio quidem congrua a parochio subministranda est, quae tamen, si res postulaverit, alio modo cum consensu episcopi definiri potest, ipsique vicarii non quidem pro lubitu, id quod omnino administrationi curae animarum detrimentum adferret, attamen ex causis levioribus a vicariatu amoveri possunt. Vicariatus igitur temporales beneficiis proprie talibus accenseri nequeunt, (§. 66.) contra perpetui veri nominis sunt beneficia, quibus plerumque investitura annexa est, in iisque conferendis servari debent, quaecumque intuitu beneficiorum parochialium legibus praescribuntur. *)

*) De hac materiâ legi potest dissertatio de variis speciebus vicariorum parochialium in *der theolog. prakt. Monatschrift* 3. Jahrg. 1. Bd. relata. Materia de vicariis parochiarum qua correctoribus ecclesiae, vicariis aut sociis parochorum, pertinet quidem ad jus ecclesiasticum publicum internum. Sed ob nexum cum incorporatione praebendarum, praemissis nonnullis praeparatoriis, hoc quoque loco non immerito inferitur.

§. 76.

Variae sunt species curatorum animarum, qui vicariis temporalibus adnumerantur: 1) Capellani parochiales, seu cooperatores nonnullis in locis vicarii appellari solent, qui tamen a vicariis proprie talibus in eo differunt, quod hi in ecclesiâ, cui deserviunt, Varias species vicariorum temporalium.

ad universitatem, ut ajunt, caussarum delegantur, proinde et alios subdelegare possunt, illi vero non nisi ut socii et adjutores parochi, qui ipsemet officio sacro fungitur, constituuntur, hinc subdelegandi non habent potestatem. *) 2) Vicariis temporalibus accensentur, qui parochi non residentis aut diutius absentis pro tempore absentiae vices gerunt, ab eodem plenà potestate instructi, quae tamen potestas in detrimentum officii sacri restringi nequit. 3) Eodem modo provisores, quos vocant, parochiales, qui vel in parochià vacante, vel etiam vivo parochi, ob defectus sive physicos sive morales inhabili, ab episcopo constituuntur, ut munus parochiale parochi loco administrarent. 4) Item vicarii, qui in ecclesiis filialibus ab ecclesià matre nondum avulsis pro populo ecclesiae filiali adscripto curam animarum exercent, sive vicarii proprie talis, siquidem ipsis functiones parochiales sine exceptione omnes commissae fuerint, sive capellani expositi, quibusdam functionibus parochi ipsi reservatis, nomen gerant.

*) Differentia haec praecipue effectum habet in administrando sacramento matrimonii; vicarius enim proprie talis alium presbyterum ad assistendum suo nomine matrimonio parochiani substituere potest, quod cooperatori non licet.

§. 77.

Vicarii perpetui.

Vicarii parochiales perpetui duplicis sunt generis: 1) Constituti in ecclesiis parochialibus, quae cum antehac essent filiales,

ab ecclesiâ matre legitime avulsae fuerunt, atque ad ecclesiae parochialis gradum, adoptato tamen vicariatus nomine, evectae. (§. 79.)

2) Tenentes parochiam monasterio aut alteri cuidam collegio incorporatam. (§. 74.) Et de parochiis quidem quoad jus patronatus, aut quoad temporalia tantum incorporatis dubium esse nequit, iisdem vicarios omnino perpetuos esse praeficiendos. Verum in parochiis etiam pleno jure incorporatis in regulâ vicarios ejusmodi perpetuos constituendos esse, canones statuunt, cap. un. de capell. monach. in 6. Itaque dubitandum non est, saltem vicarios de clero seculari in parochiis hujusmodi pleno jure incorporatis constitutos vicariis perpetuis accensendos esse.

§. 78.

Ab his vero aliquo modo differunt vicarii Vicarii pa-
 e clero regulari in parochiis collegio re- rochiales ex
 gularium vel monasterio incorporatis constitu- clero regu-
 ti, utpote qui eatenus solum vicariis perpe- lari.
 tuis adnumerari possunt, quatenus id naturae
 votorum religiosorum non repugnat. Qua-
 propter 1) quoad potestatem sacram vi-
 cariis perpetuis aequiparantur, jurisdictionem
 parochialem ordinariam, immediate ab epi-
 scopo concessam, non a superiore ordinis de-
 legatam, exercent, parochiam soli ac jure
 proprio administrant. 2) Nihilominus quoad
 personam ob emissum obedientiae votum su-
 periori ordinis subsunt, isque non modo
 potest, sed obligatur etiam moribus illorum
 invigilare, curamque gerere, ut officiis suis

tum quâ religiosi tum quâ curatores animarum satisfaciant, quin propterea ipsi muneri pastoralis exsequendo sese immisceat. 3) Idcirco a superiore ordinis a loco quoque suo moveri possunt, ejusque decretis hâc in re morem gerere tenentur. Ne tamen curae animarum detrimentum adferatur, mutationes ejusmodi non ad merum arbitrium superioris, sed iustis solum ex causis cum consensu ordinariatus fieri possunt. *) 4) Denique ob votum paupertatis etiam quoad temporalia dispositioni superioris subsunt, qui tamen congruam semper sustentationem ipsis subministrare tenetur.

*) Decreto caesareo dd. 28. Febr. 1756 pro Moravia edito, et sub dato 14. Dec. 1764 ad Bohemiam quoque accommodato, quo praescriptum fuit, quaenam parochiae imposterum in classem parochiarum regularium reponendae essent, differte etiam declaratur, non licere superioribus ordinum religiosos in parochiis ejusmodi expositos pro lubitu, ac sine consensu episcopi, avocare.

§. 79.

Divisio beneficiorum.

Divisio beneficiorum est actus, quo ex uno beneficio, interveniente legitimâ auctoritate, fiunt duo vel plura. Ad hanc iustae causae requiruntur, quales sunt auctus nimium parochianorum numerus, magnaque locorum distantia, aut molestia viarum, curam animarum difficilem reddens. Declarat concilium Tridentinum sess. 21. cap. 4. de reform. posse episcopum parochias dividentem, prout aequum judicaverit, certam fructuum

portionem ecclesiae matri subtrahere, eamque novae ecclesiae parochiali adjudicare. Ecclesiae vero matri ut competens servetur honor, *) ejusque rectori jus praesentandi competat, canones praecipiunt, cap. 3. de eccles. aedific. Unde et curatores animarum in parochiis ejusmodi a majori parochiâ avulsis plerumque nonnisi vicarii parochiales vocantur. (§. 77.) Constitutionibus vero Austriacis, quibus novum inde ab anno 1783 parochiarum institutum inductum fuit, divisiones parochiarum factae sunt eâ ratione, ut parochis pristinis nec minimum ex redditibus fundatis adimeretur, attamen iisdem neque jus praesentandi, neque singularis ulla praerogativa intuitu parochiae neoerectae tribueretur.

*) Inde experientia teste non raro parochi ecclesiae veteris nonnullae competunt honoris praerogativae relate ad parochiam recenter erectam, v. g. prior locus in ecclesiâ, jus advocatae, jus constituendi aedituum, jus postulandi, ut rector illius ecclesiae certis anni temporibus ad ecclesiam matricem veniat, et similia.

§. 80.

Diminutio beneficiorum contingit, si Diminutio novum beneficio onus imponitur, idque vel beneficiorum personale, hoc est, novum officium beneficiorum, hoc est, vel reale, vi cuius certa pars reddituum, vel pecuniae summa cuidam loco vel personae persolvenda est. Ejusmodi praestatio in signum pristinae subjectionis, aut juris cujusdam abdicati imposita census dicitur, et siquidem in ipsâ beneficii fundatione

imposita fuerit, census antiquus, alioquin novus, si indigenti clerico vel laico in sustentationem concessa, pensio ecclesiastica vocari solet. De diminutione beneficiorum notandum est: 1) Onera personalia, exigente ecclesiae utilitate, pro arbitrio episcopi beneficiis imponi posse, quemadmodum in provinciis Austriacis factum est, injuncta beneficiorum simplicium possessoribus obligatione ad curam animarum administrandam. 2) Onus quoque reale imponi posse in ipsa fundatione tum a fundatore, tum ab episcopo. Ita constat experientia, pluribus in locis, a parochia recentius erecta ad aliam, a qua illa quondam avulsa est, annuam pecuniae summam nomine recognitionis seu absentis (Absendgelt) solvendam esse. 3) Collatores beneficiorum speciali privilegio, praescriptione, aut alio justo titulo acquirere posse jus, percipiendi aliquid ex fructibus primi anni; quo pertinent taxae a nominatis ad parochias caesareas solvendae, *) item probabiliter pecuniae, quas nonnulli patroni a praesentatis pro capiendâ possessione beneficii exigere solent. (Possessgelder.) 4) Ceterum impositio census novi adversatur canonibus, neque aliter nisi exigente speciali necessitate, vocatis iis, quorum interest, obtentoque principis consensu locum habere potest. 5) Speciatim legibus nostris resignationes beneficiorum reservata pensione penitus interdicuntur. 4. Dec. 1784.

*) Ex decreto aulico dd. 21. Jan. 1769, quod refertur in collectione Trattnerianâ decretorum in publ. eccl. p. 1. n. 11., intelligitur, in taxis ejusmodi imponendis primitus rationem

habitam fuisse sanctuum ad conservanda aedificia necessariorum.

§. 81.

Dismembratio species est diminutionis beneficii, quâ eidem pars fructuum detrahitur, alterique beneficio tenuiori adjicitur. Dismembratio, retentio, suppressio. Justa causa dismembrationis adest, cum beneficium unum redditibus superfluis abundat, altero congruam sustentationem non suppeditante. Servandas esse in dismembratione solemnitates ad omnem innovationem requisitas, (§. 71.) dubium non est. Retentio, quae est reddituum vacantis beneficii ad alios ecclesiae usus translatio, pro innovatione habetur propterea, quod de jure communi fructus vacantis beneficii successoribus servantur. Secundum leges nostras fructus intercalares beneficiorum quorumcunque fundo religionis addicuntur. 28. Oct. 1783. *) Suppressio beneficii fieri potest cessante fine, in quem illud erectum est, urgente penuriâ sacerdotum, aut factâ reddituum diminutione tali, ut oneribus beneficii exinde satisfieri amplius nequeat. Hâc ratione in terris Austriacis tum beneficia simplicia complura ad fundum religionis translata esse novimus, ut ita ad majorem ecclesiae utilitatem impendantur, tum nonnullas etiam parochias aut capellanas, locales, absque necessitate neoerectas, ob sacerdotum penuriam rursus sublatas.

*) Legibus Hungariae fructus intercalares tum episcopatum, tum aliorum beneficiorum vacantium regiae majestati cedunt, regiâ tamen beneficentiâ fundo religionis conceduntur.

De statu parochiarum in Auftriâ.

§. 82.

Divisio ma-
teria.

Vt statum parochiarum in Auftriâ rite cognoscamus, agendum est singulatim, 1) de statu parochiarum antiquarum, earum scilicet, quae jam ante annum 1783 exsisterunt, 2) de novâ parochiarum ordinatione inde ab anno 1783 factâ, cum nimirum ad adjuvandam curam animarum, facilioremque reddendam partim novae parochiae aut capellaniae locales erigerentur, partim parochiarum antiquarum ambitus terminis commodioribus definirentur, partim alia cum his cohaerentia statuerentur, 3) de parochiis, quae collegiis regularium aut monasteriis incorporatae sunt, quarum intuitu singularia quaedam observanda veniunt, 4) de mediis occurrendi penuriae sacerdotum lege praescriptis, 5) denique de curâ animarum militari, cujus conditio in terris Auftriacis propriis legibus innititur.

§. 83.

Parochiae
antiquae.

Parochiarum antiquarum status novis legibus immutatus non est, commodiorem finium constitutionem, ubi eâ opus fuerat, si excipias. Cura animarum per parochos proprie tales, per vicarios sive perpetuos sive temporarios, per capellanos locales a parochopendentes, quos expositos vocant, per capel-

lanos denique, quorum aliqui ad ecclesias quoque filiales officii divini celebrandi caussa excurrunt, administratur. Stationes tamen missionariorum antehac usitatae, introductâ tolerantiae lege, sublatae sunt. 17. Jun. 1782. Porro in ecclesiis quam plurimis, in quibus olim officium divinum per capellanos excurrentes peragebatur, rectores animarum proprii sunt constituti. Praeterea parochis in-junctum fuit, ut capellanis expositis exercitium functionum omnium parochialium in loco expositurae concederent. 24. Sept. 1785. Ceterum capellani a parochis, quorum sum-tibus sustentantur, pro parochiis vero regula-ribus a superioribus ordinum praesentantur.

§. 84.

Nova parochiarum ordinatio Nova paro-
partim in parochiis noviter erigendis, par-
partim in finibus parochiarum pro necessitate lo-
dinatio. Re-
corum aptius constituendis versabatur, quo-
gulae pro
circa certae regulae hac in re servandae le-
parochiis
gibus praescriptae sunt *) Et ruri quidem ruralibus.

- 1) parochiam aut capellaniam localem ibi eri-
gendam esse statutum est, ubi parochianis
aditus ad ecclesiam parochialem sive aquis,
sive montibus, sive magnis nivibus hyemis
tempore, sive viarum molestiis difficillimus
reddatur, aut penitus impediatur, 2) ubi lo-
corum distantia ab ecclesia parochiali horae
unius spatium excedat, 3) ubi parochianorum
numerus ultra 700, in viciniâ vero acatholi-
corum ad 500. circiter excreseat. 4) Eorum
locorum praecipuam habendam esse rationem,

in quibus jam adsit ecclesia, ac olim proprium etiam sacerdotem adfuisse ostendi possit. item ubi fundus aliquis suppetat ad clericum sustentandum. 5) Adignationem parochianorum ad hanc illamve parochiam (*Einsparung*) immutandam esse, cum aut curator animarum, parochianos suos visitans, alienam parochiam pertransire cogatur, aut parochianorum aliqui in loco, ubi proprius adest curator animarum, habitent, aut denique iidem alteri ecclesiae multo viciniore sint, a propria remotiores, aut via ad hanc nonnisi longe difficiliori perveniant. 12. Sept. 1782.

*) In Hungaria quoque nova hujusmodi parochiarum constitutio ad effectum est deducta.

§. 85.

Regulae Pro ordinandis parochiis urbium
 pro parochi- statuta sunt sequentia: 1) Parochias multipli-
 is urbium. candas esse pro crescente hominum multitu-
 dine, ne ulli parochiae nimius adscriptus sit
 animarum numerus, neve curatores animarum
 alicubi majori numero in unum cogantur. 2)
 Casuum quoque extraordinariorum, uti mor-
 borum in urbibus saepe latius serpentiū,
 item imminuti, quod olim a monasteriis in
 curā animarum praestaretur, auxilii, rationem
 habendam esse, 3) fines parochiarum ita esse
 constituendos, ne ulla parochia urbis ad sub-
 urbia extendatur, neve parochus per regio-
 nem alterius transire cogatur. 4) Eas eccle-
 sias in parochiales esse deligendas, ad quas
 pro situ loci facilis sit aditus, quarumque
 spatium tantum sit, ut dimidiam circiter po-

puli partem congregatam capere possit. 5) In urbe pro numero 1000 animarum duos assumendos esse sacerdotes; in suburbiis unum pro 700 circiter parochianis. 6) In monasteriis mendicantium, ubi novae parochiae erectae fuerint, parochos semper presbyteros seculares esse debere, (vide tamen infra §. 91.) cooperatores vero constitui posse ex sacerdotibus monasterii idoneis et in examine approbatis. 28. April. 1783.

§. 86.

Quibus igitur in locis secundum regulas supra expositas novis animarum curatoribus opus esse videbatur, ibi vel parochi vel capellani locales constituti sunt, de quibus notandum est: 1) Qui parochias has aut capellantias locales neoerectas possident, a parochis antiquis nulla ratione dependent, eademque, quâ illi, gaudent ordinariâ jurisdictione parochiali, 2) Capellani quoque locales novi generis, a capellanis expositis, eodem olim nomine signatis, probe discernendi; quoad potestatem sacram veri nominis sunt parochi, a quibus nonnisi ob minorem parochianorum numerum, minusque salarium ipsis adsignatum eo nomine distinguuntur. 3) Parochi, capellanique locales novi constitutum sibi salarium percipiunt sive ex fundo religionis, sive ex adsignatis beneficiis simplicibus, 4) Parochis antiquis de redditibus fundatis quidquam detrahi vetant leges nostrae, obligantque novos, ut ipsa etiam jura stolae reddant iis parochis, quibus parochiani antea sube-

Curatores
animarum
in parochi-
is novis.

rant. *) Illas solum praeestationes cessare debere statutum fuit, quas populus ecclesiae quondam filialis, proprio nunc animarum curatore donatus, priori parochi intuitu officii divini certis anni temporibus ibidem celebrati conferre solebat. 24. Oct. 1783. 24. Sept. 1785.

*) Decreto novissimo cautum est, jura strolae parochis antiquis a novis persolvenda impostum in summam annuam immutabilem dimittendam circiter illa summâ, quam quinque annis novissimis effecerunt, convertenda esse. 12. Jul. 1805.

§. 87.

Cooperatores et beneficiarii. Ubi numerus parochianorum plures animarum curatores postulabat, cooperatores suntibus fundi religionis constituti sunt, idque non solum in parochiis neoerectis, sed in antiquis etiam, siquidem parochi redditibus ad sustentandum cooperatorem sufficientibus instructi non fuerant. Illorum vero eadem prorsus et jura sunt et officia erga parochos suos, quae aliorum cooperatorum. Salarium non ipsismet tradendum est, sed parochis, quibus incumbat, illos more in provinciâ consueto sustentare, curamque gerere, ut obligationibus fundatis salario inhaerentibus per eosdem satisfiat. Nominatio eorum, translatioque ab uno loco in alium ab episcopi pendet potestate. 17. Mart. 1791. Victu apud parochum uti jubentur. 16. Oct. 1802. Beneficia simplicia maximam partem aut parochis novis, capellanisve localibus, aut coo-

peratoribus in dotem tradita sunt, aut ad fundum religionis translata. Qui praeterea supererant beneficiarii, ubi vis locorum ad subsidium in cura animarum pro viribus praestandum obstricti sunt; quapropter cooperatorum more paracho loci subsunt.

§. 88.

Curatoribus animarum noviter constitutis pro sustentatione secundum diversitatem provinciarum salarium annuum florenorum 400—600. pro paracho, 300 et 350. pro capellano locali, 150—250 pro cooperatore, adsignatum fuit, ex fundo religionis sive totum, sive ubi aderant beneficia, aliave reddituum genera, pro portione ad complendam congruam sustentationem necessaria, persolvendum. Simul tamen obligationes fundatae missarum aliarumve functionum sacrarum, quas fundus religionis de collegiis regularium, monasteriis, et confraternitatibus sublatis, item de beneficiis suppressis, et ecclesiis clausis susceperat, curatoribus animarum ex illo fundo sustentandis impositae sunt; quaeque adhuc supererant, ad sublevandos sacerdotes egentes, qui inde stipendium usitatum perciperent, destinatae. Constitutione dd. 25. Mart. 1802. annuit Augustissimus, ut capellanis localibus, et cooperatoribus, qui neque salario annuo florenorum 300. et 150. summam excedente, neque aliis emolumentis fruerebuntur, (26. Jul. 1804.) summa 50. florenorum annuatim adjiceretur, utque numerus obligationum missarum, curatoribus animarum e fun-

de religionis sustentatis impositarum, pro diversitate salarii diminueretur. Porro ex decreto caesareo dd. 12. Aug. 1790. cura gerenda est, ut cuivis parrocho novo, capellanoque locali pro re familiari hortulus, pratulumque comparetur. *)

*) De aedificiis in parochiis ac capellaniis localibus neoerectis tum extruendis tum factis tectis servandis capite tertio sectionis secundae differendi locus erit.

§. 89.

Constitutio
decanatum

Cum decanatus olim nimium quantum extenderentur, neque ab unico decano sufficienter perlustrari possent, cumque numerus etiam parochiarum et capellaniarum localium novis legibus multum auctus esset, nova decanatum divisio, plurimumque decanorum constitutio necessaria fuit. 24. Oct. 1783. Parochos vero, quibus munus decani conferatur, maxime idoneos eligendos esse, simulque ubertatis reddituum parochialium rationem habendam statuit decretum dd. 9. Jul. 1785. Secundum legem novissimam de re scholastica latam decanis aut vicedecanis simul cura scholarum elementariarum in parochiis decanatum adscriptis demandata est; unde non nisi in disciplina catechetica et paedagogica examinati, et de re scholastica bene meriti in decanos aut vicedecanos adsumendi sunt, et ab episcopo nominati a regimine provinciae confirmandi.

§. 90.

Novam parochiarum constitutionem se-
 quebatur etiam ecclesiarum aut capel-
 larum inutilium iis in locis, ubi jam et capella-
 aderat ecclesia parochialis aut filialis, pro usu rum inuti-
 publico suppressio, relicta tamen possessoribus lium.
 bonorum aliisque libertate, capellas suas do-
 mesticas, similesque ecclesias suppressas pro
 sacro privato ex speciali episcopi concessione
 ibidem habendo retinendi. 24. Ocr. 1783.
 Bona ecclesiarum hujusmodi pro usu publico
 suppressarum translata sunt ad fundum religi-
 onis, qui propterea simul fundationes bonis
 iisdem adnexas persolvendas, item iis in lo-
 cis, ubi unica adfit ecclesia filialis, usum il-
 lius populo non adimendum esse declaratum
 est decreto dd. 24. Sept. 1785, Ecclesiae
 matrices bona ecclesiarum suppressarum eo
 solum casu sibi vindicant, cum facultatibus
 necessariis destituuntur; fundationes vero ec-
 clesiis suppressis adnexae, quarum redditus an-
 tea jam a paroco percepti; partem sustenta-
 tionis ipsi assignatae effecerunt, eidem salvae
 manent, in ecclesiâ parochiali impofterum
 persolvendae. 3. Apr. 1788. Monentur epi-
 scopi, ne faciles sint in concedenda facul-
 tate, capellas domesticas, praesertim in urbi-
 bus, erigendi, 17. Mart. 1791. §. 2. n. 3.

§. 91.

Quae de nova parochiarum ordinatione Status paro-
 quoad parochias collegiis regula-
 rium vel monasteriis incorporatas gularium.

Speciatim notanda sunt, ad sequentia revo-
 cantur: 1) Ubi vel in terris collegii seu mo-
 nasterii, vel intra fines parochiarum eidem
 incorporatarum novo animarum curatore opus
 esse videbatur, constituendus is erat a colle-
 gio seu monasterio e sacerdotibus suis, eique
 sustentationis summa subministranda, in confi-
 gnatione reddituum monasterii pro sustentandis
 singulis religiosis notata. 24. Oct. 1783. 2)
 Parochiis neoerectis penes monasteria mendi-
 cantium in urbibus parochi e clero seculari
 praefecti sunt. (§. 83.) Ruri autem munus
 parochiale in parochiis ejusmodi religioso
 ejusdem monasterii examinato, et idoneo re-
 perto ab episcopo cum consensu superioris or-
 dinis conferendum erat. 25. Oct. 1785. Ex
 recentiori vero decreto dd. 31. Dec. 1802.
 parochiis hisce monasteriorum quibuscunque,
 proinde in urbibus quoque, religiosi e mona-
 sterio debitis qualitatibus instructi, et in exa-
 mine pro concursu parochiali praescripto ap-
 probati praeficiendi sunt, qui praeter alimen-
 ta a monasterio subministranda summam an-
 nuam 150 fl. titulo remunerationis e fundo
 religionis percipiant. 3) Cautum jam erat
 rescripto dd. 21. Mart. 1772., ut in singulis
 parochiis regularium plures semper, ad mini-
 mum tres presbyteri constituerentur, eaque
 ratione ubique species quaedam conventus
 regularis sub regimine superioris efficeretur.
 Legem hanc imposterum, quantum pro nu-
 mero religiosorum cujusvis collegii seu mona-
 sterii fieri possit, nullatenus negligendam esse
 statuitur constitutione Augustissimi dd. 25.
 Mart. 1802.

§. 92.

Invalescente paulatim in terris Austriae Media occis penuria sacerdotum, decreto caesareo dd. 25. Oct. 1792. varia praescripta sunt, currendi penuriae sacerdotum, partim ut numerus tyronum clericalium augetur (§. 7. 8. 9.), partim ut augendi numeri necessitas diminueretur, sacerdotum penuriae mediis quibusdam provisoriiis occurrendo. Et 1) quidem numerum cooperarum tum in parochiis ruralibus, ubi parochi uberioribus redditibus instructi plures nonnunquam cooperatores solius commoditatis causa sustentent, tum praesertim in urbibus, ubi cura animarum vicinitate parochianorum multo facilius reddatur, minuendum esse. 2) Deinde ad curam animarum transferendos esse presbyteros in urbibus otiosos, celebratione missarum plerumque victum quaerentes, 3) item expositos in ecclesiis, ad quas peregrinationes sacrae fieri soleant, tot solummodo ibidem relictis, quot ad curam animarum pro parochianis propriis administrandam fuerint necessarii, 3) nec minus clericos supervacaneos in ecclesiis cathedralibus, ad cantum duntaxat choralem ac ministerium altaris constitutos, 5) denique religiosos ex monasteriis sublatis pensione instructos, eà tamen cautione, ut quemcunque locum in cura animarum occupent, non ad deteriorem conditionem redigantur, sed saltem salarii loco percipiant, quod summa pensionis efficit, 6) religiosos quoque monasteriorum subsistentium ad subsidium in cura animarum praestandum esse vocandos. (§. 52.) 7) Inhabilitatem ad curam

animarum non raro a sacerdotibus otium sectantibus simulatam juxta praescriptam decreti dd. 26. Dec. 1788. diligentissime ac stricissime dijudicandam esse, simulque 3) prospiciendum, ut juniores ac robustiores in parochiis, ubi cura animarum est difficilior, aetate vero magis proveci, minusque habiles in urbibus aliisque locis commodioribus constituentur.

§. 93.

Suppressio
parochiarum
absque
necessitate
erectarum.

Ut necessitas augendi clericorum numeri diminueretur, porro decretis dd. 12. Aug. 1790. et 25. Oct. 1792. statutum fuit, curam gerendam esse, ut parochiae aut capellaniae locales absque necessitate reoerectae, quoad sine singulari difficultate fieri possit, denuo supprimantur, proximaeque parochiae adjiciantur. Decretum hoc instauratum est constitutione Augustissimi dd. 25. Mart. 1802, adjecta speciali ratione, quod non expedire videatur, ut tot curatores animarum, non raro juvenes, solitarie victuri constituentur, sancitumque, stationes quascunque minus necessarias, neglectis regulis praescriptis (§. 84. 85.) noviter erectas: praesertim vero collegiis regularium monasteriisque adscriptas, (§. 91.) paulatim, prout vacaverint, abolendas esse, neque ullam eorum parochianorum, qui ob modum duntaxat temporale obstrepant, rationem habendam, populum vero parochiae proximae adscribendum, in eaque tot constituendos animarum curatores, quot pro nu-

mero animarum, situque loci plus minusve molesto necessarii visi fuerint.

§. 94.

Cura animarum militaris inter-
 ris Austriacis propriis legibus nititur, et a ca-
 pellanis campestribus (Feldkapläne) sub regi-
 mine spirituali vicarii apostolici castrensis, Cura ani-
 marum mi-
 litaris.
 (Feldbischof) superiorumque campestrium
 (Feldsuperioren) administratur. Distinguunt
 vero leges nostrae militiam vagam, ad
 vagas belli operationes destinatam, a mili-
 tia stabili: seu illo genere hominum mili-
 tarium, qui domicilio stabili uti solent. *)
 Militia vaga sacerdotum campestrium, stabilis
 vero parochorum localium, episcopique dioe-
 cesani jurisdictioni subest. Sed et in eos,
 qui militiae vagae adscripti sunt, parochi lo-
 corum absente capellano campestri, subsidia-
 riam jurisdictionem exercent. Neque tamen
 aliter, nisi illo permittente sponsum milita-
 rem cum sponsa civili vinculo conjugiali co-
 pulandi potestatem habent, tenenturque, le-
 gem de juribus stolae pro militibus latam de-
 creto noviori dd. 18. Jun. 1707. promulga-
 tam observare. 26. Jan. 1771. Quodsi ab-
 sente proprio capellano campestri forte alte-
 rius legionis capellanus in loco adsit, eidem,
 posthabito loci parochi, jus competit, hujus-
 modi matrimonio assistendi. 12. Sept. 1772.
 Religiosi quoque in loco degentes absentem
 capellanum campestem supplere tenentur.
 25. Aug. 1775. Ceterum cuius Parochi in-
 cumbit, quotannis eà occasione, cum extrac-

ta ex catalogis baptifatorum, matrimonio junctorum, et defunctorum exeunte anno ad praefecturam circuli transmittuntur, fingulatum de baptifatis, matrimonio junctis, defunctisque ex ordine militari relationem adjungere, quae relationes parochorum in unum collectae dein cum superiore campeftri communicantur. 25. Nov. 1784.

*) Militiae tum vagae tum stabili adscripti nominatim enumerantur in refcripto dd. 26. Jan. 1771. item dd. 9. Oct. 1772. Exftat praeterea decretum noviffimum Regiminis inferioris Austriae dd. 16. Jun. 1808, personas militiae tam vagae quam stabili adnumerandas describens, deinde modum exigendi ftolam a perfonis militaribus ftatuens, item quaedam circa nuptias militum et circa difpenfationem in denunciacionibus obfervanda propius definiens. Idem quoque in Austria fuperiori per Circulare ad, 7. Oct. 1808 promulgatum eft.

§. 95.

Inftitutio capellanorum campeftrium.

Capellani campeftres adfumendi praecipue funt a religiofis, qui debitis qualitatibus inftrecti, annosque plus quam 35. nati funt. Jus eodum praefentandi olim ad proprietarios legionum (*Regimentsinhaber*) fpectabat ea conditione, ut praefentati a fuperiore campeftri examinarentur, et approbarentur. 25. Aug. 1775. Decreto autem noviffimo dd. 23. Apr. 1805. ftatutum fuit, capellanos campeftres impofterum ab epifcopo illius diocefeos, unde tyrones (*Nekruten*) pro legione colliguntur, praefentandos effe, qui e clero diocefano five feculari, five regu-

lari viros idoneos eligat. Quodsi pro legionibus Austriae supra et infra Onasium, quae in subsidium ex regno quoque Galliciae tyrones obtinent, non adsint in dioecesi sacerdotes linguae Polonicae aut saltem Bohemicae gnari, aliasque idonei, ad episcopos dioecesanos Galliciae jus praesentandi devolvitur. Eodem decreto capellanis campestribus summa annua 150 fl. ex fundo religionis in aditamentum salarii concessa est, adjectâ obligatione, ut 50. missas fundatas quotannis persolvant. 7. Mart. 1806.

§. 96.

Capellanis campestribus, qui vel post annos quindecim in explendo munere suo consumptos loco cedere voluerint, vel ob servitia praestita prius inhabiles facti fuerint, pensio annua promissa est ex fundo militari solvenda, eaque 100 fl. pro regularibus, et 150 fl. pro secularibus, 25. Aug. 1775. Decem annis munere suo laudabiliter perfuncti praeter ceteris ad beneficia patronatus caesarei provehuntur, quin tamen a lege communi examinationis pro concursu parochiali praescripti eximantur. 4. Apr. 1786. 29. Mart. 1791. 16. Nov. 1804. Religiosi quoque ante editam constitutionem caesaream dd. 25. Mart. 1802. in capellanos campestres adsumpti beneficiorum secularium capaces sunt, siquidem jurî regressus ad monasterium renunciarunt, vinculo professionis religiosae legitime soluto. 29. Oct. 1803. Episcopi jubentur, capellanorum campestrium beneficia a provisione caesareâ

Praemia
pro capella-
nis campe-
stribus bene-
meritis.

pendentia adpetentium aequae, ac sacerdotum dioecesanorum pro meritis rationem habere. Illi vero leges communes de concursu parochiali latas aequae ac alii servare, proinde intra praefixum terminum consistorio episcopali libellum supplicem porrigere, praescriptaque tum de aliis requisitis testimonia exhibere tenentur. 23. Febr. 1805. Sacerdotes campestris de singularibus meritis in bello partis, curam animarum spectantibus, illustres propria cruce pectorali sive aureâ sive argenteâ cum inscriptione, piis meritis, condecorantur: quodsi vero fortitudine militari conspicui fuerint, numismata, ut vocant memorialia aurea, argenteave, quibus milites ob res gestas honorari solent, in praemium obtinent; praeterea ad beneficia vacantia praeter ceteris commendantur. 11. Dec. 1801.

Articulus tertius.

De modis, quibus beneficia vacant, et vacantia conferuntur.

§. 97.

Modi diversi, quibus beneficia vacant. Beneficia ecclesiastica vacant 1) morte possessoris, 2) resignatione expressâ, 3) resignatione tacitâ, 4) privatione. *) Resignatio, seu renunciatio, cessio, expressa sit vel scripto, vel oretenus, tacita facto ejusmodi fieri censetur, quod vel naturâ suâ, vel ex praescripto legum resignationem

beneficii in se complectitur, ut cum quis aliud beneficium incompatible acceptat, uxorem ducit, professionem religiosam emittit, a fide orthodoxâ deficit. Porro resignatio vel est pura, vel conditionata, qualis intercedit in permutatione beneficiorum. Resignationes conditionatae, quae fiunt in favorem tertii, decreto dd. 23. Apr. 1783, item quae fiunt reservatâ annuâ pensione. decreto dd. 4. Dec. 1784. interdicuntur. Concilium Tridentinum vetat quoque resignationem beneficii cum reservatione accessus, ingressus, et regressus, sess. 25. cap. 7. de reform. Reservatio accessus dicitur in praebenda oblata solum, ad quam sibi jus resignans reservat; reservatio ingressus, ubi ingressus ad praebendam commissam nondum vero possessam reservatur; reservatio regressus, ubi jus a praebenda jam possessa regrediendi reservatur. Pehem praelect. in jus eccl. P. II. §. 305.

*) De privatione beneficii sectione tertiâ, ubi de poenis ecclesiasticis agetur, sermo erit.

§. 98.

Ad resignationem expressam requiritur: 1) ut sit libera, facta ab eo, qui sui juris sit, sitque clare et perspicue expressa, 2) ne jura tertii per illam violentur, 3) ut adsit justa causa; qua deficiente resignationes beneficiorum ob arctum, quo beneficiarius ecclesiae suae alligatur, vinculum, canonibus repugnant. Praeprimis causae graves adsint, oportet, cum de resignatione

Requisita
ad resigna-
tionem.

episcopi agitur. *) 4) Resignans ; in ordinibus sacris constitutus, edoceat necesse est, aliam sibi congruae sustentationis viam suppeterere. 5) Resignatio fiat in manus episcopi, ab eoque non nisi praevia causae cognitione acceptetur. 6) Eadem die, quâ resignatio ab episcopo acceptatur, beneficium vacare censetur.

*) Causas has juris ecclesiastici scriptores notis illis versibus enumerare solent: Debilis, ignarus, male conscius, irregularis: Quem mala plebs odit, dans scandala, cedere possit.

§. 99.

Observanda
vacante be-
neficio.

Vacante beneficio curato, constituitur ab episcopo administrator, quem provisorem vocant, cuius est, administrare beneficium, donec de eo provisio facta fuerit, fructuum intercalarium fundo religionis obvenientium rationes reddere, perceptoque inde debito salario, fundationes beneficio inhaerentes gratis persolvere. 9. Febr. 1784. 24. Dec. 1785. 30. Jul. 1787. *) Salarium provisoris singulis mensibus 26 florenorum pro beneficiis, quorum redditus annui saltem 500 fl. summam attingunt, et 20 fl. pro tenuioribus constitutum est, auctum tamen pro tempore caritatis annonae a 25. ad 30. fl. a 20. ad 25. florenos. 3. Nov. 1804. Salario hoc victum sibi ipsemet comparare tenetur, stipendia tamen missarum non fundata (Currentmessstipendien) lucratur. 14. Febr. 1799. Tempus intercalare aestimatur a die, quâ vacaverit beneficium, usque ad diem investiturae succes-

foris. 13. Oct. 1787. Ex lege antiquâ, 2. Oct. 1731., pro Austria inferiori condita, ac vi decreti regiminis dd. 12. Nov. 1799. in Austria quoque supra Onasum in usum deducta, tum reditus illius anni, quo vacat beneficium, tum onera inter antecessorem ac successorem pro rata temporis, quo uterque beneficium possederit, ea ratione dividuntur, ut annus, quem sub illo respectu canonicum vocant, a festo S. Georgii usque ad idem festum sequentis anni computetur. **) Recentiore decreto dd. 30. Maji 1805. statutum fuit, vacante beneficio teneri antecessorem, ejusve haeredes, res ad continuandam rei familiaris administrationem necessarias certis sub conditionibus intactas relinquere, tum tempore intercalari usurpandas, tum a successore justo pretio redimendas. ***)

*) Ei, qui beneficium resignat pure, quin pensionem annuam e fundo religionis adpetat, fructus beneficii tandiu permitti, donec successor constitutus fuerit, declaratur decreto Gubernii anterioris Austriae dd. 16. Aug. 1787.

**) Pro Galicia occidentali speciali constitutione dd. 24. Mart. et 15. Maj. 1801. norma praescribitur, tam in administrandis, quam in distribuendis fructibus vacantis beneficii, rationibusque concipiendis observanda. Annus canonicus ibidem a die 25ta Martii ad 24tam Martii anni sequentis numeratur.

***) In episcopatibus singulis regni Hungariae adest fundus instructus, suppellectili omnis generis, item frugibus vinisque constans, a quovis episcopo successori suo gratis et integer juxta confectum inventarium relinquendus.

§. 100.

Collatio be-
neficiorum.

Vacantibus beneficiis canonicè provi-
dendum est. Vacant autem beneficia tripli-
ci modo: de jure tantum, si quis justum
titulum, non tamen ipsam beneficii possessio-
nem amiserit; retento justo titulo, de jure
et facto simul, si et possessione et justo
titulo destitutus sit. Beneficium de jure et
facto simul vacans debet sine cunctatione con-
ferri. Vacans de jure tantum nonnisi audito
possessore, et causa cognità conferri potest.
Vacans de facto tantum alteri conferri nequit,
sed ei, cui jus ad illud competit, servandum
est. Neque licet beneficium nondum vacans
cuidam pro casu, quo vacaverit, promittere,
seu expectativam concedere. Conc.
Trid. sess. 24. cap. 19. de reform. Provi-
sio, seu collatio in sensu latiori, tria com-
plectitur, a) delectum personae, sive fiat
collatione episcopali, sive canonicà electione,
sive praesentatione privatorum, aut nomina-
tione regià, b) collationem tituli, quae
fit a superiore ecclesiastico, v. g. confirmando
electionem, aut acceptando praesentationem,
c) introductionem in possessionem per
investituram. Beneficia dignioribus, gratis,
et sine diminutione conferenda esse canones
praecipiunt. Cauf. VIII. qu. 1. can. 15.
cap. 13. de simon. cap. un. ut eccl. benef.
sine dimin. conf.

§. 101.

Modi per-
veniendi ad

Cum quaeritur de modis, quibus con-
ferantur beneficia, distinguendum est inter

beneficia majora, et minora. (§. 67.) Modi beneficia perveniendi ad beneficia majora sunt: 1) majora. electio canonica, 2) postulatio, 3) nominatio Electio canonica, 4) translatio. Electio canonica, nonica, quae fit suffragiis eorum, qui jure ferendi suffragii in capitulo gaudent, iis in ecclesiis locum habet, quibuscum rectores ecclesiarum matrimonio spirituali juncti esse censentur, quae proinde, si vacaverint, viduatae dici solent, hoc est, in episcopatibus, praelaturis collegiorum regularium, ecclesiisque collegiatis. De eà notandum est, 1) Vocandi sunt ad electionem omnes, qui votum et sessionem habent in capitulo, etiam absentes. Quodsi vel unus desit non vocatus, jus ipsi competeret propter sui neglectum impugnare electionem quamvis confirmatam. Cap. 28. 36. de electione. 2) Absentibus integrum est, vel juri ferendi suffragium renunciare, vel procuratorem constituere. Is vero tenetur et suum et mandantis suffragium eidem personae conferre, nisi mandatum speciale de certà personâ eligendâ datum sit, quod tamen in collegiis regularium, ubi electio suffragiis secretis fieri debet, non permittitur. Per litteras fas non est, ferre suffragium, Cap. 46. de elect. in 6to. 3) Voce activâ carent, non habentes usum rationis, censurâ ecclesiasticâ innodati, ordinem subdiaconatus nondum consecuti, eligentes indignum, aut formam canonicam non observantes, nondum professi, et laici conversi in collegiis regularium. 4) Voce passivâ destituuntur, quibus defunt dotes a canonibus praescriptae, ejusmodi sunt aetas matura, integritas fidei,

morum probitas, scientia litterarum necessaria, ordo sacer, et in collegiis regularium professio religiosa, in eodem ordine emissa.

§. 102.

Forma electionis canonicae per scrutinium. Forma electionis canonicae praescribitur cap. 42. de elect., estque duplex, per scrutinium, et per compromissum; electionem enim per inspirationem, tanquam proflus extraordinariam et rarissimam, praetermittimus. In electione per scrutinium congregatis omnibus in capitulo adsumuntur tres, qui suffragia singulorum colligant, scrutatores dicti. More nostro commissarii episcopales, qui electionibus praelatorum interfunt, unà cum duobus testibus a capitulo invitatis, plerumque praelatis, scrutatorum loco suffragia colligunt. Suffragia singulatim, scripto et secreto dantur. Collectae suffragiorum schedulae numerantur a scrutatoribus, deinde capitulo publice denunciatur, numerum schedularum congruere numero eligentium, quae denunciatio publicatio scrutini dicitur, eamque vim habet, ut electores amplius variare nequeant. Tum suffragia ipsa a scrutatoribus inspiciuntur, ac conferuntur; quae sunt conditionata, alternativa, aut alio modo incerta, pro non datis habentur. Siquis igitur votis absolute majoribus electus est, relative enim, hoc est, relate ad alios suffragio honoratos majora non sufficiunt, canonice electus censetur, electioque capitulo petenti promulgatur. Deficientibus votis absolute majoribus, scrutinium tandiu iterandum erit,

donec vota absolute majora obtineantur, aut via compromissi amplectenda.

§. 103.

Per compromissum fit electio, quando electores omnes sponte sive uni sive pluribus, pure, aut certis sub conditionibus negotium electionis deferunt. De illâ notandum est: 1) Compromissum locum habere nequit, nisi unanimi capitularium consensu. 2) Compromitti duntaxat potest in clericos, sive sint de capitulo, sive extranei. 3) Compromissarii conditiones compromissi ad amulsum observare tenentur. 4) Quamdiu res integra est, seu electio nondum peracta, compromissum revocari potest. 5) Si plures sint compromissarii, vota absolute majora ad perficiendam electionem requiruntur; quodsi tamen unus ex ipsis compromissariis a sociis eligatur, is consensu suo numerum votorum complere potest.

Per compromissum.

§. 104.

Electio, sive per scrutinium sive per Confirmatio compromissum canonicè celebrata, quantocius electionis caelecto promulganda est, ut in eam consentiat, nonicae. quo consensu jus, quod vocant, ad rem seu personale in beneficium consequitur. Dein electio a superiore confirmanda est, hoc est, praeviâ causae cognitione declarandum, eam canonicè esse peractam. Quapropter superioris est, tum inquirere, utrum forma electionis canonibus praescripta fuerit serva-

ta, tum meritorum personae electae rationem habere. Electo intra tres menses, ex quo electioni consensit, confirmationem non petente, aut confirmatione ob culpam quandam eligentium denegatâ, juri devolutionis locus est. Confirmatio electio tribuit jus in re, neque pro arbitrio, sed justâ solum de causâ in canonibus expressâ eidem postmodum denegari potest. Jus ad rem, sive personale in beneficium consistit in eo, ut eligentes ab ejusdem individui electione recedere jam non possint, quod et ipsam per publicationem scrutinii efficitur, §. 102; nec superior confirmationem illi denegare possit, dummodo canonica fuerit electio, neque impedimentum canonibus expressum adsit. — Per jus in re accipit confirmatus administrationem tam in temporalibus quam in spiritualibus; functiones tamen ordinis episcopalis non nisi post consecrationem exercere licet eidem. §. 108.

§. 105.

Postulatio.

Siquis eligatur a capitulo, canonico laborans impedimento, in quo tamen potest et solet dispensari, implorandus est superior, cui potestas dispensandi competit, ut personam electam dispensando ad praelaturam admittat. Petitio haec postulatio dici solet, eaque propria et solemnis, ut discernatur ab impropria, ac minus solemni, quae est petitio ad superiorem directa, ut is in electionem personae sibi subdinae, nullo alias canonico defectu impeditae, consentiat. Ad postulationem propriam requiritur, 1)

impedimentum, in quo solet dispensari, v. g. intuitu natalium, aetatis, professionis religiosae, matrimonii spiritualis cum aliâ ecclesiâ; quodsi tamen in tali impedimento jam ante electionem dispensatum fuit, seu breve eligibilitatis, ut vocant, indultum, electio, non postulatio, locum habet. 2) Si pars capituli eligit aliquem, pars postulat, non valet postulatio, nisi duabus tertiis suffragiorum constet, sin omnes postulant, vota absolute majora sufficiunt. 3) Postulatio prae omnibus postulato indicanda, deinde ad superiorem dirigenda est, a quo pendet, illam causâ cognitâ vel admittere, vel rejicere. 4) Antequam postulatio a superiore admittatur, postulatus jus nullum consequitur, integrumque est capitulo, illam, saltem superiore, siquidem ad eum jam delata fuerit, consentiente, revocare. 5) Admissa postulatio eandem vim habet, quam confirmatio electionis canonica. 6) Quodsi vero a superiore rejiciatur, juri devolutionis locus est.

§. 106.

In Austria modus peragendi electiones Electiones
 praelatorum conventionem a Rudolpho II. praelatorum
 Imp. 6ta Nov. 1592, cum Urbano episcopo in Austria.
 Passaviensi inita, novissime vero constitutione
 singulari dd. 10. Sept. 1805 *) praescriptus
 est. Vacante praelaturâ commissarii a regimine
 provinciae deputati in collegio viduato
 consignationem faciunt bonorum, (Inventur)
 et in signum jurisdictionis sigillum regiminis
 in loco commodo apponunt, (Jurisdictionen-)

sperr) et administratorem bonorum provisorie constituunt. Simili modo ab episcopo administrator in spiritualibus, plerumque Decanus, aut Prior monasterii, constituitur. Tum capitulum preces suas ad aulam dirigit, ut nova electio praelati permittatur. Secuto aulae consensu, dies electionis communi consilio a commissariis caesareis, et ab episcopo praefinitur. Quo appropinquante deputatum caesarei, tum episcopales ad collegium viduatum sese conferunt. Episcopales electionem ipsam dirigunt secundum ordinem canonibus praescriptum, electum commissariis caesareis indicant, sique ipsi nulla opponatur exceptio, iisdem praesentibus electionem promulgant, electum consentientem episcopi nomine confirmant, eumque, postquam fidei professionem, consuetumque obedientiae canonicae juramentum deposuit, in spiritualibus installant, quo facto commissarii caesarei installationem in temporalibus addunt. De universo electionis negotio regimen provinciae ad aulam refert, ut confirmatio caesarea impetretur. Ceterum quae in his electionibus singillatim observanda veniunt, in praefata constitutione accurate describuntur.

*) Eadem norma observanda est in electionibus abbatissarum, aliarumque praepositarum in conventibus monialium, quarum officium ad tempus vitae perdurat. 23. Jun. 1806 (pro regno Galliciae.)

§. 107.

Nominatio
regia.

In episcopatibus Austriacis, solo archiepiscopatu Ollomucensi excepto, loco electionis

capituli, nominatio regia, seu caesarea obtinet. Quae cum electionis aut postulationis locum teneat, ejusdem cum illà indolis est, et naturae, eosdemque producit effectus. Qui possunt eligi, simpliciter, qui vero canonico laborant defectu dispensationis tamen capaci, nonnisi per modum postulationis nominantur. Confirmatio papalis ab ipso principe per legatum caesareum Romae petitur. Ceterum rescripto caesareo dd. 13. Jun. 1799 interdictum est, nequis pro obtinendo episcopatu vacante supplicet, eo quod talis supplicatio modestiae christianae prorsus adversetur. *)

*) Rex Hungariae gaudet jure nominandi non solum episcopos et archiepiscopos, tum latini tum graeci ritus catholicos, verum etiam episcopos titulares, (I. §. 198.) item praelatos in iis collegiis seu monasteriis, quae locis creditilibus adnumerantur, (I. §. 217.) nec minus praepositos ac canonicos. Is quoque in Hungariâ usus singularis obtinet, ut nominati a regiâ majestate episcopi, etiam ante confirmationem pontificiam ea omnia exsequantur, quae non sunt ordinis, sed ad jurisdictionem duntaxat pertinent.

§. 108.

Electionem vel postulationem, aut regiam Consecratio nominationem episcoporum sequitur consecratio, quae ex more hodierno per episcoporum, et pum a sede apostolica delegatum, plerumque benedictio archiepiscopum, adhibitis duobus aliis episcopis, vel ad minimum praelatis usum mitrae abbatum. habentibus, observato ritu in pontificali Ro-

mano praescripto, peragitur, eamque vim habet, ut tribuat consecrato characterem ordinis episcopalis, potestatemque, funciones ordinis exercendi. (l. §. 70. 133.) Huic quodammodo similis est benedictio abbatum, quae tamen ad potestatem sacram abbatibus competentem necessario non requiritur. Peragitur ab episcopo ordinario adhibitis duobus praelatis, usum mitrae habentibus. Abbas benedictus obtinet usum pontificalium, qui tamen etiam absque benedictione per privilegium obtineri potest. Ex praescripto constitutionis supra memoratae dd. 10. Sept. 1805 benedictio abbatis non nisi secutâ electionis confirmatione caesareâ fieri poterat. Ex recentiori vero decreto dd. 9. Oct. 1807 praelati neoelecti, quamprimum a commissariis caesareis ad electionem deputatis provisorie confirmati fuerint, statim, non expectatâ confirmatione caesareâ, et ab episcopo benedici et administrationem integram tam in spiritualibus, quam in temporalibus suscipere possunt.

§. 109.

Translatio.

Translatio episcoporum ab unâ sede ad aliam complectitur a) resignationem prioris sedis episcopalis, b) collationem novae sedis, c) facultatem a legitimo superiore concessam. Adversatur vulgo canonibus ecclesiasticis, nec nisi iustis de causis in bonum ecclesiae admitti potest, idque secundum hodiernam disciplinam a summo pontifice, qui hac in re in jura conciliorum provincialium successit.

(I. §. 134.) Admissa eam vim habet, ut vinculum, quod inter episcopum ejusque ecclesiam intercessit, solvatur, sedesque episcopalis vacare censeatur.

§. 110.

Modi perveniendi ad beneficia minora Modi per-
ordinaria sunt: collatio libera episcopi, et veniendi ad
praesentatio patroni. Qui vero ad beneficium beneficia
adspirat, dignus sit, oportet, id est, aetate, minora. Do-
moribus, scientiâ, aliisque dotibus ad mini- tes eorum,
sterium sacrum habilis. Speciatim leges pa- qui beneficia
triae singulares quasdam dotes praescribunt. adpetunt.

1) Subditi pristinae reipublicae Venetae, item Bavari jure reciproci a beneficiis ecclesiasticis in terris haereditariis exclusi fuere. 30. Dec. 1769. 11. Apr. 1770. 2) Ad parochias, aut capellanas locales pervenire nequit, qui methodo scholae normalis, praesertim quoad instructionem catechetica, non fuerit imbutus, necessariumque eâ de re testimonium obtinuerit. 30. Sept. 1784. 3) Clerici alienigenae domicilio quidem per decem annos in terris Austriacis continuato jus indigenae obtinent; ad beneficium tamen curatum adspirantes edocere debent, se in Academia quâdam Austriacâ studiis theologicis operam navasse, aut saltem examina praescripta subiisse. 9. Mart. 1784. *) 4) Ad acquirenda beneficia quaecunque curata, sive a collatione episcopali, sive a patronatu regio, aut privatorum pendeant, opus est examine pro concursu. 19. Apr. 19. Jun. 1782, 10. Oct. 1784.

*) Legibus Hungariae beneficia quaecumque ecclesiastica non nisi regni incolis conferenda sunt.

§. 111.

Observanda In quavis dioecesi quotannis bis examen de examine generale pro concursu parochiali *) pro concursu a consistorio episcopali habendum, omnibusque ad beneficia curata aspirantibus integrum est, examen illud, quodcumque voluerint, subire. 24. Dec. 1785. Qui ex singulis examinis materiis primae classis calculum obtinuerint, facultatem habent, quodcumque beneficium intra sex annos vacans adpetendi. 31. Jan. 1792. Examen in unâ dioecesi peractum, siquidem examinatus primae classis calculum promeritus fuerit, intra idem tempus valet etiam in aliâ quâcumque dioecesi. 10. Oct. 1787. Modus peragendi ejusmodi examina lege peculiari definitus est. Proponuntur quaestiones ex theologiâ dogmaticâ ab examinatore per episcopum constituto, ex theologiâ morali, et pastorali, jure ecclesiastico, et paraphrasi sacrae scripturae novi testamenti, decreto dd. 31. Jan. 1792 praescripta, a professoribus publicis in locis, ubi adfunt scholae publicae theologicae, his vero deficientibus ab examinatore episcopali. Theologiae pastoralis partem constituit concio sacra, catechesis, et exhortatio ad infirmos directa. Examen fit scripto, praeterea oratione catechesis habenda, parsque concionis peroranda est. 9. Febr. 1784. Vacante igitur beneficio curato consistorium episcopale diem, quo vacare coeperit, clero dioecesano per lit-

teras circumeuntes notum facit, adjecto termino sex hebdomadam, intra quem competitors libellum supplicem consistorio porrigere teneantur. 24. Dec. 1785. 31. Jan. 1792.

*) Concursus nomine non solum examen pro paracciis adipiscendis, sed etiam ipsa facultas petendi paraccias, quae cunctis testimoniis sufficientibus instructis libera est, appellari solet. De concursu parochiali videri potest die theolog. prafr. Monatschrift 4. Jahrg. 3. Bd. S. 48. Conferatur quoque decretum dd. 19. Jun. 1800 pro Galliciâ occidentali editum, normam peragendo concursui parochiali, conferendisque beneficiis statuens. In Hungariâ examen pro concursu nonnisi quoad parochias a collatione regiâ pendentes lege praescriptum est.

§. 112.

Quisquis ad beneficium curatum adspicit, regulariter examen pro concursu subire debet. Inde vero eximuntur 1) professores theologiae, tum quamdiu munere isto funguntur, tum intra tres, ex decr. 11. Febr. 1812 ad sex annos, postquam illud abdicarunt, qui tamen concionem sacram habere tenentur. 19. Maj. 1804. 2) Parochi, singularibus meritis in curâ animarum partis illustres, ab examine dispensari possunt. 24. Dec. 1785. 3) Sola diuturnitas temporis in curâ animarum consumti non liberat ab examine, nisi quis simul meritis instructus sit in praefato decreto enumeratis. 13. Dec. 1786. 4) Potestas dispensandi regimini provinciae reservata est, dispensatio vero raro, et nonnisi ob merita singularia concedenda. 31. Jan.

Exemptiones
ab examine
pro concursu
su.

1792. 5) Antequam a regimine dispenfetur, fententia confiftorii epifcopalis expetitur. Diſpenſatio locum non habet, niſi quis examen pro concurlu cum progreſſu primae claſſis aliquando jam ſubierit, praetereaſque dotibus praefato decreto dd. 24. Dec. 1785 praefcriptis emineat. Conceſſa diſpenſatio tam diu ſolum valet, donec diſpenſatus ad beneficium aliquod promotus fuerit; tum vero, continuatis meritis, diſpenſatione noviter impetranda dignum ſe reddat, oportet. Quodſi diſpenſatus a priſtino fervore in exequendo munere paſtorali defecerit, aut delicti cujuſdam reus factus fuerit, diſpenſatione conceſſa privat. 16. Nov. 1804.

§. 113.

Collatio, Jure communi epifcopo dioceſano po-
et inſtitutio teſtas competit, beneficia omnia libere con-
epifcopalis. ferendi. (I. §. 191.) Collatio epifcopalis
libera dicitur, ſeu collatio in ſenſu ſtricto,
quando electio perſonae ab arbitrio epifcopi
pendet. Eſi vero alius gaudet jure praefentandi, ſemper tamen epifcopi eſt, praefentatum in beneficio inſtituere, haecque inſtitutio, ſeu collatio neceſſaria dicitur. Ceterum triplex genus inſtitutionis canonicae diſtinguitur: 1) inſtitutio tituli collativa, ſeu verbalis, qua titulus ſeu jus ad beneficium confertur; haec in collatione libera uno actu fit cum nominatione perſonae, in collatione neceſſaria cum acceptatione praefentationis a patrono factae. 2) Inſtitutio authorifabilis, qua cura animarum confertur.

Jus tribuendi institutionem authorisabilem soli episcopo est reservatum, etiamsi forte alius speciali privilegio potestatem nactus sit, beneficia etiam quoad titulum conferendi; hinc istiusmodi institutio cum verbali plerumque coincidit, et posteriori solum casu ab istâ sejungitur. 3) Institutio realis investitura, installatio, quâ quis in possessionem beneficii inducitur, quaeque eam vim habet, ut beneficiarius a die investiturae in possessione beneficii constitutus esse censeatur, fructusque suos faciat. Investituram quandoque sequitur in loco beneficii installatio improprie talis, eaque tum in spiritualibus, quâ curator animarum noviter constitutus populo per decanum ruralem praesentatur, tum in temporalibus, quâ eidem bona parochiae modo symbolico traduntur. Quod tamen attinet beneficia patronatus caesareo-regii, bonis immobilibus instructa, installatio in temporalibus fit eodem tempore ac loco, quo investitura, per commissarium a regimine delegatum. Decret. pro Austria supra Onasum dd. 15. Jan. 1800. 23. Jan. 1812.

§. 114.

Jus patronatus, etiam feudum Jus patro-
ecclesiasticum dictum, in ecclesiâ anti- natus.
quâ nomine quidem, non autem re incogni-
tum erat. Constat enim, prioribus jam ec-
clesiae seculis varia ecclesiarum foundationibus
jura obtigisse, quae nunc partem juris patro-
natus efficiunt. *) Consistit in complexu
quorundam jurium, ecclesiarum beneficiorum-

que fundatoribus, aut iis, qui jura ista vel a fundatoribus, vel alio justo titulo adepti sunt, competentium. **) Jura haec partim honorifica, partim utilia, partim onerosa, sequentia sunt. 1) Jus praesentandi clericum ad beneficium vacans, ***) 2) praecedentia in ecclesia, cujus quis patronus est, tum in supplicationibus, tum in aliis conventibus, ecclesiae causa habitis; 3) Patrono, casibus adversis ad egestatem redacto, debentur alimenta ex ecclesiae redditibus, qui deductis impensis necessariis superfluit. 4) Jus beneficiarium in temporalibus installandi, nisi alius adsit advocatus ecclesiae, qui hac in re patrono praeferatur. 5) Jus, seu potius officium, ecclesiam tuendi, ne bona ipsius dilapidentur, aut male administrantur, eumque in finem rationes, quae omni anno reddendae sunt, examinandi, et ratas habendi. 6) Officium, conferendi ad sumtus aedificiorum tum ecclesiae, tum parochiae, de qua re alio loco sermo redibit. ****)

*) Vanespen p. 2. tit. 25. cap. 1.

**) Jus patronatus probe distinguendum est a jure advocatiae, (Vogteyrecht) quamvis utrumque in unâ ut plurimum personâ conjunctum sit. Legem pro terris Austriacis quoad jus patronatus praescriptam exhibet tractatus de juribus incorporalibus codici Austriaco insertus tit. primo, quem hic sequimur.

***) Videtur secundum jus canonicum commune jus praesentationis ordinariae juri patronatus conjunctum, adeoque naturae non tamen substantiae et conceptui ejus proprium. Pellem

prael. in jus eccl. univ. P. II. §. 245 cap. 25.
de jure patr.

Definitionem vero jus patronatus propter indolem suam vagam vix patitur. In tractatu de jur. incorporatione. Tit. I. §. 1. expresse dicitur: Jus patronatus, jus praesentandi etiam dictum, nihil aliud est, quam quod patronus jus habeat et officium, pro paraecia aut alio beneficio vacante, pro lubitu presbyterum Episcopo ordinario vel officiali ejusdem praesentandi. Elucet tamen ex §. 12. ejusdem praefati tractatus, jus patronatus non solo jure praesentationis comprehendi. A jure praesentandi differt jus nominandi, vi cuius patrono una pluresve personae habiles proponuntur, quae demum a patrono praesentandae sunt episcopo. Uti in conferendo beneficio episcopus per jus praesentationis ligatur, ita patronus in praesentandis subjectis ligatur jure nominandi. Tract. de jur. incorp. I. Tit. §. 9. 10. 11.

****) Jura haec notis illis versiculis exprimuntur:
Patrono debetur honos, onus, utilitasque;
Praesentet, praesit, defendat, alatur egenus.

§. 115.

Dividitur jus patronatus 1) in ecclesiasticum, quod competit ecclesiae, collegio, aut beneficio ecclesiastico, idque titulo ecclesiastico, et laicale, quod alio titulo nititur. Discrimen consistit in eo, a) quod patronatus ecclesiasticus intra sex, laicus intra quatuor menses praesentare debet; b) quod laicus intra terminum praefixum re adhuc integrâ variare potest, et successive plures praesentare, quod ecclesiasticus non potest. c) Quod laicus, si praesentaverit indignum,

Ejusdem
diversa genera.

propterea iure praesentandi, modo terminus elapsus nondum sit, non privatur, quod secus est in ecclesiastico. Mutationem recentiori decreto hac in re factam videas §. 120. num, 3. Dividitur porro jus patronatus 2) in reale, quod certae rei inhaeret ita, ut in quemcunque rei possessorem transeat, et personale, quod competit personae citra ullum ad rem quampiam respectum, idque vel haereditarium, quod haeredes quoscunque sequitur, vel familiare aut gentilitium, quod ad solos e familiâ aut gente quâdam descendentes restringitur. 3) In plenum, cui insunt jura omnia, supra enumerata, quae ad naturam ejus pertinent, et minus plenum, in quo aliquid eorum deest.

§. 116.

Quibus modis jus patronatus acquiratur. Modi acquirendi jus patronatus originarii iique ordinarii, sunt dotatio ecclesiae et beneficii, seu assignatio reddituum, fundatio, seu concessio gratuita fundi, in quo ecclesia exstruatur, et exstructio, seu suppeditatio sumptuum ad eam aedificandam, *) extraordinarii sunt praescriptio, et privilegium. Quod si plures concurrant dotando, fundando, et exstruendo ecclesiam, omnes simul jure patronatus potiuntur. Nostri legibus terrarum dominis (Dominien) aut magistratibus (Obrigkeiten), qui in parochiis aut capellaniis neorectis onus aedificiorum tum exstruendorum, tum conservandorum in se susceperant, jus patronatus concessum est, iis in locis, ubi

fundus religionis aedificiorum sumptus sustinere debet, eidem fundo reservatum.**) Modi acquirendi jus patronatus derivativi sunt successio haereditaria, donatio, emptio, venditio, oppignoratio, locatio, conductio, qui tamen modi juxta praefatum tractatum de juribus incorporatis non intuitu ipsius juris patronatus, sed tum solum, cum id castro, aut praedio donato, vendito, oppignarato, vel conducto cohaeret, absque speciali taxatione locum habent; accedit permutatio juris patronatus cum alio jure ecclesiastico, et praescriptio. ***)

*) Patronum faciunt dos, aedificatio, fundus. His titulis jus patronatus ipso jure inhaeret, quin opus sit expressa ejusdem reservatione.

**) Quae eo tempore, quo magna pars Austriae dioecesi Passaviensi adscripta adhuc fuit, a libera collatione episcopi pendebant parochiae, rescissa dioecesi, patronatus caesareo regio accesserunt; onera vero patronatus ibidem ferenda fundo religionis injuncta sunt. Quoad parochias in praediis cameralibus, aut ad fundum religionis, aut studiorum spectantibus sitas, quo etiam pertinent, quae olim praelaturis aut monasteriis sublatis incorporatae erant, jus patronatus praediorum cameralium administratori seu inspectori caesareo regio (k. k. Staatsgüter-Inspektion, igt Administration) delatum est; sumptus patrono incumbentes ex redditibus praediorum praestantur.

***) Praescriptione jus patronatus acquiritur in ecclesiis nunquam antea patrono subditis, sed a libera episcopi collatione dependentibus; nec non in ecclesiis juri patronatus alterius subiacentibus. Casu primo modus acquirendi est originalis, altero derivatus. Ad jus praesenta-

tionis, quod natura sua plerumque raro exerceri potest, praescriptione acquirendum, (quod dicitur germanice *erſißen*), opus est, ut ab eo tempore, quo novus codex civilis vim exercere coepit, id est a primo Januarii 1812, probari possit, jus illud infra triginta annorum spatium data occasione ter fuisse exercitum. §. 1471. novi cod. civ. — Ut vero jus idem contra Fiscum, ecclesiam, communitatem, aut contra aliam personam moralem et approbatam evinci, atque ut originali modo per praescriptionem acquiri possit, praeter trinam exercitationem quadraginta anni requiruntur. §. 1472. nov. cod. civ.

§. 117.

Quibus modis amittitur.

Amittitur jus patronatus vel delicto, vel alio modo. Delicto 1) si singillatim vendatur, quo casu pretium quoque ab emp-tore solutum ecclesiae cedit, *) 2) si patronus beneficiatum occidit, aut graviter corpore laedit. 3) Si bona ecclesiae in proprios usus convertit, aut iisdem grave damnum infert. Attamen non ipso facto, sed solum per sententiam judicis civilis amittitur. Absque delicto cessat, extincto praedio, cui inhaeret, aut extincta familia, si sit familiare, aut suppresso beneficio, cui jus patronatus ecclesiasticum competit, porro renunciatione libera patroni, **) destructa ecclesia, vel cessante beneficio, cujus quis patronus est, denique si ecclesia, aut beneficium libertatem suam adversus patronum praescriptione obtinuerit. ***)

*) Atque ecclesia sit liberae collationis. Conc. Trid. sess. 25. c. g. de reform. Tract. de jur. incorpor. 1. Tit. §. 22.

**) Non tamen permittitur renuntiatio patroni eum in finem facta, ut a faciendis sumptibus aedificiorum in parochiis neoerectis liberetur. 3. Sept. 1784.

**) Ut vero ecclesia liberetur a jure patronatus aut saltem praesentationis per praescriptionem extinctivam, requiritur ex §. 1484. novi cod. civ. confer. §. 1471., ut per annos 30 trina occasio juris praesentationis exercendi neglecta sit. Ad eandem libertatem contra Fiscum, ecclesiam, communitatem aut alias personas morales impetrandam praescriptione, requiruntur ex §. 1472. anni 40, quibus item trina occasio jus praesentationis exercendi fuit praeterita.

§. 118.

Patronorum praecipuum jus est, praesentandi ad beneficium vacans. Ea in re quoad modum procedendi distinguendum est inter beneficia juris patronatus caesarei, et ad beneficia privatorum. Beneficia patronatus caesarei quod attinet, 1) tenentur competitores, facta vacuitatis beneficii promulgatione, intra praefixum terminum consistorio libellum supplicem porrigere, in eoque patriam suam, aetatem, notitiam linguarum, litterarum studia, rei scholaris curam singularem, servitia reipublicae praestita, munera egregia, quibus functus jam fuerit, et quae hactenus a se praestita fuerint, commemorare. Preces alternativae aut indefinitae locum non habent. 10. Jun. 1784. 2) Consistorii episcopalis est sententiam suam, cuinam ex competentibus beneficium conferendum judicet, scripto proponere, adjectâ tabellâ, secundum formam praescriptam confectâ, in qua singuli concurrunt. Praesentatio. Observanda quoad patronatus caesarei.

rentes, eorumque qualitates ac merita consignantur. (Konfurstabelle.) 9. Febr. 1784. 3) Adjungenda etiam sunt testimonia examinatorum concursus propria manu scripta de examine uniuscujusque competitoris una cum elaboratis ejusdem scriptis, item litterae, quibus vacuitatis beneficii promulgatio facta est, 9. Febr. 1784. 24. Dec. 1785. 4) Relatio consistorii intra sex hebdomadas a die, quo beneficium vacare coepit, regimini provinciae porrigenda est, *) a regimine vero addita sua ipsius sententia quantocius ad aulam transmittenda. 31. Jan. 1792. 5) Transmittitur autem ad collegium aulicum camerale, (Finanzhoffstelle) si jus patronatus praedio cuidam camerale inhaereat, secus ad cancellariam aulicam (Hoffkanzley.) Beneficia, quorum redditus quingentos, juxta decretum vero recentissimum dd. 16. Maj. 1807., mille florenos annuos non excedunt, a regimine provinciae conferuntur, siquidem regimen consistorio episcopali consentiat. 5. Sept. 1799. 24. Dec. 1803. 6. Febr. 1812. 6) Competiores omnes libellum supplicem immediate consistorio episcopali porrigunt, cujus est, tres dignissimos maximeque idoneos, eosque, si opus esse judicaverit, etiam ex aliis non competitoribus electos, proponere, ac commendare, (vorschlagen) reliquos vero competitores, quotquot idonei inveniuntur, in tabella praescripta consignare. 31. Jan. 1800.

*) Quodsi tamen jus patronatus sive ad administratorem vel inspectorem bonorum cameralium, sive ad praefecturam rei salinae (Salzoberant) pertineat, relatio consistorii immediate eo di-

rigitur, unde eâ de re ad regimen provinciae refertur.

§. 119.

Leges nostrae non solum generatim dignissimos ad beneficia patronatus caesarei commendandos esse praecipiunt, sed quasdam etiam statuunt qualitates, quarum intuitu competitoribus prior prae aliis locus sit tribuendus. Eorum nempe praecipua ratio habenda est, 1) qui universas disciplinas theologicas in universitate quadam patria, aut lyceo cum testimonio primae classis se absolvisse docuerint. 25. Apr. 1782. 2) Item qui rei scholasticae utiliter operam navaverint. 6. Dec. 1774. 3) Praeter attestationes tum examinis pro concursu, tum studiorum ac morum ceteris paribus senium respiciatur. 9. Febr. 1784. 4) Porro professores publici in gymnasiis, de institutione juventutis singulariter meriti, praecipue ad beneficia caesarea provehantur. 1. Aug. 1785. 5) Quae de capellanis campestribus statuta sint, sectione priori §. 96. commemoravimus. 6) Hi praecipue ceteris paribus alios praecedant, qui vel in parochiis caesareis curae animarum deserviunt, vel quodam officio aulico funguntur. Idcirco in tabella concurrentium de singulis adnotandum est, a quo tempore in parochiis patronatus caesarei deserviant. 31. Jan. 1788. 17. Mart. 1802. 6. Dec. 1804. Quod tamen non obstat, quo minus curatores animarum, etiam in parochiis ad patronatum privatorum pertinentibus constituti beneficia caesarea obtinere possint, siquidem antea jam longiori tem-

Qualitates
in collatio-
ne beneficio-
rum caesar.
praecipue
aestimandae.

pore diligenter ac utiliter sub patronatu caesareo officio sacro functi fuerint. 14. Febr. 1803. *) 7) Similiter animarum curatores in regionibus acatholicorum pluribus adhinc annis constitutos, praeclarisque dotibus, ac meritis instructos, aliis praeferendos esse statuitur. 12. Nov. 1804. Denique cooperatores ac provifores, qui parochorum ob senectutem aut infirmitatem inhabilium vices gerunt, pro modo meritum ad parochias praeprimis ab ipsis administratas casu, quo vacaverint, aut etiam ad alia beneficia patronatus caesarei provehantur. 15. Mart. 1792.

*) Ad beneficia patronatus caesarei praeferuntur clerici in beneficiis caesareis constituti clericis patronatum privatorum eo tantum in casu, quo dotes et merita plane sunt paria. Decr. 28. Oct. 1814. De ea tamen conditione, quod solum ii curatores promoveri possint ad beneficia caesarea, qui in talibus olim jam constituti fuere, mentio non occurrit.

§. 120.

Modus Beneficiis, quae ad jus patronatus procedendi privatorum pertinent; vacantibus, 1) episcopi est, competitores examinatos, idoneosque repertos patrono nominatim indicare, ut hic unum ex iis eligat, et episcopo praesentet. 9. Febr. 1784. Et quanquam episcopus ex praescripto hujus decreti non nisi tres patrono nominare tenebatur, recentiori tamen lege statutum est, ut omnes competitores, quotquot idonei reperti fuerint, patrono nominarentur, cui liberum esset, quem vellet, ex illis seligere. 15. Sept. 1798. 2) Inter-

dictum est patronis, antequam concursus competitorum pro beneficio vacante finitus sit, praesentationem ad beneficium cuiquam promittere; cui vero promissum ejusmodi factum fuerit, is ne in numerum quidem competitorum patrono nominandorum reponendus. 29. Nov. 1786. 3. Jan. 1794. 3) Si patronus (sive ecclesiasticus sit, sive laicus) intra sex hebdomadas, aut in exteris terris intra tres menses a die, quo eidem competitores ab episcopo nominati fuerint, praesentationem facere neglexerit, jure praesentandi pro illo casu privatur, collatioque beneficii ad episcopum devolvitur, qui illud competitori, in litteris episcopalibus ad patronum datis primo loco inter reliquos nominato, conferre tenetur. 18. Jun. 1805. 4) Si patroni plures de uno praesentando non convenerint, illi conferetur beneficium, quem major pars praesentaverit, si autem vota paria fuerint, episcopus primo loco nominatum instituit. Ibid. 5) Si lis sit de eo, cui jus patronatus competat, episcopus provisorio modo clericum in beneficio collocabit, cui vincens praesentationem sine justà causà denegare non poterit. Tract. de jur. incorp. lit. I. §. 6*) 6) Quando unus jus nominandi habet, alter jus praesentandi, nominans tempestive clericum patrono nominare debet, quem hic episcopo praesentare tenetur; sique in morà fuerit patronus nominans immediate ad episcopum nominationem dirigit; sin autem nominans in morà fuerit, patronus pro arbitrio episcopo praesentat.

*) Si possessor juris patronatus obaeratus sit, fiatque concursus creditorum, vigore decreti pro regno Galliciae editi dd, 28. Sept. 1786. beneficium illo tempore vacans libere ab episcopo conferendum est. At nostris in terris is mos non obtinet, sed patronus nihilominus jure praesentandi utitur, quamvis secundum principia juris eo in casu exercitium juris patronatus, utpote quod fundo inhaeret, creditoribus cesso, ad curatorem bonorum potius, creditorum vices gerentem, pertinere videtur.

§. 121.

Quoad beneficia regularia.

Ad beneficia regularia sacerdotes domestici in examine idonei reperti episcopo a superiore praesentantur. 23. Oct. 1784. Praesentati a concursu parochiali exempti sunt. 18. Jul. 1783. Ut tamenabilitas eorum, qui ad parochias incorporatas praesentantur, certa reddatur, eadem forma examinis ab ipsis, antequam instituantur, subeundi, praescripta est, quae in concursu parochiali observatur. Praesentatus igitur ex universis disciplinis, quae materiam examinis pro concursu constituunt, scripto, dein ex methodo catechizandi, et e suggestu dicendi oretenus examinandus est, sique primae classis calculum non obtinuerit, tamdiu a munese parochiali arcendus, donec in novo examine sufficientis scientiae documenta dederit. 31. Jan. 1792. Sacerdotes mendicantes, in parochiam monasterii collocandi (§. 91.) examen pro concursu parochiali praescriptum subire tenentur. 31. Dec. 1802.

§. 122.

Restant adhuc modi extraordinarii Permutatio
 perveniendi ad beneficia, permutatio scilicet, beneficio-
 translocatio, et collatio beneficii ex jure de- rum. Trans-
 evolutionis. Permutatio beneficiorum locatio.
 proprie mutuam permutantium resignationem
 conditionatam, novamque collationem bene-
 ficiorum factam ab eo, cui jus conferendi
 competit, complectitur. Ut igitur legitime
 fiat, requiritur 1) justa causa, utilitatem
 ecclesiae concernens, 2) consensus episcopi
 praevia causae cognitione, 3) in beneficiis
 juris patronatus consensus utriusque patroni.
 Translocatio clerici ab uno beneficio ad
 aliud, quae fit ex officio, ut ajunt, clerico
 non petente, ob defectus vel physicos vel
 morales decernitur. In casu posteriore species
 poenae est, locumque habet in delictis ejus-
 modi, quae etsi reum ad curam animarum in
 eodem loco in posterum administrandam in-
 habilem reddunt, non tamen impediunt, quo-
 minus alibi muneri sacro obeundo idoneus
 haberi possit. In priori casu nisi consentiente
 eo, qui translocandus est, fieri nequit; ne-
 minem enim ob senium, aut corporis infir-
 mitatem a beneficio suo amoveri leges nostrae
 volunt. Si nimirum curator animarum ob
 molestias loci officio sacro ibidem exsequendo
 aptus non sit, eritendum esse statuunt, ut
 in alium locum minus incommodum suisque
 viribus accommodatum transferatur, eundem
 officii gradum sive parochi, sive capellani lo-
 calis, sive cooperatores retenturus, quem
 hactenus tenebat. 17. Mart. 1792.

Collatio be- Si is, cui jus providendi beneficio va-
 neficiorum canti competit, sive praescriptum tempus prae-
 ex jure de- terminaverit, sive indignum scienter ad bene-
 volutionis. ficiu[m] vocaverit, juri devolutionis lo-
 cus est, vi cujus immediate superior pro isto
 casu singulari beneficium confert. Hac in re
 1) supponitur negligentia ex parte colla-
 toris ordinarii, ut nimirum in priori casu
 vacationem beneficium, in casu posteriori in-
 habilitatem ejus, quem ad beneficium vocat,
 exploratam habeat, neque ullum collationi
 legitimae obstet impedimentum. 2) Devolu-
 tio fit gradatim, servato ordine hierarchico,
 ita ut jus conferendi beneficium semper su-
 periori immed iato, proinde primum epi-
 scopo, dein metropolitae, competat. (§. 127.)
 3) Succedit devolutio in locum provisionis
 ordinariae, hinc superior easdem in conferen-
 do beneficio tenetur servare leges et conditio-
 nes, quibus inferior adstrictus est. 4) Quod si
 forte collatio a superiore facta quacunque de
 causa subsistere nequeat, jus conferendi bene-
 ficium ad collatorem ordinarium revertitur.

Sectio secunda.

De rebus ecclesiasticis.

Caput primum.

De rebus spiritualibus, sacris, et
religiosis.

Articulus primus.

De rebus spiritualibus.

§. 124.

Rerum spiritualium nomine hic loci
veniunt actus cultus divini externi, ut sunt
sacramenta, missae sacrificium, poenitentiae
et indulgentiae ecclesiasticae, ritus quidam
accidentales, quos sacramentalia vocant,
sacra liturgia, dies festi, jejunia ecclesiastica,
vota, et iusjurandum. Res sacrae, aut
potius loca sacra, illa sunt, quae peculiari
consecratione vel benedictione ad cultum di-
vinum sunt destinata, ut ecclesiae, et coeme-
teria. Ab his distinguuntur loca tum reli-
giosa, absque consecratione et benedictione,

Notio.

auctoritate tamen ecclesiae, piis usibus sacra-
ta, ut monasteria, tum pia, voluntate so-
lum privatorum, non interveniente ecclesiae
auctoritate, piis usibus servientia, v. g. ora-
toria domestica. Agemus igitur articulo priori
de rebus spiritualibus, posteriori de rebus sa-
cris et religiosis, eas tamen materias, quae
ad disciplinas theologicas pertinent, silentio
praetereuntes.

§. 125.

Sacramen-
tum bap-
tismi.

De sacramento baptismi notan-
da sunt sequentia; 1) Infantes Judaeorum in-
vitis parentibus baptizare, severe interdictum
est, (L. 201.) Jubentur porro rectores ani-
marum, etiam Judaeum, qui sui juris est,
baptizaturi, rem significare regimini provin-
ciae, consensumque petere. 13. Aug. 1787.
2) Stola pro administrando sacramento bap-
tismi olim consueta penitur abrogata est. 8.
Nov. 1783. 3) Tenentur parochi habere li-
brum baptizatorum, (Taufbuch) cui
inscribenda sunt: dies nativitatis, numerus
domus, ubi infans natus est, ejusdem nomen
baptismale; sexus, et conditio, utrum nimi-
rum sit legitimus, an illegitimus, dein nomen
et cognomen parentum, eorumque religio,
denique nomen, cognomen, statusque patri-
norum. Patrini suà manu nomen inscribere
debent, aut si artem scribeudi non callent,
alius eorum nomen inscribat oportet, ipsius
signum suà manu apponentibus. Ex libro bap-
tizatorum sub finem anni tabella annua juxta
formam praescriptam conficienda, et praefec-

turae circuli tradenda est. 20. Febr. 1784. (pro Gallic. occid. 21. Oct. 1796.) 4) Nomen patris infantium spuriorum tum solum inscribendum est, cum quis se patrem profiteatur, et inscribi petit. Quapropter ut contra patrem prolis spuriae probatio legitima ex libro baptizatorum fieri possit, adnotandum ibidem est, idque additâ a parcho et patrinis suabus ipsorum manibus, nominum subscriptione, eundem praesentem, ipsisque bene notum, non modo patrem se professum esse, verum etiam vel suâ sponte inscriptionem petiisse, vel a tertio monitum, ut inscribatur, consensisse. 18. Oct. 1787. *) 5) Monentur rectores animarum, ut si parentes infantis baptizandi peregrini sint, et incogniti, in inscribendo caute procedant, et quamprimum fieri possit, de veritate eorum, quae sive a parentibus sive a patrinis de stirpe et conditione infantis dicta sunt, testimoniis fide dignis certiores reddi studeant. Decr. reg. Austr. supra Onaf. dd. 3. Dec. 1807. **)

*) Videatur dissertatio de observandis rectori animarum circa baptismum prolium illegitimarum in der theolog. prakt. Monatschrift 2. Jahrg. 3. Band. §. 164. nov. cod. civ.

**) Decretum aulicum 21. Oct. 1813 ad defectus et fraudes in matriculis detectos pro futuro praecavendos statuit: a) Ut ne nomen matris inscribatur, antequam per duos testes sat fidos, aut cognitione magistratus nominis certitudo evicta sit. b) Nomen patris et legitima prolis nativitas ne inscribatur, nisi testimonio copulationis, aut magistratus cognitione parentis nomen atque matrimonium legitimum extra dubium fuerit collocatum.

Sacramenta Eucharistiae et poenitentiae. Quod attinet sacramenta Eucharistiae, commemorandus est praecipuis canon concilii Lateranensis IV. Omnis utriusque sexus, (cap. 12. de poenit. et remiss.) continens praeceptum, ut fideles omnes, postquam ad annos discretionis pervenerint, semel saltem in anno sacerdoti peccata confiteantur, aut tempore paschali Eucharistiae sacramentum suscipiant; alioquin et ab ingressu ecclesiae arceantur, et mortui ecclesiastica careant sepultura. Unde et in Austria mos obtinet, verisimiliter a tempore reformationis, quam vocant, ortum ducens, ut parochus unusquisque quotannis elapso tempore paschali tabellam communicantium, (*Kommunikantenbericht*) juxta praescriptam formam ad consistorium episcopale transmittere teneatur. Cum tamen prohibitio ab ingressu ecclesiae, et privatio christianae sepulturae species sit censurae ecclesiasticae, aliter certe locum non habet, nisi praevia causae cognitione, ac sententia judiciali, obtentoque principis consensu. Officiales publici, qui olim litteras testimoniales peractae confessionis paschalis superiori suo exhibere tenebantur, ob abusus inde secutos ab hac lege soluti sunt. 21. Apr. 1788. Praestationes quondam usitatae tum pro sacra confessione, (*Beichtkreuzer*) tum pro viatico ad aegrotos deportando, (*Berschgelder*) interdicuntur. 6. Jul. 1776.

§. 127.

Circa missae sacrificium canōnibus Missae sa-
crificium.
 praescriptum est, 1) ne extra ecclesiam abs-
 que speciali episcopi facultate missa celebretur,
 utque, impetratā pro sacello quodam dome-
 stico facultate episcopali, et locus sit decen-
 ter praeparatus, et altare portatile adhibeatur.
 2) Excepto festo nativitatis Domini cuius sa-
 cerdoti nonnisi semel de die celebrare licet,
 nisi causa necessitatis hāc in re dispensationem
 suadeat. 3) Quivis sacerdos monetur, ut
 saltem diebus dominicis et festivis missam di-
 cat; qui autem curam animarum habet, aut
 beneficium possidet missarum onere gravatum,
 toties missam celebrare jubetur, quoties opus
 est, ut aut muneri suo, aut foundationi satis-
 faciat. Conc. Trid. sess. 23. cap. 14. de re-
 form. 4) Tenentur parochi singulis diebus
 dominicis et festivis missam pro populo spe-
 cialiter offerre, seu, ut ajunt, applicare;
 vid. Const. Benedicti XIV. dd. 19. Aug. 1744.
 5) In quālibet missā collecta pro summo prin-
 cipe recitanda est; emergentibus publicis pa-
 triae necessitatibus plerumque collecta spe-
 cialis praescribitur. 6) Sacerdotes peregrini
 sine litteris commendatitiis episcopi sui ad
 celebrationem missae admittendi non sunt.

§. 128.

In ecclesiā antiquā omnes graviorum cri- Poenitentiae
et indulgen-
tiae ecclesia-
sticae.
 minum rei poenitentiae publicae sub-
 jiciebantur. Postea vero axioma invaluit, de
 peccatis publicis publice de occultis occulte

esse poenitendum. Potestas imponendi poenitentiam publicam episcopo reservata est. Legibus tamen nostris interdicitur, ne poenitentiae externae sine permisso regiminis provinciae imponantur. 27. Febr. 1770. (pro Gallic. occid. 12. Sept. 1797.) De indulgentiis (I. §. 160.) statuunt leges nostrae, *) 1) ut tabulae in festo portiunculae exponi solitae cum inscriptione toties quoties abrogentur; populus fidelis genuinis de naturâ et indole indulgentiarum notionibus imbuatur, abususque occurrentes ab episcopis e medio tollantur. 27. Nov. 1781. 2) Quodlibet breve indulgentiarum curiae supremæ ad obtinendum placitum regium transmittendum fuit. 7. Maj. 1782. 3) Si quæ novae indulgentiae petantur, jubetur episcopus dioecesanus prius, quam ad sedem apostolicam recurratur, causam cognoscere; sique ad eas impetrandas sufficientem adesse rationem iudicaverit, placitum regium petere debet; sin minus, supplicans sine morâ repulsam ferat, oportet. 15. Oct. 1782. 4) Absolutiones generales confraternitatibus abolitis usitatae abrogatae sunt. 5. Maj. 1784. 5) Denique mandatum fuit, ne imposterum privilegia altaris Romae impetrarentur, utque inscriptiones, altare privilegiatum, ubique tollerentur, neque in directoriis dioecesanis istorum privilegiorum mentio fieret. 7. Aug. 1787.

*) Vid. Theolog. Monathsch. 2 Jahrg. 3 Band.

§. 129.

Praeter sacramenta a Christo instituta uti-
 tur ecclesia ritibus quibusdam externis acciden-
 talibus, qui sacramentalia dici solent
 propterea, quod cum sacramentis quamdam
 habent similitudinem, ab his tamen in eo
 essentialiter distincti, quod nec a Christo in-
 stituti sunt, nec virtutem efficiendae gratiae
 divinitus adnexam habent. In eorum nume-
 rum reponendae cumprimis sunt benedic-
 tiones, seu ritus, et preces sacrae, quibus
 ecclesia sive personas, sive res ministerio cui-
 dam sacro dedicat, aut divinam benedictionem
 illis impertiendam implorat. *) Legibus no-
 stris benedictiones aliae, aut consecrationes
 non permittuntur, nisi in rituali Romano
 contentae. 5. Maj. 1784. Benedictio domo-
 rum in vigiliâ nativitatis domini, circumci-
 sionis, et epiphaniae olim cum incensatione
 fieri solitae, 2. Dec. 1785, item benedictio
 aquae in vigiliâ epiphaniae, in rituali Roma-
 no genuino nequaquam contenta, quae pro-
 prie nihil aliud est, nisi benedictio aquae bap-
 tismalis juxta ritum graecum, interdicta est.
 26. Mart. 1788.

Sacramen-
 talia, bene-
 dictiones.

*) De Benedictionibus ecclesiasticis videatur *die*
theolog. prakt. Monatschrift 4. Jahrg. 5. Bd.

§. 130.

Post annum 1783 in provinciis Aufiriacis Ordo officii
 ordo officii divini ubique conformis le- divini prae-
 ge publicâ introductus est, idque cum prae- scriptus.

cipue in finem, ut in celebrando officio divino nihil inconstans ac dissimile, nihil arbitraryrium reperiatur, abusus vero, spuriaeque devotiunculae removeantur, dein institutio in doctrinâ christianâ per conciones sacras et catecheses diebus dominicis et festivis praescriptas magis promoveatur, item cantus populi loco musicae instrumentalis, non raro attentionem impediens, in consuetudinem veniat, generatim denique cultus divinus simplicior, pietatique adjuvandae aptior reddatur. *) Ordo hic officii divini pluribus etiam decretis subsecutis speciatim dd. 17. Mart. 1791 et 13. Jun. 1793 confirmatus est, rescriptoque caesareo dd. 27. Febr. 1795 moniti sunt episcopi, ut si quod extraordinarium pietatis exercitium in ecclesiis habere vellent, id primum regimini provinciae significarent.

*) De observandis rectori animarum circa ordinem officii divini videatur die theol. prakt. Monatschrift 2. Jahrg. 3. Bd., item 6. Jahrg. 2. Bd. In Hungariâ quoque similis ordo officii divini in omnibus dioecesibus conformiter observandus praescriptus est rescripto regio dd. 14. Nov. 1785.

§. 131.

Singularia quae ad circa ordi- nem officii divini.	Speciatim 1) confraternitates, omniaque pietatis exercitia iisdem adnexa, abrogata sunt. 9. Febr. 1784. 2) Tam calendaria typis exscribenda, quantum attinet festa, pietatisque exercitia ibidem occurrentia quam schedulae denunciationis,
--	---

(Berfündzettel) in januis ecclesiarum affigendae, censurae librorum caesareo-regiae exhiberi debent. 24. Nov. 1784, 3) Ornatus ornatus immodicus in ecclesiis, item pietatis exercitia sub crepusculum diei haberi solita, nec non illuminationes tum sumtuosae, tum saepe periculosae, interdictae sunt. 14. Maj, 1782. 4) In hebdomadâ sanctâ ritus Romanus praescriptus est. 24. Mart. 1804; subsequente tamen decreto dd. 27. Mart. 1801 permissum, ut die parasceves et sabbato sancto sacri sepulchri repraesentatio secundum formam praescriptam in ecclesiis haberi, sanctissimumque sacramentum exponi posset. 5) Praeter supplicationes seu processiones in festo corporis Christi, dein in festo S. Marci, item feriâ secundâ, tertiâ et quartâ rogationum praescriptas, ullas alias habere non licet. 6. Jul. 1785. 9. Jun. 1789. Episcopis solum concessum est, ut incidentibus singularibus indigentis et necessitatibus publicis a populo requisiti, impetratoque a regimine provinciae praevio consensu, supplicationes hujusmodi, non tamen procul nimis ab ecclesiâ parochiali, instituerent. 17. Mart. 1791. *) 6) Ad musicam in ecclesiis habendam foeminae, praeterquam quae vi officii sui adesse debent, admitteudae non sunt; neque symphoniae ejusmodi edendae, quae scenae magis, quam ecclesiae conveniat. 19. Dec. 1806.

*) De supplicationibus vid. theol. prakt. Monatschrift 3. Jahrg. 1. Bd. S. 354. 2. Bd. S. 33.

Reliquiae,
et imagines
sacrae.

De reliquiis, et imaginibus sacris statuit concilium Tridentinum, sess. 25. de invoc. venerat. et reliq. sanct., ut in earum usu omnis superstitio, omnisque abusus vitetur, neque ulla in ecclesiis nova et insolita imago collocetur, nisi ab episcopo approbata, item nec nova venditentur miracula, nec novae reliquiae recipiantur, nisi recognoscen- te et approbante episcopo. In Austria praeterea interdictum est, ne reliquiae luminibus accensis exponantur, aut osculandae circumferantur, ne porro imagines, rosaria, cruces etc. contactu reliquiarum signentur, item ne amuleta, scapularia, aut cingula distribu- antur, neve res benedictae vendantur. 28. Apr. 1784. In expositione reliquiarum vitan- dus est ornatus immodicus, nec supra locum pro expositione Sanctissimi destinatum, nec in medio altaris exponendae sunt. 19. Maj. 1784. Vestes mobiles statuarum et imagi- num sacrarum, oblationesque in signum grati- animi pro obtentis beneficiis adpendi solitae amovendae fuere. 9. Febr. 1784. Simili modo decretum est, ut tabulis votivis e me- dio sublatis nomina offerentium, praestita ab iisdem certâ elemosynâ pro pauperibus, ta- bulis januae ecclesiae adpensis inscribi possint; vestes vero statuarum nonnisi ejusdem mate- riae, ex quâ statuae ipsae confectae sunt, ha- bere liceat. 10. Maj. 1784.

§. 133.

Jam aevo Apostolorum dies domini- Dies festi.
 ca loco sabbati Judaeorum cultui divino speci-
 atim dicata est, cui postea diversa paula-
 tim festa Domini, divae Virginis, et sanc-
 torum accesserunt. Horum ergo dierum festo-
 rum sanctificationem per opera pietatis cul-
 tusque divini ecclesia praecipit. Eum in fi-
 nem 1) ex praescripto canonum antiquissimo-
 rum fideles omnes tenentur, missae parochia-
 li, seu liturgiae, quae non solum missae sa-
 crificio, verum etiam institutione christianâ
 constat, interesse. *) Quod ut fieri possit,
 legibus nostris in quâvis ecclesiâ parochiali,
 ubi plures adsunt presbyteri, duplex litur-
 gia, una matutina, altera principalis, (*Früh-
 und Hauptgottesdienst*) praescripta est; ubi
 vero unicus adest sacerdos, horae ad cultum
 divinum celebrandum inter parochias sibi vi-
 cinas mutuâ conventionem ita sunt distribuen-
 dae, ut parochiani alternis vicibus compare-
 re possint. 3. Jun. 1784, 27. Sept. 1785.
 Diebus dominicis a meridie catechesis, (*Chri-
 stenlehre*) habenda est, ad eamque comparen-
 dum juventuti utriusque sexus e scholâ egres-
 sae, aetatemque anni decimi octavi nondum
 affectae, praecipue vero tyronibus opificum,
 artificum, et mercatorum, (*Lehrjungen*) quos
 ideo absque testimonio catechetico emancipare
 (*freysagen*) non licet. Decr. Regim. infer.
 Austr. dd. 20. Dec. 1804 item decr. aul. dd.
 30. Maj. 1807. 2) Diebus dominicis et fe-
 stivis vetantur opera servilia, seu labores,
 qui virium corporis impendio peraguntur,

et olim a servis nostro more a famulis, opificibus, ruricolis, mercenariisque peragi solent. Leges Imperatorum hac de re latae in codice juris civilis continentur. Constitutiones vero nostrae de disciplinà publicà editae, (*Polizey-Verordnungen*) v. g. pro urbe Viennensi dd. 29. Sept. 1803 per partes describunt, quod propterea pro diversitate negotiorum, et indigentiarum liceat, vel non liceat. Exigente casu necessitatis facultas faciendi opus servile a parcho petenda est. Nundinas diebus dominicis vel festivis celebrare prohibitum est. 29. Maj. 1807.

*) De obligatione parochianorum, ut diebus dominicis et festivis missae parochiali intersint, vid. theol. prakt. Monatschrift 3. Jahrg. 1. Band.

§. 134.

Dies festi
abrogati, Festivae solemnitates sequiori aevo adeo multiplicatae sunt, ut abusibus quam plurimis et querelis ansum praebuerint. Eam ob rem in terris Austriacis dies festi, exceptis principalioribus, postquam primum a Benedicto XIV. venia facta esset, labores serviles hisce diebus peragendi, postea a Clemente XIV. edità Romae constitutione, per litteras patentis caesareas dd. 4. Oct. 1771 promulgatà, pro foro penitus sublatis sunt, non nisi pro choro retenti. Monentur subditi omnes, ut diebus hisce in consuetos labores diligenter incumbant, parochi vero et magistratus, ut exemplo suo aliis praeluceant, fa-

mulosque suos ad laborandum adigant. Neque cultum divinum in ecclesiâ more festivo celebrare, neque ferias scholasticas habere licet. Quae hâc in re variis legibus statuta fuerant, recentiori decreto dd. 14. Mart. 1805 collecta, et instaurata sunt. Abrogatio dierum festorum pertinet quoque ad subditos Austriacos, parochiis exteris adscriptos, non vero ad subditos externos adscriptos parochiis Austriacis: quin tamen in horum favorem festivam solemnitatem in ecclesiis nostris habere liceat, 22. Febr. 1772. Festa patrocinii, quae in diem profestum incidunt, in diem dominicam transferenda sunt; in quâvis provinciâ nonnisi memoria patroni provinciae die festo praescripto colitur. Festum dedicationis in omnibus ecclesiis dominicâ tertiâ mensis Octobris, secundum Calendarium commune, celebrandum est. 12. Oct. 1786.

§. 135.

Jejunium ecclesiasticum, tum ad Dies jejunii sublevandam, significandamque poenitentiam, ecclesiastici. tum ad dies festos quosdam sanctius agendos, a primis jam ecclesiae seculis consuetudine introductum est, quae dein in legem abiit. *) Distinguuntur ex hodiernâ disciplinâ dies jejunii praecepti, (gebothene Fasttage) quibus nonnisi unica refectio praeter serotinam collatiunculam permittitur, simulque ab esu carniû abstinendum est; et dies abstinentiae, ubi solum esus carniû interdictus, jejunium vero praescriptum non est. Prioris generis jejunia sunt: a) quadragesima-

le per dies quadraginta ante pascha, exceptis diebus dominicis, b) quatuor temporum diebus mercurii, veneris et sabbati, c) in vigiliis quorundam festorum principalium, d) in Austria diebus mercurii et veneris tempore adventus praescripta, quae in locum vigiliarum ante dies festos postea abolitos successerunt. Dies abstinentiae sunt dies veneris et sabbati totius anni, et dies dominicae in quadagesimâ. In pluribus tamen Austriae dioecibus aliquot abhinc annis in esu carniû, diebus veneris, aliisque certis diebus exceptis, ab episcopis generaliter dispensatum est. Ad abstinentiam a carnibus de consuetudine tenentur omnes annum aetatis septimum assecuti, ad jejunium, qui vigesimum primum aetatis annum expleverunt, nisi legitime dispensati sint, aut iustis de causis excusati.

*) Vid. theol. prakt. Monatschrift 2. Jahrg. 1. Bd. S. 132. de utilitate, origine, ac indole jejunii ecclesiastici.

§. 136.

Vota.

Si cui actio quaedam libera non tanquam officium certum, sed cum in finem ob oculos ponatur aut a semetipso, aut ab alio, ut illam secundum legem moralem pro singulari statu suo ac conditione examinet, suoque iudicio, si ita visum fuerit, in officium convertat, consilium morale adesse dicitur. Quod si re diligenter perpensa actionem sibi suam officii sui esse cognoverit, eamque, ut pietatem suam erga Deum solemni-ter de-

monfret, Deo promiferit, actus ifte cultus divini votum nuncupatur. Itaque actiones nonnifi bonae, quae tamen generatim praeceptae non fint, fed duntaxat legi morali conformiter fuadendae, objectum voti conftituunt. Vota folum ab iis, qui habent rationis ufum, de rebus ad liberam voventis poteftatem fpectantibus, et falvis juribus aliorum, valide emitti poffunt. Qui votum validum emifit, obligatur, ut illud accurate ac integre juxta verum animi fenfum voto expreffum exequatur. *)

*) Vid. Geishüttner theolog. Moral. II. §. 76 — 90.

§. 137.

Dividuntur vota in fimplicia, et fo- Divifio vo-
lemnia. Solemnitas voti fita eft in fingulo- torum.
lari acceptatione ecclefae, eamque vim ha-
bet, ut actionem voto contrariam fimul ir-
ritam reddat. Ubi deeft haec acceptatio, vo-
tum fimplex eft, et actio contraria illicita
quidem, non tamen irrita. Illud autem dun-
taxat votum folemne effe cenfetur, quod fo-
lennizatum fuerit, vel per fufceptionem facri
ordinis, vel per profefionem religiofam in or-
dine a fede apoftolicâ approbato, cap. un. de
vot. et vot. redemt. in 6. Eft porro votum
vel personale, quod de facto voventem
folum concernente, vel reale, quod de re
in gratiam tertii praefandâ emittitur. Per-
fonale voventem folum obligat; reale ad hae-
redes tranfit, ac tertio jus tribuit, rem voto
promiffam exigendi; illud nonnifi ab ipfo vo-

vente, hoc etiam per alium adimpleri potest. Unde votum personale a communitate quâdam emissum posteros obligandi vim non habet, nisi illud sponte suâ comprobaverint.

§. 138.

Liberatio a
votis.

Cessat obligatio voti, 1) cessante ob-
jecto, quando nimirum rerum conditio adeo
immutata est, ut aut observatio voti physice
vel moraliter esset impossibilis, aut credi vix
posset, voluntatem voventis in novum rerum
statum fuisse directam, aut quando finis voti
principalis obtineri amplius nequit. 2) Com-
mutatione, qua votum in opus melius,
vel saltem aequè bonum, et in dubio quidem
approbante legitimo superiore mutatur. 3)
Irritatione, ab iis factâ, a quorum pote-
state actio voto promissa pendet, si voto non
consenserint, v. g. a magistratu, parentibus,
conjugè etc. 4) Dispensatione, quae
proprie nihil aliud est, nisi declaratio eccle-
siae, votum in eo rerum statu, in quo vovens
versatur, coram Deo et ecclesiâ non obligare,
partim ad tranquillandam in dubio conscien-
tiam, partim in votis publicis pro foro eccle-
siae externo necessariâ. Cuiam jus in votis
dispensandi competat, alio loco (I. §. 157.)
ostendimus.

§. 139.

Jusjuran-
dam.

Jusjurandum actus est religiosus, quo
quis ad firmandam dictorum vel promissorum
veritatem vindictam divinam provocat, si

sciens vel falsum dixerit, vel promissis non steterit; unde in assertorium, et promissorium dividitur. Juratur per verba vim jurisjurandi experimentia, et in terris quidem Austriacis hâc solum formulâ: sic me Deus adjuvet. 19. Jul. 1782. Ad jusjurandum 1) requiritur veritas, seu animus jurantis, dicendi verum, aut promissa explendi, iudicium, ut nempe adsit causa legitima ad jurandum impellens, et iustitia, ut rem edicere, aut promittere liceat. *) 2) Jurare possunt ii solum, qui vim jurisjurandi intelligunt; non ergo infantes, dementes, athei, item de perjurio convicti. 3) Jusjurandum promissorium, cum novum religionis vinculum pariat, ad eos quoque actus, dummodo licitos, obligat, qui legis subsidio carent. 4) Ceterum sequitur jusjurandum naturam actus, cui adjicitur, neque efficere potest, ut actio, quae per se illicita est, aut juribus tertii repugnat, licita et iusta fiat.

*) Unde jusjurandum de immaculatâ conceptione in universitatibus et lyceis olim consuetum legibus nostris abrogatum est propterea, quod non nisi veritas certa et explorata jurejurando confirmari, et sola necessitas causa jurandi sufficiens esse potest. 3. Jun. 1782.

Articulus secundus.

De rebus sacris, et religiosis.

§. 140.

In locis sacris eminent ecclesiae, seu Exstructio
 loca ad cultum divinum publicum et praeci- ecclesiarum.

pue missae sacrificium celebrandum speciali consecratione aut benedictione dicata. Ut exstructio ecclesiarum legitime fiat, requiritur, 1) iusta causa bonum spirituale populi fidelis concernens; 2) auctoritas episcopi, qui causam cognoscat, eos, quorum interest, audiat, et more consueto lapidem primum benedicat, crucemque in loco ponat; 3) consensus potestatis politicae; 4) assignatio dotis tum ad conservationem aedificii, suppellectilis, et ornamentorum, tum ad sustentationem clericorum in ecclesia constituendorum sufficientis. *) Cum exstruuntur novae ecclesiae parochiales, nimiam altarium frequentiam vitandam esse statutum est. 7. Jan. 1785.

*) De administratione patrimonii ecclesiarum, item de obligatione, suppeditandi sumtus ad aedificandas aut instaurandas ecclesias necessarios, capite tertio agendi locus erit.

§. 141.

Consecratio, et benedictio ecclesiarum. Ecclesiae neoerectae secundum consuetudinem ecclesiasticam consecrandae sunt, aut benedicendae. Consecratio ecclesiae in eo differt a benedictione, quod haec non nisi ab episcopo, illa etiam a presbytero ex delegatione episcopi fiat, in hac unctio cum sacro oleo adhibeatur, in illa non item. Consecrationi pridie et a consecratore, et ab iis, qui ecclesiam consecrari petunt, jejunium praemittitur; adhibentur in ea ritus solemnes in pontificali Romano contenti, collocantur in altaribus reliquiae, cruces in parietibus

depinguntur, ecclesiae consecratae nomen a Sancto, cujus patrocinium fuit electum, aut a sacro mysterio imponitur, denique anniversarius consecrationis dies quotannis celebratur, qui tamen in terris Austriacis ad dominicam tertiam mensis Octobris translatus est. (§. 134.) Benedictio ecclesiarum nonnisi provisorie, donec consecratio secuta fuerit, fieri solet, quoties ista longiori tempore impeditur.

§. 142.

Quoties ecclesia aliqua ad usum profanum convertitur, prius singulari quodam ritu exsecrari solet. Exsecrari etiam ecclesia dicitur, seu consecrationem amittere, cum vel tota, vel major parietum pars diruta est, vel crusta interior per incendium aut aliam ob causam majori ex parte decidit, aut abradytur, cap. 6. de consecr. eccles. Exsecrata autem non censetur ecclesia, quae sensim per partes minores etiam tota fuerit renovata. Polluitur, seu violatur ecclesia, sepulturâ hominis non baptizati, aut excommunicati, homicidio, aut aliâ notabili injustâque sanguinis effusione, et crimine impudicitiae ibidem patrato. Ecclesia publice polluta ad refarciendam injuriam certis ritibus in pontificali praescriptis reconciliari debet.

§. 143.

Altaria quoque, seu mensae lapideae ad missae sacrificium ibidem offerendum dicatae, specialiter consecrantur. *) Sunt autem al-

Consecratio
altarium etc.

taria alia fixa, quae loco non moventur, alia portatilia, quae de loco in locum transferri possunt, et in oratoriis privatis adhiberi solent. Simili modo etiam calices, patenae, et sacra vasa, in quibus sacrosancta corporis et sanguinis Christi mysteria asservantur, per unctionem consecranda sunt, eorumque materia ex hodierna disciplina aurum vel argentum sit oportet. Vestimenta sacra sine unctione benedicuntur. Campanae vero ex veteri usu cum unctione consecrantur; consecratis nomen cujusdam Sancti, aut sacri mysterii imponitur. Ritus ac formulae harum consecrationum et benedictionum partim in pontificali Romano, partim in rituali continentur. (I. §. 185. 225.)

*) Altare execrari creditur, cum aut enormiter laesum fuerit, aut a basi sua remotum. Cap. 3. de consecr. eccles.

§. 144.

Capellae
privatae.

Ab ecclesiis distinguuntur capellae, seu oratoria privata, quod illae ad cultum divinum publicum, ista ad privatum spectant. Ad erigendas ejusmodi capellas opus est auctoritate episcopi, siquidem ibidem missae sacrificium celebrandum, aliave sacramenta administranda sint. Tum vero requiritur, ut capella sit decenter adparata, ab omni usu profano libera, atque altari portatili instructa. Facultas episcopalis dicendi missam in ejusmodi capellis plerumque exceptis festis majoribus conceditur. Monentur episcopi

decreto caesareo dd. 17. Mart. 1791, ne in concedenda facultate ad erigendas ejusmodi capellas, praesertim in urbibus nimis sint faciles. (§. 90.) Neque dubitandum est, capellas etiam in viis publicis, et agris constitutas, (*Strassen- und Feldkapellen*) ad usum communem publicum servientes, non nisi cum consensu episcopi erigi posse, ejusque inspectioni subesse, eo quod ad episcopum sine dubio pertineat, cultum divinum publicum cujuscunque generis regere et ordinare.

§. 145.

Sepultura ecclesiastica est, quae Coemeteria. fit in loco sacro, adhibitisque ritibus sacris. Locus ad sepulturam pro certo fidelium coetu auctoritate ecclesiastica destinatus coemeterium dicitur. Coemeterium auctoritate episcopi erigitur, ab eodem, vel ex ejus delegatione benedicitur, *) et tamquam locus sacer episcopali jurisdictioni subest. Vetitum jam erat legibus Romanis, ne cadavera in urbe sepelirentur. Pari modo leges nostrae statuunt, ut coemeteria procul a locis inhabitatis erigantur, cryptae vero tum in ecclesiis, et monasteriis, tum in hospitalibus habitae claudantur. Coemeteria muro circumdanda sunt, et signo crucifixi instruenda. Permissum est amicis et propinquis defunctorum, ut in horum memoriam monumenta quaedam singularia penes muros erigant. 23. Aug. 1784. (pro Gallic. occid. 5. Sept. 1797.) Sumptus ad coemeteria muris aut sepibus claudenda

necessarios ecclesia parochialis, quae stolam ex funeribus percipit, suppeditare debet; si ecclesiae facultates defint, patroni cum parochianis contribuere tenentur. 10. Dec. 1784. Ubi penes ecclesiam quamdam filialem adest coemeterium, cadavera ibi sepelienda sunt, neque ad ecclesiam parochialem deferenda. 28. Nov. 1785. Cuilibet permittitur, ut in tumulo suo signum mori religionis suae conforme ponendum curet. 12. Aug. 1788. E loco, qui coemeterium esse cessat, cadavera ne effodiantur, nec fiat hortus, aruum aut pratum, neque domicilium exstruatur ibidem, nisi post decem, in Hungaria vero post triginta annos; in Hungaria tamen nec tum licet aedificare in tali loco. 21. Sept. 1777. 5. Sept. 1797. Vide plura desuper in Guffermann. Oesterreichischen Kirchenrechte. 2. Th.

*) Coemeterium eodem modo, sicut ecclesia, polluitur. (§. 142.) Polluta ecclesia polluitur etiam coemeterium, non item vicissim cap. un. de consec. eccles. in 6.

§. 146.

Modus sepeliendi.

Modum sepeliendi quod attinet, adhibentur in funeribus varii ritus sacri, cantus psalmorum, preces, thurificatio, asperasio aquae benedictae, et missae celebratio. *) Juxta leges nostras cadavera ante 48. horas post obitum sepelire non licet, casu contagionis, ubi medicus humationem accelerandam esse judicaverit, excepto. 10. Apr. 1787. (Pro Gallie. occid. 26. Mart. 1797.) Praeterea inspectio cadaveris praescripta. (Todtenbeschau) sepulturae praemittenda est. Funera

ad ecclesiam deportantur, ibidem benedicuntur, dein sine pompa in coemeterium deferuntur. Sepulchrum unumquodque 6. pedes in profundum, et 4. pedes latitudinis habeat, unumque ab altero 4. pedum spatio distet oportet. 23. Aug. 1784. **) Carmina non raro inepta, in funeribus decantari solita, interdicta sunt. 24. Sept. 1787. Sepulchra gentilitia (*Familiengrüfte*) in ecclesiis sublata, nonnisi in coemeteriis, modo ne nimium ibidem spatium occupetur, habere licet: cadavera tamen sub terram sepelienda sunt, non in propatulo, nisi forte balsamo peruncta sint, collocanda. 5. Sept. 1787. 12. Aug. et 15. Sept. 1788. Ordinibus regni Bohemiae Leopoldus II Imp. usum sepulchrorum gentilitiorum, precibus eorum motus, ea conditione permisit, ut extra urbes in loco muris circumdato, et ab habitationibus remoto cum consensu praefecturae circuli erigerentur, neque nimium multiplicarentur. 28. Oct. 1791. Ad evitandum periculum, ne mortui putatitii (*Scheintodte*) sepeliantur, sancitum est, ut in quavis parochia adsit locus ad servandas cadaveribus aptus, (*Leichenkammer*) secundum praescriptam formam convenienter instructus, ubi cadavera, quae domi intra 48. horas servari nequeunt, interim exponantur. 23. Dec. 1796.

*) Videatur brevis historia veteris disciplinae ecclesiasticae circa sepulturam in *der theol. prakt. Monatschrift* 3. Jahrg. 1. Bd. S. 153.

**) Initio quidem statutum erat, ut cadavera non in sarcophagis, sed in saccis lineis inhumarentur,

postea autem usus ligneorum loculorum denuo
 permissus est. 23. Januar. 1785.

§. 147.

Quinam ar-
 ceantur ab
 ecclesiastica
 sepultura? Sepultura ecclesiastica, utpote quae com-
 munionis ecclesiasticae argumentum esse cen-
 setur, iis denegatur, qui aut in ecclesiae
 communionem nunquam recepti erant, ut
 pagani, aut ab ea exclusi, ut haeretici, schis-
 matici, et excommunicati, aut qui notorie
 impenitentes decedunt, ut sui ipsorum in-
 terfectores. Legibus tamen nostris coemete-
 ria sejuncta pro infantibus sine baptismó dece-
 dentibus abrogata sunt. 31. Mart. 1785. So-
 cii quoque alterius religionis, proprio coeme-
 terio destituti, in coemeterio communi Ca-
 tholicorum sepeliuntur. 12. Aug. 1788. At-
 tamen in funeribus tum infantium non bap-
 tizatorum, tum acatholicorum omittuntur
 ritus sacri, qui proprie sepulturam ecclesiasti-
 cam efficiunt, ac pro certo communionis
 ecclesiasticae argumento habendi sunt. Eorum,
 qui sibi ipsis violentas manus injecerunt, ca-
 davera, praevia inquisitione, et sententiâ ju-
 diciali, non nisi comitantibus excubitoribus ad
 locum profanum extra coemeterium deferun-
 tur, ibique per lictores inhumantur. Idem
 ferme statutum est tum de iis, qui in duello
 occumbunt, ibid. I, §. 141., tum de male-
 ficis, qui poena mortis sunt affecti. Ibid.
 I. §. 450.

§. 148.

Jus sepul-
 turae. Jus sepulturae inter parochialia jura
 numeratur. (I. §. 252.) Sunt autem paro-

chiani intuitu sepulturae, quibus vivis parochus sacramenta administrare tenebatur, licet domicilium duntaxat temporarium in parochia habuerint, modo ad parochiam domicilii perpetui commode transferri nequeant. Cap. 3. de sepult. in 6. Excipiuntur, qui vel sepulchrum majorum habent, vel alibi sibi sepulturam elegerunt. Si funus ad alienam parochiam ducatur, jura stolae in propria quoque parochia juxta classem electam praestari debent. Eadem ratione jus celebrandi exequias parochi proprium est adeo, ut etiam si sepultura alibi fiat, exequiae tamen in ecclesia parochiali sint habendae. Cap. 9. de sepult. Religiosi per superiorem suum, non tamen in cryptis domesticis, sed in coemeterio communi, sepeliuntur.

§. 149.

Parochi singuli tenentur habere *catalogum defunctorum* in parochia, (*Sterb- defuncto- register*) cui inscribatur de quovis defuncto *rum*. dies obitus, dein numerus aedium; ubi mortuus est, porro ejusdem nomen, religio, sexus, aetas, iisque in locis, ubi inspectio cadaverum non obtinet, attamen medicus adest, aut chirurgus examinatus, morbi et mortis genus, a medico seu chirurgo litteris parochi tradendis indicandum. Finito anno parochus quisque tabellam annuam defunctorum ex illo catalogo in forma praescripta confectam per decanum praefecturae circuli transmittere jubetur. 20. Febr. 1784. (Pro Gallic. occid. 21. Oct. 1796.) Ubi autem obtinet institu-

tum inspectionis cadaverum, ab inspecto-
ribus institutis catalogi peculiare juxta formam
ipsis praescriptam conficiendi sunt. 20. Febr.
1784. (Pro Gallic. occid. 21. 1796.)

§. 150.

Loca reli-
giosa, hospi-
talia.

Locis religiosis (§. 124.) adnu-
merantur conventus ordinum regularium, de
quibus egimus jam sectione prima articulo
tertio capitis primi, dein hospitalia, et scho-
lae puerorum, eo quod tam illa, quam istae
pristinis temporibus auctoritate episcoporum
erigi consueverunt. Hospitalia, quo no-
mine domus pauperum, nosocomia; et or-
phanotrophia comprehenduntur, olim pote-
stati episcoporum suberant, qui ad exemplum
apostolorum sui muneris id esse existimabant,
ut hominum miserabilium omnis generis cu-
ram gererent. *) Hodie a sola potestate politica
pendent. Rectoribus tamen animarum, qui-
bus cura instituti pauperum demandata est,
decreto caesareo dd. 17. Jan. 1792. injunc-
tum fuit, ut una cum curatoribus pauperum
(*Armenwäster*) administrationi hospitalium ru-
sticanorum invigilarent, rationes annuas ac-
curate dispungerent, nominisque subscriptio-
ne confirmarent, dubia sua, aut vitia ratio-
nis (*Rechnungsmängel*) deprehensa magistra-
tui, et si opus fuerit, praefecturae circuli
delegerent, denique pro arca, in qua pecu-
niae et instrumenta hospitali propria adser-
vantur, (*Lade*) cum ex praescripto legum
serrà triplici claudenda sit, unam clavim ha-
berent.

*) Hic loci memoratu dignum videtur institutum pro aegrotantibus sacerdotibus Viennae erectum, decretoque Regiminis dd. 3. Apr. 1786. confirmatum, vi cuius quisvis sacerdos ejusdem particeps pro summa 4. florenorum quotannis contribuenda, cum in morbum incidit, ad nosocomium instituto proprium, optimeque instructum gratis recipitur.

§. 151.

Scholae puerorum originetenus in Scholae pu-
stituta fuere ecclesiastica, unde et a pastori-
erorum.
bus animarum regi consueverunt. Posteaquam
recentiori aevo potestas politica rei scholasti-
cae regimen sibi vindicaverat, clero tamen
cura scholarum immediata, salva ceteroquin
debita subjectione, relicta fuit. Praesertim
vero lege novissima de scholis elementariis la-
ta (deutscher Schulplan) dd. 7. Mart. 1804.,
quae subsecuto codice scholastico, cui titulus:
Politische Verfassung der deutschen Schulen,
additisque eidem instructionibus propius de-
finitur, statutum est, ut inspectio seu cura
immediata cujusvis scholae parochi, dein om-
nium scholarum in decanatu decano, seu vi-
cedecano incumbat, *) in universa vero pro-
vincia partim a consistorio episcopali, ubi
unus canonicorum referentis, et supremi scho-
larum inspectoris, (*Schulreferent und Ober-
aufseher*) locum tenet, partim a praefecturis
circulorum res scholastica dirigatur; consi-
storium ea curet, quae ipsam institutionem
ac educationem parvulorum; item officia lu-
dimagistrorum respiciunt, ad praefecturam
circuli autem pertineat, quidquid sustentationem
ludimagistrorum, et conservationem ae-

dium scholasticarum concernit; ceterum tam consistorium episcopale, quam praefectura circuli in gerendis hisce negotiis regiminis provinciae potestati sublit. **)

*) Praecipue jubentur rectores animarum institutionis christianae curam gerere. Propterea decreto caesareo dd. 16. Maj. 1807. statuitur: ut sexto quoquo mense sese certiores reddant, juvenes singulos suae parochiae ab anno aetatis sexto usque ad duodecimum completum in doctrina religionis legitime instrui, e schola vero egressos usque ad annum aetatis decimum octavam institutionem christianam aetati maturiori accomodatam sive domi sive in catechesibus publicis recipere. Quapropter ruri, ubi omnes tum scholam, tum catechesim publicam frequentare tenentur, magistratibus locorum injungitur, ut parochis efficax eâ in re auxilium, quoties opus fuerit, sine mora praesent. In urbibus vero majoribus a parentibus et tutoribus eorum, qui nec scholas publicas, nec catecheses frequentant, litterae testimoniales a praeceptore approbato datae, de institutione praescripta fidem facientes, parochis exhibendae sunt.

**) Ex Decreto caesareo dd. 23. Jul. 1808. etiam institutio christiana in gymnasiis caesareo regii, quae fit per catechetas specialiter ibidem constitutos, inspectioni ac curae immediatae episcoporum subjacet.

§. 152.

Jus asyli. Locis sacris debetur reverentia; quare ab iisdem actus profani qualescunque, uti negotiationes, judicia secularia, lusus, convivia etc. procul esse jubentur. Praesertim vero singularia loca illa gaudent privilegio, ut illuc

confugientibus, etiam maleficis, securitatem praestent, quo minus violenter extrahi possint, quod privilegium jus asyli dici solet. (I. §. 259.) In Austria huic juri per specialem legem dd. 15. Sept. 1775. editam modus positus est. Et 1) quidem complura criminum genera ibidem expressa a privilegio asyli penitus excluduntur. 2) Privilegium hoc non nisi locis sacris, ubi sacramenta administrantur, aut Sanctissimum adservatur, nequaquam vero sive monasteriis, sive hospitalibus, sive scholis proprium est. 3) Siquis ad locum asyli confugerit, iudex secularis illico traditionem confugae a rectore ecclesiae petere, iste vero sine mora eundem iudici tradere jubetur, alioquin licebit iudici confugam etiam vi extrahere, devitata tamen, quantum fieri poterit, plebis offensione. 4) Deinde iudicis est, cognoscere, utrum delictum ex eorum numero sit, quae ab asylo excludant, necne; priori casu processum criminalem ex ordine prosequitur, posteriori confuga ecclesiae. ad quam confugerat, restituendus est. 5) Sub gravi poena interdictum est, nequis confugam ejusmodi sub quocunque praetextu aut occultet, aut in fugae prosecutione juvet. *)

*) Cum lex poenalis et Josephina et recens ea expressa intentione sit edita, ut in tractandis et puniendis delinquentibus sola ac unica norma habeatur, atque nec in posteriori, nec in praxi mentio quaedam juris asyli occurrat, omnino privilegium hoc lege novissima tanquam abolitum censendum est.

De matrimonio.

§. 153.

Divisio, Quae ad matrimonium qua contractum civilem, ejusdemque valorem spectant, in ditionibus Austriacis per litteras patentes dd. 16. Jan. 1783, in codicem quoque legum civilium part. 1. cap. 3. receptas; quae vero matrimonium qua sacramentum novae legis, ejusque digne recipiendi modum attinent, per canones ecclesiae universales definita sunt. (I. §. 277. *) Materiae hic pertractandae in quinque articulos commode dispertuntur: 1) de matrimonio generatim spectato, 2) de legitimo partium consensu in matrimonium, et impedimentis ex ejusdem defectu provenientiibus, 3) de legali habilitate personarum ad matrimonium ineundum, et impedimentis ex ejusdem defectu provenientiibus, 4) de legitima ratione matrimonii contrahendi, et impedimentis ex ejus neglectu provenientiibus, 5) de declaratione nullitatis matrimonii, separatione quoad thorum et mensam, et divortio. **)

*) Per regnum Hungariae in materia matrimonii, et impedimentorum matrimonialium jus commune in usu est, et causae matrimoniales, quae antea lege nova an. 1786. edita foro seculari vindicatae erant, concessione regia Leopoldi II. Imp. foris ecclesiasticis denuo sunt restitutae decr. conf. locumten. dd. 20. Apr. 1790.

In hac materia, ut opus classicum commendari meretur Enchiridion juris matrimonialis Aucti Jaci Dr. Caroli Christiani Sattler.

**) Fons novissimus, unde hauriendae sunt decisiones in causis matrimonialibus, est Codex civilis universalis publicatus 1. Jun. 1811, obligans a 1. Januarii 1812, cujus definitiones matrimonia spectantes cunctis capitibus hujus paragraphis subjungentur. Uti per partem codicis civilis primam 1. Nov. 1786 publicatam non solum jus commune canonicum, et civile romanum in materiis ibi tractatis, sed et omnia imperii nostri decreta antea edita et consuetudines, ergo pariter decretum matrimoniale a 16. Januarii 1783, sunt abrogata, ita etiam pars prima codicis civilis ab anno 1786 cum legibus ex hinc editis, nisi expresse exceptis, per fontem illum novissimum valore suo destituta est.

Cum tamen ex decreto promulgatorio et ex §. 5. nov. cod. civ. leges non agant retro, nec actiones praetervitas nec jura antea possessa tanguant, idem quoque valet in omni causa juridica matrimoniali. Oborta igitur quaestione, num matrimonium certum quoddam validum sit, num irritum, distinguendum erit, num ante vel post 1. Jan. 1812 conclusum sit; ideoque an secundum veteres, an secundum recentiores leges judicandum.

In divortio matrimonii inter acatholicos respiciatur, an causa divortii ante, an post 1. Jan. 1812 obtinuerit. Cognitio itaque legum anteriorum quamvis sublatarum momenti est non modo theoretici sed etiam practici. Omnibus profundiore eruditionem in legibus hujus materiae desiderantibus maxime commendanda sunt opera sequentia: *Kommentar des k. k. Herrn Hofraths und Stephans-Ordens-Ritters Franz Edlen von Zeiller über das allgemeine bürgerliche Gesetzbuch.* — *Handbuch des in Oesterreich geltenden Eherechts vom k. k. Hrn. Prof. Thomas*

Dolliner, R. D. Canonici et Cancellarii episc. confistor. Lincensis Joan. Schwerdling opus inscriptum: Was haben die Seelsorger in Oesterreich seit dem 1. Jänner 1812 in Ehesachen zu beobachten? — D. Ant. Gulielmi Guliermann caes. reg. professoris jus ecclesiasticum Austriacum 1807. — Tractatus de materiis matrimonialibus quibusdam huc illuc reperire est in: Theolog. praktische Monathschrift. Linz 1802.

Articulus primus.

De matrimonio generatim spectato.

§. 154.

Notio matrimonii.

Contractus matrimonii perficitur, ubi mas et foemina societatem vitae indissolubilem inire, juribusque huic statui annexis frui consentiunt. Lit. pat. de matr. §. 22. Unde notio matrimonii hisce notis completur: 1ma est finis societatis conjugalis, qui in generatione et educatione prolium, aut in mutua saltem ope, communique vitae consuetudine collocatur. 2da. Perpetuitas hujus societatis, quamdiu uterque conjux vivit, siquidem matrimonium, ad tempus seu definitum seu non definitum initum, veri nominis matrimonium non est. 3tia. Conventio inter marem et foeminam juxta formam legitimam inita ad societatem istam constituendam. 4ta. Secundum principia ecclesiae catholicae ratio sacramenti, quod contrahentes sub conditionibus ab ecclesia praescriptis suscipiunt, et vi cujus, praemissa debita praeparatione, ad implenda officia status matrimonialia-

lis, perferendasque ejusdam molestias auxilii divini participes fiunt. §. 44. Relationes familiae per contractum matrimonii fundantur. In contractu matrimonii duae personae diversi sexus legitime voluntatem suam declarant in consortio individuo vivendi, proles procreandi, eas educandi, sibi que mutuum adjutorium praestandi. Non quidem requiritur, ut omnes isti fines simul adimpleantur, dummodo nullus eorum excludatur ab illis, qui matrimonium ineunt. — Ad conceptum et essentiam matrimonii validi sacramentum vel ex principiis catholicis non pertinere; affatim demonstrat Dolliner in §. 84. manualis sui citati: quamvis argumentis solidis affirmet, neglectum sacramenti temerarium illicitum esse et nefarium; caeteroquin nonnisi commixtionem vituperans contractus matrimonialis cum benedictione sacerdotali. — A contractu matrimoniali bene distinguenda sunt pacta dotalia, quae relate ad priorem adventitia tantum sunt, ab illo legitimo pendentia: quibus a sponsis jura durante matrimonio aut post matrimonium solutum respectu maxime bonorum definiuntur. — Juxta §. 879. nov. cod. civ. pactum, quo forte negotiator contractus matrimonialis praemium datae operae sibi paciscitur, irritum est, quominus hujusmodi negotiationibus ansa detur, quae raro prospera matrimonia producant. vid. Dolliner Handbuch §. 15.

§. 155.

Matrimonii contractum juxta jus commune praecedunt sponsalia. Sponsalia.

bus nostris sponsalia, seu promissa illa, quibus mas et foemina ad nuptias futuras sese mutuo devinciunt, penitus sublata sunt. Hujus generis promissum neque obligationem ad futurum matrimonium, neque ullum juris effectum producit; quin nec violatio foeminae sponsalia subsequens ullam ducendi obligationem inducit, nec alium sortitur effectum, nisi quem absque sponsalibus consecuta fuisset. 30. Aug. 1782. Sponsalia itidem a subdito Austriaco in aliena ditione inita in nostris provinciis irrita sunt. 16. Sept. 1785. Novus quoque cod. civ. §. 45. declarat, sponsalia obligationem juris neque ad ineundum matrimonium ipsum producere, neque ad praestandum id, quod in casu regressus statutum fuerit. Attamen §. 46. edicit, illam partem, quae nullam legitimam causam recessui dederat, habere jus deposcendi compensationem damni inde exorti. Damnum vero dicitur. I. jactura boni cujusdam aut emolumentum. Jactura boni jam reapse possessi damnum proprie dicitur; jactura autem boni, tantum, quamvis jure maximo sperati, lucrum cessans appellatur. Illa lege ergo non nisi damnum proprie dictum jus parit compensationis exigendae. II. Compensatio debetur illi, qui nec propria culpa, nec casu perpeffo legitimam causam dedit recessui, licet ipse sit pars recedens. III. quinam vero eventus et circumstantiae justae, recedendi causae habendae sint, judicio aequo judicis relinquuntur, cum leges id non definierint. — Sponsalia, quae a subditis Austriacis ineuntur in territorio alieno, ubi adhuc valent spon-

falia, irrita sunt apud nos. Id patet ex §. 4. nov. cod. civ. qui statuit, cives Austr. legibus his teneri etiam quoad actiones extra patriam suam peractas, in quantum eorum facultas personalis tales actiones patrandi, his legibus limitatur, et in quantum actiones illae in nostris etiam terris habiturae sint effectus legales. Jam vero leges nostrae facultatem personalem civium Austriacorum restrinxerunt eatenus, ut nec se nec alios per sponsalia ad ineundum matrimonium, aut ad satisfactionem pro recessu obligare possint. Vide Zeiller Commentar. I. part. §§. 45. 46. Dolliner manuale §. 2. — 13. Utrumque opus in studio Juris matrimonialis Austriaci summam eruditionem utilitatem ac delectationem adfert.

§. 156.

De variis matrimoniorum speciebus no- Variarum ma-
tanda sunt: 1) Matrimonium legitimum, trimonio-
quod legibus civilibus, et ratum, quod le- rum spe-
gibus ecclesiasticis conformiter contrahitur. cies.
Cum autem quae ecclesia de modo contrahen-
di matrimonii praescribit, lege quoque civili
rata habeantur, cumque matrimonium, quod
per leges civiles irritum est, sacramenti ma-
teria esse nequeat, discrimine inter utrumque
sublato, matrimonium legitimum simul etiam
ratum censendum est, et vicissim ratum simul
ut legitimum habendum. 2) Matrimonium
ratum tantum, dein ratum et consum-
matum simul; illud; ubi nondum secuta,
hoc, ubi jam secuta est copula conjugalis.
5) Disparagium, seu matrimonium inter
personas disparis in republica status initum,

quod tamen jure Austriaco eosdem, quos aliud quodvis matrimonium habet, juris effectus sortitur. 4) Matrimonium ad morganaticam, seu quod dignitati viri contrahentis ad-versatur, et cum expressa conditione initur, ut uxor juribus status ac familiae mariti careat, prolesque haeredes patris esse nequeant. 5) Matrimonium conscientiae, quod non in facie ecclesiae, ut ajunt, id est, non observata solemnitate ab ecclesia praescripta, sed clandestine contrahitur; id vero illicitum; nullumque est, quia solemnitas illa ad valorem matrimonii prorsus est necessaria. 6) Cum vir et foemina conjugum more vivunt, ac publice pro conjugibus habentur, licet re ipsa matrimonio valido juncti non sint, conjunctio talis matrimonium putativum audit, ipsique putativi conjuges dici solent. Matrimonia legitima tantum apud nos sunt matrimonia Judaeorum et protestantium, utpote sacramentum matrimonii negantium. Verum inter ipsos catholicos hujusmodi matrimonia locum habere possunt juxta leges non civiles modo sed etiam canonicas, quae ad validum matrimonium non nisi praesentiam proprii parochi aut curatoris duorumque testium, non autem benedictionem sacerdotalem aut sacramentum requirunt. Itaque non omnis societas conjugalis legitima catholicorum eo ipso est ecclesiastica quoque; sed omne matrimonium ecclesiasticum debet esse civile legitimum, si qua sacramentum consistere velit, ubi enim contractus civilis legitimus non esset, deesset quoque materia sacramenti necessaria. — Nonnunquam sub matrimonio rato intelligitur ma-

trimonium validum differens a matrimonio irrito, non valido seu nullo. Conc. Trid. sess. 24. cap. 1. de reform. matr. — Disparitas et matrimonia ad morganaticam legibus nostris ignota sunt. Matrimonium conscientiae dictum juxta codicem nostrum irritum est, siue initum sit neglecta plane proclamatione aut dispensatione, siue neglecta praesentia parochi aut vicarii duorumque testium. Cod. civ. univ. §. 69. 75.

§. 157.

Ad ineundum valide ac licite matrimonio-
 nium lex quasdam praescribit conditiones, Matrimonii
 conditiones,
 et impedi-
 menta.
 quae partim consensum, partim personas con-
 trahentes partim modum et rationem ineundi
 matrimonii respiciunt. Defectus unius alte-
 riusve conditionis a lege statutae impedi-
 mentum matrimonii dicitur. Oriuntur igitur
 impedimenta aut ex defectu legitimi con-
 sensus, aut ex conditione personarum nuptias
 inire cupientium; quibus istae generatim,
 siue relate ad quasdam solum personas legibus
 interdicuntur, aut ex omissione solemnitarum
 praescriptarum, quae a contrahentibus obser-
 vandae sunt. Effectum porro impedimen-
 torum quod attinet, quaedam et illicitum et
 invalidum, quaedam non invalidam quidem,
 sed illicitum reddunt matrimonium; illa di-
 rimentia, haec impediencia dicuntur. Im-
 pedimenta dirimentia rectius dicenda forent
 irritantia, et impedimenta impediencia rec-
 tius mere prohibentia. Melioribus adhuc ar-
 gumentis innixa videtur propositio D. et caes.

reg. Prof. Dolliner in primo tomo commentarii sui §. 93, qua expressio: obstacula matrimonii: genericus terminus accipiendus esset; obstacula matrimonium irritum reddentia — impedimenta; obstacula vero, quibus matrimonium illicitum tantum fit, non simul irritum, mere prohibentia dicenda forent.

§. 158.

Ulterior impedimentorum divisio. Dividuntur praeterea impedimenta matrimonii, 1) in naturalia, quae in naturâ contractus matrimonialis, et positiva, quae in legibus positivis, et quidem divina, quae in divinis, humana, quae in humanis legibus fundantur. Sola impedimenta humana tolli per dispensationem possunt. 2) In civilia, et ecclesiastica, quatenus nempe aut legibus civilibus, aut ecclesiasticis nituntur, et quidem vel mere civilia, vel mere ecclesiastica seu canonica, vel civilia et ecclesiastica simul. 3) In publica, et privata; illa bonum publicum respiciunt, et inivis licet conjugibus effectum habent; haec privatim duntaxat conjugis laesi commodum concernunt, et eatenus valent, quatenus iste jus suum persequi vult; qualia sunt impedimenta erroris, violationis sponsae a tertio, impotentiae, metus, vis, et raptus. 4) In publica seu manifesta, et occulta; illa aut publica sunt notorietate juris, quae per sententiam a iudice competente latam conficitur, aut notorietate facti, quae absque cognitione judiciali ex solâ fama exori-

tur. 5) In antecedentia, quae ante matrimonium contractum aderant, sive jam tunc nota fuerint. sive postea innotuerint; eaque sola veri nominis sunt impedimenta; et in subsequencia, post initum matrimonium enata; haec posteriora irritum reddere nequeunt matrimonium, utpote quod semel rite initum indissolubile est. Patet tum ex natura rei, tum ex sequenti §. impedimenta omnia principiis juris naturalis non innixa origine nonnisi esse prohibentia, et vim dirimentem a civitate tantum nancisci posse, cum vel proprio jure suo civitas utitur, vel illud expresse aut tacite ecclesiae concedit. — Matrimonii impedimenta notoria sunt sive juris sive facti notorietate ex decreto dd. 19. Maj. 1784. Cum vero decretum hoc sensus obscurioris nec in primam partem cod. civ. 1786, nec in novum codicem sit receptum, nec distinguat uterque codex, distinctio haec perspicuitatis causa potius omittitur. Vid. Dolliner *Handbuch* p. 189 et 218, ubi fuse monstratur, hanc differentiam nullius esse momenti in impedimento consanguinitatis illegitimae, et affinitatis ex concubitu illegitimo, ubi secundum leges Austriacas matrimonium verum legitimum jam supponendum est. — Impedimenta notoria notorietate juris dicuntur, quae jam ante matrimonium initum juridice demonstrata sunt; Notoria vero notorietate facti audiunt, ubi impedimentum publice innotuerit sine praevia demonstratione; notorietas juris ex cod. civ. §. 67 et 119 effectum practicum producere potest nonnisi in impedimento adulterii et participationis in causa

divortii. Praeter hos casus §. 99 novi cod. civ. apertam distinctissimamque definitionem edidit. Divisio impedimentorum in antecedentia et subsequenta recte omittitur, tanquam regulis logicis contraria nil edicens, nisi impedimenta et non impedimenta. Impedimentum enim dirimens est, quod obstat, quominus matrimonium valide concludi possit, adeoque, cum sit causa prior effectu, ante initum matrimonium adit oportet. Itaque expressio: impedimentum subsequens: conceptu caret. Fieri quidem potest, ut impedimentum post conclusum matrimonium demum innotescat, quo casu matrimonium fuerat putativum (§. 156) tantum, at tum subsequens non est impedimentum, sed notitia. Pari modo factum accidere potest post conclusum matrimonium, quod si ante extitisset, impedimentum dirimens fuisset; e. g. adulterium demonstratum, aut condemnatio ad quinquennale poenam carceris graviorem: in hoc casu autem jam non est impedimentum dirimens, sed causa legitima ad solvendum matrimonii vinculum inter acatholicos. Contra jure merito dividuntur impedimenta in absoluta, quae matrimonium cum persona quavisque, et in relativa, quae illud tantum inter certas quasdam personas irritum reddunt. E. g. Vinculum matrimoniale jam existens et ordines majores sunt absoluta; consanguinitas vero, affinitas, adulterium relativa impedimenta. Impedimentum impotentiae id habet singulare, ut absolutum aequè ad relativum esse possit. Tandem dividere fas est impedimenta in dissolubilia et indisso-

lubilia, prout auctoritate humana tolli possunt nec ne. Vid. Dolliners Handbuch §. 30. S. 58.

§. 159.

Cuinam jus statuendi impedimenta matrimonii competat, facile ex principiis in jure publico (I. §. 277.) eà de re expositis deducitur. Impedimenta nimirum vel 1) valorem contractus matrimonialis juridicum, vel 2) qualitatem ejusdem moralem, vel 3) sacramentum, ejusque effectus respiciunt. Quae contractum juridice irritum reddunt, proinde stricto sensu dirimentia sunt, ea potestati summi imperantis subjacent, atque ecclesia non nisi cum expresso vel tacito imperantis consensu impedimenta hujusmodi statuere potest, propterea quod contractus matrimonii habito juris respectu a solà potestate civili vim suam obtinet. Dolliner in manuali citato egregie probat §. 23, solam civitatem propria auctoritate statuere posse impedimenta dirimentia: Is enim effectus est hujusmodi impedimentorum, ut contractus matrimonialis sit irritus, nec jura nec obligationes producat. Statuere ergo impedimenta dirimentia nil aliud est, ac declarare, ex contractu matrimoniali, cum defectu quorundam legalium requisitorum factò, nec jura nec obligationes oriri, sive quod idem est, eos, qui contractum hujusmodi inierint ea, quae sibi per contractum promissa sunt, vi legali non evicturos, neque ad ea, quae ipsi promiserint, legibus cogendos esse. Hanc declarationem edere non nisi civitas potest, cui soli vim coercitivam cives tradidere,

ut eam pro rerum circumstantiis exerceat aut recuset. Ecclesia - pergit Dolliner §. 24 — ex se non habet potestatem coercitivam. Nequit ergo definire propria auctoritate, quando ex contractu matrimoniali jura vel obligationes producantur, quae coactione legali effectum sortientur, id est, quando contractus validus sit vel irritus. Christus ecclesiae suae potestatem saecularem non dedit. Sed a contractu valido vel irritato pendent jura plane temporalia potestatis paternae, haereditatis, status aliaque jura mere civilia. Si jus ad haec competeret ecclesiae, si posset impedimenta ponere dirimentia, certe jus haberet in temporalia. — Ubi tamen ecclesia multis saeculis jus illud exercuit, non fecit certe ex mandato Christi, aut propria auctoritate, sed ex indultu civitatis. Notam illam objectionem ex conc. Trid. sess. 24. can. 4. de sac. matr. expugnat Dolliner §. 26. Attamen ex eo, quod sola civitas jure proprio exclusivo ponere possit impedimenta dirimentia, minime sequitur, impedimenta cuncta a civitate posita esse necessario dirimentia. In dubio potius praesumptio est pro solum prohibente. Juxta §. 99. cod. nostri civ. praesumptio passim est pro valido matrimonio, sine discrimine, num dubium de valido aut irritato matrimonio in facto, num in ipsa lege fundatum sit. — §. 47. cod. civ. generatim edicit: Matrimonii contractum inire quilibet potest, cui non obstat impedimentum legitimum. Relinquitur lectori in singulis dictaminibus vel ex clausula vel ex regulis interpretatoriis §. 6. et 7. adductis definire, num ibi contineatur impedimentum diri-

mens nec ne. Vid. Dolliner §. 22. Quae vero qualitatem ejus moralem spectant, humana non sunt impedimenta, sed aut naturalia, aut divina positiva; quidnam igitur hæc in re doctrina moralis præscribat, ecclesiae convenit definire. Illa denique, quae ad sacramentum solum referuntur, potestati ecclesiasticae subsunt; attamen cum contractus civilis iis non obstantibus validus persistat, etiam intuitu sacramenti vim dirimendi habere nequeunt propterea, quod secundum institutionem Christi contractus matrimonialis quicumque jure validus rectam sacramenti materiam subministret, neque ecclesiae potestas competat, materiam a Christo institutam immutandi; itaque nonnisi impedientia sunt, desinente nimirum ecclesiâ, quaenam ad dignam sacramenti susceptionem sint observanda ita, ut iis neglectis illicite, non tamen invalide sacramentum suscipiatur. *)

*) De hæc quaestione lectu digna est dissertatio, cui titulus: Ist es wahr, daß die k. k. Verordnungen in Ehesachen dem Sakramente entgegen stehen? Wien 1785.

§. 160.

Ex dictis sequitur, impedimenta dirimantia mere canonica, quae scilicet jure impedimentorum communi canonico præscripta, nostrâ autem legi civili recepta non sunt, ne quoad materiam quidem sacramenti effectum ullum habere. Jus statuendi impedimenta dirimantia ecclesiae a civitate modo irrevocabili concedi nunquam potuit, uti enim limitantur jura

Abrogatio
impedimen-
torum diri-
mentium
mere cano-
nicorum.

imperantis per finem civitatis, etiam cefſo limitatur juris imperanti nonniſi promovendi boni publici cauſſa commiſſi. Non ergo poteſt tantum civitas, ſed debet redire ad exercitium proprium juris quoad impedimenta dirimentia, ubi finis civitatis id poſtulat; atque impedimenta ab eccleſia jure conceſſo poſita eatenus tantum conſervare tenetur, quatenus eorum relatio ad finem reipublicae exigit. Quodſi ſtatuta eccleſiae non videntur digna, quae recipiantur inter leges civiles, et omnia ſtatuta anteriora illuc ſpectantia declarantur abrogata, uti factum eſt in edicto promulgationis univ. cod. civ. — tunc impedimenta dirimentia mere canonica vi deſtituuntur, etiam relate ad ſacramentum, quia omnis contractus matrimonialis legitimus materia valida eſt ſacramenti ex inſtituto Chriſti, et quia eccleſia ſtatuens impedimenta illa dirimentia contractum matrimonialem tantum qua legitimum civilem ſpectantia, nullibi declaravit, ea ſimul eſſe impedimenta ſacramenti. Vid. Dolliner §. 29. Mentem iſtam legiſlatoris fuiſſe ex eo liquet, quod juxta §. 2. lit. pat. de matr. quilibet ſubditus facultatem habeat matrimonium ineundi, qui lege iſtâ inhabilis non declaratur, matrimonium autem juxta eandem §. 29. non aliter iniri poſſit, niſi in facie eccleſiae, id eſt, formâ non aliâ, niſi qua ſacramentum matrimonii ab eccleſiâ impertiri ſolet. Hâc de cauſſâ decretum eſt, ut diſpenſatio, quam homines tenerae nimis conſcientiae in cognationis gradu a lege civili non vetito ab epiſcopis petunt, nunquam denegetur, gratisque impertiatur. 6. Mart. 1783.

Per aliud itidem edictum opinio, quae leges disciplinares juris ecclesiastici lege civili sublata non nisi quoad valorem contractus civilis abrogatas, quoad sacramentum vero adhuc dum subsistentes defendit, expresse erronea declaratur. 4. Sept. 1783. Denique in decreto aulico pro Galliciâ orientali edito 16. Oct. 1800 dilerte dicitur, in impedimentis mere canonicis lege civili non receptis nullâ opus esse dispensatione. *)

*) In his tamen casibus solent animarum pastores ad pacandam conscientiam dispensationem Ordinariatus requirere, quae et semper sine ullâ haesitatione conceditur.

§. 161.

Impedimenta occulta aut mere canonica sunt, aut civilia. Cum impedimenta mere canonica, uti ostendimus, lege civili abrogata sint, (§. 160,) vim obligantem, etiam ubi occulta manent, habere nequeunt. Equidem secundum decretum dd. 13. Apr. 1783 in impedimento occulto extra matrimonium, hoc est, ex copulâ illicitâ orto, nihil obstat, quo minus dispensatio episcopalis impertiatur, eo quod lex illa solum impedimenta tangat, quae ex valido oriuntur matrimonio. Similiter alio decreto dd. 10. Jul. 1783 declaratur, potestati seculari non convenire iudicium de impedimentis occultis, sed episcopis integrum relinqui, in eiusmodi casibus forum poenitentiae pro partibus adire. Verum utrumque decretum, ut cum decretis supra allegatis concilietur, non alio sensu accipi po-

Occulta im-
pedimenta
mere cano-
nica.

test, nisi quod legislator conscientias inquietare, adeoque prohibere nolit, ne in praedictis casibus partes, quae dispensatione ecclesiastica se indigere arbitrentur, eam ob episcopis petant, neve episcopi, siquidem ipsis necesse esse videatur, poenitentiarium Romanam adeant. Propterea etiam dispensatio in occultis hisce impedimentis mere canonicis, docente experientia, pacandae solum conscientiae causa peti, darique solet. *)

*) Videatur dissertatio: Von den geheimen Ehehindernissen nach dem Sinne des k. k. Ehegesetzes in der theolog. prakt. Monatschrift 1. Jahrg. 2. Bd. S. 170.

§. 162.

Civilia.

Quod autem civilia attinet impedimenta, occulta licet sint, in conscientia tamen obligant, nisi lex exceptionem addat, qualis obtinet in impedimentis cognationis ex copula illicita, et adulterii, ubi notorietas juris, quae matrimonium praecedat, exigitur. Impedimenta haec proprie non sunt, ubi circumstantiae in §. 67. et 119. nov. cod. civ. contentae ante matrimonium initum sunt occultae. Certum enim est, matrimonium cum ejusmodi impedimento occulto, cui lex civilis exceptionem illam non addidit, contractum, ubi impedimentum innotuerit, invalidum declaratum iri. Cum igitur matrimonium semel validum nunquam invalidum fieri possit, necessario sequitur, illud jam initio pro foro conscientiae invalidum, nullumque esse, nullitatem vero, donec impedimentum

patefiat, latere, ideoque interim nullum pro foro externo habere effectum.

Articulus secundus.

De legitimo consensu in matrimonium et impedimentis ex ejus defectu provenientibus.

§. 163.

Ad valorem matrimonii prae omnibus **Requiritur** liber contrahentium consensus necessarius est; plenus ratio- non nunquam eorum quoque, quibus contra- nis usus. hentes subjiciuntur, consensus accedat oportet. Ut adfit liber contrahentium consensus, requiritur plenus rationis usus, certitudo de reciproco consensu, immunitas ab errore, a metu, et a violentiâ. Primo igitur inhabiles ad contrahendum matrimonium habendi, qui plenum rationis usum non habent, nisi lucida habeant intervalla, ubi jura et officia status matrimonialis intelligant. Surdis vero, et mutis, qui consensum suum signis possunt exprimere, nihil obstat, quo minus matrimonium contrahant. Lit. pat. §. 24. Aetatem convenientem ad ineundum matrimonium lex nostra non definit; jus commune annum pubertatis in pueris decimum quartum, in puellis duodecimum completum statuit. Novi codicis civilis §. 48. a matrimonio valido excludit: Furiosos, dementes, mente captos et impuberes, Ejusdem codicis

paragraphus 21. impuberes declarat omnes sine sexus discrimine, quiqui annum aetatis decimum quartum nondum sunt transgressi. Isti matrimonium valide inire, etiam si consentiente patre, aut tutore aut instantia pupillari, nequeunt.

§. 164.

Certitudo
consensus.

Consensus contrahentium secundo etiam certus sit oportet; itaque clare ac distincte exprimendus est, et de regulâ ipso contrahentium ore verbis disertis declarandus. Conceditur quidem, ut matrimonium per procuratorem contrahatur. At ejusmodi matrimonium tum demum valet, cum mandatum procuratori datum ad certam determinatamque personam restrictum, atque eo tempore, quo procurator contrahit, nondum revocatum fuerit. Lit. pat. §. 23. Matrimonium conditionatum ex lege, ut conditione non impletâ irritetur, lege nostrâ non permittitur, nisi tum, ubi conditio annexa essentialem personae ducendae qualitatem concernit, uti paragrapho sequenti dicitur. Paragraphus 869. nov. cod. civ. de pactis generatim statuit, ut consensus ad pactum declaretur modo libero, definito atque expresso, idem sane de pacto matrimoniali adeo gravi. Legibus anterioribus §. 76. nov. cod. consentaneus matrimonium etiam concedit per mandatarium, attamen requiritur ad valorem hujusmodi matrimonii, ut non solum persona determinata, mandatumque ante conclusum matrimonium nondum revocatum, sed permissio etiam a regimine provinciae impetrata sit. Matrimonium

initum a procuratore absque determinatione personae in mandato facta, aut post revocationem quamvis procuratori incognitam per §. 76. declaratur irritum, ille tamen, qui mandatum dederat, damnum revocatione creatum refarcire tenetur. Matrimonium vero, cui sola permissio regiminis provinciae deest, illicitum quidem est, non tamen irritum. Vid. Dolliner §. 81. Ex novo codice civili; annexa ab ipsis sponis matrimonii conditio plane caret effectu, nisi conditionis illius defectus ipsa lege receptus sit in numerum impedimentorum irritantium, uti patet ex §. 59. — Consensus matrimonii conditionatos dare interdicitur magistratibus per decreta dd. 30. Sept. 1785. 3. Febr. 1786. Vid. Dolliner §. 41. et 48.

§. 165.

Ex defectu consensus irritum fit matrimonium tertio per errorem essentialem, quando scilicet aut in ipsa personâ du-
 cendâ, aut in ejusmodi qualitatibus, quae substantiam personae mutant, error subvertatur, dummodo unius partis consensus qualitati huic tanquam conditioni expresse alligatus, ab alterâ vero parte qualitas ejusmodi falso asserta fuerit. Error in accidentalibus, aut in qualitatibus personae non substantialibus matrimonio non obstat. Lit. pat. §. 25. Impedimentum hoc erroris parti duntaxat deceptae, non item decipienti jus tribuit petendi, ut matrimonium irritetur. Ceterum et pars decepta jure suo privatur, si detecto errore aut verbis expressis, aut continuato spon-

Impedimentum erroris.

te matrimonii usu consensum renovaverit. Paragr. 57. nov. cod. civ. solum eum errorem declarat impedimentum dirimens, qui obtinet in persona futuri conjugis. Lex non discernit, num error in persona fuerit vincibilis aut invincibilis, num in culpa errantis ipsius, num alterius fundatus, num casu, num per tertium inscia sive conscia parte non errante productus fuerit, ergo in quovis tali casu irritum fit matrimonium. Circumstantiae illae diversae alicujus momenti esse possunt nonnisi orta quaestione circa jus indemnificationis. Error in proprietatibus personae tum demum irritum reddit matrimonium, quando reapse transit in errorem in persona ipsa, id quod fieri alio modo nequit, ac ubi errans personam illam quoad unicam illam proprietatem noverat, qua eam erronee designaverat, ut praeter hanc erroneam designationem plane eam non cognovisset. Id fit, ubi matrimonium concluditur scriptotenus aut per procuratorem, ubi sponsus electam suam non novit, sed eam ex solo auditu, nomine, vel aetate, vel ordine nativitatis, aliave proprietate individuali designat; e. g. ubi ex filiabus Titii pluribus Annam, vel primogenitam, vel 20 annos natam sibi eligit sponfam, aut ejus loco Claram, vel alteram natu, vel 25 annos habentem accipit, error obtinet in ipsa persona. Si vero in persona jam electa proprietas quaedam quantumvis desideranda passimque necessaria credita expresse deponitur, ita ut conditione non impleta irritum sit matrimonium, validum tamen est, quia proprietas conditionata tanquam adhaerens praedicatum, non

verò tanquam personalitas individua designatur, quâ solâ sponso cognita fuerat. Unde §. 59. nov. cod. civ. ita pergit §. 59. Omnes reliqui errores conjugum, quemadmodum et defraudatae ipsorum spes suppositarum aut conventarum conditionum, validitatem contractus matrimonii non impediunt. Añt locum habet exceptio, ubi proprietatis cujusdam defectus ipsa lege statutus est impedimentum irritans, ibi enim causa, quae irritum reddit matrimonium, non est in defectu conditionis, sed in ipsa lege.

§. 166.

Impedimentum erroris quarto tum quoque ex lege nostrâ obtinet, cum sponso a tertio impregnata deprehenditur. Ut autem impedimentum istud locum habeat, requiritur, 1) ut sponso eo tempore, quo conjugium inivit, ex tertio reipsâ gravida fuerit; quare nec macula violatae virginitatis, nec praecedens sponsae partus valori matrimonii obicem ponit; 2) ut gravidam fuisse sponsus ignoraverit, proinde tempore initi matrimonii reverâ in errore fuerit; 3) ut quamprimum praecedentis impregnationis certa argumenta adfuerint, rem ad judicem deferat; 4) ut ostendere possit, prius se rei notitiam nequaquam habuisse. Lit. pat. §. 26. *) Tres conditiones priores etiam novo cod. civ. deponuntur, nisi quis viduam aut personam, cujus matrimonium irritum declaratum aut dissolutum fuerat, neglecto decreto §. 120. nov. cod. civ. duxerit; hoc enim casu ex §. 121. jure privaretur, matrimonium praee-

Impregnata
tio sponsae a
tertio.

dentis impraegnationis causa annihilandi. Quarta solum conditio, ut maritus ignorantiam suam probet, excidit, notitia enim qua factum potius ab altera parte probanda foret. §. 58. nov. cod. civ. statuit: Si maritus uxorem suam post initum matrimonium jam ab alio praegnantem reperit, ipsi excepto casu in §. 121. determinato, fas est exigere, ut matrimonium invalidum declaretur. Impedimentum autem non est, ubi sponsa jam pepererat ante matrimonium, aut concubuerat solum absque conceptione; ubi idem ipse sponsus ante matrimonium eam impraegnaverat; aut si convincitur modo praescripto, sponsae suae, licet cum aliis forte, cohabitasse ante matrimonium temporis momento, ex quo usque ad partum matrimonio succedentem nec minus sex, nec plus decem mensibus sunt elapsi. (§. 163. novi cod. civ. 1814), idem, si vel privatim tantum professus sit, si graviditatem sponsae ante matrimonium noverit, sive expresse aut tacite per concubitum renuntiaverit juri matrimonium annihilandi, aut demum in casibus §. 121. adductis. Consentaneus huic dicit §. 120: Si matrimonium invalidum declaratur, vel per sententiam judicis aut mortem mariti solvitur, uxor gravis ante partum, et si de graviditate ejus dubium oritur, ante elapsum sextum mensem, ad novum matrimonium transire prohibetur; si vero ex circumstantiis aut testimonio artiperitorum graviditas illius verisimilis non est: post decursum trium mensium in metropoli a praefectura provinciae, et ruri a praefectura circuli dispensatio concedi potest. Hujus le-

gis transgressio non irritum quidem facit matrimonium ex §. 121, attamen, ut uxor emolumenta ex matrimonio priori nascentia amittat, efficit; maritus vero, quocum initur alterum conjugium, expers fit juris alioquin ex §. 58. ipsi competentis, declarandi matrimonium irritum, et uterque conjux poenae circumstantiis accomodatae subjacet.

*) De hoc impedimento impraegnationis a tertio legi potest dissertatio in *der theolog. prakt. Monatschr.* 2. Jahrg. 3. Bd. S. 60.

§. 167.

Error essentialis tum quoque adest, cum Impotentia. quinto conjux unus debiti conjugalis praestandi impotentia laborat. Hoc si acciderit, conjux laesus in foro civili ad declarationem nullitatis matrimonii agere potest, quae tamen declaratio nonnisi sub sequentibus conditionibus locum habet: 1) Ut impotentia sit antecedens, quae nimirum jam tempore initi matrimonii adfuerit, non durante isto per morbum aut casum exorta sit; 2) ut sit judicialiter probata, sola autem conjugum assertio non sufficit, sed requiritur judicium medicorum, chirurgorum, aut obstetricum. 3) Nihil tamen interest, sive usum conjugii cum omnibus, sive tantum cum hac conjugue impediatur. 4) Eadem perpetua, et insanabilis sit oportet. Etenim si temporaria solum comperta fuerit, quae usu remedium ad id aptum tolli possit, petitio deneganda erit. Sin certi quid defini nequeat, decernit lex nostra, ut triennio adhuc

conjuges cohabitent, quo elapso, impotentia adhucdum perdurante, separentur. Lit. pat. §. 37 — 40. Ex impotentia procreandi liberos nondum jus nascitur partis alterius deponendi, ut matrimonium declaretur irritum, sed ex impotentia debitum conjugale praestandi. N. cod. civ. §§. 60. 99. 100. consentiunt huic nostro paragrapho, et nonnisi §. 101. in eo differt, ut conjuges uno tantum anno teneantur cohabitare, ubi certo definiri nequit, num impotentia perpetua sit, num temporalis. — Ex defectu facultatis moralis deducendum quoque impedimentum est, quod in §. 61. cod. civ. his fere terminis exprimitur. Criminis reus ad durissimum vel durum carcerem condemnatus a die promulgatae ipsi sententiae durantis poenae tempore validum matrimonium contrahere nequit. In quo poena illa consistat, patet ex §. 13. et 14. cod. civ. de criminibus. Non quidem ex cod. civ. sed ex §. 23. c. cod. criminalis condemnatio ad mortem effectum producit, ut damnatus ex die sententiae sibi patefactae nullum contractum inter vivos, ergo nec matrimoniale possit inire. Impedimentum hoc §. 61. nov. cod. civ. adductum, non enumeratur in §. 94. ejusdem cod. in numero eorum, propter quae matrimonii nullitas ex officio inquirenda est; ergo petitio partis laesae foret expectanda, quae tamen ipsa perderet jus nullitatem deponendi ex §. 96., si cognito impedimento matrimonium tamen continuasset. Edicit quidem §. 23. codicis criminalis, effectus a. b. c., quos inter et modo dictus pertinet, vi legis conjunctos esse judiciis poe-

nalibus memoratis. Ast expressio, vi legis, recte ita potest intelligi, ut effectus illi tum quoque obtineant, quando in judiciis illis non expressi, aut expressa sententia judiciali inflicti non sint; quin nullitas matrimonii ab hujusmodi delinquente inuti vel invita parte laesa et non petente locum habere credatur. Vi legis enim matrimonium nullum declaratur, ubi pars laesa id potest exigere, quin opus habeat aliam adducere causam praeter condemnationem conjugis ad poenam capitis, seu od poenam carceris gravem aut gravissimam. Vi legis condemnatus hujusmodi etiam testandi jure destituitur; — an vero ea de causa etiam ex officio cavendum esset quamvis nolentibus haereditariis, ut ne quis haereditarius ab hujusmodi testatore illegitimo constituatur? — Utique agitur hic loci de jure permissivo cohaereditariorum, quod illis obtrudi a iudice sane nequit, nisi impugnent ipsi valorem testamenti. Tandem effectus a lege criminali inflicti non redduntur irriti contra mentem legis, quando licitum est soli parti laesae impugnare valorem matrimonii, ipsique declaratio nullitatis denegari nequit. Exemplum talis matrimonii cum condemnato inter rarissima certe pertinet, attamen, ut ipsa lex supponit, impossibile non est; E. g. in reo absente in contumaciam condemnato, aut ex vinculis fugitivo. Vide. *Dolliners Handbuch*. §. 50. Scite 139.

§. 168.

Libero consensui, ac proinde valori ma- Impedimen-
rimonii sexto obstat vis metusque. O- tus metus.

portet autem, 1) ut metus sit incussus eo fine, ut consensus ad matrimonium ineundum extorqueretur; 2) ut sit gravis, cui persona, quae de metu sibi incussa queritur, resistere non potuerit. 3) Jus agendi ad declarationem nullitatis matrimonii non nisi conjugii, cui metus incussus fuit, nequaquam alteri convenit. 4) Ne illa quidem audienda est, si ablata metus causa sive verbis expressis, sive continuata sponte copula consensum renovaverit. Lit. pat. §. 27. 28. Lex Joseph: non distinguit, num vis metusque ab ipso conjugee, num a tertio v. g. a. parentibus, tutoribus, cognatis, aut a procuratoribus volenti vel invito conjugee, juste vel injuste incussa fuerit, ergo matrimonium in quolibet hujusmodi casu nullum potest declarari, dummodo requisita reliqua adsint. Novus cod. civ. §. 55. ita loquitur: Consensus in matrimonium juris effectum destituitur, si metu fundato extortus est. An metus fundatus sit, ex gravitate et verisimilitudine periculi, et ex habitu corporis et animi personae cui periculum intentabatur, judicandum est. Itaque ex novo cod. civ. nil obstat consensui ad matrimonium valido, si quis metu in continentiae aeternaeque damnationis matrimonium inire moveretur, aut propter casum periculosum naturalem conjugium personae cuidam promitteret, ad opem illius irapetrandam. Metus autem rationabilis dicitur, ubi omni cum verisimilitate supponitur, personam periclitantem potius matrimonium inire quam malo imminente exponere sese maluisse. Si vero metus a nemine incutitur, sed mere internus nascitur ex cir-

cumstantiis, v. g. si quis ac evitandam paupertatem alias inevitabilem matrimonium ingreditur, consensus metu violenter extortus dici nequit, sed tantum, quod metus consilium dederit consentiendi, id vero non sufficit ad nullitatem matrimonii. Patet etiam ex §. 96. nov. cod. civ. nonnisi partem coactam jure gaudere matrimonium impugnandi saltem in eo casu, ubi pars altera metum incussit injusto modo, et in reliquis casibus ex ratione, quod tantum consensus metu rationabili extortus causa sit impedimenti hujus, quae laesae solum parti prodest. Ipsa enim jus illud perdit expressa declaratione, aut tacite continuans matrimonium. Parentes, qui potestate sua abutentes liberos suos cogunt ad matrimonium secundum leges irritum, rei fiunt gravis delicti politici, cui poena statuta est carceris 3 — 6 mensium. Lex poenalis II. §. 252 et 253.

§. 109.

Raptus singularis species est vis conjugii illatae, liberoque consensui adversae. Septimo itaque is, qui foeminam vi abducit, jure privatur, validum cum rapta contrahendi matrimonium. Quodsi tamen foemina, e potestate raptoris liberata, ac in loco tuto posita, huic nubere consenserit, nihil est, quod connubium impediat. Lit. pat. §. 17, Raptus igitur impedimentum est nonnisi privatum, solique mulieri raptae jus tribuit petendi, ut matrimonium irritum declaretur. Raptus generatim est abductio personae in lo-

cum, ubi vi raptoris est obnoxia, per vim astumve adhibitam aut minitatem contra ipsam vel illos, quorum tutelae fuit concedita. Nov. cod. civ. §. 56. ita statuit: Consensus etiam tum validus non est, si a persona rapta necdum libertati restituta datur. Praesumitur a lege, personam raptam vi vel minis, ergo metu rationabili ad matrimonium, siquod in hoc statu inuit, coactam fuisse. Tantaeque est ista praesumptio, ut argumenta contraria plane respuat, donec persona rapta libertati restituta prorsus liberum consensum dederit. Sed tum demum libertati restituta creditur, quando ab omni periculo futuro minisque raptorum secuta, sive in domicilium tutum, sive ad cognatos raptui minime consentientes redierit. Novus cod. civ. hoc impedimentum adeo generale absque omni discrimine statuit, ut exceptio aut modificatio in nullo casu speciali locum habere possit, dummodo circumstantiae impedimentum producentes adsint. Vide *Dolliners Handbuch* §. 45. §. 110. Ex §. 94. nov. cod. civ. raptus est impedimentum publicum, quod quo longo tempore constat, persona rapta nec consensu privato validum potest reddere connubium. Est praesumptio legis immutabilis de consensu non libero, quamdiu persona rapta libertati restituta non est; ergo etiam praesumptio de impedimento raptus perdurante.

§. 170.

Minoren- Ubi minorenes et personae militares
nitas viven- matrimonium ineunt, requiritur, ut praeter-

quam, quod ipsimet consentiant, eorum quo- te patre,
 que, quorum potestati subsunt. consensus ac- aut avo pa-
 cedat. Octavo ergo inhabiles sunt ad con- terno.
 trahendum matrimonium minorennes, qui
 scilicet annum aetatis vigesimum quartum non-
 dum compleverunt, (Cod. leg. civil. I. cap.
 5. §. 88.) nisi consensum patris legitimi, aut
 hoc deficiente avi paterni obtinuerint. Quod-
 si patrem aut avum, vel ob abdicationem spon-
 taneam, vel ob suspicionem contra illos mo-
 tam, ab officio tutoris arcere. aliumque tu-
 torem constituere judici visum fuerit, praeter
 consensum patris aut avi consensus quoque
 tutoris requiritur. Patre vero aut avo, ac
 tutore in diversas sententias abeuntibus, sen-
 tentiâ judicis res finienda erit. Lit. pat. §. 37.
 Juxta novum cod. civ. impedimentum hoc lo-
 cum habet non solum in minorenibus, sed
 etiam in adultis, qui quaviscunque ex causa
 contrahere jure proprio nequeunt. Ecce de-
 super §. 49. nov. cod. civ. Minorenes vel
 etiam majorenes, qui ex quacunque ratione
 soli validam obligationem contrahere neque-
 unt, inhabiles quoque sunt ad matrimonium
 sine consensu patris sui legitimi ineundum.
 Patre mortuo aut ad defensionem prolis non
 idoneo, praeter declarationem ordinarii de-
 fensoris, etiam consensus instantiae judicialis
 ad validitatem matrimonii requiritur. Ergo ex
 novo cod. civ. non opus est amplius ad con-
 nubium validum consensu avi paterni, nisi
 idem sit simul et tutor, quo tamen casu nec
 ipsius sufficit consensus, sed fori judicialis
 etiam consensus accedat necesse est. Obstat
 igitur ex §. 49. impedimentum minorennita-

tis ad ineundum matrimonium: 1) Minorennibus i. e. annum 24mum aetatis nondum transgressis, §. 21. nov. cod. civ. attamen illis solum, qui potestati adhuc patris aut tutoris subfunt, hujusmodi enim minorenes contrahere valide nequeunt. Pariter etiam potestati paternae subest filia minorens, cujus maritus ipsa minorenni adhuc est defunctus. §. 175. nov. cod. civ. Simili modo liberi adoptivi minorenes sub potestatem redeunt patris legitimi extincta dependentia legali liberorum adoptivorum perdurante minorennitate, adeoque tum necessarius est consensus patris legitimi sicut in casu praecedente. §. 185. nov. cod. civ. Minorenes legali modo egressi potestate patris aut tutoris juxta legem adultis aequiparantur, et omnem contractum legalem etiam matrimonialem jure proprio inire possunt. Ibid. §. 252. Liberi ante annum 24mum transactum excipiuntur a) potestate paterna, quando pater consentiente magistratu expresse eos dimittit, aut filio 20 annos nato oeconomiam propriam concedit. Ibid. §. 174. b) Orphani minorenes potestate tutoris excipiuntur, quando forum tutelare ipsos post peractum aetatis 20mum annum, impetratumque tutoris et forte cognatorum proximorum consensum data venia aetatis declarat adultos. Ibid. §. 252. c) excipiuntur minorenes potestate tum paterna tum tutelari, quando ipsis oeconomia aut negotium proprium a magistratibus conceditur. Ibid. Itaque omnes isti sub a. b. c. enumerati minorenes matrimonium validum possunt inire. 2do) Impedimentum minorennitatis adultis etiam obstat,

qui a) aetate quamquam matura patre iusta ex causa petente, ex iudicis sententia potestati paternae adhuc subsunt. Ibid. §. 172 et 173. b) Illi, in quos tutore et cognatis potentibus tutela continuata a iudicio tutelari juxta §. 251 ibid. praescripta est. c) Illi, quibus propter notoriam prodigalitem curator a iudice positus est. §. 269. 273. ibid. Sed requiritur in his casibus a. b. c. ut sententia iudicis publice manifestetur. Ibid. §. 251. 273. 172. Hujusmodi adulti a lege minorennibus aequiparati jure proprio conjugium inire nequeunt. Liberi adoptivi indigent consensu patris adoptivi, quamdiu legaliter ab eo dependent. Ibid. §. 183. Quicumque liberi ex annotationibus ad §. 167. hujus manualis ex §. 160. nov. cod. civ. legitime natis aequiparantur, qui vel per matrimonium subsequens §. 161. nov. cod. civ. vel per gratiam imperantis §. 162. legitimi sunt declarati, ad matrimonium validum indigent consensu patris naturalis quamquam non legitimi. Liberi vero illegitimi, qui nullo modo §§. 160 — 162. legitimi declarati sunt, opus habent ad validum matrimonium consensu tutoris et simul iudicis, quia pater eorum illegitimus licet certus potestate paterna in eos caret, quae sola omnis juris fons est, vi cujus sine consensu patris matrimonium validum inire liberi nequeunt. Nullitatem matrimonii propter minorennitatem non ex officio inquirendam, sed querelam eorum, quorum jura laesa sunt, expectandam esse, patet ex §. 94. nov. cod. civ. Siquis impedimentum hoc minorennitatis tacuerit, aut consensum necessarium men-

titus sit, tunc ex ipso facto suo nefario matrimonium impugnare nequit. Ibid. §. 95. Ipsa pars innocens jus suum amittit, si cognito impedimento matrimonium tamen continuaverit. Conjugium a minorenni vel ab adoptivo initum propria potestate, a patre vel a tutore nonnisi tamdiu potest impugnari, quamdiu potestas paterna aut tutelariorum perdurat. Ibid. §. 96. quamdiu autem illa perdurat, jus reservatum est patri, tutori aut foro tutelari impugnandi matrimonium, etiamsi minorennis aut adoptivus innocens periclitans jure suo uti noluerit. V. D. Cons. aul. a Zeiller Expofitio §. 96. nov. cod. civ. Comment. Tom. I.

*) Vid. de impedimento minorennitatis theolog. prakt. Monatschrift 3. Jahrg. 2. B. S. 265.

§. 171.

Iisdem
consensum
negantibus. Quando pater aut avus paternus consensus recusat, iteratis licet vicibus a prole imploratum, tum et huic, et parti alteri, quacum inire matrimonium cupit, ejusve patri aut tutori permittitur, judicem competentem adire, qui audito patre aut avo, vel iudicio ipsius, siquidem causam denegati consensus justam agnoverit, assentiet, vel si causa justa non videatur, eundem expositis rationum momentis, vel concessa etiam deliberandi mora ad dandum consensusm perducere conabitur; quodsi vero conatus omnis irritus fuerit, ipsemet consensus vi officii impertietur. Conjugium tale solo iudicis consensu firmatum non modo validum erit, sed iuribus etiam liberorum nec minimum deor-

gabit. At vero matrimonium non petito, aut denegato patris avique paterni consensu, neque petito, ac plane denegato consensu iudicis a minorenni initum nullum irritumque erit. Lit. pat. §. 4 — 6. Novi cod. civ. §. 52. jus tribuit matrimonium ambientibus, opem iudicis ordinarii implorandi, quando minorenni aut adoptivae parti denegato consensu gravantur. Hoc jus conceditur non solum parti consensu indigenti, sed etiam alteri curatorem non habenti, immo etiam cognatis proximis partis minorennis vel adoptivae, qui opem iudicis implorare possunt contra omnem abusum potestatis paternae aut tutelaris. Ibid. §. 178. et 217. Non praescribit quidem agendi rationem iudici observandam nov. cod. civ. sed cum ea ratio, uti est praescripta cod. Josephino, sita est in natura rei, aliaeque nov. cod. dispositiones non repugnent, certe praescripta in cod. Josephino ratio adhucdum servanda est. Siqua pars sententia iudicis laesam sese existimat, recursus ipsi patet ad instantiam superiorem; attamen tutor prius coram foro tutelari querelam suam movere tenetur, antequam eam, si forte frustrata fuerit, ad superiora iudicia deferat. §. 268. n. c. c. Causae legitimae denegandi consensus ad matrimonium in n. cod. civ. §. 53. hae adducuntur: Defectus proventuum necessariorum; mores notorie pravi; morbi contagiosi; defectus fini consortii matrimonialis obstantes in persona, quacum connubium foret ineundum. Ex mente autem legislatoris et ex ipso legis tenore perspicuum est, alias causas denegationem consensus merito justificantes minime

exclusas esse. Tales sunt enormis annorum disparitas, aut conditionis, character durus aut nimis differens, conversatio nimis brevis ad indolem animi alterius aliusque circumstantias explorandas, etc. V. von Zeiller expositio §. 53. nov. cod. civ. in comment. T. I. p. 189. Dolliner manual. §. 40. p. 87.

§. 172.

Vitâ func-
tis.

Patre et avo paterno defunctis minores, qui tum pupilli dici solent, non consentientibus tutoribus suis matrimonium inire vetantur. Attamen tunc non modo tutorum, sed iudicis quoque, seu instantiae pupillaris (Obersvormundschaft) consensus necessarius est. Quodsi tutor neque ipse consentire, neque consensum instantiae pupillaris requirere velit, licebit tam minori, quam patri alteri, quacum is conjungi cupit, instantiam pupillarem adire, quae, audito tutore, quod aequum iustumque visum fuerit, decernat. Lit. pat. §. 3. 9. *)

*) Liberis minorennibus militis defuncti ad contrahendum matrimonium opus est consensu iudicii delegati militaris et mixti. 9. Oct. 1805. Comparetur §. 170. secundum §. 49. nov. cod. civ. Pariter minorennis illegitimi, quamvis patre certo, cum potestate paternae proprie non subsint, praeter tutoris etiam consensu iudicis indigent. N. cod. civ. §. 50. Excepti tamen sunt, uti ex dictis patet, patre adhuc vivo, illi illegitimi, qui §. 160 — 162. legitime natis aequiparantur. Denique decisiones §§. 52. 53. novi cod. civ. contentae, et quae data occasione in annotatione ad §. praecedentem dicta sunt, locum quoque habent in casibus praesenti paragrapho recensitis.

§. 173.

Monentur vero iudices seu instantiae Consensus
 pupillares, ut cum de consensu in matri- instanti-
 monium pupilli praestando agitur, omni utan- a e pupilla-
 tur circumspicione, prout grave ejusmodi ris,
 negotium postulat, neque solum bonorum for-
 tunae, sed praeprimis qualitatum morumque
 personae, quaecum ineundum est matrimo-
 nium, aliorumque adjunctorum rationem ha-
 beant, ac praesertim de libera pupilli volun-
 tate sese certos reddant. 22. Maj. 1780. Ma-
 trimonium pupilli, consentiente licet tutore
 absque comprobatione tamen iudicis seu in-
 stantiae pupillaris contractum, non obstante
 benedictione nuptiali irritum, nullumque est.
 Quare primo sententia judiciali irritum decla-
 ratur; deinde res ad forum politicum refer-
 tur, ut qui scientes matrimonium cum im-
 pedimento isto contraxerint, debitas poenas
 luant. Quodsi ambo, postquam poenam in-
 flictam sustinere, matrimonium continuare
 cupiant, eumque in finem consensum iudicis
 postulent, ab hujus arbitrio pendet, decer-
 nere, quidquid justum fuerit. Iudice preci-
 bus annuente, benedictio nuptialis repetenda
 est, idque occulte, si impedimentum publice
 non innotuit. Repetitio benedictionis nup-
 tialis in libro matrimoniali, adjecta ejusdem
 caussa, sedulo adnotanda est. 2. Mart. 1780.
 Consensus patris, tutoris aut iudicis ad ma-
 trimonium minorennium semper litteris scrip-
 tis expressa sit oportet, quia scripta quoque
 exhibenda est. 10. Jun. 1757. Attamen ne-
 glecta haec cautela matrimonium irritum non

reddit. De dubiis iustis, quae conditionato ad matrimonium consensui iudicis obstant vide Dolliner §. 41. p. 90. Merito quidem; quomodo enim considerandum foret matrimonium consensu iudicis conditionato initum? — Si factum esset sub conditione solvente, tum foret validum primum, et post-hac irritum fieret, quod principiis nostris prorsus contradicit. — Si sub conditione prorogante; tum protectio evanescit, quam minorennibus et adoptivis lex offert declarando eorum consensum in se non sufficientem; fit enim incertum matrimonium, ubi de conditione adimpleta certitudo non adest; aut scandalum creat aut periculum, ubi conjugium coeptum est conditionibus incertis, et facile deteriores nascerentur effectus ex huiusmodi matrimoniis, quam ex sponsalibus, quae tamen legibus plane sunt abrogata.

§. 174.

M o d u s Parochus, nuptias benedicturus, de aetate sponsorum, sique minorenes sunt, de probandi aetate, necessariumque consensum, consensu seu patris, avive paterni, seu tutoris, et instantiae pupillaris certas probationes sibi procuret necesse est. Aetas per testimonium baptismale probari solet. *) Consensus patris, tutoris, et instantiae pupillaris per litteras probandus est. 19. Jun. 1787. Litterae testimoniales a magistratibus locorum de indicatis sibi nuptiis expeditae (Welsdjettel) non sufficiunt, nisi aetatem sponsorum, et ubi minorenes sunt, consensum eorum, quorum interest, expressis verbis contineant. Qua

de caussa per decretum regiminis super. Austr. dd. 26. Apr. 1805. provisum fuit, ut magistratus locorum, priusquam litteras ejusmodi de indicatis nuptiis expedirent, tam de aetate sponzorum per inspectionem testimonii baptismalis, quam de consensu patris, tutoris, ac instantiae pupillaris ad has nuptias praestito certos sese redderent, et utrumque in litteris exprimerent. Mandatum caes. reg. publicatum a. c. r. regimine provinciae supra Onasum 2. Aug. 1813. edicit: Accurata sollicitudo in contrahendis et tuendis matrimoniis necessaria summopere exposcit, ut consensus legalis personarum matrimonium inuentium plena certitudine exhibeatur. In majorennibus et ad contrahendum habilibus certitudo haec praestatur praesentia testium et inscriptione nominum in matricula matrimoniali, in minorennibus aut majorennibus inhabilibus, qui ex §. 42. 50. 51. novi cod. civ. indigent patris legitimi, aut tutoris aut judicis consensu, etiam consensus tutoris vel judicis extra omne dubium collocari debet. Hunc in finem ex decreto summ. cancell. dd. 1. Julii 1813 animarum curatoribus singularum confessionum summum injungitur officium:,, Primo. Consensus patris legitimi in matrimonium personae minorennis aut majorennis quacunque ex causa ad contrahendum valide inhabilis, vel a patre legitimo coram parochio duobusque testibus personaliter declarandus, in matricula notandus, manaque propria aut aliena a testibus pariter contestata confirmandus, aut absente patre legitimo per documentum omnimode validum a patre

testibusque datum, riteque legitimum juxta documenta matrimonialia asservandum, consignandus est. Secundo. In matrimoniis minorennium aut ad contrahendum inhabilium, quorum pater legitimus sive defunctus est sive ad tutelam inhabilis; in matrimoniis minorennium illegitimorum aut in nostris terris peregrinorum, qui consensum necessarium impetrare nequeunt, legalis consensus extra omne dubium collocari debet per documentum a foro judiciario conficiendum, in quo consensus tutoris declaratus et consensus ipsius fori judiciarii expresse continetur, et quod asservandum est inter documenta de matrimonio. Tertio. Curatoribus animarum omnium confessionum sollicitudo haecce de legali consensu sat certo tantopere injungitur, ut neglectus quilibet hujus decreti gravi poena §. 78. novi cod. civ. copulationibus, sine testimoniis sponzorum necessariis, statuta, puniretur. Quarto. Expressis tamen declaratur verbis, quemviscunque modum defectus in hac re irritum non reddere matrimonium, dummodo consensus patris legitimi aut tutoris aut fori judiciarii aliis mediis legalibus probari possit.

*) Si desit testimonium baptismale, quo aetas plena probetur, aut dispensatio a regimine provinciae, non à praefectura disciplinae publicae (Polizey-Direktion) petenda est, aut aliis argumentis idoneis demonstranda. 11. Febr. 1808.

**) Si minorennis ex provinciis haereditariis germanicis matrimonium in Hungaria inire velit, necesse est, ut litterarum, quibus instantia pupillaris matrimonio consensum praestat, fides

testimonio adjecto Judicii Appellatorii firmetur.
(legalisiren) 9. Oct. 1808.

§. 175.

Matrimonia majorennium etiam sine Matrimo-
consensu patris, aut avi paterni valida sunt. nia majo-
Atamen ubi consensus a patre vel avo ob rennium.
causas ejusmodi denegatus est, quas judex
pro justis habet, liberi jure petendi dotem ac
sustentationem privantur, et exheredari pos-
sunt. Cod. leg. civil. I. cap. 3. §. 12. Porro
ut matrimonia majorennium valeant, declara-
tione judiciali majorennitatis opus non est,
quin est si quis aetatem licet plenam assecutus
peculiares tamen ob causas sub tutela adhuc
constitutus fuerit, nihilominus sine consensu
tutoris matrimonium inire poterit. 2. Nov.
1787. Utrum vero is, qui veniam aetatis
obtinuit, relate ad ineundum matrimonium
majorennis, minorennisve censendus sit, lex
non definit; tutius igitur hoc in casu sequen-
dum, et consensus judicis implorandus est.
Nov. cod. civ. contra liberos potestate pater-
na jam exemptos et praeter vel contra volun-
tatem parentum matrimonium ineuntes nul-
libi statuit exhaereditationem; sed absolvun-
tur parentes ab officio dotis hujusmodi filia-
libus, aut filiis dandae, ubi judex justam
invenerit causam denegati consensus, etiam-
si forte postea matrimonium ipsi probent.
§. 1222. et 1231. nov. cod. civ. univ. Sub
parentibus generatim ita dictis etiam avi in-
telliguntur, ibidem §. 42. Ex §. 1222. et
1231. etiam liberis potestati paternae adhuc

subditis dos posset denegari, qui praeter vel contra consensum parentum matrimonium ineunt, et quorum pater durante adhuc potestate paterna nullitatem matrimonii non deponit. §. 94. et 96. ibid. Si vero is durante adhuc potestate paterna matrimonium impugnat, irritum istud declaratur et dos eo ipso locum non habet. Ubi iudex consensum patris supplet; liberi potestati paternae subditi dotem perdere non possunt, quia iudex hoc modo sibi et ipsi contradiceret; sed potius hic injustam censet resistenciam patris, adeoque pro dote filiae aut sustentatione filii pugnet. Ibid. §. 1222. et 1231. Majorenes, qui quaque de causa inhabiles tutori subsunt, ad matrimonium valide ineundum tutoris aut iudicis consensu indigent. Ibid. §. 49. Huc referendi sunt etiam prodigi a iudice declarati. Itaque decretum 2. Nov. 1787. aboliturum est, vi cuius huiusmodi prodigi matrimonium inire possunt, ut patet ex verbis §. 252. nov. cod. civ. Declaratio majorennitatis effectus habet majorennitatis naturalis, quae ex §. 172. et 252. tollit potestatem paternam et tutelarem, nisi iustis causis continuatio ejusdem praescripta et publicata fuerit.

§. 176.

Matrimonia minorum. Ut exterius matrimonium, quod in terminis nostris valeat, contrahere possit, secundum principia supra exposita (§. 165.) necesse est, ut vel majorennitatis annos legibus suae provinciae praescriptos attigerit, vel si juxta

leges istas minorrennis sit, consensum patris aut avi paterni, aut tutoris et judicis obtinuerit. Quoad exteros, qui militiae adscribuntur, (Rekruten) eorumque sponfas speciatim sancitum est, ut, si minorenes sint, miles officialis conquisitioni militum vacans (Werbungsoffizier) legitimum patris, aut tutoris consensum obtinere studeat, quem, si obtinere non possit, iudicium militare secundum legis praescriptum suppleat. 18. Jul. 1803. *)

*) Pari ratione etiam quoad personas status civici rescripto aulico dd. 5. Apr. 1796 pro Moravia et Silesia edito statutum est; ut si quis ex provincia exterâ oriundus in nostris terris matrimonium inire cupiat, plenam aetatem sive testimonio baptismali, sive aliis argumentis probare teneatur; si vero in minori aetate constitutus sit, neque consensum patris, aut avi paterni, aut tutoris lege praescriptum obtinere possit, iudicem loci adeat, cuius sit, dato eidem tutore, consensum legitimum supplere. Statuit nov. cod. civ. §. 51: Minorenni peregrino, qui in his terris matrimonium initurus est, et requisitum consensum probare nequit; a iudicio hujate, cui secundum conditionem et domicilium suum subjectus esset, defensor, qui consensum suum aut dissensum quoad matrimonium illi iudicio declaret, constituendus est. Supponitur hoc loco, minorennem exterum tempore, quo apud nos matrimonium initurus est, adhuc exterum, nec juxta §. 29. et 30. nov. cod. civ. civem nostratam considerandum esse. Porro supponitur secundum leges suae patriae consensu tali eum indigere, alias enim jure proprio matrimonium inire potest. Oportet tamen, ut sit notorium aut ab ipso extero probatum; eum consensu juxta leges suas patrias non indigere. Denique in

casu, ubi exterus consensu indiget, expressio: quod non possit consensum probare; — stricte intelligenda est, merae enim difficultates, proceduræ lentæ, aut sumptus non sufficiunt, uti argumentis solidis asserunt D. Zeiller in expos., ad hunc §. et Dolliner in manual: §. 38.

§. 177.

Necessitas
consensus
superiorum
pro personis
militaribus.

Non o matrimonium inire nequeunt per
sonæ militares, nisi facultatem a legitimo
superiore, duce legionis, vel cohortis etc.
litteris expressam impetraverint. Matrimo-
nium sine ejusmodi facultate contractum irri-
tum est, atque tam partes contrahentes, quam
minister sacer, qui nuptiis adstitit, puniun-
tur. Lit. pat. §. 20. Decretum hoc etiam mi-
lites tum ad tempus dimissos, (Beurlaubte)
tum invalidos, (Invaliden) complectitur. In
connubiis militum ad tempus dimissorum spon-
sa litteras reversales coram magistratu expedi-
re tenetur, quibus promittat, nunquam sese
ad legionem, cui sponsus adscriptus est, velle
accedere; sponsus vero vicissim parocho spon-
dere debet, quod sponsam nunquam velit de-
relinquere, nisi vel belli, vel exercitationis
armorum tempore ad legionem sibi redeun-
dum erit. 20. Febr. 1780. Milites invalidi
conjugium inituri ad obtinendam superiorum
facultatem, 1) testimonium magistratus adferre
debent, quo fides fiat, sponsam bonis mori-
bus esse præditam, eandem facultatibus suis
aut manuum labore semetipsam sustentare
posse, simulque se obstringere, quod maritum,
si forte ad servitia militaria revocetur, sequi
nolit. 2) Sponsa litteras reversales dare tene-

tur, quod nec quidquam a legione unquam exigere, nec donum illud gratuitum, quod ab instituto militum invalidorum viduis conceditur, sibi vindicare velit. 14, Sept. 1796. Ceterum neque duces militum pensionarios (pensioniste Offiziere) sine facultate scriptà superiorum copulare licet. 27. Apr. 1771. *) Nov. cod. civ. §. 54. in hoc impedimento matrimonii respicit leges militares, quae personis militaribus aut ad corpus militiae pertinentibus matrimonia interdicit sine permissione scripta regiminis, aut superiorum. Hujusmodi ergo matrimonium sola permissione orali initum nullum foret. Index personarum ad militiam vel stabilem vel vagam, vel partium ad corpus militiae pertinentium habetur in decreto aulico de jurisdictione inter clerum civilem et militare obtinente dd. 19. Maj. 1808, §. 1., quo decreta antiquiora dd. 16. Aug., 21. Octob. 1752, 26. Jan. 1771, 19. Octob. 1772 nonnihil sunt immutata. Personae ex decreto dd. 1808 ad militiam vagam et stabilem pertinentes habentur in opere D. Canon. Schwerdling §. 153. hujus manualis nostri citato p. 64 — 66. et in Dolliner §. 42. p. 92. et 93. Ex hoc decreto aulico dd. 19. Maj. 1808 relate ad Jurisdictionem constat adhuc resolutio supremo 28. Jan. 1771 publicata, vi cujus capellani castrenses jurisdictione baptismatis, copulationis, sepulturae omniumque sacramentorum in militia vaga, parochi vero ordinarii in militia stabili gaudent. Cum vero saepe accidat, ut personae ad militiam vagam pertinentes sacerdotale indigeant functione, quin prae-

sto sit capellanus castrensis, constans manet regula, qua clerus civilis obligatur, in hujusmodi casibus jurisdictionem sacerdotalem exercere in subsidium cleri militaris, ideoque decreta hac in re apparentia bene callere.

Scriptis expressa venia militaribus ad matrimonium validum necessaria datur ex decret. aul. 19. Maj. 1808. a) In legionibus et cohortibus pro singulis individuis descendendo a protribuno legionis per proprietarium, aut ipso permittente per praefectum legionis aut cohortis. b) In suprema castrorum metatura (General: Quartiermeisterstab) singulis individuis per supremum castrorum metatorem. c) Pro legionum aut cohortium praefectis, pro pensionariis, pro cunctis officialibus reservato caractere militari emeritis, et pro nec in legione aut cohorte, nec in suprema castrorum metatura servientibus per praefecturas generales. (General: Kommando.) d) Militarum domestici civiles, sive ad militiam vagam sive ad stabilem pertineant, praeter consensum praefecturae generalis, consensu etiam judicis civilis indigent. Orphani vero militares licet in legione aut cohorte non servientes, ad matrimonium ineundum praeter consensum instantiae pupillaris judicii delegati militari mixti licentia scripta praefecturae generalis non indigent. Ad tempus dimmissis nonnisi a legione aut cohorte venia ad matrimonium ineundum concedi potest 28. Febr. 1777, 14. Febr. 1804, 9. Sept. 1803, et in eorum matrimoniis sponsa tenetur litteras revocatae dare magistratibus nulla occasione ad legienem

mariti accedendi, donec recepta fuerit in numerum normalem 15 mulierum centuriae concellarum, (Kompagnieweiber) eaeque reversales litterae parcho ante copulationem exhibendae sunt. Pari modo etiam ad tempus dimmissus spondere debet parcho, uti decr. 20. Febr. 1780, supra memorato praescriptum est.

Dominia, quae a legione vel cohorte consensum ad matrimonium pro individuis ad tempus dimmissis petunt, exhibere simul debent indicem facultatum, testimonia baptismatis et morum et litteras reversales sponsae legaliter confirmatas, ut ne judici militari exactiones seriores, labores sumtusque creentur. 4. Oct. 1810. Militibus invalidis in servitiis privatis servientibus dominia incio instituto militum invalidorum matrimonia permittere prohibentur, si tamen id fecerint, sustentare invalidum tenentur. Invalidi reliqui ad matrimonium validum scripta licentia iudicis militaris indigent, i. e. modo praefecturae generalis. 29. April. 1784. Generatim viro militari licentia ad matrimonium non datur, priusquam sponsa jurisdictioni civili subdita consensum magistratus sui impetraverit. Vid. de hac materia opus citatum D. Canon. Schwerdling p. 62 — 91. des österreichische Kirchenrecht des k. k. H. Prof. Gustermann §. 243 — 45. H. D. Sattlers Handbuch I. Th. §. 269 — 272. Hoc impedimentum publicum non est, ut juxta §. 94. novi cod. civ. nullitas matrimonii ex officio esset inquirenda, sed est privatum, ergo expectanda

querela eorum, qui hujusmodi matrimonio sese laesos existimant.

Militaris impedimentum, quod ex §. 54. n. cod. civ. sibi obliat, reticens, aut consensum necessarium mentitus, ex proprio facto nefario matrimonium impugnare nequit, §. 95. ibid.; indignus enim fit illo facto, quod simul juxta §. 252. part. II. cod. crim. tanquam delictum politicum grave, aut juxta §§. 80. 176. part. I. cod. crim. tanquam crimen punietur, qui protectione legum fruatur. Praetensa ignorantia impedimenti hoc loco non valet, foret enim ignorantia juris, quae non excusat. Ipsa pars altera innocens jure privatur impugnandi matrimonium, si cognito impedimento matrimonium continuaverat. Quinimmo ex analogia cum minorennibus et adoptivis ipse militaris superior impugnare jam non posset matrimonium a militari absque licentia initum, quando hic militaris esse profusus desierat. §. 96. nov. cod. civ. Matrimonium enim; quamvis declaratum irritum, ab hoc militari consensu jam non indigente statim de novo et quidem valide posset iniri.

*) Videatur dissertatio de eo, quod curatori animarum circa conjugia militum observandum est, in *der theol. Monatschrift* 3. Jahrg. 3. Band.

Articulus tertius.

De habilitate personarum ad matrimonium legibus praescriptâ, et impedimenti ex ejus defectu provenientibus.

§. 178.

Lex nostra personas quasdam vel ob disparitatem cultus religiosi, cui addictae sunt, vel ob statum conjugio obstantem, vel ob cognationem et affinitatem, vel denique ob delicta quaedam ad ineundum matrimonium inhabiles declarat. Itaque primo conjugium inter christianum, et christianae fidei non addictam et vicissim prohibetur, irritumque declaratur. Lit. pat. §. 16. Haec tamen cultus disparitas impedimentum non est, nisi eo jam tempore adsit, cum matrimonium initur. Si enim conjugum infidelium pars altera religionem christianam amplectitur, matrimonium propterea non dissolvitur, modo pars infidelis pacifice cohabitare velit. Si autem infidelis discedit, discedat, ait Apostolus I. ad Corinth. VII. 15. Quod tamen utrum de separatione quoad thorum et mensam tantum, an etiam de dissolutione vinculi, uti in decretalibus cap. 7. de divort. accipitur, intelligendum sit, inter Theologos disceptatur; et adhuc sub judice lis est. Consentaneae cod. Josephino dicit nov. cod. civ. §. 64: Inter Christianos et Non-christianos contractus matrimoniales valide iniri non possunt. Ergo Catholici, Lutherani, Reformati, Graeci non uniti, i. e. Christiani di-

Impedimen-
tum dispari-
tatis cultus.

verfarum confessionum valida inter fe matrimonia inire poffunt; pariterque matrimonia Non-chriftianorum diverfi cultus, Judaeorum Muhammedannorum, Gentilium inter fe valida funt. Solum matrimonia Chriftianos inter et Non-chriftianos; licet hi unquam baptizati denuo tamen defecerint, Renegati facti; aut Catechumeni adhuc funt; irrita plane funt, quodfi tanta cultus difparitas tempore matrimonii ineundi jam obtinuerit; fi vero difparitas matrimonium validum fecuta eft, nil officit, cum impedimenta fubfequentia non dentur. Erronea ergo fuit assertio Dr. Sattler I. part. part. manualis fui §. 308. a) pag. 266. Contrarium enim illius assertionis ftatuatur in §. 136. novi cod. civ. Sive enim D. Sattler nullitatem five divortium matrimonii §. 308. a) 369. 1) afferuerit, utrumque principiis definitiffimis repugnat.

§. 179.

Impedimen- Secundo vir et mulier matrimonio junc-
tum ligamini- ti, quamdiu morte unius partis vinculum
nis. non folvitur, ad fecundas nuptias transeundi
potestatem non habent, fiquae ad illas transie-
rint, nuptiae irritae funt, quod impedimen-
tum ligaminis dici folet. Quapropter qui
matrimonio unquam junctus fuerit, ad fecun-
das nuptias admittendus non eft, nifi vel de
morte conjugis prioris in loco, ubi contra-
here vult, palam conftet, vel illa argumentis
certis, plerumque testimonio parochiali, pro-
betur. Lit. pat. 11. 12. Concordat cod. Jo-
sephino nov. cod. civ. §. 62.: Vir uni tantum

mulieri, et mulier uni solum viro simultaneo tempore matrimonio juncti esse possunt. Qui matrimonio junctus jam fuit, novumque initurus est, factam disjunctionem, i. e. totalem vinculi dissolutionem, legaliter probare debet. Non quidem hoc, sed §. 111. ejusd. cod. expresse statuitur, legibus nostris agnitum esse indissolubile vinculum inter conjuges ambos, vel unum saltem, catholicos, donec morte alterutrius solvatur, si vel una tantum pars catholica fuerit tempore matrimonii initi. Patet ex contextu hoc impedimentum esse dirimens, quia in §. 94. cod. civ. sub Numero 62 enumeratur inter ea, quorum causa nullitas matrimonii ex officio inquirenda est. Expressio: nullitas: designat ligamen adhuc consistens impedimentum dirimens, et quia ex officio inquirendum, publicum quoque impedimentum juxta leges nostras habendum esse. Omnino tamen, ut impedimentum hoc locum habeat, opus est, ut validum sit matrimonium primum; hoc enim irritum nec ligamen nec matrimonium verum existit, quod alteri matrimonio obstaret. Ubi vero validum est matrimonium antea consistens, irritum fit secundum, sive volente vel nolente conjuge legitimo sit initum, sive noverit, sive ignoraverit persona recens adjuncta ligamen antecedens, sive cum ea coitum jam sit vel proles generata nec ne; lex enim generatim loquitur nullo quarumcumque circumstantiarum respectu habito. Ad praecavenda, quantum fieri potest, ulteriora et irrita conjugum ligamina lex statuit, ut, qui vinculo matrimoniali ligatus jam fuit, factam

disjunctionem legaliter probet vel testimonio parochiali, aut declaratione mortis legali, vel aliis argumentis solidis de morte conjugis, vel denique exhibita judiciali sententia divortium inter personas acatholicas concedente. Sola tamen neglectio argumenti pro ligamine soluto impedimentum dirimens non est, dummodo ligamen reapse solutum sit. Vid. Dolliner §. 51. p. 151. Qui sciens matrimonium duplex inire, delicti reus est, cui carcer 1 — 5 annorum, immo gravior statutus est, si reus ligamen suum alteri conjugi tacuerit. Etiam persona in nupta conscia matrimonium cum jam nupta iniens, delicti bigamiae rea fit. Cod. crim. I. part. §. 185 — 187. Hujusmodi reus parti innocuae damnum refarcire, et ad matrimonium primum validum reverti tenetur. Idem nec defuncta aut per divortium separata legitima conjuge matrimonium inire potest cum persona, quacum fuit bigamus, si cum ea jam concubuit, quia impedimentum adulterii ante matrimonium inire probati obstat ex §. 67. nov. cod. civ.; Nec vel sine concubitu potest matrimonium inire, propter participationem in causa divortii patientem ex argumentis in copulatione praesentibus. Ibidem §. 119.

§. 180.

Declaratio Quando conjux facultatem ad secundas
de defuncto transeundi nuptias petit propterea, quod
absente con- conjugem longo abhinc tempore absen-
juge. tem vità jam functum arbitretur, causa ad
judicium provinciae (Sandrecht) deferenda est.

Iſtud vero conſtituto defenſore matrimonii, qui abſentis partes tueatur; proinde probationibus mortis exceptiones legitimas opponat, auditâ utrâque parte cauſſam diſcutit. Quodſi ſufficientiâ mortis argumenta deprehenderit, precesque ſupplicantis juſtas exiſtimaverit, acta cum conſiſtorio epiſcopali communicat, cujus eſt, ſuam eâ de re ſententiam exponere, poſtea vero cauſſam ſummo imperanti ad ferendam ſententiam proponit. 22. Jul. 1803. *)

In codice legum civilium pro Gallic. occid. edito I. §. 45 — 47. ſequentes enumerantur modi, quibus mors conjugis abſentis probe-
 tur: a) cum abſens conjux annum aetatis octogefimum aſſecutus, ejusque commoratio decem annis ignota eſt; b) cum commoratio abſentis, cujuſcunque demum aetatis ſit, ultra triginta annos ignoratur; c) cum probari legitime poteſt, abſentem vel naufragium paſſum eſſe, vel in bello graviter vulneratum, vel in alio quodam vitae periculo verſatum, neque intra duos ad ſummum tres annos, diligentiffimâ licet inquisitione facta, reperiri potuiſſe. Quae dicta ſunt hoc §. etiam ex nov. cod. civ. valent cum modificationibus ſequentibus: 1) Spatium temporis duorum ad ſummum trium annorum in cod. civ. pro Gallic. occident. ſub c. praefcriptum ad investigandum deſideratum in §. 24. nov. cod. civ. ſtrictè ad tres annos prolongatur. Ante elapſum poſt grave vulnus aut poſt factum naufragium, annum tertium, aut poſt aliud mortis periculum inſtans et certum, mors praefumi non poteſt. 2) §. 24. provocat ad §. 277. ejusd. cod., quo praefcribitur curator

illico denominandus et publicatio edicti integrum per annum duraturi, quo absens citatur addita comminatione, judicem ad declarationem mortis progressurum, nisi desideratus fixo temporis spatío apparuerit, aliove modo judicem de vita sua certiore reddiderit. Edictum hoc ex §. 113. ephemeridibus publicis, exigente necessitate etiam exteris addita eadem comminatione ter inferendum est. 3) Declaratio mortis et matrimonii soluti ex §. 112. tum demum postulari potest, quando spatium temporis §. 24. praescriptum elapsum est iis cum circumstantiis, ex quibus mors absentis juste dubitari nequit. 4) Integro anno perpetam elapso ex §. 114. nonnisi derelicto conjugate iterato petente vel fiscus vel alius quisquam rei gnarus et justus defensor matrimonii constituendus est, factaque inquisitione (ex §. 112. per forum nobilium) judicandum de petitione concedenda vel neganda. Concessio per instantiam superiorem summo imperanti ratificanda proponatur, antequam partibus communicetur. Nihilominus, licet difficile, evenire tamen posset, ut conjux omni circumspectione pro mortuo declaratus subito inter vivos appareat, quó casu matrimonium secundo initum redderetur nullum, primum vero validum constaret; Vinculum enim matrimonii validi nonnisi per mortem (non ita per declarationem mortis) alterius conjugis dissolvitur, etsi pars una tantum tempore conubii facti catholica fuerit; §. 111. nov. cod. civ.

Ex §. 115. etiam divortium inter conjuges acatholicos non nisi graves ob causas locum habet. Hujusmodi censentur, praeter aversionem animorum insuperabilem utriusque partis, laesiones §. 115. expressae; quo autem non pertinet reditus conjugis pro mortuo declarati. Ipsaeque proles altero matrimonio genitae non obstante ignorantia invincibili utriusque parentis illegitimae forent, ibid. §. 160.

*) Simile decretum adest etiam ratione personarum militarium dd. 4. Oct. 1803.

§. 181.

Tertio quae in ecclesia Latinâ circa in- Impedimen-
 habilitatem ad ineundum matrimonium ob tum ordinis
 statum clericalem, aut vota religio- sacri, et vo-
 sa hactenus obtinuerant, lex nostra prorsus ti solemniss.
 intacta, atque immutata reliquit. Lit. pat. §.
 21. Inhabilitas haec adnexa est secundum
 Latinae ecclesiae disciplinam tum ordinibus
 sacris, quibus etiam subdiaconatus adnumera-
 tur, (§. 23.) tum votis solemnibus in ordine
 religioso ab ecclesia approbato rite emissis, (§.
 50.) quibus is etiam effectus tribuitur, ut sol-
 vant matrimonium ratum, non consumma-
 tum, si pars conjugum altera intra duos men-
 ses religionem ingressa fuerit. Votum vero
 castitatis simplex impedimentum est tantum
 impediens, non dirimens, in eoque dispen-
 satio non nisi ab episcopo petenda est. Novus
 cod. civ. §. 63. dicit: Clerici ordinibus ma-
 joribus initiati, et regulares utriusque sexus,

qui votum castitatis solemne ediderunt, matrimonium validum inire nequeunt. Itaque in terris Austriacis omnibus, ubi novus cod. civ. publicatus est, ex §. 4., episcopi, presbyteri, diaconi, subdiaconi ecclesiae tum latinae, tum graecae unitae et disunitae matrimonium inire valide non possunt. Sed prima tonsura et minoribus tantum ordinibus initiati, omnesque clerici ecclesiae protestantium Augustanae vel Helveticae confessionis matrimonio non arcentur, quia ecclesia protestantium hujusmodi ordinationem majoresque ordines non agnoscens clericis suis coelibatum minime praescribit. Pari modo regulares sexus utriusque ecclesiae tam latinae quam graecae ad chorum vel ad negotia domestica destinati post emissum votum castitatis solemne matrimonium inire nequeunt. Huic regulae subsunt canonici regulares, monachi, moniales, et equestrium ordinum equites; non tamen protestantes; quia votum tale non emittunt, neque omnino vim obligantem ipsi tribuunt. Nec vel Exreligiosi atque fratres laici ordinum et monasteriorum abolitorum valide matrimonium ingredi possunt, votum enim solemne coelibatus unquam emissum sufficit ad matrimonium ex lege irritum reddendum. Quaecumque autem vota praeter occasionem recipiendorum ordinum majorum et professionis in ordine a papa probato emittuntur, impedimenta matrimonii non sunt. Juxta Conc. Trid. sess. 24. can. 6. Matrimonium ratum, sed nondum consummatum per legitimam et solemnem ordinis professionem dissolvitur. Sed Cod. civ. §. 111. statuit, vinculum ma-

rimonii validi inter catholicos nonnisi morte conjugis alterius dissolvi posse, sive matrimonium sit ratum sive consummatum. Patet ex §. 94. cod. civ. nullitatem matrimonii, cui obstat impedimentum majorum ordinum aut voti solemnitis, ex officio inquirendam, et altera parte quamvis nolente declarandam esse, illa ergo impedimenta inter publica pertinere.

§. 182.

Quarto declarantur inhabiles ad matrimonium inter se contrahendum consanguinei, et affines. *) Et impedimentum quidem consanguinitatis in lineâ rectâ ascendente et descendente obtinet in infinitum; in lineâ vero collaterali nonnisi inter fratrem et sororem, sive alterum sive utrumque parentem communem habeant, dein inter fratrem; et filiam fratris aut sororis, denique inter consobrinos locum habet. Affinitas inter unum conjugem, et alterius consanguineos terminatur, namque; ut recte dici solet, affinitas non parit affinitatem. Impedimentum autem affinitatis eosdem gradus complectitur, ad quos impedimentum consanguinitatis sese extendit, videlicet viro viduo non licet supra recensitas consanguineas uxori, praemortuae ducere, nec foeminae viduae, recensitis consanguineis mariti praemortui nubere. Lit. pat. §. 13 — 15. Consanguinitas et affinitas ex copula illicitâ orta ut matrimonium impediât ac dirimat, notorietate juris opus est, quae per sententiam iudicis competentis obtinetur. 19. Maj. 1784.

Codici Josephino consentaneus nov. cod. civ. §. 63. edicit; Inter consanguineos in linea ascendenti vel descendenti; inter fratres sororesque bilaterales aut unilaterales (germanos, consanguineos vel uterinos); inter fratrum sororumve filios et filias (patrueles aut consobrinos consobrinasve); quemadmodum etiam cum fratribus sororibusve parentum, i. e. patruo vel avunculo, amita vel matertera, validum matrimonium iniri nequit; nullo discrimine facto, an consanguinitas ex legitimis vel illegitimis natalibus oriatur. §. 66. Ex affinitate hoc impedimentum oriatur, quod maritus cum consanguineis suae uxoris, in §. 65. memoratis, et uxor cum ibidem enumeratis consanguineis mariti sui matrimonium inire nequeat. Ex §. 94. patet, utrumque impedimentum esse dirimens et publicum, quia impedimenta in §§. 65. 66. enumerata occurrunt inter illa, quorum causa matrimonii nullitas ex officio inquirenda est, licet conjugum uno aut utroque innocente atque nolente.

Impedimentum consanguinitatis et affinitatis inter Judaeos sigillatim definitur respectu religionis eorum, in cod. civ. §. 125. Conceptus legales familiae, consanguinitatis, affinitatis deducuntur ex verbis §. 40. cod. civ. sequentibus: Nomine familiae comprehenduntur parentes, omnesque eorum descendentes. Nexus inter has personas cognatio; necessitudo vero, quae inter unum conjugem et consanguineos alterius conjugis existit, affinitas dicitur. Juxta cod. Joseph. atque juxta

novum cod. civ. affinitas non ex concubitu, uti statuit jus canonicum commune, sed ex matrimonio valide inito, quamvis nondum consummato oritur. Ergo quisquam potest inire matrimonium cum sorore legitima sive illegitima ejusdem personae, cui concubuit extra matrimonium, quin obstet impedimentum affinitatis; contra vero quisquam cum sorore licet illegitima conjugis defunctae valide matrimonium inire nequit obstante affinitatis impedimento, quamquam matrimonium cum conjugate consummatum per coitum non sit. Nostro igitur jure de affinitate ex concubitu illegitimo orta sermo esse nequit; fit quidem conjux affinis cum consanguineis illegitimis alterius conjugis, affinitas vero haec nonnisi ex matrimonio cum conjugate valide inito oritur. Denique cum affinitas non est nisi inter conjugem ex una et inter consanguineos non tamen affines conjugis ex altera parte, neque inter consanguineos utriusque conjugis: conjux matrimonium potest inire aum affinibus defunctae conjugis suae, item consanguineus unius conjugis cum consanguineis alterius sive viventis adhuc sive defunctae, quia has inter personas affinitas non obtinet. Valent ergo e. g. matrimonia inter filium ex matrimonio primo cujusdam et inter filiam ex matrimonio primo secundae conjugis suae; inter patrem, aut filium, aut duos fratres unius familiae et inter matrem, aut filiam aut duas sorores alterius familiae; inter patrem et viduam privigni sui defuncti; inter viduam et viduum, qui fuit maritus defunctae sororis conjugis ejusdem viduae. Cum inter personas, quibus

ex lege nostra impedimentum consanguinitatis obstat, validum matrimonium consistere nequit, omne matrimonium putativum, quod tamen inter eas concluditur consulto, fit per concubitum genus quoddam impudicitiae, quae inter consanguineos in linea ascendente seu descendente commissa, delictum incestus dicitur, cui cod. crim. §. 113. poenam carceris 6 mensium aut 12; §. 114. statuit; si vero committitur inter fratres et sorores germanos vel uterinos, tanquam delictum polit. grave carcere 1—3 mensium punitur. Cod. delict. grav. polit. §. 246. Quodsi huiusmodi affines contempto impedimento nihilominus matrimonium inire audent, incestus rei sunt, qui, si cum conjugibus parentum, filiorum, aut fratrum sororumve patrat, ut delict. pol. grave carcere 1—3 mensium mulctatur.

*) Vid. diff. de origine ac momentis legum nuptias inter cognatos vetantium in *der theol. g. Monatschrift* 2. Jahrg. 5. Bd. Prof. Dolliner consanguinitatem ita definit: Affinitas naturalis, seu consanguinitas est conjunctio inter majores et posteriores per descensionem horum ab illis, aut inter personas alias per descensionem a stemmate communi oriens. Consanguineorum ergo duae sunt classes 1) Ascendentes et descendentes. 2) Personae aliae mediate vel immediate a stemmate communi descendentes, perque illud inter sese conjunctae. Ad classem primam pertinent e. g. pater aut mater, avus aut avia, proavus aut proavia qua ascendentes; et filius aut filia, nepos aut nepotis, pronepos aut proneptis qua descendentes. Ad classem alteram per descensionem immediatam non nisi fratres et sorores; per descensionem vero mediatam avunculus aut matertera

et patruelis i. e. fratris aut sororis filius aut filia, consobrini etc.

§. 183.

Ad perspicendam facilius cognationem inter personas conjugium invicem inire cupientes schema consanguinitatis, aut affinitatis construi, in eoque conficiendo modus computandi gradus canonibus praescriptus observari solet. In schemate consanguinitatis imprimis progenitores communes summo loco ponuntur; deinde deorsum ex utroque latere collocantur descendentes, per quos sponsi inter se cognati sunt. Distantia cognatorum ab invicem quoad generationem gradus dicitur, series plurium graduum linea, et inter personas quidem, quarum una alteram genuit, linea recta ascendens et descendens, inter personas vero, quarum una alteram non genuit, quibus tamen communes sunt progenitores, linea collateralis vocatur, quae vel aequalis est, vel inaequalis, illa, si cognati ambo eodem a communi progenitore gradu, haec, si diversis gradibus descendunt. Cum arbor affinitatis construenda est, describitur arbor consanguinitatis inter defunctam uxorem sponsi, et sponsam, vel inter defunctum maritum sponsae, et sponsum; affinitas vero adjecta lineâ transversâ notatur. Ad hanc materiam magis elucidandam arbor arbitraria consanguinitatis et affinitatis in fine annexa est, in qua mares circulis, foeminae triangulis designantur. Lineae perpendiculares consanguinita-

Quomodo
schema con-
sanguinita-
tis vel affini-
tatis con-
struatur.

tem, horizontales affinitatem indicant. Singulae personae ab A et B descendentes litteris majoribus, conjuges vero ab A et B descendentium cum eorundem descendentibus non ex A et B oriundis litteris minoribus sunt consignatae. In e notandum, quod post mortem conjugis f, cui pepererat filium g, nupserit viro L. Pariter in m, quod mortuo nupserit viro M; et in i, quod post defunctam k duxerit P. Per m et n huic arbori adjungitur alia propter affinitatem inter M et descendentes conjugis suae m. Ex §. 187 r et t non sunt affines cum M. Quod si e, m aut i assumuntur primum juncti matrimonio cum L, M aut P, et his demum defunctis iniisse matrimonium cum f, n, aut k: sequitur f, n aut k eorumque descendentes non pertinere ad affines descendentium ex A et B. Ponatur denique, F et G a C et e concubitu illegitimo generatos esse, sine matrimonio legitimo subsequente, tunc certe F et G forent consanguinei illegitimi in Familia A et B cum a; sed et non affines, quia consanguinitas quidem oritur ex generatione tum legitima tum illegitima, affinitas autem non nisi ex matrimonio legitimo, quamvis nondum consummato.

§. 184.

Modus computandi gradus de jure canonico. Modus computandi gradus in jure canonico adoptatus sequentes tenet regulas: 1) In lineâ rectâ tot sunt gradus, quot generationes, seu quot personae unâ demptâ. 2) In lineâ collateralis aequali consanguinei eo gradu distant inter se, quo quisque a commu-

ni stipite distat. 3) In lineâ collateralis inaequali eo gradu consanguinei inter se distant, quo remotior distat a communi stipite; solet tamen simul gradus alterius propinquioris enunciari, ex. gr. cum dicimus, personas quasdam consanguineas esse in tertio gradu ad secundum. 4) Affinitatem quod attinet, conjux unus eodem gradu affinis est consanguineis alterius conjugis, quo iste in genere consanguinitatis iisdem jungitur. Jam pridem in Austria gradus consanguinitatis non secundum methodum juris canonici sed secundum jus civile romanum computabantur, juxta quod non solum in linea recta sed etiam in collateralis gradus consanguinitatis computantur secundum numerum generationum, quibus opus fuit inter stemma commune et unamquamque earum personarum, quarum inter se consanguinitas est definienda, ut istae personae duae procrearentur. Juxta hanc computandi methodum e. g. frater et soror inter se gradu secundo; frater patris vel matris et fratris vel sororis filia; patris vel matris soror et fratris vel sororis filius inter se gradu tertio, duo consobrini gradu quarto, duo consobrini nepotes gradu sexto consanguinei sunt; quia opus fuit duabus generationibus ex stemmate communi, ut frater et soror, tribus, ut avunculus et amita, matertera et patruelis, quatuor, ut duo consobrini, sex, ut duo nepotes consobrini generentur. Utriusque methodi diversitas satis perspicua est, nam secundum methodum canonicam frater et soror gradu primo, avunculus et amita, matertera et patruelis secun-

do, 2 consobrini quoque secundo, duo nepotes consobrini tertio gradu inter se consanguinei sunt. Nov. cod. civ. methodum juris civ. rom sequi, patet ex ejusdem §. 41. — Gradus consanguinitatis inter duas personas secundum numerum generationum, per quas in linea recta una earum cum altera, et in linea collateralis utraque cum illarum proxima communi stirpe cohaeret, definiendi sunt. In qua linea et in quo gradu quis unius conjugis est consanguineus, in eo gradu et in ea linea alterius est affinis.

§. 185.

Dispensationes.

Ubi in casu singulari graves observantur causae, quae inter personas consanguinitate vel affinitate impeditas conjugium suadent, dispensatio postulari potest; quae quomodo quaerenda sit, supra (§. 162.) exposuimus. Ad eam concedendam lex graves admodum causas exigit, mandatque pastoribus animarum, ut cognatos nimis propinquos monitis, doctrinisque convenientibus ab irritis conatibus dispensationem impetrandi, unde non raro peccandi occasio nascitur, dehortari studeant. 10. Jul. 1784. Pari modo decrevit concilium Tridentinum sess. 24. de reform. matr. cap. 5., ut cum de contrahendo matrimonio ageretur, raro et non nisi ex causa gravi, idque gratis, nominatim vero in gradu secundo nunquam nisi inter magnos principes, et ob causam publicam, dispensaretur. *)

*) Rescripto aulico dd. 18. Sept. 1795. speciatim declaratum fuit, dispensationem ad in eundem

matrimonium cum novercâ, ubi impotentia defuncti mariti legitime probari non possit, nunquam concessum iri. Vid. Theol. pract. Monatschrift 1. Jahrg. 1. B. S. 349. Cum §§. 53. et 84. nov. cod. civ. loquantur de dispensatione ab impedimentis matrimonii generatim, nec ullum speciale eximant; atque nonnisi illud forum dispensare possit, cui jus dispensandi concessum est ab imperante; patet ex se, ea quae supra in annotatione ad §. 163. dicta sunt, ad praesentem quoque pertinere paragraphum.

§. 186.

Jus dispensandi in impedimentis matri- Dispensatio
monii potestati illi, a qua statuuntur, con- in impedi-
venit. Quod ad civilia spectat impedimenta, mentis civi-
distinguenda sunt publica et occulta, in pub- libus publi-
licis item mere civilia, et quae simul sunt cis.
canonica. Dispensatio in impedimentis pub-
licis mere civilibus a sola potestate civili im-
pertitur, proinde a regimine provinciae po-
stulanda est. In impedimentis, quae civilia
aeque sunt, ac canonica, leges nostrae prae-
viam dispensationem ecclesiasticam requirunt,
statuuntque, ut preces pro impetranda dispen-
satione primo ad episcopum dirigantur, qui
aut propria auctoritate dispensat, aut a sum-
mo pontifice dispensationem petendam esse
judicat, aut eam penitus recusat. In primo
casu partes allatis litteris episcopalibus, qui-
bus dispensatio ecclesiastica propria auctoritate
impertienda promittitur, ad regimen provin-
ciae supplicando se convertant oportet, cui
tum potestas est, dispensationem summi im-
perantis nomine ad contrahendum civilem

contractum sine remora concedendi. In secundo casu regimen provinciae supplicationem partium ad aulam refert eum in finem, ut facultas requirendi dispensationem pontificiam impetretur. Recentiori vero decreto dd. 16. Maj. 1807 potestas facta est regimini provinciae, tum concedendi facultatem episcopis, ut dispensationem pontificiam petant, tum etiam placitum regium dispensationis pontificiae, gratis tamen impetratae, impertiendi. In casu ultimo dispensatio etiam a potestate civili denegatur. 8. Febr. 1790. 3. Aug. 1796. (Pro Gallic. orient. 16. Oct. 1800 extensum etiam ad occidentalem. 14. Sept. 1805.) Partes cohabitantes, quae dispensationis petita repulsam tulerunt, confestim a rectoribus animarum, et magistratibus locorum ab invicem separandae sunt. 9. Jul. 1807. Nov. cod. civ. §. 83. de dispensationibus matrimonialibus haec praescribit: Ex rationibus magni momenti dispensatio ab impedimentis matrimonii apud provinciae praefecturam peti potest, cui incumbit pro re nata de tali petito cum aliis instantiis communicare. Decr. aulicum 12. Nov. 1812 ad regimen provinciae infra Anasum datum expresse dicit: In casibus dispensationum ab impedimentis matrimonii unicum esse principium statuendum, novum codicem civilem omnino unicam esse legem, cui passim obtemperandum, neque amplius leges anteriores aut observantias valere. Quando vero circumstantiae dispensationem expectant, a lege aequo iudicis iudicio relinquuntur. Neque forum definitur, quocum a regimine provinciae ulterius tractandum sit. Omne

forum ergo vel iustitiae vel militare tale esse potest, ad quod rei circumstantiae spectant; ergo etiam ordinariatus, si causa est ecclesiastica. Huiusmodi casus locum habet, ubi partium supplicatio argumentis pro impetranda dispensatione sat solidis fulcitur, atque alterutra circumstantiarum sequentium accedit.

1) Ubi regimen provinciae jure dubitat, num forte impedimentum dirimens comitetur interdictum ecclesiasticum a potestate civili independens; aut 2) ut regimen provinciae persuasum habeat de existentia interdicti ecclesiastici impedimento concurrentis, attamen dispensatio locum habere possit. Primo casu regimen provinciae ab ordinariatu eruditionem in casu dubio postulabit ad exequendum munus suum. Secundo casu praeviam dispensationem ecclesiasticam deposcet, utne benedictioni sacerdotali difficultates obtent. Dispensatio vero ecclesiastica non solvit impedimentum dirimens, sed solum interdictum ecclesiasticum forte cum illo conjunctum, atque a sola potestate eccles. dependens. Ea dispensatione matrimonium non redditur validum, sed respectu ecclesiae licitum; impedimenta enim dirimentia a sola civitate tolli possunt, cujus quoque solius est disponere de matrimonio valido. Ea interdicta ecclesiastica, quae comitantur impedimenta dirimentia, et legibus morum naturalibus aut praeceptis religionis christianae positivis fundata sunt, nulla dispensatione ecclesiastica tolli possunt; verum ea, quae ad promovendos fines religiosos ab ecclesia propria auctoritate constituta sunt. Vid. *Erläuterung des §. 83. des burg.*

Gesehb. über die Ehedispensen von Prof. Dolliner in des Herrn Hofraths Protobeyers Materialien für Gesehkunde und Rechtspflege in den österreichischen Staaten. 1. Bd. S. 56 — 59. Praefertim in D. C. Aul. a Zeiller I. Tom. p. 236. corollaria ad §. 83. novi cod. civ. de impedimentis dissolubilibus et indissolubilibus. Dolliner Enchiridion. II. Tom. §. §. 95 — 97. 101. Exteri nostris in terris matrimonium iniri in casu defectus habilitatis personalis dispensationem impetrare a suo principe tenentur. §. 34. nov. cod. civ.

§. 187.

In impedi-
mentis civi-
libus occul-
tis.

Quando adversantibus impedimentis civilibus occultis partes ab animarum pastoribus auxilium petunt, recurrendum his est ad episcopum, qui tecto nomine, additaque affirmatione, casum conscientiae occultum adesse, dispensationem a regimine provinciae expetat, episcopali petitioni nunquam non annuente. 6. Sept. 1791. Quamvis igitur decreto aulico dd. 20. Sept. 1787 in Austria interiori promulgato quaestio proposita de conjugicidio in sacro solum tribunali post initum jam matrimonium detecto ita decisa fuerit, ut casus talis occultus nonnisi ad forum conscientiae, dispensationemque ordinarii ex capite impedimenti occulti pertineret, juxta constitutionem tamen recentiore supra memoratam ordinarius obveniente ejusmodi casu sine dubio normam praescriptam observare, proinde a regimine provinciae tecto nomine dispensationem petere tenebitur.

Petitio ista ad praesidem regiminis dirigenda est, et ab hoc, quin ad protocollum exhibitorum ac cancellariam transmittatur, expedienda. 3. Febr. 1803. Vicario quoque apostolico castrensi potestas facta est, in impedimentis occultis, quibus personae militares obstrictae sunt; a praefectura militum generali (General-Commando) tecto partium nomine dispensationem impetrandi, excepto tamen casu, ubi facultas superiorum militi ad contrahendum valide matrimonium necessaria deest. 11. Aug. 1801 §. 84. novi cod. civ. statuit desuper: Ante matrimonium contractum dispensatio in impedimentis matrimonii ab ipsis partibus et proprio earum nomine petenda est. Quodsi vero contracto jam matrimonio impedimentum prius ignotum, sed solubile, compareat, partes quoque per suos curatores animarum, et nomine suo non expresso, ad praefecturam provinciae dispensationis causa confugere possunt.

§. 188.

Leges matrimoniales omnes subditos Austriacos nullo exempto obligant. Etiam Judaei legum matrimonialium pro subditis Austriacis in aliena provincia contractentibus. 8. Jun. 1786. Excipiuntur autem intuitu impedimenti consanguinitatis et affinitatis, item intuitu divortii, utroque enim respectu singulari lege reguntur. 21. Mart. 1791. Videatur quoque lex matrimonialis pro Judaeis utriusque Galliciae lata dd. 26. Oct. 1800, item 9. Nov. 1803. Nov. cod. civ. §. 123 — 130. Qui in aliena provin-

cia matrimonium, quod in terris etiam haereditariis Austriacis valeat, contrahere intendit, quoad modum quidem contrahendi, solemnitatesque praescriptas, exempli gratia, proclamationes et copulationem ad leges illius provinciae, ubi contrahit, se accomodare debet. Quod autem contrahentium habilitatem, ac impedimenta inde provenientia disparitatis cultus, ligaminis; consanguinitatis et affinitatis, raptus, adulterii, conjugicidii, sacri ordinis; item facultatis tum minorenni, tum militi ad ineundum matrimonium necessariae attinet, leges patriae observandae sunt. 16. Sept. 1785. His consentit §. 4. nov. cod. civ.: Leges civiles obligant omnia membra civitatis etiam quoad actus et negotia extra territorium civitatis suscepta, his legibus eatenus obligantur, quatenus per eas illorum personalis facultas agendi limitatur, et in quantum isti actus et haec negotia simul in his terris effectus juridicos producere debent. Quatenus peregrini his legibus obstringantur, in sequenti capite determinatur. Dolliner §. 90 — 92.

§. 189.

Quoad extraneos in nostris provinciis contrahentes. Extranei in terris caesareo-Austriacis matrimonium ineunt cum animo, aut ibidem domicilium perpetuum figendi, aut post aliquam commorationem in patriam suam revertendi. Priori casu tanquam veri subditi habendi sunt. Quibus modis extranei jus civile in terris Austriacis impetrare possint, indicatum habetur in §§. 29. 30. novi cod. civ.;

scilicet a) per susceptionem muneris publici; b) per susceptum negotium, quod commorationem stabilem in civitate requirit; c) per domicilium in terris nostris decem annis continuatum, eo tamen pacto, ut extraneus durante hoc tempore nullius delicti reus inventus sit; d) per concessum indigenatum. Posteriori eadem quoad contractum matrimonialem valere debent principia, quae generatim ratione contractuum in aliena provincia perfectorum recepta sunt. Secundum ista igitur extraneus, quod modum contrahendi matrimonii, praescriptasque solemnitates concernit, proinde quoad condiciones ad validum partium consensum lege praescriptas, proclamationes item, et copulationem nostris subjacet legibus, quoad habilitatem autem personae, et impedimenta inde exorta secundum leges suae provinciae dijudicandus est. 23. Oct. 1795. Idem valet juxta nov. cod. civ. §. 34: Personalis facultas peregrinorum ad actus juridicos generatim dijudicanda est secundum leges loci, quibus peregrinus respectu domicilii sui, aut si verum domicilium non habet, respectu nativitatis suae tanquam subditus subest; nisi in speciali aliquo casu legibus aliud praeceptum sit. Relate ad requisita reliqua in negotio legali quoad formam internam et externam §. 36. sequentem continet decisionem: Si peregrinus negotium ex utraque parte obligatorium (bilaterale) in hoc territorio cum membro hujus civitatis ineat, id sine exceptione secundum hunc codicem, si vero illud cum peregrino contrahat, in hoc tantum casu secundum eundem judicandum

est, quo non probatur, contrahentes tempore initi negotii aliud jus respexisse. Idem valet de matrimonio, qua contractu legitimo vicissim obligante.

Decretum aulicum dd. 22. Dec. 1814 statuit, omnem extraneum in terris Aufriacis matrimonium ineuntem teneri, ut ante copulationem habilitatem suam personalem matrimonium validum contrahendi rite probet. Praecipit simul imperans augustissimus, ut omni sponsae nostrati, quae nubit subdito extraneo, declaretur, eam per consensum ad matrimonium non simul obtinere consensum emigrandi, sed hunc, si opus fuerit, sigillatim petendum esse.

§. 190.

Effectus matrimonii.

Effectus matrimonii validi sunt: 1) ex parte amborum conjugum gratia sacramenti a recte dispositis suscepti, firmitas vinculi matrimonialis, quod est indissolubile, jus petendi debitum conjugale, et obligatio reddendi, officium fidei conjugalis, communitatis vitae, mutuique auxilii. 2) Ex parte mariti, potestas in mulierem quoad societatem domesticam, et potestas paterna in proles. 3) Ex parte uxoris, communitio conditionis mariti, et jus alimenta ab eodem percipiendi. 4) Ex parte prolium, jura thori legitimi, quibus etiam in matrimonio putatio, dummodo in facie ecclesiae contractum, et una saltem pars in bona fide fuerit, gaudent; item legitimatio prolium ante parentum nuptias genitarum,

legitimitas per subsequens matrimonium dici solita. Huc pertinent §§. 80 — 92. 137 — 154. novi cod. civ. Proles in matrimonio putativa generatae, (§. 156. 5.) quarum parentibus impedimenta obstant §§. 62 — 64. adducta, scilicet, ligaminis, ordinum majorum, voti solemnis, aut disparitatis cultus inter christianos et non-christianos; nequaquam legitimae habendae sunt. Ubi alia obstant impedimenta, distinguendum est, num impedimentum sequiori tempore sublatum sit, nec ne. Si vel ipsum cessavit, vel dispensatione sublatum est, etiam proles ante sublatum impedimentum generatae omnino legitimae judicantur. Si vero impedimentum serius sublatum non sit, tunc proles extra casus quatuor adductos in matrimonio putativo generatae tum solum legitimae censentur, si unus saltem parentum in ignorantia non culpabili fuerit; attamen in hoc casu ultimo arcentur ab iis facultatibus impetrandis, quae ex dispositione familiari non nisi descensionem legitimae reservatae sunt. Nov. cod. civ. §§. 160. 161. Cl. Dolliner Enchirid. Tom. II. §. 145 — 153.

§. 191.

Jus canonicum triplicem cognationem Impedimentum statuit, naturalem ex legitimo vel illegitimo ta canonica thoro ortam, spirituales, quae ex collatione cognationis. et susceptione sacramentorum baptismi et confirmationis resultat, et legalem, quae per adoptionem efficitur. Eodem jure impedimentum cognationis naturalis ad quartum us-

que gradum inclusive extenditur. Impedimentum cognationis spiritualis inter baptizatum aut confirmatum ejusque parentes, et patrinos, item inter baptizatum aut confirmatum, ejusque parentes, et ministrum sacramenti obtinet. *) Cognatio legalis inter adoptantem, et adoptatum, hujusque descendentes, dein inter uxorem adoptantis, et adoptatum, et vicissim inter uxorem adoptati, et adoptantem, demum inter adoptatum et adoptantis liberos, quamdiu sub potestate patriâ vivunt, matrimonium irritum reddit. Verum legibus nostris impedimenta cognationis naturalis, tum ex legitimo thoro ortae in tertio et quarto gradu, tum illius, quae ex copulâ illicitâ proficiscitur, etiam usque ad secundum gradum, si non adest notorietas juris, item impedimenta cognationis, et spiritualis, (30. Jan. 1784) et legalis, abrogata sunt, proinde in eorum numerum, quae mere canonica sunt, reponenda.

*) Impedimenta in hoc et sequenti 192 §. adducta nonnisi canonica tantum esse, ex eo patet, quod in novum codicem civilem recepta non sunt.

§. 192.

Affinitatis.

Impedimentum affinitatis secundum jus canonicum ex copulâ licitâ ad quartum, ex illicitâ ad secundum inclusive gradum protrahitur. Recepta est praeterea affinitas impropria duplicis generis, una honestas publica dicta, quae vel ex legitimis sponsalibus, vel ex matrimonio rato non consummato or-

tum habet, atque in priori casu ad primum, in altero ad quartum usque gradum matrimonium impedit; altera affinitas superveniens, quae ex adulterio mariti cum muliere sibi vel uxori cognatâ, aut ex adulterio uxoris cum viro sibi vel marito cognato provenit, eumque effectum habet; ut delinquens jure petendi debitum conjugale, donec ab episcopo dispensetur, privatus sit. Nostris legibus impedimentum affinitatis proprie talis in tertio et quarto gradu, item provenientis ex copulâ illicitâ, quamdiu deest notorietas juris, etiam usque ad secundum gradum, uti et impedimentum publicae honestatis ex sponsalibus proveniens (§. 155.) sublatum est. Affinitas vero ex matrimonio rato orta eundem habet effectum, ac si ex matrimonio consummato descenderet, cum lex nostra nullum prorsus hâc in re discrimen statuât.

§. 193.

Impedimentum criminis duplex est, Impedimentum adulterii et conjugicidii. Quinto igitur ad tum adulterium conjugium inter se ineundum inhabiles sunt terii. adulter, et adultera, dummodo adulterium ante initum conjugium judicialiter probatum fuerit. Lit. pat. §. 18. Differt hâc in re jus Austriacum a jure communi ecclesiastico, 1) quod adulterium jure Austriaco per se solum, jure communi autem tum demum matrimonium impediât, cum aut promissio futuri matrimonii, aut caedes conjugis accesserit; 2) quod jure Austriaco probatio judicialis commissi adulterii, et quidem ante initum

matrimonium, necessaria sit, quam jus commune non exigit. Novus cod. civ. §. 67. hoc impedimentum ita statuit: Matrimonium duarum personarum, quae inter se adulterium patrarunt, irritum est. Oportet autem adulterium ante contractum matrimonium evictum esse.

Differentia a cod. Joseph. ergo in eo solum consistit, quod juxta illum probatio judicialis requisita sit, juxta vero nostrum omnis probatio etiam non judicialis v. g. coram arbitro aut foro politico, aut confessio extrajudicialis secundum ord. judic. probans sufficiat. Nam, etsi ex §. 99. nov. cod. civ. in declarationibus nullitatis matrimoniorum ne concordans quidem conjugum confessio vim habet probationis ea ipsa primum statuendae, hoc tamen loco sermo est de probatione per professionem alia occasione jam perfecta, ubi non adest periculum subdolae conspirationis. Caeterum bene notandum, adulterium debere esse evictum ante initum matrimonium, si enim post jam contractum matrimonium evincatur adulterium, legitimum matrimonium censetur. V. Zeiller Comment. ad §. 67. nov. cod. civ. Dolliner manual. §. 67. p. 227.

§. 194.

Impedimentum conjugici-
di.

Sexto matrimonio conjungi nequeunt, qui conjugem conjunctioni suae obstantem occiderunt, sive caedes ab illis ipsis, sive ab alio ipsis suadentibus, eaque aut utriusque partis consensu, aut etiam invitâ, vel insciâ

alterà parte commissa fuerit. Lit. pat. §. 19. Jus canonicum vero distinguit, utrum conjugicidium cum adulterio junctum sit, necne; priori casu impedimentum obtinet, parte licet alterà caedem ignorante, aut non probante, dummodo eo consilio, ut conjugium cum consorte peccati iniri posset, patrata fuerit; casu posteriori tunc demum impeditur matrimonium, si utraque pars animo ineundi matrimonium in facinus conspiraverit. Locus, cui hoc impedimentum secundum jus canon. commune innititur, est cap. 1 de conversione infid. Illo jure conjugicidium, cui adulterium non fuit annexum, tum demum impedimentum dirimens est inter complices, quando conjux cum persona tertia in necem alterius conjugis conspiraverat, et facinus reapse patratum fuerat. Intentio enim utriusque complicitis matrimonium inter se ineundi ex jure can. communi non videtur necessaria. Nov. cod. civ. §. 68. ita edicit: Si duae personae, licet sine adulterio praevio, matrimonium sibi sint pollicitae, et vel una tantum earum ad finem consequendum conjugii infidiata fuerit, inter ipsas matrimonium validum fieri nequit, etiamsi nece reapse non patrata. Ergo, ut impedimentum istud locum habeat, requiritur: 1) Ut duae personae matrimonium sibi promiserint; 2) ut una earum tempore saltem necis attentatae vel peractae uxorata jam fuerit; 3) Ut saltem una earum altera sciente et volente conjugii matrimonio intento obstanti sit infidiata; 4) ut infidiae factae sint ad finem novi ineundi matrimonii post solutum vinculum prius consistens assequen-

dum; quod si unum aut alterum horum impedimentorum deest, matrimonium censetur validum. Impedimenta adulterii et conjugicii occurrunt in §. 94. nov. cod. civ. et §§. 67. 68. expresse qua publica ex officio inquirenda.

Articulus quartus.

De modo legitimo contrahendi matrimonium, et impedimentis ex ejus neglectu provenientes.

§. 195.

Proclamationes praescriptae.

Solemnitates in contrahendo matrimonio legibus praescriptae, quarum neglectus matrimonium dirimit, partim proclamationes nuptiales, partim praesentiam parochi ac testium concernunt. Singulis nuptiis trina proclamatio, seu denunciatio, quam etiam bannum nuptiale vocant, praemitenda est, tum ut illae, quantum opus est, divulgentur, tum ut intervenientia forte impedimenta detegantur. Proclamanda sunt: 1) in ecclesià parochiali sponzorum, 2) die dominicà vel festivà, 3) tempore concionis, aut cum alias populus satis frequens congregatus est; 4) ambo sponfi expresso nomine et cognomine, item loco natali, et statu suo describendi sunt; 5) proclamatio duobus sequentibus diebus dominicis, vel festivis de praeecepto, repetenda est. Lit. pat. §. 31. Nup-

tiae A catholicorum non solum in oratoriis ipsorum, sed in parochiis quoque catholicis, ubi domicilium habent, proclamantur. 12. Maj. 1784. Quod multo magis in matrimoniis mixtis observandum est. 24. Jan. 1794. Prioribus legibus consentanee §. 69. novi cod. civ. edicit: Ad validum matrimonium etiam proclamatio et solemnis declaratio consensus requiritur. Quomodo? quando? et ubi? proclamatio fieri debeat, habetur in §§. 70. 71. — §. 70. Proclamatio est annunciatio imminentis matrimonii, expresso nomine, cognomine, loco natali, statu et domicilio utriusque sponsi, addita monitione, ut quisquis impedimentum matrimonii cognoverit, illud indicet. Haec autem denunciatio vel immediate vel per animarum curatorem, qui matrimonium proclamavit, coram parocho, cui copulatio competit, facienda est. §. 71. Proclamatio per tres dies dominicos aut festivos ad confectum coetum parochialem in ecclesia congregatum, et si sponsi diversis in paroeciis habitent, in utraque paraecia fieri debet. Matrimonia acatholicorum non solum in conventibus eorum ecclesiasticis, sed etiam in ecclesiis catholicis earum parochiarum, quarum finibus continentur; et matrimonia inter catholicos et acatholicos simul in parochia partis catholicae, in oratorio partis acatholicae, et in ea parochia catholica, in qua habitat pars acatholica, denunciari debent. Admodum consultum erit, in omni matrimonio denunciato adnotare, quota numero haec sit denunciatio, ut sciant illi ex coetu, qui impedimentum forte noverint, quantum tem-

poris ad indicandum illud adhuc superfit, Decret. Confist. Vienn. 31. Oct. 1789. Doliner manuale. Sect. VI. p. 244.

§. 196.

Quando in pluribus parochiis fieri debeant. Quando sponsus et sponsa diversis parochiis adscripti sunt, trina proclamatio in utraq;ue parochiâ fiat necesse est. *) Mutatâ a sponso aut sponsâ parochiâ proclamatio in illâ parochiâ, ubi acta commoratur, semper quidem necessaria est, nullâ habitâ ratione, quanto jam tempore ibidem degat; praeterea autem, si nondum sex septimanis adfit, simul etiam in parochiâ priori fieri debet. Quotiescunque in pluribus parochiis proclamatione opus est, parochus, pastor, aut popa, quo praesente matrimonium contrahendum erit, testimonium de factâ in aliâ parochiâ proclamatione (*Bekündschin*) petere tenetur. Lit. pat. §. 32. 34. His consentit §. 72. novi cod. civ. statuens: Si sponsi ambo, aut alteruter eorum in parocia, in qua matrimonium inituri sunt, nondum per sex hebdomades habitaverunt; matrimonium etiam in loco ultimo, ubi pluribus quam sex hebdomadibus commorati sunt, proclamandum est, aut tenentur sponsi domicilium suum in eo loco, quo jam sunt, protrahere ad sex hebdomades, ut sufficiat proclamatio in hoc loco solo. Idem observandum, si sponsi in eadem urbe ex una parocia emigrant in alteram. Non tamen eousque tendit illud decretum, ut sponsus, qui v. g. per novissimum semestrem domicilium suum singulis mensibus mu-

taverit, in cunctis locis intermediis proclamandus esset, lex enim nonnisi de praesente domicilio loquitur, in quo nondum per sex, et de ultimo, in quo sex aut plures hebdomades dimoratus fuerat. — Attamen vox etiam in §. 72. supponit procul dubio, proclamationes in loco, quo hucusque fuit, inceptas aut finitas, si forte ex improvviso in locum alium migrare ibidemque matrimonium inire circumstantiis cogeretur, etiam in parochia ejusdem loci esse iterandas. Si vero sponsus jam per sex hebdomades in novo esset domicilio, proclamationes loco priori caeptae non forent ad finem deducendae. Quoties proclamationes necessariae sunt simul in parochiis pluribus, omnis parochus denunciatus, nisi simul sit idem copulans, sponsis testimonium dabit de facta proclamatione, quod copulanti est exhibendum, et quo parochus subscripto suo nomine impressoque sigillo parochiali testatur, sponso nomine, cognomine, loco natali, conditione, religione atque domicilio consignatos in ecclesia parochiali pariter nominanda ter, aut cum dispensatione bis vel semel, diebus quoque signatis, proclamatos esse, atque ipsorum matrimonio nullum impedimentum obstare inventum esse. Quam sit necessarium istud testimonium, ex eo patet, quod §. 78. nov. cod. civ. prohibet omnibus animarum curatoribus sub gravi poena, copulationem ut ne impertiantur, nisi sponsi testimonium de facta rite proclamatione exhibuerint. — 15. Aug. 1817.

*) Quis nomine proprii parochi sponforum respectu matrimonii veniat, infra (§. 200.) exponetur.

§. 197.

Dispenfatio a proclamationibus. In casibus peculiaribus, aut ubi periculum in morâ est, partibus conceditur, ut dispenfationem a proclamationibus in foro competente petant. Lit. pat. §. 33. Eâ de re notandum est: 1) Forum competens, quod in proclamationibus dispenfandi habet potestatem, in metropoli regimen provinciae est, (Regierung, Gubernium) in aliis urbibus et ruri praefectura circuli. (Kreisamt) 5. Jul. 1783. 15. Nov. 1786. 2) Dispenfatis a foro politico ecclesiastica insuper dispenfatio obtrudi non debet. 26. April. 1783. 3) Dispenfatio nonnisi ob graves causas concedenda est, curandumque, ut una saltem, si fieri potest, proclamatio fiat. 7. Jul. 1783. 2. Dec. 1784. 19. Oct. 1787. *) 4) Quando nuptiae unâ saltem vice proclamantur, jurejurando opus non est. 20. Maj. 1775. Ubi vero tres denunciations universim remittuntur, partes jurare debent, se nullius sibi impedimenti in lege nostrâ civili statuti conscios esse. 2. Jun. 4. Jul. 1785. Ceterum etiam magistratus locorum delegari possunt, ut in eorum praesentiâ jusjurandum istud deponatur. 27. Nov. 1785. Quando partes conscientiae stimulo agitatae matrimonio jungi cupiunt, ac propterea pastoris animarum auxilium implorant, ne scilicet dispenfationem a foro politico petentes dedecore afficiantur, potestas facta est episco-

pis, ut tecto partium nomine, adjectâque adfirmatione, casum conscientiae occultum reverâ adesse, a regimine provinciae dispensationem a proclamationibus petant, istud vero, factâ ab episcopo intercessione tali, petitam dispensationem sine morâ concedere jubetur. 6. Sept. 1791. §. 164. Intuitu dispensationis a proclamatione §§. 85. 86. 87. sequentia statuunt: §. 85. In illis locis ubi praefectura provinciae non existit, praefectoris circuli potestas conceditur, ex rationibus gravibus secundam et tertiam proclamationem remittendi. §. 86. Re urgente a praefectura provinciae, aut a praefectura circuli, et probato instanti vitae periculo moram non ferente, etiam a praefectura loci proclamatio penitus condonari valet; attamen sponsi juramento confirmare tenentur, ipsis nullum matrimonio suo obstans impedimentum innotescere. §. 87. Remissio omnium trium proclamationum erga praestationem dicti juramenti etiam concedenda est, si duae personae copulandae sint, de quibus jam antea generatim praesumebatur, matrimonium inter ipsas revera subsistere. In tali casu dispensatio per curatorem animarum a gubernio suppressis nominibus partium peti potest. Si dispensatur ab impedimento ante contractum matrimonium existente, et ex §. 38. novi cod. civ. consensus iterum coram paroco et duobus testibus declaratur, proclamatio juxta eundem §. 38. antea iteranda non est.

*) Decreto recentissimo dd. 10. Dec. 1807 cautum est, ut dispensatio in denunciationibus non concedatur, nisi exhibito testimonio paro-

chiali, sponfos sufficienti doctrinae religionis scientiâ esse instructos, simulque parochio propria nominis subscriptione fidem faciente, tum requisita ad ineundum matrimonium adesse, tum rationes dispensandi a partibus adductas veritate niti.

§. 198.

Nullitas matrimonii sine praevis proclamationibus initi.

Parochi omnes, pastores, aut popae sub gravi poenâ prohibentur, sponfos sine praevis proclamationibus matrimonio copulare, nisi dispensatio a foro politico, aut si de personâ militari agatur, a praefecto legionis, cohortis, aliove legitimo superiore, impetrata, litterisque consignata exhibita fuerit. Matrimonium praetermissa trinâ proclamatione, neque obtentâ ejusdem legitimâ remissione initum lege nostrâ irritum est, ac nullum, quamvis secundum jus commune subsistat. Lit. pat. §. 54. Proclamatio facta per sex menses valet; quodsi ultra hoc tempus differuntur nuptiae, repeti debet. Ceterum monentur animarum rectores, ut ne festinanter, sed inspectis prius tum testimoniis baptismalibus, tum aliis documentis ad rite contrahendum matrimonium necessariis ad proclamationes accedant. 25. Dec. 1797.

Vid. Theolog. Monatschrift 1. Jahrg. 1. B. S. 52. Jam praefatus §. 78. novi cod. civ. ita decidit: Si sponsi scriptum testimonium de rite peracta proclamatione; aut si personae in §§. 49. 50. 51. 52 et 54. commemoratae requisitum ad matrimonium suum consensum; vel illi, quorum majorennitas non omnino evidens est, litteras baptismales aut

scriptum majorennitatis suae testimonium exhibere nequeunt, aut si aliud impedimentum matrimonio obmoveretur; curator animarum sub gravi poena prohibetur actum copulationis suscipere, donec desponsati testimonia necessaria exhibuerint, omnesque difficultates sublatae sint. Juxta cod. Joseph. III. §. 38. matrimonium absque trina proclamatione vel absque dispensatione initum censetur nullum. Nov. autem cod. civ. edicit, unicam proclamationem in parochia tum sponsi tum sponsae ad validum matrimonium sufficere, nimirum his verbis §. 74. Ad valorem proclamationis et inde pendentem validitatem matrimonii quidem sufficit, ut nomina sponsi et sponsae et futurum matrimonium saltem una vice tam in districtu parochiali sponsi quam sponsae promulgata fuerint, et defectus in forma vel numero proclamationum intercedens, matrimonium non reddit invalidum; verum non tantum personae desponsatae earumque defensores, sed etiam curatores animarum sub poenis congruis obligantur prospicere, ut omnes hic praescriptae proclamationes rite instituantur.

Cum defectus proclamationis in §. 94. nov. cod. civ. non occurrit inter ea impedimenta, quorum causa nullitas matrimonii ex officio esset inquirenda, impedimentum hoc nonnisi privatum est, in quo expectanda est petitio eorum, qui hujusmodi matrimonio jacturam jurium suorum sunt perpessi. An quaerat forte quisquam, quis per neglectam proclamationem violari possit? Ipsi conjuges

ex hoc defectu nullitatem matrimonii vix desiderabunt; nam si forte in posterum innotuerit circumstantia, quae per proclamationem ante contractum matrimonium innotescere potuisset, illa circumstantia impedimentum aut est aut non est. Si est, ipsa circumstantia sufficit ad declarandum matrimonium nullum, nec opus est impugnare illud propter defectum proclamationis. Si vero non est, deficiente sola proclamatione non laeduntur; proclamatio enim finem alium nisi detegendi impedimenti non habet, et si alia forte circumstantia per eam detegitur, ob quam pars una vel altera matrimonium non iniisset, detectio tamen ejus impedimenti nimis sera omissae proclamationi adscribi nequit, quia proclamatio tantum est evocatio ad impedimentum uni ex caetu notum indicandum. Si conjugum unus ipse cooperatus sit, ut proclamatio omitteretur, aut si vel noverit eam esse omissam ante matrimonium initum, innocens non est, neque ex §. 96. novi cod. civ. jus ipsi competit, deposcendi nullitatem matrimonii; immo ex §. 74. ipsi sponsi aut procuratores eorum sub poena adaequata tenentur attendere, ut praescriptae proclamationes debita forma persolvantur. Is solum conjux, qui falso testimonio proclamationis deceptus esset, innocentem se respectu proclamationis omissae praedicare posset. Neque vero tum jure gaudet matrimonium impugnandi, nisi simul juris sui laesionem passus sit, quod ex antea dictis fieri vix poterit. —

Nihilominus his dubiis responderi potest. Defectus proclamationis totalis §. 94. novi cod. civ. impedimentum privatum declaratur; eo ipso partes matrimonium contrahentes aut eorum procuratores jus obtinent petendi, ut essentialia saltem proclamationis observentur, et ubi haec negliguntur, hoc ipso, etsi neglecta proclamatione impedimentum occultatum non fuerit, sive quod non extiterit, sive quod nec per proclamationem detectum fuisset, jura eorum violantur, et possunt sponsi, dummodo sint innocentes ipsi, petere, ut matrimonium declaretur nullum. Sane nimium praetenderet, qui conjugis jura tum solum laesa concederet, si neglecta proclamatione circumstantia tecta mansisset, quae vel est impedimentum, vel saltem, si ante matrimonium initum cognita fuisset, matrimonium dissuadisset; nam per solum neglectum illius, quod legislator in favorem contrahentis praeceperat, jura conjugis innocui violantur. Per totalem proclamationis neglectum etiam jura procuratoris infantis violari possunt, cuius cliens tutelaris per testimonium proclamationis fictum, quo etiam pastor copulans decipitur, occasione potitur arbitrarium et longo tempore clandestinum matrimonium ineundi, unde sequeretur, ut procurator infans ob defectum proclamationis totalem matrimonium etiam tum posset impugnare, quando propter potestatem paternam aut tutelarem finitam ex causa impedimenti §. 49. novi cod. civ. citati nullitatem matrimonii deposcere jam non posset; alias enim juvenis 23 et medium annum natus facile alliceretur praeterita per fictum testi-

monium proclamatione; matrimonium per dimidium adhuc anni occultare.

Animarum curator, cujus fuisset matrimonium proclamare, vix ut pars laesa cogitari potest; ipse enim per neglectam absque culpa sua proclamationem nil amittit; neque per proclamationem exercet auctoritatem, cujus laesio hic deberet respici. Sed ob proclamationem sua culpa neglectam poenae subest. Ergo ex §§. 69 et 74. conjunctis cum §§. 94 et 96. nov. cod. civ. defectus praescriptae proclamationis impedimentum matrimonii privatum est, quo conjux infons aut procurator ejus jus obtinet, deposcendi nullitatem matrimonii.

Etiam ex §. 73. nov. cod. civ. proclamatio facta valet per sex menses: §. 73. Matrimonio intra sex menses post proclamationem non contracto, terna proclamatio repetenda est. Procul dubio etiam dispensatio a proclamatione per sex menses valet, ita ut in hoc casu post sex menses elapso matrimonium aut denuo proclamandum, aut nova dispensatio petenda esset; nam quod de proclamatione valet, idem de dispensatione. Vid. Clariss. D. atque Prof. Dolliner Enchirid. §. 126. §. 121.

§. 199.

Praesentia
parochi, et
duorum testi-
fiam.

Ad contrahendum matrimonium consensus partium non qualiscunque sufficit, sed requiritur tanquam conditio essentialis, ut is

praesente parochō, pastore, aut pōpā, in cujus parōeciā sponſi domicilium habent, praesentibusque duobus testibus exprimitur. Minister tamen sacer alium, qui illius nomine matrimonio adſiſtat, ministrum delegare potest. Lit. pat. §. 20. Matrimonium non praesente parochō proprio, ejusve delegato, binisque testibus initum tam jure communi vi decreti conc. Trident. sess. 24. cap. 1. de reform. matr., quam lege nostrā nullum est. Inter solemnitates matrimonii essentialia, quarum defectus nullitatem inducit, nov. cod. civ. refert praeter proclamationem, solemnem etiam consensus declarationem, de qua dicit §. 75. Consensus in matrimonium coram ordinario curatore animarum sponſae vel sponſi, quomodocunque is pro diversitate religionis; parochus, pastor aut aliter nominetur, vel coram ejus vicario, in praesentia duorum testium, solemniter declarandus est. Nullitas matrimonii absque hac solemnī consensus declaratione initi exprimitur §§, 69 et 94. Ulterior etiam sub numero 75 hoc impedimentum declarat publicum ex officio inquirendum. Huc pertinet quoque §. 88. dicens: Si dispensatio ab impedimento tempore contracti matrimonii existente conceditur, proclamationibus non iteratis consensus denuo coram curatore animarum et duobus testibus familiaribus declarandus, et actus hic solemnī matriculae copulatorum inferendus est. Hoc praescripto observato, hujusmodi matrimonium erit considerandum, ac si initio valide initum fuisset. Difficilius autem dictu, num matrimonium

neglecto illo praecepto initum validum sit, nec ne. Cl. D. et Prof. de Gapp argumenta sequentia adfert, ex quibus hujusmodi matrimonium illicitum quidem, attamen validum putat. 1) In dubio praesumptio est pro impedimento solum prohibente, uti eruitur ex §. 99. nov. cod. civ. dicente: Praesumptio semper est pro matrimonio valido, sine discrimine, num dubium de matrimonio valido aut irrito ex facto, aut ex tenore legis oriatur. 2) Si neglectus praescripti §. 88. adducti crederetur impedimentum dirimens, sequeretur, ad validum matrimonium non solum iteratum consensum coram paroco duobusque testibus sed etiam consignationem hujus actus solemnem in matricula matrimoniali pertinere, quia praescriptus ordo complectitur utrumque. Aperte tamen consignatio in protocollo supponit, matrimonium eo tempore validum jam fuisse, aut saltem putatum esse; ergo consignatio valorem jam supponens ad valorem quidquam addere non potest. 3) Non dicitur §. 88., iteratum consensum solemnem reduci ad illud tempus, quo matrimonium cum impedimento existente contractum est, ut possit assumi, iteratum consensum ex mente legislatoris vices obire prioris consensus initi; sed dicitur potius: ubi praescriptus ordo fuit observatus, matrimonium tanquam ab origine validum censendum est; ergo consensui iterato post datam dispensationem vis reddendi matrimonium validum tribui nequit. Legislator eum tantum effectum conjugere voluit observato huic praecepto, ut matrimonium ab origine validum censeatur, quod alias ex

momento tantum dispensationis validum esse coepisset.

§. 200.

Parochus proprius, cujus praesentia Quis fit in nuptiis praescribitur, 1) tam parochus proprius sponsi, quam sponsae est, si in diversis parochiis domicilium habent, eorumque arbitrio te ad nuptias relinquitur, ut alterutrum, quem velint, eligant, qui nuptiis adhsit. Lit. pat. §. 30. 2) Propriam sponsi vel sponsae parochiam domicilium efficit, locus nimirum, ubi quis non transeundi, vel negotii cujusdam temporarii pertractandi, vel aliquem visendi, vel animi relaxandi causa, sed animo aut perpetuo, aut saltem magnam anni partem ibidem commorandi degit. 3) Cum quis duplex in diversis paroeciis domicilium habet, proprius parochus ille est, in cujus paroecià tempore nuptiarum habitat. 4) Sponforum vagorum parochus is proprius est, in cujus paroecià, cum nuptias faciunt, demorantur. 5) Si contrahentium unus vagus sit, alter domicilium habeat, hujus parochus nuptiis adhsit oportet. Circa nuptias vagorum statuit conc. Trident. sess. 24. cap. 7. de ref. matr., ut parochus praemissà diligenti inquisitione rem ad ordinarium deferat, ab eoque facultatem copulandi impetret. Etiam ex novo cod. civ. §. 75. ad validum matrimonium non sufficit, ut consensus coram quovis presbytero declaratur, sed prorsus necessarium est, ut fiat coram parochio unius ex conjugibus ordinario. Generale vocabulum: Curatores: loco voca-

buli: parochi: adhibitum est ad exprimendam extensionem legis ad alleclas omnium confessionum, et inter catholicos ad designandos curatores cujuscunque tituli, dummodo jurisdictionem habeant pro quadam ecclesia aut parochia plenariam; sive perpetuam sive temporaneam, sive titulo parochi, provisoris, vicarii, sive capellani localis aut administratoris sint insigniti. Quidquid ergo hoc §. dictum est de parochi proprio, valet idem de curatore ordinario unius ex sponis, de quo loquitur nov. cod. civ. Attamen ejusd. cod. §. 77. sigillatim statuit: Persona catholica et acatholica matrimonium inter se contrahentibus, consensus coram parochi catholico in praesentia duorum testium declarandus est; attamen ad petitionem alterius partis etiam pastor animarum acatholicus huic solemnii actui assistere potest. Num vero hoc praeceptum §. 77. impedimentum statuatur dirimens, adeoque matrimonium mixtum, ubi consensus non coram catholico sed coram acatholico pastore declaratur, sit illicitum, aut plane irritum, magis elucebit ex argumentis pro et contra allatis in D. Dolliner manual. §. 80. p. 298. Idem lectu dignissimus intuitu copulationum personarum militarium. §. 79. p. 290.

§. 201.

Ecclesiae Solemnitates, quae impediendi quivetur et dem, non tamen dirimendi matrimonii vin-
tempus sa- habent, partim jure canonico, partim legibus
gratum. nostris civilibus praescribuntur. Impedimen-

ta canonica sunt: 1) Ecclesiae vetitum, cum scilicet ecclesiae praesules iustis de causis nuptialem benedictionem differunt. *) Harum una praecipua est ignorantia sponzorum in rebus religionis scitu necessariis; quapropter decreto Augustissimi dd. 16. Jan. 1807 interdicatur, nequa fiat copulatio nuptialis, immo nec proclamatio, priusquam sponsi testimonium parochi sui, quod religionis, quam profitentur, doctrinam sufficienter imbuti sint, exhibuerint; neque ab exhibendo isto testimonio unquam dispensentur, etiam si in denunciationibus dispensandum sit.

2) Alterum impedimentum canonicum est tempus sacratum, a primâ dominicâ adventus usque ad festum Epiphaniae, et a die cinerum usque ad dominicam in albis inclusive computandum, quo durante sine peculiari dispensatione ab episcopo obtentâ benedictio nuptiarum vetita est. Proclamatio quidem tempore sacrato fieri potest, cum nuptiae elapso illo tempore celebrantur; ubi vero dispensante episcopo intra ipsum tempus sacratum fiunt, ad removendum omne offendiculum dispensatio a trinâ proclamatione a regimine provinciae, aut praefecturâ circuli concedi solet. Decr. regim. sup. Austr. dd. 6. Febr. 1796. Recentiori decreto dd. 16. Jan. 1807 interdictum est, ne fiat copulatio, nisi exhibeatur a copulandis testimonium parochi, quod in doctrina religionis suae sat sint informati, ante proclamationem consuetam; nec vel in casu dispensationis a proclamatione testimonium religionis omitti licet.

Differenda quoque est copulatio, ubi occurrunt casus §. 78. nov. cod. civ. et §. 108. hujus operis citati. Quinimmo interdictum est parochis summopere ne proclamare quidem sponfos, antequam cuncta testimonia ad matrimonium validum civile necessaria exhibuerint, quatenus illa ex natura rei ante proclamationem afferri possunt. Hujusmodi aliaque documenta non passim quidem pari necessitate ante proclamationem exhibenda sunt:

a) Quoad personas, quarum majorennitas extra dubium collocata non est; testimonium baptismi, aut majorennitatis scriptum, aut dispensatio ab exhibendo testimonio baptismali.

b) Quoad minorenes aliosque clientes consensus scriptus patris, aut fori tutelaris, aut venia aetatis, aut testimonium dimissionis ex potestate paterna vel tutelari ante 24 annos.

c) Quoad personas militares, aut ad corpus militare pertinentes consensus scriptus legionis, corporis, aut superiorum in genere; et in domesticis civilibus consensus quoque magistratus civilis, quo etiam opus habet sponsa.

d) Quoad personas, quae matrimonio junctae jam fuerant, testimonium de morte conjugis prioris, aut sententia judicis matrimonium anterius irritum declarantis, aut dissolutum, aut ubi conjux prior ultra tempus praescriptum ignoratur, consensus fori nobilium ab imperante probatus, ac demum pro muliere ante elapsam post mortem conjugis mensem sextum dispensatio a regimine provinciae.

e) Universim, quoad sponfos, quibus impedimentum obstat, legitima dispensatio ab eodem.

f) Quoad officiales in servitiis publicis

imperatoris; urbis aut foundationis cujusdam existentes exiguo cum salario, consensus fori sui. (29, Jul. 1800. — 8. Nov. 1804. — 17. Mart. 1801. Dolliner §. 43.) — g) Quoad personas subditas litterae testimoniales a magistratibus locorum de indicatis sibi nuptiis expeditae; litterae dimissoriae (*Entlassschein* oder *Losbrief*); in specie pro urbe Vindobona opifices socii opus habent censu copulationis a regimine provinciae (*Trauungsaufslage*.) h) In Styria quoad ita dictos hospites et operarios (*Wäse und Tagelöhner*) licentia copulationis a magistratu proprio. (*Bezirksobrigkeit*.) i) Testimonium religionis pro cunctis copulandis. Documenta post proclamationem exhibenda, quae praeter hucusque dicta etiam indicantur §. 78. nov. cod. civ. — sunt: k) Testimonia de facta proclamatione, si matrimonium imminens in locis duobus aut pluribus proclamandum est. l) Potestas specialis definitae cuidam personae data, si matrimonium contrahendum est per plenipotentiarium. m) Consensus regiminis provinciae ad constituendum hujusmodi mandatarium. Vid. desuper exactam explicationem in Dolliner Comm. §§. 43. 72 et 85. De litteris testimonialibus indicatorum nuptiarum (*Meldzettel*) aget §. sequens.

Ad impedimenta prohibentia mere canonica ex jure can. communi pertinent etiam: Sponsalia, et votum simplex ingrediendi ordinis religiosi, aut majorum ordinum, aut caelibatus; sed nullum eorum valet in foro externo. Quodsi sacerdos sponsis denegaret co-

pulationem ex causa non sufficiente, aut saltem non fundata legibus nostris, ipsis gravatis pateret recursus ad imperantem; jus hoc conceditur iis §. 79. nov. cod. civ. Quodsi sponsi copulatione denegata injuste gravatos sese existimant, querelam ea de re proponere possunt regimini provinciae, aut rure praefecturae circuli. De modo autem recursum petendi vide Dolliner §. 86. p. 353.

*) Differenda etiam est copulatio, si iudex civilis eandem interdixerit, seu dilationem a rectore animarum postulaverit, quin ad istum pertineat, interdicti ejusmodi judicialis causam inquirere. 9. Nov. 1797.

§. 202.

Testimoni- Contracturis matrimonium vi legum no-
um magi- strarum civilium testimonio magistratus
stratus de in- loci de indicato matrimonio (Meld-
dicato ma- jettel) opus est. Olim nimirum plebi rusti-
trimonio. cae consensus domini directi (Grundherrschaft)
ad ineundum matrimonium (Heurathskönigens)
necessarius fuit. Necessitas haec, consensum
domini impetrandi, proprie a statu civili pri-
stino originem ducens, legibus recentioribus
sublata est, statutumque, ut subditus dun-
taxat consilium suum de ineundo matrimonio
domino directo exponat, iste vero litteras te-
stimoniales de indicato sibi matrimonio expe-
diat. 15. Maj. 1782. Decretum recentius
vult, ut testimonium illud simul a comissario
districtus (Districtskommissär) tum propter con-
scriptionem militarem, tum ob alias causas
politicas subscribatur. 10. Februar. 1805.

In urbe principali praefecturae disciplinae publicae (Polizeydirection), ut ab istâ signetur, exhibendum est. 12. Jan. 1790. Porro qui in ordinem civicum referuntur, a magistratu civico, qui vero neque magistratui, neque ulli domino directo subsunt, testimonium istud a praefecturâ disciplinae publicae recipiunt. 11. Dec. 1799. Officiales civiles (Beamte) nuptias suas superiori praefecturae (Amtsvorsteher) praevis indicare debent.

§. 203.

Parochi omnes, pastores, et popae jubentur singula, quae in eorum paroecia in-
 untur, matrimonia libro peculiari, expresso spon-
 sorum, testium, et ministri nomine, additoque loco, ubi contracta sunt, manu
 propria inscribere ita, ut tollendae omni dubitationi sive de matrimonio inito, sive de tempore, quo initum sit, forsitan oriturae succurratur. Lit. pat. §. 35. Ex hoc libro eodem modo, sicut ex libris baptizatorum, et defunctorum, sub finem anni tabella annua formari, et praefecturae circuli tradi debet. 20. Febr. 1784.

§. 204.

Liber matrimoniorum sequenti modo conficitur: 1) Rubricae praescriptae sunt: dies, mensis, et annus initi matrimonii, numerus aedium, quas sponsus inhabitat, tum sponsi primum, dein sponsae nomen, cognomen, religio, aetas, ac utrum coelibes

Liber pa-
 rochialis in-
 scribendis
 matrimoniis
 designatus.

Confectio
 hujus libri.

sint, an vidui, testium denique nomina, cognomina, et status. 2) Rubricae sponsi et sponsae a ministro nuptiis adstante inscribuntur. 3) Testes suâ manu nomen subscribant, sique artem scribendi non callent, alius eorum nomina scribat, ipsi vero sua manu signum apponant oportet. 4) In fine cujuslibet paginae parochus subscribit. Alius qui parochi nomine matrimonio adstitit, in casibus singulis nomen suum addit, et cooperator quidem ordinarius non nisi adjecto titulo cooperatoris, alius vero cum adnotatione, se a parocho debitâ ad hunc actum jurisdictione instructum fuisse. 20. Febr. 1784. (pro Gallic. occid. 21. Oct. 1796. Quoad protocoll. matrimon. §. 80. nov. cod. civ. statuit: Ut firmum matrimonii contracti argumentum adsit, praepositi parochiales obligantur, illud in matriculas copulationum speciatim in hunc finem destinatas propria manu inscribere. Inscribenda sunt clare: nomen et cognomen, aetas, habitatio, quemadmodum et conditio conjugum, cum adnotatione, an coelibes, vel vidui fuerint; nomen et cognomen, nec non conditio parentum et testium; porro dies matrimonii contracti; demum etiam nomen curatoris animarum, coram quo consensus solemniter declaratus est; indicatis simul quoque documentis, quibus occurrentes difficultates sublatae fuerint. Cum ex patent. publicat. nov. cod. civ. decreta in rebus politicis edita juraque privata aut limitantia aut accuratius definitiva perdurent valida, licet cod. civ. ad ea expresse non provocarit: decreta §§. 80 — 82. nov. cod. civ. non censenda sunt

tanquam immutationes rubricarum 20. Febr. 1784. praescriptarum, sed tanquam definitiones perfectiores. Nunc igitur praeter rubricas §. 204. manual. nostri allatas in protocollo inferi debent etiam sponforum status et domicilium i. e. dominium et locus, unde oriuntur, et in sponfa numerus quoque domus paternae, nomen, cognomen et status parentum, non tamen sub specialibus, sed sub iisdem rubricis, quibus ponuntur nomina sponfi et sponfae. Ad praecavendas sequelas damnosae futuro tempore ex matriculis ambiguis forte orituras decreto gubernii Bohemici ann. 1799. consultissime praescriptum est, ut, ubi testis assistens nomen suum manu quidem propria, difficili tamen legenda matriculae inscripserit, illico curator animarum vel ludimagister nomen male scriptum addendo: id est: distinctius scribat. Testes post copulationes tam catholicorum quam acatholicorum statim ad praescriptam subscriptionem in parochiam catholicam sese conferre tenentur, nisi facta sit copulatio in ipsa parochia. Documenta omnia in matricula indicata parochus bene adfervet, quia non tantum ipsi et conjugibus legitimationis loco sunt, sed seriori quoque tempore in causis litigiosis documenta esse possunt pro decisionibus judicialibus summi momenti. Quemadmodum protocolla parochialia baptizatorum et defunctorum, ita protocolla etiam matrimonialia accurata sollicitudine conscribenda sunt, quia documenta sunt publica, et quoad factum, de quo testantur, plenam fidem merentur. Ord. jud. univ. §§. 111 et 112.

Definitiones praescripta politica de gerendis protocollis matrimonialibus integrantes in §§. 81 et 82. ita sonant: Matrimonio in tertio loco, ad cuius parochiam neutra personarum desponsatarum pertinet, contrahendo, ordinarius curator animarum statim, quando exarat documentum, quo alium in sui vices nominat, hanc circumstantiam, indicato loco ubi, et expresse, coram quo curatore animarum matrimonium ineundum sit, libro copulatarum suae parochiae inscribere tenetur. §. 82. Curator animarum ejus loci, ubi matrimonium initur, subsecutam matrimonii contractionem in librum suae parochiae inscribere obligatur, addito, cujus parochi vices egerit, simulque initum matrimonium curato, a quo mandatum obtinuit, intra octiduum indicare debet. Hic eo modo capax redditur indicare in protocollo suo matrimonium tanquam contractum, quod antea non esset signatum nisi tanquam matrimonium contrahendum in protocollo parochi vicarium constituentis.

Hanc curae pro conservandis evidenter protocollis matrimonialibus immititur etiam decret. regim. Austr. inferioris dd. 8. Nov. 1806 in Dolliner manuali §. 87. pag. 374. citatum, vi cujus copulatio peracta a parochi vicino, cui consistorium concedidit cactum quemdam propter parochum aegrotantem aut plane deficientem ad percipienda interim ab eo sacramenta, consignanda est in protocollo simul ejus parochiae, cui proprius parochus deest, quin tamen soluta sit, et in protocollo simul parochiae sponzorum propriae; attamen,

ex opinione D. Dolliner ad dubia cuncta praecavenda necessarium videtur, ut parochus supplens in matricula alterius parochiae, quam juxta propriam suam interim administrat, proprietatem suam adnotet, qua copulaverit sponfos ejus parochiae. Protocollum matrimoniale respicit quoque §. 88. nov. cod. civ. in annot. ad §. 199. hujus operis citatus. Quid agendum sit ex §. 122. nov. cod. civ. in casu nullitatis matrimonii aut divortii respectu protocolli matrimonialis, infra §§. 206 et 215. dicetur. Testimonium copulationis, siquod deposcitur, a parocho secundum normas praescriptas conficiendum, omnesque rubricae in protocollo, unde depromitur, contentae, accurate sunt exprimendae. Typus (Stämpel) testimoniorum copulationis accommodatur conditioni personae sponfi, et si pluribus dignitatibus gaudet, accommodatur supremae earum.

Articulus quintus.

De declaratione nullitatis matrimonii,
separatione quoad thorum et mensam,
et divortio.

§. 205.

Triplici modo matrimonium dissolvi Declaratio
potest: matrimonium nimirum secundum le- nullitatis.
ges invalidum per declarationem nulli-
tatis, validum vero vel improprie per se-

parationem quoad thorum et mensam, vel proprie inter conjuges acatholicos per divortium solvitur. Inter catholicos contractus matrimonialis legitime initus indissolubilis est, vinculumque, quamdiu conjuges vivunt, quidcunque demum acciderit, firmum manet. Lit. pat. §. 36. Quodsi vero cum impedimento dirimente contractum fuerit matrimonium, declaratio nullitatis locum habet, idque sive petente alterutro conjugum, sive iudice ex officio causam cognoscente. Quando privatum est impedimentum; laesae tantum parti ad declarandam nullitatem agere licet; cum vero publicum est, non solum integrum est utrique conjugum, declarationem nullitatis petere, verum etiam iudex ipse, a partibus licet non interpellatus, sive vi officii, sive ad denunciationem fori politici aut ecclesiastici, officio suo hæc in re fungi potest; cognitio vero et decisio causae soli foro nobilium in quavis provincia constituto reservata est. 22. Febr. 1791. Nov. cod. civ. §. 93. dicit: Conjugibus nullo modo licet conjunctionem matrimonialem, etiam si inter se hac de re consentirent, propria auctoritate tollere; et hoc quidem sine discrimine, an nullitatem matrimonii praetendant, aut dissolutionem matrimonii, aut separationem a thoro et mensa petant. Memorandum imprimis, novum codicem civilem sub voce: Separatio, nonnisi separationem ita dictam a thoro et mensa intelligere, sub voce autem: Divortium, totalem dissolutionem vinculi conjugalis.

Declaratio nullitatis et separatio in Austria locum habere possunt penes quaslibet confessiones publice agnitas, ubi conditiones adfunt necessariae; divortium autem obtinere potest nonnisi inter conjuges acatholicos, si uterque acatholicus fuerat tempore contracti matrimonii; ita enim edicit §. 111. nov. cod. civ. Vinculum matrimonii validi conjuges inter catholicos nonnisi morte alterius dissolvitur. Indissolubile pariter vinculum est, ubi pars una tantum tempore matrimonii contracti catholica fuit. Inquisitio nullitatis matrimonii fieri potest vel ex officio, vel petentibus iis, quorum jura per matrimonium illegitime contractum violantur, ea tamen conditione, ut hi laesi sint innocentes, ut conjux laesus innocens post cognitum impedimentum non continuarit matrimonium, et singillatim, ut matrimonia minorennium propria auctoritate inita, impugnentur durante adhuc potestate paterna aut tutelari. Haec depromta sunt ex §§. 94 — 96. nov. cod. civ. — §. 94. Nullitas matrimonii, cui obstat impedimentum (raptus §. 56.), (ligaminis) §. 62., (voti solemnitis et majorum ordinum) §. 63., (disparitatis cultus) §. 64., (consanguinitatis) §. 65., (affinitatis) §. 66., (adulterii) §. 68., (non declarati consensus coram parochio unius conjugum proprio duobusque testibus) §. 75., et (participationis divortii) §. 110., ex officio inquirenda est. In omni casu reliquo expectanda est petitio eorum, quorum jura per matrimonium cum impedimento in initum laesa sunt. §. 95. Conjux, cui error in persona subversatus, aut metus in alteram partem con-

jectus, notus fuit; porro pars, quae hanc circumstantiam, quod ex §§. 49. 50. 51. 52 et 54. per se sola validum matrimonium contrahere nequeat, reticuit, aut consensum necessarium falso simulavit, ex proprio suo actu illegitimo matrimonium impugnare nequit. §. 96.) In genere tantum parti innocenti jus competit exigendi, ut contractus matrimonii invalidus declaretur; quod jus amittit, si post obtentam notitiam impedimenti matrimonium continuaverit. Matrimonium, a minorenni vel a curando propria auctoritate initum, a patre vel tutore seu curatore et instantia judiciali, non nisi patria potestate aut tutela durante, impugnari potest.

§. 206.

Modus procedendi in agitur, sequens procedendi modus lege ejusmodi praescriptus est. In causis nimirum ejusmodi procellui judiciario proprie tali locus non est, sed forum nobilium accersito a regimine provinciae consiliario hujus vices gerente, (Repräsentanten) in causam vi officii inquirit, defensorem matrimonii constituit, atque ubi impedimentum matrimonio obstandans ejus est generis, ut removeri possit, amicabili compositione, remotione impedimenti, et impetrata ejusdem dispensatione rem ita finire conatur, ut omnis dubitatio de legitimo conjugio tollatur; ubi vero id effici nequit, sententiam fert, validumne an invalidum sit matrimonium. 22. Febr. 1791. Distinguit tamen lex nostra de matrimonio §. 42., utrum

partes tempore initi matrimonii notitiam impeditenti habuerint, necne, statuitque, ut posteriori solum casu impedimentum occulte removeatur, priori vero matrimonium nullum declaretur, partesque meritae castigationi subjiciantur. Modus procedendi relate ad nullitatem matrimonii legibus prioribus conformis, nonnullis modificationibus demtis, in nostro c. c. praescribitur.

§. 97. Pertractatio causae de invaliditate matrimonii tantum foro nobilium ejus districtus competit, ubi conjuges ordinarium domicilium suum habent. A foro nobilium procurator fisci, aut alius vir prudens atque probus ad investigationem circumstantiarum et defensionem matrimonii constituendus est, ut verus causae status etiam in eo casu quo pertractatio ad petitionem partis instituitur, ex officio indagetur. Hoc minime adversatur §. 94. nov. cod. civ.; iste enim de occasione tantum loquitur, qua processus de matrimonio nullo declarando instruitur; §. 97. vero de ipso modo procedendi verba facit.

§. 98. Si tolli potest impedimentum, forum nobilium conetur per dispositiones in hunc finem necessarias partiumque consensum efficere, ut tollatur; si vero hoc fieri non possit, forum nobilium de validitate matrimonii sententiam ferat.

§. 99. Praesumptio semper pugnat pro validitate matrimonii. Itaque impedimentum matrimonii praetensum plene probandum,

et in hoc casu nec concordans utriusque conjugis confessio vim probationis habet, nec conjugum juramentum admittendum est.

§. 100. In specie in eo casu, ubi praecedens et perpetua inhabilitas conjugale debitum praestandi asseritur, probatio per rei peritos, per expertos videlicet medicos et chirurgos, et pro re nata per obstetrices efficienda est.

§. 101. Si certo determinari nequeat, an impotentia perpetua, vel solummodo temporalis sit, conjuges adhuc per unum annum in consortio manere obligantur, et impotentia per hoc tempus durante matrimonium pro nullo declarandum est. Vid. Tom. II.

§. 102. Si ex pertractatione causae de validitate matrimonii apparet, alterutri aut utrique parti impedimentum matrimonii prius jam notum, et dolose ab eis celatum fuisse, rei poena in codice poenali de delictis politicis statuta affiendi sunt. Parti innocenti liberum manet, indemnitatem exigere. Prohibus demum ex tali matrimonio procreatis secundum ea principia prospiciendum est, quae in capite de obligationibus parentum continentur. Lex poenalis pro delictis politicis gravibus §. 252. casui supra dicto poenam carceris duri 3 — 6 mensium statuit, addendo seductorem passim durius esse puniendum, poenam vero carceris augendam, quodsi impedimentum uni parti celatum, adeoque ipsa innocens implicita sit matrimonio irrito.

Ratione prolium primum juxta §. 160. nov. cod. civ. supra in annotatione ad §. 167., tom II. citatum, distinguendum est, num legitimi censendi sint, nec ne. Primo casu ad ipsos spectant praecepta §§. 139 — 154. nov. cod. civ. contenta, et in specie, ubi nullum impedimentorum §§. 62 — 64. adductorum obstat, impedimentumque praeter illud existens sublatum non est, attamen uni saltem parentum inculpabilis ignorantia impedimenti prodest, observandum erit praeceptum §. 142., vi cujus proles masculini sexus usque ad transactum annum quartum, faemininae vero usque ad septimum transactum annum a matre sustentandae et educandae sunt, nisi consentiant parentes, uter eorum educationem suscipiat, aut transactio aliud quidquam suaserit. Quamvis enim §. 142 loquatur tantum de conjugibus separatis vel plane divulsis, hoc tamen ex analogia juris ad casum dictum quadrante profluere videtur. Altero autem casu, ubi proles censendae sunt illegitimae, praecepta valent §§. 165 — 171. nov. cod. civ. statuta, praecipue vero §. 168, qui prohibet, ne matri proles illegitima a patre eripiatur, quando ipsa habet animum et facultatem illam educandi, prout scopus infanti praefixus postulat, licet pater sumtibus providere tenetur.

Forum ordinarium conjugum putatitiorum certius reddendum est de declaratione nullitatis matrimonii, ut sustentationi, educationi, legalique protectioni prolium ex ir-

rito matrimonio generatarum provideatur secundum §. 102, nov. cod. civ.

Facta declaratione nullitatis matrimonii ratione protocolli matrimonialis observandum est praeceptum §. 122. novi cod. civ. ita edicentis; Si matrimonium nullum declaratur, aut sententia iudicis dissolvitur; hoc in matricula copulatorum in eo loco, ubi copulatio inscripta fuit, adnotandum, et in hunc finem a iudice, apud quem causa de invaliditate aut dissolutione matrimonii pertractata fuit, requisitio ad eam instantiam, cui incumbit curare, ut libri copulatorum iusto modo scribantur, facienda est.

Indicatur autem in regula a foro nobilium (§§. 97 et 115. nov. cod. civ.), aut a foro etiam criminali ex cognito delicto bigamiae.

Indicatio sit immediate coram regimine provinciae, quod ulterius agendis providebit. Vid. Confil. a Zeiller Comment. II. Tom. ad §. 122. nov. civ.

§. 207.

Praescriptus probandi modus. Hæc in causâ confessio conjugum plenam facti, ex quo impedimentum oritur, probationem non facit, sed quemadmodum de impedimento impotentiae (§. 172.) dictum est, ita etiam in aliâ quâcunque causâ valorem matrimonii concernente veritas facti, insuper habitâ assertionem conjugum licet una-

nimi, sufficienter investigari, et utrum impedimentum assertum firmis probetur argumentis, inquiri debet. Conjuges, qui ad impetrandam nullitatis matrimonii sententiam dolo, aut vi, aut aliis mediis injustis se usos fuisse confitentur, vel convincuntur, condignâ poenâ afficiendi sunt. 22. Febr. 1791. *)

*) Annotatio ad paragraphum antecedentem etiam hunc spectat.

§. 208.

Cum matrimonium, ad cujus nullitatem Effectus declarandam actum est, sententiâ judicis va- declaratio-
lidum judicatur, conjuges, forsan sponte suâ nis nulli-
separati, ad continuandam vitae communi- tatis matri-
tatem adigendi sunt. Latae vero de nullitate monii.
matrimonii sententiae effectus sunt sequen-
tes: 1) Judex curare debet, ne, qui in con-
jugio hucusque vixerant, communi deinceps
domicilio, aut alias suspectâ familiaritate utan-
tur. Lit. pat. §. 41. 2) Jura et officia omnia
ex contractu matrimoniali inter eosdem orta
expirant. 3) Proles progenitae sub potestate
patris manent; quantum vero ad sustentatio-
nem et educationem earundem de bonis utrius-
que partis sit conferendum, judicialiter defi-
niendum est. §. 48. 4) Qui attentando con-
jugium legibus vetitum, aut liberos ad ineun-
dum conjugium cogendo, delicti, quod in
cod. leg. crim. II. §. 252 et 253. notatur,
rei facti sunt, poenis ibidem statutis subji-
eiuntur.

Effectus declarati matrimonii irriti ratione ipsorum conjugum putatiorum immediate profluunt ex eo, quod ex illo momento jam non censeantur conjuges, atque inter ipsos nec jura nec officia personalia conjugalia existant amplius; tenentur potius ex hoc tempore vitare omnem familiaritatem suspectam, quae ut ne locum habeat, forum non ita judiciale quam politicum providebit, quapropter nov. cod. civ. ejus rei non expresse meminit, uti cod. Joseph. III. Tom §. 114. Effectus iste proximus et immediatus etiam tum locum habet, quando matrimonium multis abhinc annis putativo modo consistens declaratur nullum, quia ex §. 1458. nov. cod. civ. jura conjugis, patris, prolis, aliaque jura personalia objecta praescriptionis non sunt. Quod attinet contractum matrimonialem (r. II. tom. ann. ad §. 154.) relate ad §. 102. ibid. expresse dicit §. 1265. nov. cod. civ.: — pacta matrimonialia cessare, et facultates, si quae adhuc adsint, in statum priorem redire. Effectus reliqui hoc §. oper. huj. contenti juxta definitiones §. 102. nov. cod. civ. in annotatione ad §. 206. oper. hujus prodeunt. Patet quoque ex §. 153. huj. oper. ubi matrimonium ante 1. Jan. 1812 initum, declaratur nullum, effectus nullitatis juxta decretum dd. 22. Febr. 1791, speciatim quoad jura prolium diversum, — aut, ubi antiquius fuisset initum, juxta leges antiquiores statuendos esse.

§. 209.

Utut legitimum, validumque sit matrimonium, separationi tamen, quoad thorum et mensam locus esse potest; idque vel libero consensu conjugum, vel interveniente sententiâ judiciali. Priori casu iudex causas separationis non inquirit; unde in lit. pat. de matr., ubi praeter separationem per liberum consensum alius modus separationis nedum occurrit, de causis nihil omnino statuitur, sed edicitur duntaxat, mentem legislatoris non esse, ut conjuges tunc quoque ad implenda officia conjugalia obstringantur, quando haec cum incommodis gravissimis conjuncta sunt; additurque, liberum esse conjugum, ab alterâ parte gravibus injuriis vexato, aut seductioni ad scelera, moresque depravatos exposito, solitis juris remediis opem securitatemque petere. Lit. pat. §. 44. 45. Itaque graves injuriae conjugum illatae, seductio, ac universim insignes, quae implendis conjugum officiis obstant, molestiae, legitimae sine dubio causae sunt ad petendam separationem, si laesus quaesitam a iudice opem, securitatemque contra conjugem obtinere nequeat. *)

Separatio
quoad tho-
rum et men-
sam.

*) Secundum jus commune iustae separationis causae censentur, 1) adulterium, 2) apostasia, 3) seductio ad peccatum, 4) contagio, 5) injuriae reales.

§. 210.

Ad separationem per liberum consensum, quae primitus secundum lit. pat. consensum. Per liberum

de matr. sola obtinuerat, requiritur: 1) ut ambo conjuges in separationem consentiant, 2) ut praeterea divisio bonorum mutuo consensu fiat, *) 3) ut deinde sese judici vel magistratui praesentes listant, confirmentque, se tum in separationem sponte consentire, tum etiam circa divisionem bonorum inter se convenisse, quin opus sit, ut condiciones pecuniarias, de quibus inter ipsos conventum sit, speciatim exponant; 4) ut scriptum testimonium parochi, pastoris aut popae de praemissa institutione parochiali adferant. Lit. pat. §. 45. 46.

*) Minorennis in separationem quidem quoad thorum et mensam sine consensu patris aut tutoris valide consentit, nullatenus autem in divisionem bonorum. 11. Dec. 1786.

§. 211.

Necessitas
testimo-
nii paro-
chialis.

Ne hujus generis separationes plus aequo frequentes fiant, cautum est lege nostrâ, ut conjuges ambo, antequam causam suam ad judicem vel magistratum deferant, proprium parochum, pastorem, aut popam accedant, qui studium omne, operamque impendat, eosdem tum officio conscientiae diligenter proposito, tum aliis, quibus potest, persuadendi modis reconciliandi; neque aliter, quam cum conatus omnes irriti fuerint, literas testimoniales ipsis tradat, quibus fidem faciat, officio se quidem suo satisfecisse, sed vel separationem propositam sibi met ipsi justam videri, vel adhibito licet omni

conatu partes a proposito sese separandi averti non potuisse. Deficiente isto testimonio parochiali conjuges a iudice vel magistratu audiendi non sunt. Lit. pat. §. 47. *)

*) Vid. differ. quâ ratione agendum sit pastori animarum exortis querelis et contentionibus conjugum in der theol. Monathschrift 1. Jahrg. 3. Bd.

§. 212.

Cum una pars conjugum iustas habet rationes separationem petendi, altera vero matitiose eam recusat, separatio secundum decreta recentiora per sententiam judicialiorem decerni potest. Conjugi igitur injuriam passo jus est, iudicem competentem adeundi, separationemque petendi; iudex vero servato juris ordine, auditisque partibus, quod iustum est, iudicabit. 13. Oct. 1786. Antequam autem causam ad iudicem deferant, conjuges coram parcho, pastore, aut popâ eum in finem comparere tenentur, ut ab illo convenientem institutionem et admonitionem, scriptumque desuper testimonium modo supra exposito (§. 211.) obtineant. Testimonium illud libello actionis adponendum est. Qui sponte coram parcho comparere renuit, per brachium seculare ibidem sistendus est. 8. Febr. 1790.

§. 213.

Separationis quoad thorum et mensam Effectus se-
effectus sunt sequentes: 1) Liberantur con-
parationis.

juges ab obligatione domesticae cohabitationis, et communionis conjugalis. 2) Vinculum tamen matrimonii, officiumque mutuae fidei conjugalis perseverat. 3) Iisdem liberum est, omni tempore sese reconciliare, atque ad pristinam vitae societatem reverti, quo casu propositum suum duntaxat magistratui seu judici significare tenentur. 4) Pacta quoque nuptialia inter ipsos inita vim suam retinent. 5) Proles patris potestati subsunt; quid vero de bonis utriusque conjugis ad sumptus sustentationis educationisque prolium contribuendum sit, sive mutuo consensu, sive sententia judicis definiatur, necesse est. Lit. pat. §. 48. Eadem fere principia sequitur novus cod. civ. quoad separationem duorum conjugum, uti patebit ex modo dicendis.

§. 103. Separatio a toro et mensa, conjugibus ambobus in eam consentientibus et de conditionibus convenientibus, a judicio sub cautela sequenti concedenda est.

§. 104. Conjugibus separationem petentibus imprimis incumbit, propositum suum cum motivis parochi suo manifestare. Parochi officium est, conjugibus promissum in copulatione sibi invicem factum in mentem revocare, et ipsis noxia consuetaria separationis serio inculcare. Ista admonitiones tribus diversis vicibus repetendae sunt. His effectibus carentibus a parochi partibus scriptum testimonium exarandum est, eas, terna, vice frustra factis admonitionibus, proposito se separandi insistere.

Lex hanc potestatem dandi testimonium illud non nisi curatori munere parochiali pleno fungenti tribuere videtur, cum non utatur generali nomine curatoris, nec ut §. 75. vicarii. Patet ex prudenti legis intentione, apud acatholicos conjuges pastorem aut papam (Pope) locum tenere parochi catholici. Judaeis expresse praecipit §. 132. novi cod. civ. convertere sese ad Rabbi vel legisperitum suum. Neque levius praetereundum est, monitiones non solum ter, sed tribus diversis vicibus ex verbis et mente legis adhibendas esse.

Ambo conjuges petitum separationis adjuncto hoc testimonio ordinario suo judici exhibere debent. Judex eos personaliter citet, et si coram eo affirmant, quod tam de separatione, quam de conditionibus respectu patrimonii et sustentationis inter se consentiant, sine ulteriori perveſtigatione petitam separationem concedat, et eam in actis judicialibus adnotet. Prolibus extantibus judicium obligatur secundum principia in sequenti capite contenta prospicere. Vide §. 115. annot. ad §. 142. nov. cod. civ.

§. 106. Conjux minorennis, aut sub curatela existens, potest quidem pro se solus in separationem consentire, verum ad conventionem respectu patrimonii et sustentationis conjugum, quemadmodum et respectu collocationis prolium consensus legitimi defensoris et judicii pupillaris requiritur.

§. 107. Si alterutra pars in separationem consentire nonvult, et si altera justas rationes habet ei insistendi; in hoc etiam casu amicae admonitiones parochi praecedere debent. His frustra tentatis, aut recusante parte inculcata apud parochum comparere, petitum cum testimonio parochi et necessariis probationibus ordinario judici exhibendum est, qui ex officio in rem inquirere, et eam decidere tenetur. Judex parti periculo expositae etiam ante decisionem causae separatim honestum locum commorationis assignare potest. Judex ergo procedit nonnisi petentibus partibus. re autem jam coepta non proceditur modo aliis in causis praescripto, ubi illud solum inquiritur, quod a partibus movetur atque probatur, sed inquirit rem modo usitato in causis ex officio inquirendis, sententiamque dicit juxta leges modosque probandi in foro civili statutos. Vid. Conf. a Zeiller Comment. ad §. 107. nov. coc. civ.

§. 108. Controversiae, quae occasione separationis sine assensu alterius partis petita de separatione patrimonii aut sustentatione et collocatione prolium oriuntur, secundum illud praescriptum tractandae sunt, quod inferius in §. 117. respectu dissolutionis matrimonii occurrit. Vide annot. ad §. 215. huj. op. ubi habetur tenor verbalis §. 117. novi cod. civ. Iste §. respicit ratione litium de facultatibus ad caput de pactis matrimonialibus. Paragraphi hujus capituli divortia spectantes sunt §§. 1263 et 1264. novi cod. civ. §. 1263. Si conjuges de separatione convenerunt, ab

ipforum quoque conventionem semper simul ineunda dependet, (§§. 103 — 105.) an pacta eorum dotalia porro integra valere, aut qua ratione immutari debeant.

§. 1264, Separatione vero per sententiam judicis decreta, et neutra aut utraque parte culpam separationis gerente, alterutri conjugum postulandi jus est, ut pacta dotalia pro sublatis declarentur, qua de causa iudicio semper transactionem tentare incumbit. (§. 108.) Quodsi alterutra pars innocens sit, poterit continuationem aut sublationem pactorum dotalium, vel pro re nata convenientem sustentationem exigere. Supponitur a lege, in casu separationis absque utriusque consensu partem utramque in culpa esse posse. Reapse §. 107. nov. cod. civ. conjugum jus tribuit separationem iustis ex causis deponendi, quamvis ipse legitimam causam petendae separationis alteri conjugum dederit, §. enim non distinguit. Pastoralista quidem ob culpam mutuam reconciliationem poterit suadere; ubi vero monita illius frustrantur, culpa mutua, dummodo legitima separationis adsit causa, nil refert ad quaestionem, an separatio consensu deficiente concedenda sit nec ne. Isti duo paragraphi limitantur tantum ad iura conjugum inter se, et ubi quoad pacta conjugalia nil immutarunt, ipsa effectum suum sortiuntur. Prolium vero sustentationi et educationi iudex providebit ex officio, atque consensui conjugum spontaneo non nisi in tantum locus datur, in quantum exinde

vera salus prolium pro iudicis sano iudicio minime periclitatur.

Quodsi conjux moritur ante reunionem et ab intestato, ex §. 759. nov. cod. civ. conjux superstes propria culpa separatus, nec in casu §. 759. ad haereditatem, nec in casu §§. 757 et 758. ad partem haereditatis defuncti conjugis jus habet. Conjux autem absque sua culpa separatus jure potitur legibus sibi concessio.

Ex §. 796. novi cod. civ. conjugi superstiti innocenti competit congrua sustentatio ex haereditate defuncti sequentibus conditionibus: 1) Ut carcat conjux superstes sustentatione decenti ex bonis propriis; 2) ut pro sustentatione superstitis conventionem priori provisum non sit; 3) et nonnisi tamdiu, quamdiu non init matrimonium novum. Idem paragraphus in fine statuit, conjugem propria culpa separatam dictam sustentationem ne sub conditionibus quidem supra allatis praetendere posse.

§. 109. Graves rationes, ex quibus separatio per sententiam iudicis admitti potest, sunt: si pars conventa adulterii aut alicujus criminis rea iudicata est; si conjugem querelam moventem malitiose deseruit, vel mores dissolutos praesetulit, quibus magna pars patrimonii conjugis actoris, aut boni mores familiae periculo exponuntur, porro insidiae vitae aut sanitati periculosae; graves injuriae reales, aut pro diversis relationibus persona-

rum afflictiones perquam acerbae repetitae; defectus corporales perseverantes cum periculo contagionis juncti. Causae ergo capitales legitimae separationis notantur in comment. D. Conf. Zeiller ad §. 109. novi cod. civ.:— Fides conjugalis graviter violata, securitas personae, bonorum, et moralitatis conjugis aut familiae. Argumenta tamen alia his similia illisque causis principalibus comprehensa non excluduntur, uti patet ex contextu legis citatae. Judex vero prudens huc sane non referet causas, quae sunt quodammodo minima harum inferiores, v. g. delicta politica gravia praeter adulterium, nisi forte pertineant inter causas legales reliquas ejusdem momenti.

§. 110. Conjugibus quoad torum et mensam separatis liberum est, se iterum conjugere, quae tamen conjunctio ordinario judici indicanda est. Si conjuges post talem reconjunctionem iterum separari volunt, idem ipsis observandum est, quod respectu primae separationis praescriptum fuit.

Indicatio reunionis coram iudice ordinario non ea de causa praescribitur, ac si opus esset consensu, sed quia iudicem oportet nosse reunionem, ut conjugibus quoad effectus reunionis opem ferre possit legalem.

§. 214.

Divortium totale, seu quoad vinculum, non nisi inter conjuges acatholicos

Divortium
Acatholicorum.

certis de caussis obtinet: inter catholicos, aut in matrimoniis mixtis (I. §. 316.) locum habere nequit. Caussae legitimae divortii apud A catholicos sunt: 1) Si conjux alterius conjugis vitae insidias paravit; 2) si criminis adulterii reus factus est; 3) si conjugem malitiose deseruit, neque cum trinis vicibus per edicta publica vocatus esset, intra tempus statutum comparuit; 4) si inter conjuges sunt inimicitiae, quas vocant, capitales, seu aversio animorum insuperabilis, et uterque divortium cupit. Ob priores tamen tres caussas parti tantum laesae jus competit, ad divortium agendi. Lit. pat. §. 50 — 52.

Ex §. 111. nov. cod. civ. in annotat. ad §. 205. oper. hujus ad verbum citato totalis dissolutio vinculi in novo cod. civ. sub nomine: Divortii: occurrens nonnisi inter conjuges acatholicos ambos, non vero in matrimonio mixto locum habet. Prodit simul ex §. 111., ad decernendum, num matrimonium possit dissolvi nec ne, respiciendum esse tempus initi matrimonii; nam si eo tempore vel conjux uterque vel alteruter fuerit catholicus, divortium nequaquam conceditur, licet serius uterque ad religionem acatholicam transgressus sit, caussaeque adsint divortii gravissimae.

Quoad causam divortii statuit §. 115. nov. cod. civ.:

§. 115. Conjugibus christianis acatholicis lex permittit secundum ipsorum religionis

principia ex rationibus gravibus dissolutionem matrimonii petere: Hujusmodi rationes sunt: Si alteruter conjugum se adulterii aut criminis, quod condemnationem ad carcerem ad minimum quinque annorum induxit, reum reddidit; si alterum conjugem malitiose deseruit, et, domicilio ipsius ignoto existente, ad publicam judicialem citationem intra unum annum non comparuit; vitae aut sanitati periculosa infidiae; repetitae graves injuriae reales; odium invincibile, cujus gratia uterque conjux dissolutionem matrimonii desiderat; attamen in hoc ultimo casu dissolutio matrimonii non statim concedenda, sed primo separatio a toro et mensa, et quidem pro circumstantiis etiam repetitis vicibus tentanda est. Caeterum in omnibus his casibus secundum eadem principia procedendum est, quae pro disquisitione et dijudicatione invalidi matrimonii statuta sunt.

Praeter causas quatuor divortii in cod. Joseph. exclusivae contentas adfert nov. cod. civ. crimen poena saltem quinquennis carceris puniendum, aut infidias sanitati positas, aut injurias graves iteratas. Causae divortii §. 115. nov. cod. civ. allatae ex contextu §. non apparent quidem tanquam causae unicae exclusivae, ut absque iis divortium nunquam fieri possit. Patet vero tum ex comparatione cum §. 109. nov. cod. civ.; a lege §. 115. causas multo graviores statutas esse qua minimum inter causas divortii; inter causas §. 115. recensitas excepto taedio invincibili utriusque conjugis ne unicam quidem occurrere,

quae non ex mala intentione aut culpa gravissima conjugis accusati manaret, atque hoc supposito causam divortii parem vel graviorem cogitari vix posse, quae facillime uni vel alteri nominatarum subsumi nequiret. Posito, quamvis modo irrito, morbos perpetuos contagiosos, aut impotentiam incurabilem post matrimonium initum ortam causas esse non minus graves, priores tamen extra finem lege indigitatum sitae sunt, quin causae divortii putari possint; sola enim separatio gravaminibus tollendis sufficit; ulterior autem causae latiori quidem ambitu causarum ad divortium ex lege validarum comprehendi videtur.

Divortium ex causa legitima non nisi a conjuge innocuo peti posse, patet 1) ex verbis §. 115. vide supra: Lex aperte respicit tantum diversa religionis principia acatholicorum, minime vero eos, qui delictis civitatis legi atque principiis religionis propriis adversantur, gratiaque legis indignos se reddunt. 2) Divortium non nisi gravibus ex causis peti potest; tales vero causae non profunt reo sed laeso, in cuius futuro periculo sita est causa solida non solum separationem, sed juxta principia sua divortium quoque petendi. 3) Respicienda sunt verba §. 115. ultima: vide supra. — Cum igitur §§. 95 et 96. novi cod. civ. innocuae tantum parti jus conceditur, petendi nullitatem matrimonii ob impedimentum privatum, cum eo ipso norma judicandi judici designetur, nisi vana sit definitio legis, idem valere debet in divortio ex praecepto legis. Immo, ex argumento posteriori etiam

conjug acatholicus modo quodam adducto laesus ad causam divortii provocare nequit, si hujusmodi delicti reus est ipse; destituitur enim jure suo privato pari modo, ut in casu delicti vel expresse vel tacite per continuatum conjugium pacificum indulti. Alia quidem principia locum habent in separatione sine consensu partis utriusque, ubi non dissolvitur vinculum, et quae quibusdam in circumstantiis medium esse potest sequentis reunionis durabilis.

Ast etiam in separatione sine utriusque partis consensu nunquam conjug reus, sed innocens tantum ex causa justa separationem deponere potest.

§. 116. Nov. cod. civ. ita pergit: Conjugi acatholico lex permittit ex rationibus indicatis solutionem matrimonii petere, licet alter ad religionem catholicam transiverit.

Supponitur ergo, utramque partem tempore contracti matrimonii addictam fuisse religioni acatholicae. Vid. §. 111. nov. cod. civ. in annot. ad §. 205. oper. hujus.

§. 215.

In causis divortii observanda sunt Quid in sequentia: 1) Modus procedendi idem est, causis divortii ob-
qui juxta superius dicta (§. 206. 207.) in vortii ob-
causis declarationis nullitatis obtinet. Nimi- servandum.
rum judicium provinciale nobilium, utpote
judex competens in hisce causis, constituto

defensore matrimonii, causam vi officii inquirat, atque cum primis amicabili compositione partes reconciliare conatur, hæc autem non secutâ sententiam fert. Neque hic confessio conjugum plenam fidem facit, sed aliis certis argumentis asserta probentur necesse est.

2) Nominatim quando divortium ob inimicitias capitales petitur, primum separatio quoad thorum et mensam tentanda, eaque, si opus visum fuerit, etiam repetenda est, atque tunc demum divortium totale decernendum, si spes omnis, conjuges reconciliandi, adempta esse videatur, atque uterque in proposito suo perseveret.

3) Quoties divortium decernitur, simul etiam de postulatis utriusque partis circa divisionem bonorum sive transactione, sive sententiâ judicis, quod justum est, statuatur oportet.

4) Speciatim divortium quodcumque prius concedendum non est, quam vel inter partes conventum, vel a iudice decretum fuerit, quâ ratione proles sustentandæ sint et educandæ. Eam ob rem interdicitur ministris ecclesiæ sub poenâ depositionis, ne quem, cui liberi sint ex priori matrimonio, facto divortio ad secundas nuptias admittant, nisi exhibitis litteris certi redditu, liberis prioris matrimonii sufficienter esse prospectum. Lit. pat. §. 52 — 54. Supra citatus §. 115. nov. cod. civ. in divortiiis eadem præscribit, quæ in matrimonio irritato inquirendo. Ergo hic quoque forum nobilium provinciae, ubi conjuges habitant, iudex est competens, nisi demti sint conjuges a foro civili; qui enim subsunt foro militari, quoad matrimonia de-

claranda nulla vel dissoluta subsunt iudicio delegato militari mixto. 19. Mart. 1791.

Igitur quae dicta sunt in annot. ad §. 206. huj. oper. ratione matrimonii irriti, valent eadem in divortio.

In divortio ex taedio invincibili, cujus causa uterque conjux divortium petit, etiam ex §. 115. nov. cod. civ. tentanda est prius separatio, atque pro circumstantiis iteratis vicibus. Respectu litium in divortio propter facultates, sustentationem prolium etc. oriundarum, §. 117. nov. cod. civ. ut §. 108. in separationibus, praecipit sequentia:

§. 117. Si occasione dissolutionis matrimonii lites oriuntur, quae ad pactum speciale, ad separationem patrimonii, sustentationem prolium, aut alias mutuas praetensiones se referunt; ordinarius iudex semper imprimis tentare tenetur, has lites amicabili modo componere. Si vero partes ad amicabilem compositionem permoveri nequeunt, iudex eas ad ordinarium processum releget, in quo res juxta praescripta in capite de pactis dotalibus contenta decidenda est, interea vero uxori et liberis competentia alimenta assignanda sunt.

Videatur §. 1266. in nov. cod. civ., cui lex praefata nititur. Singillatim conjux per divortium dissolutus, licet infons haereditatem legalem (ab intestato) vindicare sibi nequit.

Quoad liberos conjugum separatorum aut per divortium disjunctorum §. 142. nov. cod. civ. statuit:

§. 142. Si conjuges separati, aut penitus vinculo matrimonii soluti sunt, et in eo dissentiant, a qua parte liberi educari debeant, judicium, quin propterea litem admittat, invigilet, ut proles sexus masculini usque ad adimpletum quartum; foeminini usque ad perfectum septimum annum a matre curentur et educentur, nisi graves, praecipue ex causa separationis aut dissolutionis matrimonii evidentes rationes aliam dispositionem requirant. Sumtus educationis a patre ferendi sunt.

Est officium patris praecipuum sustentationi liberorum providere, donec sustentare se possint ipsi. §. 141. nov. cod. civ. Patre facultatibus carente alimentis, eoque mortuo toti educationi liberorum providebit mater. Matre inope aut mortua avis paternis, et post illos avis maternis cura pro liberis incumbit. §. 143. ibid.

Quod numero 4 hujus §. allatum est ex cod. Josephino, plane desit ex cod. civ. novo, cum ipse iudex teneatur ex officio curam liberorum gerere exactissimam. Quae dicta sunt in annot. ad §. 206. huj. oper. ex §. 122. nov. cod. civ. ratione declaratae nullitatis matrimonii in protocollo matrimoniali notandae, valet etiam in casu divortii juxta verba §. 122. expressa.

Decreta dd. 16. Febr. 1792 et 22. Aug. 1797 statuunt, contra sententiam judicalem fori nobilium circa matrimonium sive validum sive irritum, et circa divortium matrimonii inter acatholicos, non simplicem tantum recursum, sed sicuti contra alias formales iudicis sententias, appellationem locum habere posse.

§. 216.

Effectus divortii sunt: 1) Vinculum matrimonii solvitur, et utriusque partis arbitrio relinquitur, ad alteras nuptias transire. 2) Quando tamen delictum alterius conjugis causam divortii praebuit, delinquens lege nostrâ prohibetur, cum socio delicti judicialiter agnito conjugium inire. Lit. pat. §. 55. 3) Neque licet rectoribus animarum catholicis copulare personam catholicam cum acatholicâ per divortium a priori matrimonio solutâ. (I. §. 310.) 4) Si mulier forsan gravida facto divortio ad secundas nuptias transire velit, tempus debitum expectandum est, quo de patre prolis omnis error aut dubitatio evitetur. Lit. pat. §. 56. 5) Quodsi priores conjuges lapsu temporis, poenitentia ducti, ad pristinum conjugium redire cupiant, novum omnino celebrandum erit matrimonium observatis iis omnibus, quae in primis nuptiis observanda erant. Lit. pat. §. 57.

Effectus divortii.

§. 110. Conjugibus quoad vinculum solutis in genere quidem permittitur novum matrimonium inire; attamen cum illis, qui se-

cundum probationes, in dissolutione matrimonii allatas, adulterio, instigationibus aut alio nefario modo divortio ansam dederunt, matrimonium validum iniri nequit.

Habetur ergo hoc loco impedimentum disjunctis conjugibus acatholicis proprium §. 94. nov. cod. civ. numero 119 inter impedimenta publica comprehensum. Supponitur in eo: 1) ut conjux acatholicus ab altero adhuc vivo legitime disjunctus sit; 2) ut persona, quacum disjunctus conjux novum initurus est matrimonium, divortio facti ansam dederit modo culpabili; 3) ut ea de re adfuerint documenta in divortio. Ubi una harum conditionum deest, vel impedimentum non adest omnino, vel saltem impedimentum participationis in causa divortii deest.

Accuratius definitur §. 119. nov. cod. civ. per decretum dd. 28. Jul. 1814:

Ad definiendum accuratius §. 119. declaramus, ut in casu divortii inter acatholicos, disjunctis conjugibus acatholicis concedatur vivente altera conjuge disjuncta matrimonium validum non nisi cum acatholicis, non tamen cum iis, qui secundum documenta in divortio extantia, per adulterium, per instigationes, aliove modo pravo divortii facti causa fuere.

Si comparatur §. 119. nov. cod. civ. huic decreto supremo, praeter superius adductas tres condiciones ad impedimentum par-

ticipationis in causa divortii necessarias duo
 adhuc animadvertenda sunt: 1) Conjugem
 acatholicum vivente altero disjunctum cum
 iis, qui secundum documenta in divortio ex-
 tantia per adulterium, instigationes, aliove
 modo maligno causa fuerant facti divortii, nec
 post mortem conjugis disjuncti alterius ma-
 trimonium validum inire posse; lex enim ra-
 tione impedimenti participationis culpabilis
 in causa divortii non distinguit, num conjux
 alter disjunctus superstes adhuc sit, nec ne,
 ita, ut impedimentum hoc forte ad tempus
 tantum vitae alterius disjuncti extendatur,
 eo autem mortuo cesset; 2) discrimen tamen
 faciendum esse respectu matrimonii inter con-
 jugem disjunctum acatholicum et personam
 catholicam causa divortii non participantem;
 ita, ut vivente altera conjuge cum persona
 catholica non participante matrimonium va-
 lide iniri nequeat, attamen post mortem con-
 jugis alterius. Id e genio legis utriusque pa-
 tere videtur. Attentione dignum tamen, etiam
 matrimonium conjugis acatholici vivente con-
 juge altera disjuncti, cum catholica non par-
 ticipante, judicandum esse juxta explicationem
 4. Aug. 1814 emissam, si post 1. Jan. 1812,
 ante vero 4. Aug. 1814 initum fuerit, haec
 enim lex nova non est, sed, juxta ipsa decreti
 patefacti verba, authentica interpretatio legis
 prioris, ergo hic non §. 5. nov. cod. civ. sed
 §. 8. ejusd. locum habet, vi cujus hujusmodi
 interpretatio ad omnes casus in futurum di-
 judicandos applicanda est, nisi lege ipsa ex-
 presse sint excepti. Sane! conceptu catholico
 de vinculo indissolubili matrimonii validi pro

tempore vitae amborum conjugum, qui a legislatore nostro fundamentum legum civilium positus est, bene considerato, fatendum est, eam legem non factam esse novam, sed potius ex genio prioris luculentius enucleatam.

Restant adhuc memorandae definitiones §§. 120 et 121. novi cod. civ. quae etiam in casu matrimonii declarati nullius, et dissoluti per mortem conjugis applicandae sunt.

§. 120. Si matrimonium invalidum declaratur, vel per sententiam iudicis aut mortem mariti solvitur; uxor gravida ante partum, et si de graviditate ejus dubium oritur, ante elapsum sextum mensem, ad novum matrimonium transire prohibetur; si vero ex circumstantiis aut testimonio artis peritorum graviditas illius verisimilis non est; post decursum trium mensium in metropoli a praefectura provinciae, et ruri a praefectura circuli dispensatio concedi potest.

Oportet igitur concidere duas condiciones ad impetrandam dispensationem; 1) ut graviditas ex circumstantiis aut sententia peritorum verisimilis non sit; 2) ut a die mortis mariti, aut declaratae nullitatis, aut divortii menses tres sint elapsi. In defectu utriusque conditionis vel partus, vel in graviditate dubia expectandum erit per sex menses. §. 121. ita pergit:

Transgressio hujus legis (§. 120.) invaliditatem matrimonii quidem non inducit:

sed uxor amittit commoda a priori marito per pacta dotalia : pactum successorium, ultimam voluntatem, aut conventionem occasione dissolutionis matrimonii factam obtenta : maritus vero ; quicum secundum matrimonium initur, amittit jus ipsi alias ex §. 58. — in ann. ad §. 172. h. o. citatum, — competens, invaliditatis matrimonii declarationem petendi, et ambo conjuges poena circumstantiis conveniente affiendi sunt. Si in hujusmodi matrimonio proles nascitur, et si saltem dubium est, an non a priori marito procreata sit, ipsi curator ad ejus jura defendenda constituendus est.

Ratione reunionis conjugum disjunctorum praescribit §. 118. novi cod. civ. :

§. 118. Si conjuges quoad vinculum soluti se iterum conjugere volunt, hanc conjunctionem tanquam novum matrimonium respici, et cum omnibus solemnitatibus ad matrimonium contrahendum in legibus requisitis iniri oportet.

Caput tertium.

De bonis ecclesiasticis.

Articulus primus.

De bonis ecclesiasticis generatim.

§. 217.

Notio, et
divisio.

Bona ecclesiastica vocantur ea, quae aut sustentationi ministrorum sacrorum, aut impensis in fabricam ecclesiae, cultumque divinum publicum faciendis destinata sunt. Differunt a rebus sacris, quod illae ipsi usui in cultu divino externo inserviant, (§. 124.) haec vero sumtibus tum in res ad cultum hunc necessariis sustinendis sint destinata. Cuinam proprietas, cui administratio bonorum ecclesiasticorum conveniat, et quibus iuribus civitas in illa gaudeat, in jure publico (l. §. 286 — 289.) expositum fuit. Cum partim sustentationi personarum, partim conservationi rerum ad cultum divinum externum necessariarum, aedium scilicet sacrarum, dicata sint, cumque vel generatim, vel speciatim, prout sive ad sustentandos ministros sacros seu clericos, sive ad conservandas aedes sacras seu ecclesias pertinent, considerari possint, sequitur, caput praesens tribus constare articulis: 1) De bonis ecclesiasticis generatim, 2) de bonis ac redditibus clericorum, 3) de bonis ac redditibus ecclesiarum.

§. 218.

Ecclesia aequae, ac societas alia quaecunque, iisdemque modis bona sibi acquirit, per leges tamen amortizationis (I. §. 289.) certis limitibus constringitur. Legibus hisce generatim in terris Austriacis interdicitur, ne bona immobilia absque speciali principis consensu quocunque demum modo in clerum transferantur, utque omnis ejusmodi actus sit irritus; et in venditione quidem bonorum dominicalium (*landschäftliche Güter*) nobiles laici ex ordine statuum provinciae, in venditione vero bonorum civicorum magistratus ac cives jure retractus (*Einstandrecht*) potiantur. *) Quae alio nisi emtionis et venditionis titulo clerus acquirit, bona immobilia intra annum in manus laicas denuo alienare tenetur, elapsoque hoc termino jus retractus, supra memoratum, locum habet. Neque porro conductio, neque alia quaecunque possessio temporaria bonorum immobilium ex parte cleri ultra tres annos perdurat. 12. Sept. 1716. 26. Aug. 1771. Inde in legem abiit, ut acquisitio bonorum immobilium collegiis ecclesiasticis non aliâ ratione concederetur, nisi ut loco boni acquisiti aliud ejusdem pretii alienarent. Huic vero consuetudini decreto recentiori dd. 14. Jul. 1784 derogatum est eam ob causam, quod cum bona ecclesiastica nostris temporibus fundum generalem in commodum religionis, prout opus fuerit, impendendum constituent, manus mortuae esse desierint. Quâ autem ratione acquisitiones ordinum re-

Acquisitio
bonorum
ecclesiastico-
rum.

ligioforum circa dotes novitiorum restrictae sint, alio loco (§. 59.) exposuimus.

*) Cod. Joseph. I. Tom. II. §§. 4. 6. jus legale retractus tam statuum, quam civium penitus est abolitum.

§. 219.

<p>Privilegia circa acqui- sitionem bo- norum ec- clesiastico- rum.</p>	<p>Leges singularia ecclesiis privilegia circa acquisitionem bonorum concesserunt, qualia sunt: 1) Secundum jus commune donationes ad pias causas etiam sine acceptatione vim habent, dominiumque rei donatae ante traditionem in ecclesiam transfertur. L. 23. Cod. de sacrosanct. eccl. 2) Legata pia a subtractione quartae Falcidiaae, quae alias haeredi legatis nimium onerato reservatur, immunita sunt. Novell. Justin. CXXXI. cap. 12., quod tamen ab aliis interpretibus in dubium vocatur, qui in novellâ illâ nonnisi de casu morae sermonem esse asserunt. 3) Eadem illico a morte testatoris ecclesiae tradenda sunt, quin beneficium alias haeredi competens, quod legata nonnisi elapso anno a morte testatoris praestare teneatur, in illis obtineat. 26. Jul. 1737. 4) Liberantur a tributo ex haereditatibus pendendo (<i>Erbsteuer</i>) legata et foundationes pro stipendiis missarum, et anniversariorum, necnon pro sustentatione pauperum, aut lectis infirmorum in nosocomiis factae. 6. Jun. 1759. 25. Oct. 1804., porro legata in erectionem parochiae aut vicariatus relicta, item portio illa haereditaria, quam ecclesia de bonis defuncti parochi ex legis praescripto nanciscitur. 7. Martii 1761.</p>
---	--

22. Febr. 1793. 5) Legata denique omnia ad pias causas relicta a solutione mortuarii immunita sunt. 17. Jan. 1801.

Cum per novum cod. civ. jus. commune cum legibus et consuetudinibus omnibus ad objecta codicis civilis universalis pertinentibus sit abolitum, nunc etiam ad validitatem donationum ad pias causas omniumque reliquarum ex §. 945 nov. cod. civ. requiritur praeter pactum donationis, quo supponitur promissum et receptum aequè validum, aut traditio effecta, aut documentum scriptum.

Piis legationibus adscripta liberatio a detrahenda quarta Falcidia per se desinit, cum nov. cod. civ. privatas juris communis decisiones tollens, non modo non meminit quartae Falcidiae, sed etiam ex §. 692. ibid. in haereditate legationibus exhausta, praeter recompensationem sumptuum in favorem malfae factorum et mercedem curis suis accomodatam haeres petere nil possit.

E contrario juxta nov. cod. civ. §. 685. piae legationes sine mora exsolvi possunt, cum haeres ad solvendas legationes alias, uti e. g. partes haereditatis singulares, remunerationes famulitii minores, etc. nonnisi post annum integrum a morte testatoris adigi possit.

Novissimum decretum de tributo ex haereditatibus pendendo dd. 15. Oct. 1810, §. 13. quoad pias fundationes sequentia sta-

tuit: Sub piis foundationibus in terris haereditariis, quae libertate a tributo ex haereditatibus pendendo gaudent, intelliguntur: a) Legationes pro missis privatis vel solemnibus et litaniis, si summa legata semel pro semper, aut foenore annuo pro missa privata unum florenum, pro solemni tres florenos, et pro litania unum florenum non superat. b) Ea bona, quae ecclesiae cedunt ex haereditate parochi, nisi majora sint parte tertia totius haereditatis. c) Praetiosa ad ornamentum ecclesiae legata, in massa haereditatis inventa. d) Capitalia ad foundationem vel dotationem beneficii, cui cura animarum annexa est, legata, nisi usurae congruam superent. e) Omnes haereditates et legationes inter pauperes distribuendae, aut pro fundo ad sustentandos et curandos pauperes, infantes expositos vel orphanos, et aegrotos in institutis publicis, aut pro informanda juventute in scholis publicis, vel ipsis scholis conservandis et disponendis factae. f) Tributa subditorum restantia, quae subditis remittuntur a magistratibus suis ex testamento. Piae foundationes extraneae ea libertate non fruuntur.

§. 220.

Fundationes ecclesiasticae.

Inter modos acquisitionis bonorum ecclesiasticorum foundationes sacrae principem facile locum tenent. Quoties nimirum bona quaedam vel per actum inter vivos, vel mortis causa ecclesiae, beneficio, aut collegio ecclesiastico cuidam cum obligatione perpetua certas functiones sacras quotannis obediendi donantur aut legantur, actus ejusmodi

fundatio sacra dicitur. *) Foundationes sacrae tum demum sortiuntur effectum, cum ab iis, quorum curae ecclesia, beneficium, vel collegium commissum est, acceptantur, eo quod certum esse debeat, onus impositae obligationis ab illis suscipi. Cum vero praepositi ecclesiae temporanei successores suos in perpetuum obstringere nequeant, cumque imprimis dijudicandum sit, utrum functiones sacrae a fundatore determinatae legum praescripto conveniant, necesse est, ut foundationes sacrae ab episcopo quoque approbentur. Praeterea etiam ob multiplicem, quem cum republica habent, nexum a summo Imperante confirmandae sunt.

*) De foundationibus missarum, aliarumque functionum sacrarum vid. theol. Monatsschrift 4. Jhrg. 3. Bd.

§. 221.

In erectione et acceptance foundationis Cautelae sacrae sequentes observandae sunt cautelae: circa foundationes novas

1) Obligationes per ejusmodi foundationem junctae bono ecclesiae, constitutionibus principis et episcopalibus, ac praesertim praescripto divini cultus ordini consentaneae sint oportet. 2) Curandum, ut redditus foundationis ad honestam sustentationem clerici, aut ubi fundantur missae, aliave pietatis exercitia, ad stipendia sacerdoti, aedituo, et assistentibus in qualibet dioecesi dari solita sufficiant, simulque ecclesiae, quantum ad sumtus luminarium, vini, oblati, ac paramentorum satis esse possit, reliquum maneat. *) 3) Si

fundatio fit in pecuniâ numeratâ, pecuniae summa foenori danda est, modoque legibus praescripto in tuto ponenda, chirographo debitoris in cistam ecclesiae (Zehrschreine) reposito. 4) Denique in testimonium, tum factae foundationis, tum promissi de implendâ obligatione injunctâ, litterae foundationis (Eristbrief) exarandae, et foro competenti, ut ratae habeantur, exhibendae sunt.

*) Pro Moraviâ et Silesiâ certa norma in definiendis foundationum stipendiis observanda praescripta est. 14. Febr. 1799.

§. 222.

Confectio et confirmatio litterarum foundationis. Litterae foundationis a praepositis ecclesiae, parochi nempe et advocato ecclesiae expediuntur, continentque a) voluntatem fundatoris, b) functionem sacram ex mente fundatoris obeundam, c) dotem fundationi assignatam, adjectâ determinatione, quid de fructibus annuis tum ministro sacro, tum aedituo, aliisque; tum ipsi ecclesiae obveniat; d) modum elocatae pecuniae, et syngrapham desuper confectam; e) denique promissum, se curam assiduam habere velle, ut fundationi rite satisfiat. Exhibentur deinde et episcopo, ut eas acceptet, et regimini provinciae, ut confirmatione suâ summi principis nomine easdem roboret. *) Demum exemplar harum litterarum unum cum syngrapha in cistam ecclesiae reponendum est, alterum fundatori ejusve haeredibus id postulantibus tradendum, aliud a regimine provinciae, aliud ab episcopo vi officii asservandum.

*) In Austria superiore ex speciali constitutione dd. 31. Jan. 1798. litterae foundationis immediate regimini provinciae exhibentur. Regimen illas cum episcopo communicat, qui declarat, utrum clerum sibi subjectum ad obeundam functionem sacram a fundatore impositam adstringere velit, necne. Quodsi ab episcopo difficultates opponantur, regimen communicatis cum eodem consiliis rem componere studet, instrumentumque confirmationis expedit, cui declaratio episcopi, et quod simul confirmatio fiat consulto episcopo, inferatur necesse est.

§. 223.

Fundatio sacra ab episcopo acceptata, et a summo principe confirmata ex parte possessoris beneficii, praepositorumque ecclesiae aut collegii ecclesiastici obligationem inducit, eidem omnibus numeris satisfaciendi. Obligatio ista officium justitiae est, quod qui negligunt, ad restitutionem tenentur. Hunc in finem decretum est, ut tabula fundationum in sacristia cujusvis ecclesiae affigatur. Ubi fundationes in loco quodam abundant, pars earum ad alias parochias, vel ad monasteria transferenda est. 13. Jun. 1772. Mislarum fundationes, quarum stipendia e fundo religionis sacerdotibus distribuuntur, (§. 88.) a praefectura rationum (Buchhaltung) consignantur, atque fundatoribus, eorumque haeredibus id petentibus nomen et locus sacerdotis ad persolvendam fundationem obstricti significatur. 24. Oct. 1785. In potestate episcoporum situm est, fundationes commutare, vel ad minorem numerum reducere, quoties aut functionem sacram secundum ordinem cul-

Obligatio
satisfaciendi
fundationibus.

tus divini novis legibus praescriptum immutandam judicaverint, aut redditus fundationis annuos mutatis temporibus non amplius sufficientes agnoverint. (I. §. 161.)

§. 224.

Privilegia circa administrationem bonorum ecclesiasticorum. Bona ecclesiastica etiam, ad administrationem quod attinet, specialibus fruuntur privilegiis. Imperans civilis editis legibus propriis curam gerit, ut bene utiliterque administrantur; magistratus politici administrationi invigilant. Tum patronorum tum advocatorum ecclesiae officium est, conservacionis bonorum curam habere, et ecclesias beneficiaque contra iniquos aggressores tueri. Ecclesiae vero personis minorennibus equiparantur, quibus beneficium restitutionis in integrum competit, quoties ab administratoribus laeduntur. In parochiis, quarum patronatus ad principem pertinet, defensio causarum litigiosarum pro ecclesiis et beneficiis advocato filci (Fiskalant) commissa est; in aliis vero parochis, advocatoque incumbit, ut defensorum ipsi constituent. 27. Jun. 1785. *)

*) Vigore decreti pro Gallic. occid. sub dat. 17. Febr. 1797. editi liberum quidem relinquitur beneficiorum ecclesiasticorum possessoribus, bona beneficialia in plures annos elocare; locatio tamen ultra tempus vitae beneficiarii extendi nequit, sed morte ejusdem expirat, salvo jure conductoris, ex haereditate defuncti restitutionem damni exigendi. Decanis ruralibus injungitur, ut occasione visitationis annuae in statum bonorum beneficialium inquireant et quos deprehenderit defectus, praefecturae cir-

culi indigent, cui non minus incumbit, conservationis bonorum istorum curam assiduam habere. Ecclesiae quidem illis personis physicis et moralibus adnumerandae sunt, quae gaudent ex §. 21 nov. cod. civ. singulari legum protectione; pertinent enim ad communitates. Cum bona sua administrare non possunt ipsae, sed cura aliena indigent, ratione singularis legum protectionis minorennibus aequiparantur. Sed beneficium restitutionis in integram juxta §. 1450 novi cod. civ. praeter casus in norma judicialia definitos, ubi omnibus sine discrimine conceditur, ratione non modo minorennium, sed et omnium reliquarum personarum sub protectione legis speciali existentium, plane cessat; neque, prout dicere fas est, eo indigent amplius, si totum nexum omnium cautelarum cohaerentium ad ipsas tuendas praescriptarum respicimus. D. Conf. a Zeiller Comment. ad §. 1450 n. cod. civ. 4, tom. p. 185.

§. 225.

Pecuniae ecclesiarum, beneficiorum, aut Collegiorum ecclesiasticorum foenori dandae, Collocatio pecuniarum. modoque legibus praescripto in tuto ponendae sunt. Quod sit aut collocatione pecuniae in fundo publico, aut emtione syngraphae publicae, aut contractu foenebri cum hominibus privatis facto. Ubi syngrapha publica minori pretio emitur, lucrum inde emergens ecclesiae seu beneficio adscribi, reddique debet. 3. Nov. 1796. Ubi pecunia hominibus privatis foenore datur, syngrapha conficienda est, inque libris publicis hypothecariis (Landtafel und Grundbuch) consignanda. Requiritur autem leges nostrae, ut bonum oppignorum ejus sit pretii, quod sus-

ficiat, ne per hypothecam pecuniae, debitorumque forte praecedentium domus oppignorata ultra dimidium, praedium vero oppignoratum aut ager ultra duas tertias iusti pretii oneretur. Ad elocationem ejusmodi consensus regiminis implorandus est. Syngraphae expresse adjicienda est conditio, ut si sex septimanas post elapsum tempus praefixum usurae promissae solutae non fuerint, creditori jus sit, confestim solutionem sortis exigendi, eumque in finem executionem judicalem implorandi. Administratori bonorum ecclesiae ac foundationum sibi ipsi pecunias locare nunquam licet. 18. Oct. 1792. *)

*) In Galliciâ occidentali lege statutum est, 7. Dec. 1797., ut pro pecuniis piorum corporum hominibus privatis foenore datis usurae quinque florenorum pro centum pendendae sint. Videatur etiam decr. dd. 27. Nov. 1800. Ex decreto recentiori dd. 19. Dec. 1803, si capitalia ecclesiastica realitatibus annexa possessoribus aliis cedunt, novus possessor scriptotenus declarare tenetur, se ipsum esse debitorem, qui non solum per hypothecam specialem, sed per reliqua etiam bona sua damnum praestiturus, foenora elapsis sex hebdomadibus persolvere promittit; Declaratio haec in libris publicis hypothecariis consignanda est, et, si a faeminis emittitur, certificanda. Koper notit. leg. Austr. polit. 1 tom. p. 261. Attamen juxta novum cod. civ. certificatio haec necessaria jam non videtur. §. 1349 nov. cod. civ.

§. 226.

Alienatio
bonorum
eccles.

Secundum canones ecclesiasticos omnis
alienatio bonorum ecclesiasticorum tam li-

licita est, quam invalida, nisi fiat iustis de causis, servatisque solemnitatibus praescriptis. Alienationis nomine omnes illi actus veniunt, quibus dominium directum aut utile, aut jus quoddam ecclesiae sive in alium transfertur, sive quoquo modo diminuitur; lexque alienationem prohibens tum ad bona immobilia, tum ad jura, seu res incorporales, tum etiam ad bona mobilia ejus generis, quae non negotiis oeconomicis interserviunt, sed perpetuo asservari solent, sese exporrigit. Legitimae alienationis causae sunt: a) urgens ecclesiae necessitas, b) major ejusdem utilitas, c) opera charitatis miseris ac pauperibus praestanda. Praescriptae vero solemnitates sunt: 1) causae cognitio, 2) approbatio episcopi, 3) in ecclesiis, ubi adest capitulum, consensus capituli, (l. §, 215.) 4) consensus eorum, quorum interest, patronorum et advocatorum ecclesiae.

§. 227.

Juxta leges Austriae antiquissimas consensus etiam principis ad alienationem bonorum ecclesiasticorum prorsus necessarius est. Deficiente consensu isto, a regimine provinciae impetrando, cujuscunque generis alienatio, bonorum scilicet immobilium, pecuniae elocatae, (Kapital) rerum pretiosarum, bonorum mobilium ad negotiationem oeconomicam non spectantium, denique reddituum annuorum quorumcunque interdicta est. Qui lege hac contempta bonum aliquod ecclesiasticum sine principis consensu acquirit, non tan-

Ad quam

consensus

Principis

necessarius

est.

tum bono illo, invalide alienato, privatur, sed condignâ etiam poenâ mulctatur. Personis autem aut collegiis ecclesiasticis, bona ecclesiae alienantibus, proventus ipsorum, donec plenam restitutionem praestiterint, retinentur. Denunciatori praeter reticentiam nominis praemium spondetur, nisi forte ipsemet sit possessor rei alienatae, aut praepositus ecclesiae, cui haec denunciatio ex officio incumbit. 5. Oct. 1782. Consulantur etiam litterae patentes pro Galliciâ occidentali dd. 21. Sept. 1796.

§. 228.

Exactio pecuniae locatae, item mutuatio.

Simili modo neque licitum est, pecunias beneficii vel collegii ecclesiastici in fundo publico locatas exigere, et recipere, quin a regimine provinciae facultas impetrata fuerit; quo tamen decreto pecunias clericorum secularium ad bona ipsorum patrimonialia spectantes non comprehendi per se patet. 10. Sept. 1782. Univerſo etiam clero tam ſeculari quam regulari interdicitur, ſine conſenſu regiminis mutuari pecunias, quibus bona eccleſiaſtica hypothecae nomine onerentur. 16. Febr. 1785.

§. 229.

[Praescriptio bonorum eccles.

Ad praescriptionem bonorum ecclesiasticorum, qua quis sive dominium boni cujusdam ecclesiastici, sive libertatem ab oneribus ecclesiae praestandis vult acquirere, jus commune requirit possessionem quietam, ne-

que unquam interruptam quadraginta, et quod ecclesiam Romanam attinet, centum annorum. Leges vero Austriacae non aliam contra ecclesias, beneficia, et collegia ecclesiastica praescriptionem nisi centenariam, aut immemorabilem admittunt. Quae nisi probari possit, possessores laici bonorum ecclesiasticorum, qui justum possessionis titulum ostendere nequeunt, omni tempore ad restitutionem tenentur. 9. Mart. 1634. 23. Dec. 1704.

Praescriptio universim est jactura juris infra tempus lege praescriptum non exerciti. §. 1451. nov. cod. civ. Si jus illud per possessionem legalem simul transfertur ad alios; tum jus possessione occupatum (*erfessenes Recht*; *durch Ersizung*) dicitur. §. 1452. ibid. Alias praescriptio absolute audit. Ad jus impetrandum per possessionem in genere requiritur juxta nov. cod. civ. a §. 1433 — usque ad §. 1477. 1) Habilitas personae ad possidendum. 2) Objecti habilitas, quod possidendo alicui cedat. 3) Possidens rem aut jus revera possidere debet. 4) Possessio debet esse legalis. 5) Sincera. 6) Genuina. 7) Per integrum tempus lege praescriptum continuata. Possessio ante tempus elapsum legale non debet esse interrupta. §. 1497. Tempus possessionis vel est ordinarium 3 — 30 annorum; vel extraordinarium 6 — 40 annorum. Ad possidendum bonum ecclesiae proprium tempus extraordinarium 6 annorum requiritur, si res possidenda est mobilis, aut si quidem immobilis, attamen libris publicis sub nomine

possessoris inserta est; tempus 40 annorum requiritur, si res est immobilis libris publicis sub nomine possessoris non inserta, aut jus non insertum. Favor, quo gaudent ecclesiae, personis etiam prodest cum iis conjunctis, et vim exerit contra personas alias pari favore fruentes, si jure praescriptionis per possessionem uti volunt contra ecclesiam. Ad rem possessione occupandam per 40 annos contra ecclesiam, non quidem titulo legali, sed aliis cunctis conditionibus opus est.

Ad impetrandum possessione contra ecclesiam jus, quod raro tantum exerceri potest, v. g. jus praesentationis ad beneficium vacans, cujus patronus erat monasterium: possidens praeter annos 40 elapsos etiam probare deberet occasionem ad jus illud exercendum hoc temporis intervallo saltem ter contigisse, atque ipsum jure illo semper usum fuisse.

Quatenus omnis occupatio per possessionem comprehendit praescriptionem, utraque conditionibus necessariis uno eodemque temporis spatio perficitur. Ad praescriptionem vero propriam solus neglectus juris, quod in se potuisset exerceri, ex parte illius, contra quem praescriptio fit sine possessione, sufficit, et quidem per 30 annos, si jure suo non utens persona favore legis non gaudens, per 40 annos vero, si favore tali gaudens fuerit, veluti ecclesia. §§. 1478. 1485. nov. cod. civ. Valet tamen regula generalis, juxta quam jus propter non usum nonnisi post elapsos 30 aut 40 annos amittitur, iis tantum in caus-

fis, quibus periodus brevior lege praefixa non est. §. 1486. ibid.

Ad praescriptionem eorum jurium, quae nonnisi raro exerceri possunt, requiritur, ut durante praescriptionis tempore 30 annorum in genere, et contra personas legis favore gaudentes e. g. ecclesias, 40 annorum, tres occasiones jus tale exercendi, neglectae sint, §§. 1472 — 1485.

Praescriptionis immemorialis nov. cod. civ. plane non meminit, quia reapse nec est modus juris impetrandi nec extinguendi; nam, si ille, contra quem jus vel res obtinenda est vel extinguenda, contrarium affirmare potest, tempus ita dictum immemoriale nullius vigoris est pro eo, qui ad illud provocat, sed potius res aut jus ipsi denegandum erit; sin vero ille contrarium affirmare nequit, sententia contra illum erit dicenda, non autem propter tempus immemoriale, sed ex defectu argumentorum: in jure idem est, non esse, et non apparere.

Patet ex dictis, ecclesias aliasque personas physicas aut morales favore legis non in tantum frui, in quantum ipsae volunt possidendo aut per praescriptionem jura impetrare, sed in quantum contra ipsas praescriptione quisquam uteretur, sive sit is favore legis gaudens, sive non sit.

Tempus autem brevius 6 — 40 annis novo cod. civ. contra ecclesias necessa-

rium nonnisi ratione valet earum praescriptionum, quae ex 1. Jan. 1812 computari coeperint; praescriptiones prius coeptae vel post annos 100 a momento, quo coeperunt, perficiuntur, vel tempus brevius novo cod. civ. praefixum ab illo demum momento numerandum est, quo nov. cod. civ. vim legalem exercere coepit.

§. 230.

Bona pia-
rum sodali-
tatum.

Collegiis ecclesiasticis olim etiam piaerum sodalitates, seu confraternitates adnumeratae sunt; postea in provinciis Aultriacis abrogatae, atque in unam confraternitatem, quae efficacis erga proximum charitatis nomen gerit, cumque instituto pauperum conjuncta est, transmutatae. Bona sodalitatum partim instituto pauperum, partim fundo scholarum elementarium destinatae sunt ita tamen, ut quae bonis his adnexae erant foundationes, millarum, aliarumque pietatis operum, praescripto cultus divini ordini non adversantium, in posterum etiam essent adimplendae. 9. Aug. 1783. Quamobrem pecuniae foundationibus hisce destinatae fundo religionis ea lege addictae sunt, ut is perpetuo foundationum adimplendarum curam gerat. Quae autem duntaxat pro arbitrio sodalium aut secundum statuta sodalitates absque ulla foundatione ad hujusmodi pia opera impendi antea solebant, item pecuniae foundationum, quibus fundatae erant functiones ordini cultus divini praescripto adversae, fundis pauperum, et scholarum sunt adjunctae. Fundo religio-

nis obvenerunt etiam pecuniae, ad sustentationem sacerdotis sodalitati praepositi fundatae; quod si vero sacerdos talis absque fundatione ex proventibus sodalitatis liberis sustentabatur, onus istud sustentationis, sublatâ sodalitate, vel illico, vel si is canonicè institutus erat, eo defuncto desit, ac pecunia sustentationi destinata pauperum, scholarumque fundis accessit. 12. Jun. 1788.

§. 231.

Bona ex sublatis religiosorum collegiis et monasteriis acquisita ad fundum religionis in quâvis provinciâ creandum destinata sunt, cujus redditus universi, detractis, quae religiosi professis assignata sunt, stipendiis annuis (*Pensionen*) ad adjuvanda instituta bonum religionis concernentia impenduntur. 28. Febr. 1782. His accesserunt bona ecclesiarum pro usu publico clausarum, beneficiorum simplicium suppressorum, pecuniae fundatae sodalitatum, (§. 230.) fructus, quos vocant, intercalares beneficiorum vacantium, (§. 99.) denique tributum singulare clero impositum, (*Religionsfonds - oder geistliche Anshülfssteuer*) quod tamen hodie non nisi collegia regularium facultatibus sufficientibus instructa, item episcopi, quorum proventus annui duodecim millia, et archiepiscopi, quorum proventus octodecim millia florenorum superant, praestare tenentur. 28. Jun. 1794. *) Administratio fundi religionis in quâvis provinciâ regimini provinciali commissa est; episcopis vero inspectio rationum concedenda, config-

natioque pensionum ac salariorum suis in dioecibus assignatorum pro notitiâ ipsorum communicanda. 17. Mart. 1791. Quidquid fundis religionis provincialibus residuum est, ad fundum centalem Viennae erectum (Central-Casse) transfertur, indeque provinciis pro indigentia subvenitur. 20. Dec. 1794. **)

*) Fundus iste centralis decr. 24. Jul. 1802 rursus sublatus est. In regno Bohemiae etiam cassa salis, profecta ex certis redditibus salinis, ecclesiae Bohemicae in compensationem bonorum ecclesiasticorum, quae temporibus turbulentis distracta erant, vi conventionis Ferdinandi II. Imp. cum Urbano VIII. Pont. de ann. 1630 concessis, fundo religionis adiecta est. Vid. Gustermann. 2. Tom. §. 407.

**) In Hungaria quoque adest fundus religionis, unde praesertim inopiae parochorum succurritur, ex cassa parochorum pristina erectus, cui deinde bona monasteriorum abolitorum, ac beneficiorum simplicium suppressorum, item fructus intercalares etc. accesserunt. Praeterea episcopi Hungariae certam pecuniae summam, quae litteris regiae nominationis inferi solet, annuatim contribuunt.

Articulus secundus.

De bonis, ac redditibus clericorum.

§. 232.

Oblationes. Oblationes, seu dona fidelium, antiquissima reddituum ecclesiasticorum species, primis ecclesiae temporibus vel occasione con-

ventuum sacrorum omni septimanâ aut mense, vel occurrentibus peculiaribus ecclesiae necessitatibus extra ordinem dari consueverunt. Constabant partim pecuniâ, in cistam ecclesiae reponi solitâ, uti testantur Tertulianus et Justinus in apologiis, partim rebus naturalibus, pane potissimum et vino ad usum divini sacrificii destinato; iisque tum sustentando clero, tum fratrum inopiae subventum est. Inde dona fidelium hodie ad sustentationem cleri conferri solita, nominatim oblationes in ecclesiâ, (Opfer) missarum stipendia, jura stolae, et collectae (Sammlungen) originem ducunt.

§. 233.

Oblationes hodiernae in ecclesiâ (Opfer) illius sunt, cui ex mente offerentium sunt destinatae. Quodsi mens offerentium neque expresse declaratur, neque ex communi loci consuetudine comperitur, parochus loci iustum habet titulum illas sibi vindicandi. Can. 13. Cauf. X. qu. 1. In Austria distinguere oportet eas oblationes, quae circumundo altare dari solent, (bey Opfergängen) deinde in gazophilaciis ecclesiarum, (Opferstöcken) repositas, denique quae in cistulis, (Sammlungsbüchse) vel sacculis sonantibus, (Klingelbeutel) per ecclesiam circumferri solitis colliguntur. Primi generis oblationes parochi sunt, nisi alia obtineat consuetudo, aut de mente offerentium contrariâ manifesto constet. 9. Sept. 1783. Hujusmodi autem processio offerentium circum altare (Opfer-

Oblationes hodiernae in ecclesiâ.

gang) non nisi diebus dominicis ante sacrum solemne permittitur, in eaque neque ordo quidam dignitatis servandus, neque cerei accendendi sunt. Offerre in ecclesia non nisi nummos licet; res naturales, si adferuntur, in aedibus parochi vel aeditui, prouti aut illi aut huic destinantur, deponendae sunt; nummi vero non super altare, sed in pyxidem ad latus ejus locandam ponendi. Occasione nuptiarum, baptismatis, aut exequiarum omnes ejusmodi offerentium processiones interdictae sunt. 24. Jun. 1785. Pecunia in gazophylaciis reposita instituto pauperum adjudicata est; quocirca in singulis ecclesiis gazophylacium ejusmodi cum inscriptione: pro pauperibus, adesse debet, neque aliud quodcunque ibidem haberi permittitur. 24. Jun. 1785. Neque in viis publicis aut coemeteriis cistas ad oblationes recipiendas poni licet. 16. Jun. 1785. Quae cistulis aut sacculis sonantibus per ecclesiam circumferri solitis colliguntur oblationes, cedunt ecclesiae; collectiones vero hujusmodi neque sub concione, neque intra missam, sed duntaxat ante concionem fiant necesse est. 24. Jun. 1805.

. §. 234.

Stipendia In locum panis et vini ad divini sacrificii usum olim oblatis, cujus reliquiae partim horum oratorum obvenerunt, partim tanquam panis fago, et notio, eulogiarum nomine notus iis, qui sacramentum eucharistiae non susceperant, distributae sunt, paulatim mos offerendi pecunias successit, quae primum ecclesiae gene-

ratim, successu vero temporis sacerdoti celebranti adjudicabantur, qui propterea pecuniam quoque missae applicationem ad mentem offerentium faceret. Haec origo est stipendiorum missarum nostris temporibus usitatorum, quae partim tanquam surrogatum oblato olim panis et vini, quo offerens singulari quodam modo sacrificii missae participes fieri intendit, partim tanquam elemosyna ad sustentationem sacerdotum collata considerari debent. Specialis vero missae applicatio, cujus usus ex antiqua ecclesiae disciplina eatenus derivatur, quatenus ibi nomina offerentium publice per diaconum denunciari solebant, in peculiari sacerdotis intercessione reponitur, qua is, pro omnibus quidem fidelibus vivis et defunctis sacrificium celebrans, speciatim tamen pro offerente supplicat. *)

*) Vid. Diss. de usu stipendiorum missae in *Der theolog. Monatschrift*. 2. Jahrg. 2. Bd.

§. 235.

Circa usum stipendiorum missae sequentes observandae sunt regulae: 1) Sacerdos ratione stipendium accipiens ex iustitia ad applicationem ab offerente petitam obligatur. 2) Neque unica missa plurium missarum obligationibus satisfacere potest, sed tot celebrare debet missas, quot stipendia accepit. 3) In accipiendis missarum stipendiis sollicitè evitanda sunt, quaecunque simoniam, turpem quaestum, aut inhonestam negotiationem sapiunt. Conc. Trid. sess. 22. de observ. et evit. in ce-

lebr. miss. 4) Eà de causà in plerisque locis certa stipendii summa lege statuta est, ut nimirum inhonestae negotiationes arceantur; neque istà majorem stipulari unquam licet, neque minorem acceptando stipendia veluti auktionis more colligere. 5) Similiter vetitum est, obligationes missarum reservatà sibi quàdam stipendii consueti parte in alios sacerdotes transferre, aut ea in loca mittere, ubi minor stipendii summa introducta est. 6) Vetitum quoque per nostras constitutiones est, stipendia missarum in exteris provincias mittere. 3. Mart. 1781. 7) Missarum stipendia legata, quando testator neque ecclesiam neque sacerdotem nominavit, parochus loci, ubi testator defunctus est, modo parochus ipse cum cooperantibus suis satisfacere iisdem possit, adjudicantur. 10. Apr. 1788.

§. 236.

Jura stolae. Ministri religionis occasione functionum sacrarum sponte oblata recipere nunquam prohibiti sunt. Dona haec progressu temporis in consuetudinem abierunt, nomine laudabilium consuetudinum, aut jurium stolae insignita, quibus deinceps editis propriis legibus (*Stolordnungen*) modus positus est. Inde factum est, ut parochus hodie jure proprie tali gaudeat, jura stolae legibus designata non quidem ut mercedem pro functionibus sacris, sed ut adjumentum sustentationis suae exigendi. Legem stolae transgredi nunquam licet. In arbitrio cuiusque positum est, quam ex tribus funeris classibus in lege stolae con-

tentis eligere malit; pro minoribus tamen urbibus, oppidis, et pagis tertia solum classis praescripta est. Ubi stola antiqua minor fuit eà, quae novâ lege praescribitur, prior retinenda est. Si funus fiat in alienâ parochiâ, aut alium in locum ad sepulchrum gentilitium transferatur, jura stolae utrique parochi perfolvenda sunt. Pauperes, qui praeter exiguam suppellectilem vix quidquam relinquunt, et quorum inopiam magistratus attestatur, gratis sepeliri debent. Lex stolae pro Austr. sup. 20. Jan. 1783, Parochi singulis casibus pro stolâ solutâ apocham dare jubentur. 30. Mart. 1786. Stola in administratione baptismi olim consueta, item dona in excipiendis confessionibus; et providendis sacro viatico infirmis dari solita penitus abrogata sunt. Querelas exactionem stolae concernentes forum seculare communicatis cum episcopo consiliis componit. 17. Mart. 1791.

§. 237.

Oblationibus porro accensendae sunt *col-* *Collectae,*
lectae (*Sammlungen*) in pluribus parochiis usitatae, quae vel pecuniis, vel rebus naturalibus, sive fixis, sive indefinitis, constant, atque a parochianis domi suae parochi aut cooperantibus dari solent. Aliae voluntariae sunt, a libero parochianorum arbitrio pendentes, aliae necessariae, vi pacti, vel observantiae modo quodam definito elargiendae. Qui collectam recusantibus parochianis exigit, ostendere debet, sibi jus esse illam exigendi sive per pactum sive per praes-

scriptionem quaesitum. In parochiis et capellaniis localibus neoerectis collectae necessariae priori paroco cedunt, voluntariae ejus sunt, cui illas parochiani dare intendunt.

§. 258.

Decimae.

Proventibus cleri praeter oblationes potissimum adnumerantur decimae, quarum nomine venit pars fructuum decima, aut etiam minor, v. g. dimidia aut tertia decimae (halber Drittelzehent) ab eo, qui decimas dare tenetur, (Zehenthold) decimatori, qui jus eas exigendi habet, (Zehentherr) singulis plerumque annis praestanda. Decimarum usus in ecclesiâ christianâ cessantibus persecutionibus ad exemplum veteris testamenti, ubi sustentationi levitarum destinatae fuerant, invaluit, progressu temporis tum consuetudine vim legis obtinente, tum canonibus quorundam conciliorum, item capitularibus regum Francorum praescriptus est ita, ut secundum jus canonicum quivis parochus intra fines suae parochiae jus habeat fundatum decimas percipiendi. *)

*) Jus decimarum in Austria supra Onasum praecipue constitutione Ferdinanda de decimis dd. 12. Jul. 1641., in Austria vero infra Onasum tractatu de juribus incorporalibus in codicem Austriacum relato tit. 6. nititur; utramque legem hic loci fundamenti loco assumimus. Pro Gallicia occidentali exstat constitutio de decimis propria dd. 29. Jan. 1801.

In Austria praesumptio juris decimarum ex fundis decimandis paraeciae suae non est pro

parochio, sed uti quilibet alter illud probare tenetur. Vid. Guftermann. II. Tom. §. 390 — 404. In dubio, num certus quidam fundus decimationi subfit, praesumptio foret pro immunitate a decimis vel ex eo argumento, quia titulus juris decimarum non in legibus nostris fundatus est, sed in facto, quod probari debet. In genere apud nos non jus canon. commune basis creditur in causis decimarum; sed ex legibus patriis eae dijudicandae sunt, Vid. Guftermann loc. cit.

§. 239.

Decimae variae dividuntur: 1) in ec. Divisio decimarum. ecclesiasticas, quas ministri ecclesiae ratione muneris sacri percipiunt, et laicas, quae titulo profano sive laicis, sive clericis praestantur. Ambae vel origine tales sunt, vel ex post facto, ut ajunt, ecclesiasticae in laicales, aut laicales in ecclesiasticas transferunt. 2) In reales, quae de fructibus terrae, et animalium, et personales, quae de quaestu ex industria personae proveniente dari solent. Personales apud nos in usu non sunt. Reales partim sunt decimae praediales, (*Behent zu Feld*) de fructibus terrae, partim domesticae, (*Behent zu Dorf, oder Hausbehent*) de fructibus animalium, pullis, ovis, caseis etc. praestandae; decimae de pullis etiam carnaticae (*Blutbehent*) dici solent. 3) In majores, de frumento et vino, et minores, de aliis fructibus uti de oleribus, lino, et similibus; posterioribus etiam decimae domesticae adnumerantur. 4) In veteres, quae de agis a longo jam tempore semper cultis, et no-

vales, quae de agris novissime coli coeptis percipiuntur. 5) In decimas mergitum, quae de agro ipso colliguntur, (gehobener Feldzehent) et decimas granorum, quae in granis triturationis praestantur. (Sackzehent)

§. 240.

Cui jus decimandi competat.

Jus decimandi competit 1) ei, qui illud lege, privilegio, pacto, aut longaevâ possessione nactus est. In Austria laici aequè ac clerici juris hujus capaces sunt, modo illud iusto quocunque titulo aut praescriptione acquisiverint. Tract. de jur. incorp. tit. 6. §. 1. 2) Vi legis jus decimandi de jure communi ad parochum loci spectat, qui in dubio fundatam in jure intentionem, seu praesumptionem juris pro se habet. *) 3) Decimae praediales cedunt parochi, in cujus parochiâ praedium situm est, etiamsi possessor in aliâ parochiâ domicilium habeat. Interdum tamen experientiâ teste parochus in alienâ quoque parochiâ decimis fruitur, id quod partim ex singularibus foundationibus, partim ex erectione novarum parochiarum, aut mutatione limitum descendit. 4) Nihil obstat, quo minus plures etiam earumdem decimarum sive aequis partibus, sive inaequaliter participes esse possint; tumque collectis in manipulos fructibus decimatores omnes praemonendi sunt; quique eorum prior agrum adierit, partem suam, non expectato socio, capere potest. Const. Ferdinand. art. 14.

*) Secundum jus can. commune quidem, non item secundum jus canon. Austriacum. §. 238- In Hungariâ maxima pars decimarum episcopis cedit, exclusis parochis.

§. 241.

Onus decimarum fundo vel potius fructibus fundi adhaeret. Inde possessor fructuum fundi decimalis quiscunque, sive dominus sit, sive usufructuarius, sive conductor fundi, ad praestandas decimas tenetur. Mutato possessore fundi, cujus decimae adhuc debentur, distinguendum est, utrum decimae signatae, (*ausgesteckt*) adhucdum in agro, aut alio loco segregatae sint, necne, si primum, decimator jus habet, eas contra quemcunque possessorem vindicandi; si alterum, novus possessor decimas ab antecessore nedum solutas solvere non tenetur, nisi forte ut haeres prioris possessoris, successorque universalis in omnia ejusdem jura ac onera successerit; proinde nonnisi actio personalis in priorem possessorem decimatori competit. Ceterum constitutio Ferdinanda art. 17. ejusmodi decimis restantibus jus praecedentiae prae aliis debitis adtribuit.

Quis teneatur decimas praestare.

§. 242.

Decimae in regulâ praestandae sunt de omnibus omnino fructibus, ex fundo decimali provenientiibus, nisi forte quaedam fructuum genera per singularem consuetudinem vel conventionem sint exempta. Itaque 1) et de fructibus in agro quiescente (*Brach-*

Unde decimae praestandae sint.

feld) plantatis, tract. de jur. incorp. l. c. §. 4., et de iis, qui messe peractâ eodem anno plantantur, (Nachgebäu) const. Ferdin, art. 4. dandae sunt. Herbae tamen pabulares (Futterkräuter) in agris quiescentibus plantatae lege nostrâ a decimis eximuntur. 17. Apr. 1784. 2) De agris incultis decimas exigere non licet; si quis tamen vel negligentia, vel consulto in damnum decimatoris agros quosdam incultos relinqueret, a magistratu ad eosdem excolendos compellendus esset. Tract. de jur. incorp. §. 11. 3) Horti domestici antiquitus tales (alte Hausgärten) immunes sunt a decimis. Ibid. §. 4. Quodsi horti veteris loco alius constituatur, novus in locum veteris, quatenus ejusdem est amplitudinis, quoad immunitatem a decimis succedit. Const. Ferdin. art. 2. 4) Agro decimali in pratum converso decimae foeni praestandae sunt, nisi forte ager ejusmodi olim jam pratum fuisset a decimis immune. Tract. de j. i. §. 11. Const. Ferd. art. 5. 5) Similiter agro in vineam converso decimae vini, et vicissim vineâ in agrum conversâ decimae frumenti dandae sunt. Tract. de j. i. §. 22. 6) Quoad decimas minores praesertim domesticas observantia cuiuslibet loci specialis tenenda est. Const. Ferd. art. 10.

§. 243.

Modus tollendi decimas.

Quod modum tollendi decimas attinet, sequentia respectu decimarum frumenti praescripta sunt: 1) Quam primum fructus agri in manipulos (Mandel) collecti

sunt, decimatori id denunciandum est. 2) Facta denunciatione decimator intra 24. horas tenetur decimas signare (ausstecken); 3) alioquin decimandus (Zehenthold) jus habet curandi, ut decimae a iudice loci, virisque iurejurando obstrictis (Richter und Geschwornen) signentur, ac frumentum suum, relictis decimis, avehendi. 4) Decimatori decimas signanti liberum est, a quo velit acervo (Mandel) aut serie (Mahl oder Schober) numerandi initium facere. 12. Dec. 1786. Juxta constit. Ferdinand. art. 14. decimator intra quinque dies a die factae denunciationis agrum fructibus vacuum reddere tenetur, neque licet possessori intra hoc tempus pecora pastus caussa in agrum educere. Decimae vini in vineis (Weischweise) describuntur, et prout consuetudo cujusvis loci per 32. annos obtinet, exiguntur; inspectio cellae non permittitur, nisi decimator jus tale possessione quietata 32. annorum acquisiverit. Tract. de j. i. §. 8. Ceterum decimae reales praestandae sunt non deductis impensis sive in culturam sive alias necessariis. Ibid. §. 14. Const. Ferd. art. 17. Decimator vero suis sumptibus decimas horreo infert, nisi alicubi antiquus obtinuerit mos, ut possessor agri decimas vehere teneretur. Tr. de j. i. §. 9.

§. 244.

Modus percipiendi decimas originarius Redemptio, inque ipsa natura juris decimandi fundatus in et locatio eo positus est, ut de agro tollantur. Modus decimarum, extraordinarius est vel redemptio perpetua,

vel elocatio. Redemptio perpetua conventionem aut praescriptionem nititur, in eoque consistit, ut decimarum loco aut certa quantitas granorum, (*Sackzehent*) aut certa pecuniae summa, (*Geldzehent*) in perpetuum solvatur. Eodem modo locari possunt decimae vel pro frumento, vel pro pecuniâ, in unum aut plures annos, vel ipsis possessoribus agrorum, vel aliis. Et si vero longissimo tempore possessoribus agrorum locatae fuissent, nil tamen obstat, quo minus decimator renunciata locatione eas rursus exigere possit, eo quod locatio, conductio titulus ad transferendum dominium habilis non est, qui ad praescriptionem requiritur. Tract. de j. i. §. 10. Legibus nostris tenetur decimas elocans eas prae ceteris ipsis agrorum possessoribus offerre. Quod si cum istis de pretio aut conditionibus convenire nequeat, potestatem quidem habet, decimas alteri locandi; possessoribus tamen agrorum decimalium, siquidem idem pretium dare parati sint, sique tota communitas de solvendo pretio caveat, jus retractus vindicatur, sive locatio per auctionem sive sine auctione fiat, iisdem competens. 7. Jul. 1796. Simile decretum exstat pro Galliciâ orientali dd. 18. Jul. 1796.

§. 245.

Decimae
novalis. Agri novalis, (*Neubrücke, Neuge-
reute*) vocantur agri noviter culti, quos unquam cultos fuisse hominum non exstat memoria. Hi si e fundis decumanis efficiuntur, id est, si ager novalis pars est praedii illius,

ex quo decimae debentur, vel tota regio decimis obnoxia est, initio quidem certum intra tempus liberi sunt a praestandis decimis, posthac vero decimationi subjacent; decimaeque istae illius sunt, qui in reliquis praedii agris, aut generatim in illâ regione jure decimandi gaudet. Ager vero novalis in praedio a decimis praestandis penitus libero ab iisdem pariter immunis est. Tract. de j. i. §. 5. Const. Ferd. art. 6. *)

*) Pro Galliciâ occidentali peculiaris exstat lex dd. 10. Sept. 1801. libertatem agrorum novalium a decimis concernens.

§. 246.

Immunitas agrorum novalium Immunitas agrorum a decimis in Constit. Ferdin. art. 6. generatim ad unicum annum restringitur; juxta tract. de j. i. §. 5. agri per 5. vineae per 8. decimis annos immunes sunt; fundi vero, qui cum longiori abhinc tempore inculti essent, nunc de novo ad culturam rediguntur, (Ausbrüche) siquidem decem saltem annis inculti erant, agri tribus, vineae sex annis a decimis exemptuntur. Litterae patentes pro Austr. infer. dd. 17. Apr. 1784. triplex fundorum ejusmodi incultorum genus distinguunt: a) primi generis sunt, qui jam ante confectam anno 1750, ut ajunt, rectificationem inculti erant; b) secundi generis, qui postea possessore destituti culturâ carebant, domino directo relictî, qui hactenus tributa inde solvere debebat; c) tertii generis, qui a subditis quidem,

etiam tributa inde praestantibus, possidentur, attamen inculti relinquuntur. Primi generis fundi, si frugiferi reddantur, per viginti annos, secundi generis, si saltem decem annis inculti erant, per decem annos a solvendis decimis immunes sunt; tertii generis fundi immunitate ejusmodi prorsus non fruuntur. Qui pascua communia ita colunt, ut fructus ferant, per triginta annos a decimis liberantur,

§. 247.

Quomodo
jus decima-
rum extin-
guatur.

Jus decimationis extinguitur, ac liber-
tas a solvendis decimis acquiritur: 1) per
privilegium principis; quale illud est,
quod agros novales eximit; b) per pacta.
Decimator vero ecclesiasticus pro se quidem
usui juris sui renunciare, nequaquam tamen
successoribus per pactum tale, utpote aliena-
tionis speciem continens, praejudicare potest
nisi consensus superioris legitimi accesserit.
(§. 226. 227.) c) Per praescriptionem,
et observantiam. Cum jus decimationis
ex naturâ suâ secundum leges nostras bonum
ecclesiasticum non sit, tractatus de jur. incorp.
§. 3 et 10. ad praescriptionem, quâ jus istud
extinguatur, consuetum duntaxat tempus
32. annorum requirit, ut nimirum decimae,
siquidem tanto temporis spatio de agris sem-
per cultis praestitae non sint, deinceps non
debeantur, additâ tamen exceptione, ne ne-
gligentia conductoris, aut vasalli proprietario,
aut domino directo officiat. Attamen si osten-
di posset in casu peculiari, jus decimationis,
de quo agitur, vere boni ecclesiastici indo-

lem habere, sine dubio praescriptioni illius alio modo, nisi intuitu bonorum ecclesiasticorum praescripto, (§. 229.) locus esse non posset. *)

*) Jus decimarum competens ecclesiae vel beneficio juxta §. 1485. nov. cod. civ. non nisi spatium 40 annorum; jus vero decimarum personis aliis competens juxta §. 1479. spatium 30 annorum extinguere potest. Vid. annot. ad §. 229. h. o.

§. 248.

Proventibus clericalibus etiam tributa Tributa clericis imposita. Et 1) quidem clericus aequae, riciis impositae cives alii, tributa communia tum ordinata tum extraordinaria praestare tenetur; etenim tempore rectificationis, quam vocant, clerici laicis per omnia exaequati sunt, praeterquam quod portio congrua immunis sit relicta. 2) Bonis ecclesiasticis tributum speciale ad impensas munitionum contra Turcas destinatum, quod subsidium ecclesiasticum fortificatorium (*Fortifikations- oder Dezimationssteuer*) vocatur, impositum est. 3) Item summa annua aequivalens tributo ex haereditatibus pendendo (*geistliche Erbsteuer*.) 14. Jun. 1764. Decr. de tribut. ex haered. pend. 15. Oct. 1810. §. 57. 4) Qui beneficium patronatus principis adepti sunt, taxae secundum redditus beneficii dime-tiendas solvere tenentur. *) Ceterum quae olim episcopis persolvenda erant, nominatim cathedratica, abrogata sunt, 16. Jul. 1783, exceptis solum procurationibus, quo ne-

mine venit hospitium cum victu congruo visitanti episcopo praestandum, (I. §. 195.) et alumnicum. (§. 7.)

*) Quodsi parochus morte praeventus nondum per trimestre beneficio fructus fuerit, ab omni taxa immunitatis erit. Sin ultra trimestre, nec tamen per annum integrum beneficium possederit, nonnisi tertia pars praestanda est, remissis duabus tertiis. Haec tamen remissio non obtinet, si quis beneficium pinguius obtinuerit. 28. Febr. 1788.

§. 249.

Congrua pastorum animarum, salutarum, satisfactio. Summa proventuum pastori animarum ad convenientem vitae sustentationem necessaria portio congrua dicitur. Hanc leges nostrae clericis adeo certam reddunt, ut quod ipsis desit, ex fundo religionis expleatur, nisi forte alius quisquam ad sustentandum clericum sit obligatus, 24. Oct. 1783., utque nec ob aes alienum executioni judiciali subijci possit. (§. 36.) Congruae loco in rectificatione pro parochis summa 300., pro cooperantibus 150. florenorum definita est, subsecutis etiam temporibus quoad parochias antiquas retenta, quae tamen nostrae aetati ob aucta adeo rerum pretia minime convenit. Qui expletionem congruae petit, redditus beneficii sui per satisfactionem, quam vocant, probare tenetur, ubi tum universi proventus legitimi, omissis voluntariis oblationibus, donis gratuitis, missarumque stipendiis, (22. Maj. 1798) tum impensae beneficio inhaerentes, quaeque ad curationem et illationem frue-

tuum necessariae sunt; consignari debent; iis, quae mutationi subsunt, facta plurium annorum computatione secundum mediam aestimationem acceptis. Similes fassiones secundum edicta dd. 5. Oct. 1782, et 2. Mart. 1790 ab universo clero in formâ praescriptâ conficiendae et porrigendae fuerunt. Peculiarem instructionem, quâ ratione fassiones, quae ad taxas parochiales dimetiendas pertinent, conficiendae sint, decretum aulicum dd. 1. Jul. 1800 continet. *)

*) Ut reditus beneficiorum ecclesiasticorum in tuto ponantur, cautum est rescripto caesareo pro Bohemiâ edito dd. 17. Oct. 1796, ut configurationes reddituum genuinae ac integrae de universis beneficiis conficiantur; quodvis reddituum genus adjectis instrumentis probantibus confirmetur, ista vero, ubi desint, debito modo procurentur, resque controversae cognitione ac sententiâ iudicis definiantur. Configurationum istarum exemplum unum ab ipso beneficiario, alterum a consistorio episcopali, tertium a regimine provinciae adservetur.

§. 250.

Sustentationi sacerdotum, qui senii vel morbi causa ad curam animarum inhabiles fiunt, quos deficientes vocamus, sequenti modo prospectum est: 1) Ante obtentum aliquod beneficium inhabiles facti sustentandi sunt ab eo, qui titulum mensae iisdem contulit. (§. 13.) 2) Qui titulo mensae ex fundo religionis instructi sunt, consuetam pensionem annuam 200. florenorum ex eodem fundo percipiunt. (§. 14.) 3) Idem pro capel- Sustentatio deficientium

lanis localibus statutum est. 15. Mart. 1792. 4) Praeterea deficientibus liberum relinquitur, in collegio quodam religioso aut monasterio, si velint, habitatione gratuita frui. 24. Oct. 1783. 5) Clerici sive seculares sive regulares, qui delirio laborant, nosocomio fratrum misericordiae traduntur. 3. Mart. 1783. 6) Ad obtinendam deficientium pensionem testimonium medici, vel si malum corporis chirurgicam opem postulat, chirurgi requiritur, fidem faciens, supplicentem non ex parte, sed universim ad curam animarum, idque perpetuo inhabilem esse; quoties pensio talis petitur, sententia ordinarii exquirenda est, et concessio aulae imploranda. 6. Jul. 1785. Porro diligenter inquirendum, utrum testimonium medici vel chirurgi veritate nitatur, nec nisi urgente necessitate, neque ullius, nisi bonis moribus praediti, ac de cura animarum bene meriti petitioni annuendum. 26. Dec. 1788. 7) Iis, qui nonnisi ad aliquod tempus, aut ad solas functiones molestiores inhabiles sunt, vel per subsidium ab aliis clericis interea praestandum, vel per translationem in alium locum conditioni illorum magis convenientem subveniendum est. 26. Dec. 1788. 15. Mart. 1792.

§. 251.

Nominatim
parochorum
inhabiliū.

Quod autem parochos inhabiles attinet, decretum supra memoratum dd. 15. Mart. 1792. sequentia praescribit: 1) Nemo parochorum senii aut debilitatis causa a beneficio suo amoveri potest, sed ei, qui ad omnia be-

beneficii parochialis munia in perpetuum inhabilis est, provisor parochiae adjungendus est, qui dimidia reddituum beneficii parte fruatur. Congrua tamen portio 300. florenorum parochi salva maneat, subductaque hac summâ beneficium adhuc redditus annuos saltem totidem florenorum ferat necesse est. 2) Quod si redditus beneficii non sufficiant, parochi inhabili sacerdos solum subsidiarius, non provisor parochialis, adjungatur oportet, in cujus sustentationem, quidquid de fructibus beneficii portionem congruam excedit, impendendum, quod deest, ex fundo religionis complendum est. *) 3) Inhabilitas modo supra memorato, (§. 250.) plene probari debet. 4) Parochus non ad omnia sed ad aliqua solum munera, neque perpetuo, sed ad aliquod solum tempus inhabilis redditus, aut ad aliam parochiam transferendus est, (§. 122.) aut per sacerdotem subsidiarium temporarium adjuvandus. 5) Si translatio fieri non potest, sacerdos subsidiarius eidem constituendus est, cujus sustentatio modo supra exposito definiatur. 6) Quoties de eo agitur, ut ex fundo religionis pro sacerdote subsidiario quidquam praestandum sit, consensus aulae impetrandus est.

*) Recentiori tamen decreto dd. 9. Febr. 1807, statutum est, ut si cui parochi ob infirmitatem vel senium sacerdos subsidiarius adjungendus sit, ad ejusdem sustentationem de redditibus parochialibus tunc demum quidquam detrahi possit, cum summam annuam 500. florenorum excedant; ceterum autem ubi ob indigentias locales necessarium visum fuerit, ut numerus pastorum animarum alicubi augeatur,

circa sustentationem novi cooperatoris id servetur, quod hactenus praescriptum erat.

§. 252.

Obligatio- Perceptioni reddituum ecclesiasticorum
 nes percep- duplex inhaeret obligatio, 1) residendi,
 tioni redi- officiumque sacrum redivisus hisce annexum
 tuum eccle- praestandi, (§. 68.) eo quod certe tum fun-
 siasticorum datorum, tum ecclesiae aequae, ac reipublicae
 coinhaeren- ea mens fuerit, ut redditus istos non nisi intuitu
 tes. ac sub conditione explendi ministerii sacri
 clericis assignarent; 2) quidquid deductis sum-
 tibus ad honestam vitae sustentationem neces-
 sariis de fructibus beneficii superest, in pios
 usus, ac praecipue in bonum pauperum im-
 pendendum. Officium hoc obligatio est ju-
 stitiae proprie talis cum obligatione restitu-
 endi conjuncta; nititur enim naturam bonorum
 ecclesiasticorum, quae non solum in susten-
 tationem cleri, sed inopum etiam origine te-
 nus pertinebant, deinde voluntate fundato-
 rum seu expressa seu tacita, denique expres-
 sis ecclesiae praeceptis nulli dubitationi ob-
 noxiis. *)

*) Vid. de naturam et fine bonorum ecclesiasticorum juxta praxim et canones antiquae ecclesiae in *der theol. Monatschrift* 2. Jahrgang 3. Band.

§. 253.

Testamenta Inde factum est, ut possessores beneficio-
 clericorum. rum ecclesiasticorum de facultatibus ex iisdem
 acquisitis testandi potestatem olim non ha-

berent, utque subsecutis temporibus istiusmodi testandi potestas ad pias solum causas restricta fuerit. Verum hodie testamenta clericorum omnia pro foro externo, (quod tamen conscientias tutas non reddit,) valida censentur propterea, quod difficile saepe sit, partim facultates ex redditibus ecclesiasticis acquisitas a bonis patrimonialibus discernere, partim certum ferre iudicium, an dispositio a testatore facta pro pia haberi possit. Leges igitur Austriacae liberam testandi potestatem clero seculari diserte concesserunt, quia opus sit, ut testamenta ab episcopo, quod antea moris erat, confirmentur. 18. Jul. 1772. 14. Febr. 1783. *)

*) Secundum conventionem Collonicianam praelatis Hungariae nonnisi de tertia parte bonorum mobilium testari licet; una tertia ad erectionem seminarii, aut meliorem parochorum sustentationem, aut fabricam ecclesiae impendenda est; altera cedit fisco pro confiniis, sumtibusque munitionis castrorum. Solent tamen praelati singuli specialem libere testandi facultatem a rege implorare ac impetrare. Si ab intestato decesserint, una tertia propinquis, altera fundo seminarii, vel sustentationis parochorum, vel fabricae ecclesiae, altera fisco obvenit.

§. 254.

Clerico ab intestato vitâ functo, de Successio
jure communi in bona ex redditibus ecclesiasti- haereditaria
cis acquisita succedit ecclesia, cui deservit. in bona cle-
Juxta leges nostras 1) haereditas clerici inte- ricorum.
stati, sine discrimine bonorum patrimonialia-

lium, et eorum, quae ex redditibus ecclesiasticis proveniunt, in tres partes dividitur, quarum una pauperibus, altera ecclesiae, siquidem ecclesiae cuidam deservit, tertia proximis consanguineis obtingit. 2) Consanguinei valde egentes portionem quoque pauperum, proinde duas tertias e bonis relictis obtinent. 3) Successio haereditaria consanguineorum juxta communem successionis ordinem definienda est. Ubi vero non adsunt consanguinei, portio illorum fisco cedit. 18. Jul. 1772, vid. §§. 727 — 761 nov. cod. civ. 4) Portiones tum pauperibus tum ecclesiae destinatae pauperibus et ecclesiae illius loci adtribuendae sunt, ubi defunctus supremo vitae tempore munere sacro functus est, licet alio in loco sive quiescentem vitam agens, sive aliam ob causam obierit. 5) Ubi inter proximos consanguineos alii facultatibus sufficientibus praediti sunt, alii inopes, portio pauperum posterioribus solis obvenit. 16. Apr. 1799. 6) Quodsi defunctus nulli ecclesiae deservit, consanguinei duas tertias, unam vero pauperes capiunt. 7. Maj. 1789. 16. Apr. 1799 (pro Gallic. occid. 17. Oct. 1799.) Decreto recentiori publ. 20. Oct. 1807 declaratur: a) ordinem hunc successionis haereditariae obtinere intuitu sacerdotum omnium, non solum e clero seculari, verum etiam religiosorum ex abolitis monasteriis, item illorum, qui vel juxta rescriptum caesareum dd. 25. Mart. 1802 omni vitae tempore, non reservatâ regressus ad monasterium libertate, in curâ animarum perseverare se velle professi sunt, vel officio professoris publici cum facul-

tate testandi funguntur. b) Haereditas illorum, qui beneficium quoddam curatum aut simplex in perpetuum obtinuerant ita, ut praeter resignationem liberam, aut latam ob delictum perpetratum privationis sententiam, amoveri inde non possent, in tres partes dividitur, quarum una ecclesiae, altera pauperibus, tertia propinquis cedit. Huc pertinent episcopi, capellani locales, licet ab alio parrocho pendentes, modo in perpetuum constituti sint, beneficiati, chori vicarii, et capellani fundati ad praesentationem patroni instituti. c) Quod vero illos attinet, quibus officium sacrum non in perpetuum erat concessum, sed ita, ut ad nutum essent amovibiles, pars tertia haereditatis pauperibus, duae tertiae propinquis adjudicantur. His adnumerantur cooperatores, provifores, et administratores temporarii, presbyteri munere profano functi, nisi antea priori sacerdotum classi adscripti fuissent, sacerdotes subsidiarii, iique, qui missarum stipendiis victum quaerunt. d) Pars tertia ecclesiae obtingens eo casu, quo defunctus servit ecclesiae, cui filialis alteri patrono advocatoque subjecta adscripta est, inter ecclesias istas servatà proportionem ad numerum animarum ad utramque spectantium dividenda est. 3) Pars tertia obveniens pauperibus instituto pauperum ejusdem loci cedit, sique in ecclesià filiali institutum peculiare existat, eadem ratione dividitur.

§. 255.

Divisio haereditatis (Verlassen- Quid in dis-
schafts = Abhandlung) clericorum iudicio provisione hae-

reditatis servandum sit, vinciali nobilium competit; (§. 30.) quod tamen iudices inferiores proximos ad observationem, descriptionem bonorum, auctionem etc. delegare solet. Hoc porro in negotio sequentia observanda veniunt: 1) Quotiescunque vi legis portio bonorum relictorum ecclesiae obvenit, iudex curare debet, ut haeredes, quod justum est, ecclesiae persolvant, obortâ vero lite vel dubitatione vice ecclesiae patronus causae constituendus est. 8. Oct. 1784. 2) Item curare debet, ut bona beneficii a bonis defuncti patrimonialibus diligenter separantur; liberumque est patrono ecclesiae, huic negotio, si velit, per mandatarium interesse. 1. Maj. 1786. 3) In observatione, et confectione inventarii commissarius episcopi, decanus scilicet, advocandus est, qui libros scriptaque curam animarum concernentia erga apocham recipiat, quin tamen taxae aut praestationes diurnas (*Diäten*) capiat, aut haeredibus nimis itineris sumptibus molestus fiat. 7. Maj. 1785. Id quod etiam defuncto capellano; aut quocunque alio sacerdote in curâ animarum constituto observandum est. 17. Mart. 1797. 4) Similiter vocandi sunt decani, quando post obitum parochi, quae in aedibus reparanda sint, inquiruntur, et aestimantur. 7. Jan. 1797. 5) Jus, quod vocant, spolii, vi cuius episcopi bona mobilia clericorum defunctorum sibi vindicabant, 17. Jul. 1773, item portio canonica de bonis clericorum relictis defuncta, episcopisque attributa, 14. Febr. 6. Oct. 1783, nec minus consuetudo, quâ decanis pileus, baculus, et breviarium vindicabatur, 16. Jul. 1785 abo-

lita est. 6) Testamenta clericorum quatenus
 pias dispositiones continent, sique ab intestato
 decesserint, sententia judicialis de dividendâ
 haereditate (*Abhandlungsausschlag*) cum epi-
 scopo pro notitiâ communicari debet. 7. Apr.
 1805.

Articulus tertius.

De bonis ac redditibus ecclesiarum.

§. 256.

Bona clericorum a bonis ecclesia-
 rum, seu aedium sacrarum, prioribus ec-
 clesiae temporibus segregata non erant. Pro-
 ventus ecclesiastici universi cujusvis dioecesis
 unam veluti massam conficiebant, ab episco-
 po administrabantur, atque ad sustentationem
 tum sui ipsius, tum cleri sibi subjecti, dein
 ad conservandam fabricam ecclesiae, denique
 ad sublevandos pauperes impendebantur. Quin
 et post erectionem beneficiorum, cum bona
 ecclesiarum particularium rectoribus earundem
 et administranda et adhibenda tradita essent,
 bona tamen beneficii ecclesiaeque primum
 indivisa erant, eademque. Paulatim vero
 ecclesiae, adsignatis redditibus propriis, v. g.
 de oblationibus quibusdam, stola funerum,
 foundationibus specialibus, donis, legatisque,
 proprias adeptae sunt facultates a bonis be-
 neficii sejunctas, quas *peculium ecclesiae*
 (*Kirchenvermögen*) in sensu strictiore vocare

Peculium
 ecclesiae.

licet, in regulâ ad solos sumtus aedificii, ac supellectilis sacrae sustinendos destinatum.

§. 257.

Administra- Administratio peculii ecclesiae legibus
tio ejusdem. nostris vitricis ecclesiae, quos vocant,
Vitrici ec- seu curatoribus inferioribus (Kirchenväter.
clesiae, Zechprübste) incumbit, quorum est, duce ac
inspectore parochio advocatoque, tum proven-
tus, tum impensas curare, earumque rationes
reddere. Non incommode ecclesiae pupillis,
vitrici tutoribus, parochi, advocatique judici
pupillari adsimilari possunt. Pro singulis ec-
clesiis vitrici duo constituantur necesse est,
qui sint viri honesti, bene morati, neque om-
nino opibus destituti, e populo parochiano
eligendi. Adsumuntur ad tres annos, nisi
ipsi diutius munere suo fungi velint, neque
ullum stipendium annuum percipiunt. 15.
Febr. 1752. *) Eliguntur communi parochi,
et advocati consensu, auditâ tamen prius sen-
tentiâ populi parochiani. Tract. de j. i. tit.
2. §. 6.

*) Praefatae litterae patentes dd. 15. Febr. 1752
pro Austria superiore editae iisdem pene ver-
bis sub dato 8. Dec. 1759 pro Austria infe-
riore publicatae sunt. Pro regno Bohemiae
speciale exstat decretum de modo administran-
di peculium ecclesiae dd. 2. Sept. 1800. Si-
milis norma pro regno Hungariae praescripta
est edicto regio dd. 3. Febr. 1781. Conspec-
tus brevis legum caesarearum, quae admini-
strationem peculii ecclesiae concernunt, exhi-
betur in der theol. Monatschrift 1. Jahrg. 3.
Bd. S. 69.

§. 258.

Ad parochum seu rectorem ecclesiae Parochus.
 spirituales pertinet, unâ cum advocato ad- Episcopus.
 ministracionis peculii ecclesiae curam gerere.
 Neque ipsi licet hoc in negotio quidquam,
 quod gravioris sit momenti, inconsulto ad-
 vocato agere, neque advocato, consilium ejus-
 dem praetermittere; omnia communicatis
 consiliis fiant oportet. Quocirca tenetur dam-
 num peculio ecclesiae sive suâ ipsius culpâ
 sive nimîâ erga vitricum aut advocatum ec-
 clesiae indulgentiâ illatum praestare. Inde
 etiam advocatus ecclesiasticus quan-
 doque appellari solet, eoque nomine ab ad-
 vocato laicali discernitur. Munus istud advoca-
 tiae ecclesiasticae non vicariis temporaneis,
 sed rectoribus principalibus, inque parochiis
 collegio regularium incorporatis ipsi collegio
 proprium est. Episcopo jus inspectionis
 circa administracionem peculii ecclesiarum om-
 nium totius dioeceseos ex antiquâ ecclesiae
 disciplinâ competit. Quapropter legibus quo-
 que nostris eidem committitur, ut admini-
 stracionis peculii ecclesiarum dioecesanarum
 curam gerat, rationesque annuas inspiciat,
 jubenturque regimina provincialia, quoties
 de expensis ecclesiarum extraordinariis agitur,
 consilium episcopi dioecesani exquirere. 23,
 Febr. 1793.

§. 259.

Jus advocatiae (Bogtheyrecht) partim Jus advo-
 inde originem ducit, quod rectores ecclesia- catiae.

rum temporibus turbulentis se suasque ecclesias protectioni potentiorum traderent, ab injustis direptionibus ac vexationibus defendendas, partim in ipsis ecclesiarum foundationibus a piis fundatoribus sibi suisque successoribus vindicabatur. Distinguunt leges nostrae advocatiam precariam, (*Bethvogthey*) si ecclesia vel ad certum tempus, vel modo revocabili protectioni alterius tradita est, ab advocatiâ haereditariâ, (*Erhvogthey*) quae est perpetua, neque revocationi obnoxia. Precaria pro lubitu revocari potest; haereditaria nonnisi certis in casibus praeviâ judicis cognitione et sententiâ amittitur, quando nimirum advocatus vel ipsemet vel ope aliorum rectorem ecclesiae occidit, aut corpore violat, aut bona ecclesiastica injuste in usus proprios convertit, aut iisdem loco protectionis debitaë magnum damnum infert. Tr. de j. i. tit. 2. Ubi jus advocatiae est penes principem, ejusdem nomine commissarii (*Vogtheykommissär*) constituti sunt, qui negotia curent. Simili modo statutum est, ut pro parochiis collegio cuidam regularium incorporatis commissarii laici constituantur, qui negotiis advocatiae invigilent. 18. Nov. 1784. Ceterum imperans advocatus est supremus ecclesiarum omnium, ejusque nomine regimen provinciae jus istud advocatiae exercet, cujus est, modum administrationis peculii ecclesiarum observare, legum hæc in re exstantium observationem urgere, deque rebus gravioris momenti dubiis decernere.

§. 260.

Jura advocatorum ecclesiae praecipua Jura advocatorum.
 sunt: 1) Curam gerunt, ut peculium ecclesiae bene administretur, ejusque bona ac jura tuentur. 2) Jus advocatiae ad scholas quoque triviales parochiae extenditur; ad advocatum enim pertinet, tum conservationem vel restaurationem aedium, tum generatim negotia oeconomica, quae scholas concernunt, curare. 3) Ubi ecclesia potestate domini directi in subditos quosdam instructa est, advocatus plerumque ejusdem nomine jurisdictionem in eosdem exercet; parochus tamen inspectio negotii denegari nequit, quoties de eo agitur, ut ecclesiae praestationes debitaе obtingant. 4) Ex jure advocatiae nequaquam sequitur jus ullum, quosdam ecclesiae redditus percipiendi, sique advocatus redditus ejusmodi, v. g. partem eorum, quae a subditis praestantur, sibi vindicare velit, titulum specialem legitimum probare tenetur. 5) Jure advocatiae, ubi istud a jure patronatus sejunctum est, jus patroni, defendendi ecclesiam, item cum annuae redduntur rationes, comparendi, sique bona ecclesiae male administrentur, remediis opportunis subveniendi, (§. 114.) neutiquam excluditur. Tr. de j. i. tit. 1. §. 14. tit. 2. §. 7.

§. 261.

Penes ecclesias singulas armarium Armarium
 (Betschreine) adfit, necesse est, sub tribus ecclesiae.
 diversis clavibus custoditum, quarum unam

advocatus, ejusve praefectus, alteram parochus, tertiam primus vitricorum habeat, ita ut unus absque altero illud referare nequeat. Asservandae ibi sunt pecuniae residuae exceptis iis, quae pro occurrentibus expensis quotidianis necessariae videntur, dein syngraphae, litterae foundationum, libri rationum iusto jam ordine censurae subjectarum, aliaque instrumenta majoris momenti. Armarium custodiendum est vel in sacristiâ, vel in ecclesiâ, vel si ibi sufficiens non adfit securitas, in castro seu aedibus advocati. 15. Febr. 1752. Additur in litteris patentibus pro Austria inferiore editis, ubi castrum nimis dissitum sit, custodiendum esse armarium ecclesiae in aliis aedibus propinquioribus advocati, ejusve praefecti, aut etiam in domo parochiali, prout patrono aut advocato visum fuerit.

§. 262.

Modus administrandi peculium ecclesiae.

Porro circa modum administrandi peculium ecclesiae observanda sunt sequentia: 1) Vitrici pecunias acceptas ultra octo dies non retineant, sed confestim ad armarium reponant oportet; iisdem tamen summa modica, cujus postea rationem reddant, ad sustinendas expensas minores committi potest. 2) Neque licet vitrico expensas facere 30. florenorum summam excedentes absque consensu parochi, et advocati; ad expensas minores litterae patentes pro Austr. inf. saltem consensus parochi requirunt. Ubi autem jus advocatiae vel patronatus ad principem spectat, ad expensam quamcunque majorem extraor-

dinariam consensus regiminis provinciae requiritur. 3) Pecuniae collectae, retentâ summâ ad expensas occurrentes necessariâ, quanto citius servatis conditionibus lege praescriptis (§. 225.) foenori dandae sunt. 4) Permittendum non est, ut usurae de pecuniis locatis ultra annum restent, sed eo casu executio judicialis imploranda. 15. Febr. 1752. 5) Quoties ex peculio ecclesiae in sumtus aedificiorum quidquam impendendum est, ad parochum advocatumque pertinet, litteras aestimationis (*Ueberschläge*) a viris in arte peritis confectas, unacum testimonio ex libris rationum extracto de statu peculii fidem faciente, adjectâque suâ ipsorum sententiâ, regimini provinciae porrigere, consensumque petere. 6) Quid observandum sit, cum novae ecclesiis accedunt foundationes, alio loco (§. 220 — 222.) commemoratum est.

§. 263.

Quod olim munus erat clericorum in minoribus ordinibus constitutorum, ut tum munditiae in aedibus sacris, sacraeque supellectilis curam gererent, tum sacerdotibus sacra celebraturis ministrarent, id hodie laicis commissum est, aedituorum, (*Mesner*) famulorumque ecclesiae, (*Kirchendiener*) nomine notis. Hi in regulâ a parocho, advocatoque adsumuntur, utpote quorum communi consilio negotia omnia ad ecclesiam pertinentia gerenda esse leges nostrae statuunt. Quodsi vero aedituus simul ludimagistri munere fungitur, id quod ruri plerumque moris

est, electio ejusdem ut ludimagistri ad patronum parochiae spectat. 11. Febr. 1786. Aeditui vulgo salario e peculio ecclesiae, certâ parte foundationum, ac jurium stolae, propriisque collectis a populo parochiano praestandis (*Sammlungen*) sustentationis loco frui solent. Lex, quae statuit, ut stola de parochiis neoerectis parochiae antiquae obveniat, ad aedituos quoque pertinet. 12. Jun. 1786 (pro Austr. inter.) Iisdem damnum ob abrogatam stolam baptismi acceptum sive e peculio ecclesiae, sive a patronis, proinde e fundo religionis, ubi is jus patronatus habet, refarciendum esse, decretum est 6. Jul. 1784. Praestationes, pro benedictionibus domorum (*Häuferräucherung*) aliisque functionibus abolitae a magistratibus annuatim dari solitae, iisdem impofterum quoque adjudicatae sunt. 13. Aug. 1786. Idem statutum est circa praestationes fixas, quas a magistratu, aut a populo parochiano pro sono campanarum tempore tempestatis, aut pro benedictionibus domorum antea perceperant. 10. Oct. 1787. (Pro Bohemiâ.)

§. 264.

Mos redimendi fellas in ecclesiâ, Ruri consuetudo fere ubique obtinet, ut parochiani in ecclesiâ parochiali fellas singulis adsignatas (*Kirchensisse*) habeant, quas certâ pecuniae summâ redimere solent. Redemptio haec vel fit ad dies vitae, vel annuatim, quâ in re specialis cujusvis loci consuetudo attendenda est. Cum proprie parochi sit, quidquid ad ordinem cultus divini publici pertinet di-

sponere, ejusdem certe est, fellas ecclesiasticas distribuere, quatenus solum de electione personarum, locorumque agitur. Quatenus vero haec res peculium ecclesiae concernit, ut cum de majori vel minori pecuniae summâ ecclesiae praestandâ quaeritur, modus procedendi in negotiis peculium ecclesiae concernentibus quibuscunque lege praescriptus servandus erit, ut nimirum communi consilio a parcho advocatoque auditisque vitricis negotium geratur. *)

*) Decreto dd. 14. Maj. 1783 interdictum fuit, ne fellae ecclesiasticae venderentur. Recentiori vero dd. 25. Mart. 1790 declaratur, id non nisi de fellis singulari portâ clausis in ecclesiis Viennae haberi solitis accipiendum esse, redemptionem autem fellarum ruri consuetam nullatenus interdicti.

§. 265.

De acceptis et expensis peculii ecclesiae Confectio,
 rationes annuae reddendae sunt, idque proprie a vitricis ecclesiae, ubi vero isti conficiendis rationibus habiles non sunt, uti ruri rationum
 plerumque accidit, a praefecto advocati vices peculii ec-
 gerente, (*Bogtheybeamten.*) Pro rationibus clesiae,
 hisce certa formula lege praescripta est. 14.
 Sept. 1774. Reddendae sunt elapsô quovis
 anno intra sex septimannas, adjectis apochis
 aliisque instrumentis veritatem demonstranti-
 bus; deinde praesentibus advocato, parcho,
 vitricis, delectisque populi parochiani, (*Ge-*
meindeauschuß) sive in domo parochiali, sive
 ubi hactenus consuetum erat, censurae subji-

ciendae, sique justae repertae fuerint, subscriptione omnium approbandae. Diem, quâ in examen vocentur, parochus advocatusque communi consilio statuunt, quae dein quatuordecim diebus antea populo e suggestu denunciatur; rationes ipsae octo saltem diebus antea parocho inspiciendae traduntur. Convivia occasione hujus negotii sumptibus ecclesiae haberi solita penitus vetantur. 15. Febr. 1782. Rationario tamen praemium modicum, iisque, qui negotii hujus causa extra locum habitationis alio se conferre debent, summa unius floreni de die praeter restitutionem sumptuum itineris conceditur. 14. Sept. 1774. De ecclesiis, ubi jus advocatiae et patronatus ad principem spectat, rationes hoc modo censurae jam subjectae ad praefecturam pro examinandis rationibus constitutam (Staatssbuchhaltung) ulterioris censurae causa transmittendae sunt; de aliis vero ecclesiis nonnisi summaria rationum (summarische Rechnungsextrakte) juxta formulam praescriptam confecta transmittuntur.*)

*) Decreto dd. 11. Dec. 1806 cautum est, ut de ecclesiis, quo peregrinationes sacrae fieri solent, (Wallfahrtskirchen) cujuscunque sint patronatus, rationes integrae, praesertim quod attinet oblationes, missarumque stipendia, per episcopum, qui quod desuper observandum judicavere, adjiciat, regimini provinciae exhibeantur.

§. 266.

Aedificia Peculium ecclesiae praecipue conservationi
ecclesiarum, aedificiorum destinatum est. Ut autem
parochia- recte discernamus, quo modo atque unde aedi-

ficia sive ecclesiae sive domus parochialis vel runque. In
 exstruenda sint, vel conservanda, *) distin- parochiis
 guendum est imprimis inter parochias neoerec- neoerectis:
 tas, et antiquas. In parochiis vel capellaniis
 localibus neoerectis aedificia tam ecclesiae,
 quam domus parochialis sumtibus patroni, do-
 minorum, quibus parochiani subsunt, popu-
 lique parochiani, concurrente simul peculio ec-
 clesiae, siquid residui habeat, et exstruenda
 sunt, et reparanda. Cum nimirum ecclesia
 in parochiam aut capellaniam localem erecta,
 aut saltem ejusdem ecclesia matrix opibus abun-
 dat, pars illarum ad sumtus aedificiorum con-
 fertur. Ceterum patroni sumtus in opifices
 (Professionisten) conferre, domini materias ad
 aedificium necessarias (Baumaterialien) submi-
 nistrare, parochiani **) operas manuales, vec-
 turarumque (Hand- und Zugrobot) praestare
 tenentur. Si tamen vitia aedificiorum in do-
 mo parochiali exorta sint per negligentiam ip-
 sius parochi aut capellani localis, ejusve do-
 mesticorum sumtus reparationis ipsemet susti-
 nere debet. Ubi ecclesia patrono instructa
 nondum erat, possessoribus terrarum jus patro-
 natus eâ lege delatum est, ut symbolam ad
 sumtus aedificiorum a patronis conferendam
 in se susciperent; qui si id detrectassent, jus
 patronatus una cum onere aedificiorum fundo
 religionis obtigit. 1. Apr. 10. Aug. 1783.
 Non tamen permissum est, ut patronus re-
 nunciato jure patronatus oneribus hisce pa-
 tronatus annexis se liberet. 3. Sept. 1784.

*) De obligatione restaurandi aedificia tum eccle-
 siastica tum parochialia vid. theol. Monatschrift
 2. Jahrg. 3. Bd. S. 507.

**) Subditos acatholicos adigi non posse, ut ad sumtus aedificiorum ecclesiae aut parochiae catholicae quidquam conferant, alibi jam observavimus. (I. §. 311.)

§. 267.

In parochiis antiquis. Aedificia ecclesiarum.

In parochiis antiquis inter aedificia ecclesiarum et aedes parochiales distinguendum est. *) Aedificia ecclesiarum praecipuis sumtibus ecclesiae reparanda sunt, aut restauranda, modo ipsa, vel ecclesia filialis eidem subjecta bonis sufficientibus sit instructa. Quodsi vero peculium ecclesiae sumtus sustinere nequeat, de jure communi tenentur omnes pro rata concurrere, quotquot ab ecclesia fructus quosdam, aut emolumenta percipiunt, parochi scilicet et beneficiarii, salva tamen portione congrua, capitula, collegia regularium, aliave corpora, decimas ecclesiasticas possidentia, denique patroni ecclesiae. His deficientibus parochiani sumtus praestare debent, vel si id facere detrectent, aut inopes sint, beneficio ecclesiae propriae privantur, vicinaeque parochiae adscribuntur. Quae tamen obligatio non nisi ad ecclesias parochiales, aedificiaque stricte necessaria, non ad ecclesias filiales supervacaneas, neque ad sumtus pro solo ornatu faciendos pertinet. Concil. Trident. sess. 21. de reform. cap. 7. More nostro, ubi ecclesia bonis sufficientibus instructa non est, ab aliis ecclesiis ditioribus, iis praesertim, qui eidem advocato subsunt, pecunia mutua vel cum vel sine foenore defumitur; praeterea patroni, terrarumque possessores, ut ad sumtus conferant, invitantur, parochiani denique

ad operas gratuitas praestandas adiguntur. Juxta constitutionem recentiorem pro Austria inferiore editam dd. 22. Maj. 1805 §. 1., pro Austr. super. 24. Apr. 1807, ubi ecclesia bonis sufficientibus destituitur, patronus sumtus suppeditare, populus operas gratuitas praestare tenetur. Possessores terrarum monentur solum, non obligantur, ut materias ad aedificia necessarias eodem, quo ipsismet constant, pretio subministrant.

*) Exstant pro diversis provinciis Austriacis diversae constitutiones peculiare, quibus norma statuatur, unde sumtus aedificiorum sint subministrandi: pro Bohemia dd. 17. Jun. 1770 et 18. Apr. 1806 — pro Moravia et Silesia dd. 7. Jan. 1797, — pro Galicia occidentali dd. 26. Sept. 1800, — pro Styria, Carinthia, Carniola, et Goritia dd. 20. Dec. 1804, — pro Austria infra Onasum dd. 22. Maj. 1805, — pro Austria supra Onasum dd. 24. Apr. et publ. 5. Jul. 1807.

§. 268.

<p>Quoad aedes parochiales in parochiis antiquis videndum est imprimis, utrum vel litteris foundationum, vel pactis specialibus, vel observantia diuturna circa obligationem conservandarum aedium quidquam definitum sit, id quod observandum erit. Alioquin distinguitur inter reparationes communes seu minores, et reparationes extraordinarias majores, principales. Communes, seu minores, quo pertinet v. g. ut sarta tecta serventur, tam in aedibus habitationis, quam in aedificiis oeconomicis in regula ab ipso pa-</p>	<p>Aedes parochiales. Reparationes communes.</p>
---	--

rocho ceu usufructuario praestantur. Idem obtinet in aedificiis dissitis clericorum a parochis dependentium; ubi tamen vicarius parochialis decimis, aliisque redditibus parochialibus ipsemet fruitur, ad ipsum, non ad parochum primum, pertinet, sumptus conservandarum aedium sustinere. Quin et si reparationes hujusmodi, eo quod neglectae fuerint, in majores ac principales evadant, parochus tamen, cui ea negligentia imputanda est, easdem praestare tenetur. Quocirca statutum est, ut aedes parochiales a decanis, advocatisque occasione annuae visitationis decanalis (in Austria inferiore praeterea cum rationes de peculio ecclesiae redduntur,) inspiciantur, et reparationes necessariae procurentur, praesertim vero post obitum parochi diligenter, adhibitis viris rei peritis, examinentur, sumptusque reparationum ex haereditate defuncti parochi defumantur. Quivis parochus, aut capellanus localis, aut beneficiarius, qui dum possessionem beneficii capit, vilia aedificiorumprehenderit, ea regimini provinciae indicare, sique id negligat, damnum omne inde exortum praestare tenetur. 22. Maj. 1805 (pro Austr. inf.) 24. Apr. 1807 (pro Austr. sup.)*) Praefecturae quoque circulatorum decreto speciali dd. 22. Sept. 1806 invigilare iussae sunt, ut aedes ecclesiasticae a possessoribus in statu integro conservarentur.

*) In Austria inferiore quibusdam parochis, ac beneficiariis certa pecuniae summa ad sumptus aedificiorum impendenda designata est, de qua rationem, quoties petita fuerit, praesertim dum rationes annuae peculii ecclesiae habentur, reddere debent, 22. Maj. 1805.

§. 269.

Sumtus reparationum majorum, seu Reparationes principales, quae vel ex casibus fortuitis, vel diuturnitate temporis fiunt necessariae, primum e peculio ecclesiae, si quidquam reliquum sit, desumuntur. Eo deficiente de jure communi iidem, qui ad aedes ecclesiae restaurandas concurrunt, (§ 267.) iisdemque sub conditionibus ad sumtus quoque aedificiorum parochialium concurrere tenentur. In Austria inferiore parochi ac beneficiarii pro ratione summae, quae ipsis detracta portione congrua reliqua est, ad sumptus istos conferunt. *) Quod deest, patronus suppeditare tenetur; populus parochianus ad operas gratis praestandas adigitur; possessores vero terrarum non obligantur, sed monentur duntaxat, ut materias ad aedificandum necessarias eo pretio subministrant, quo ipsismet constant. 22. Maj. 1805. In Austria superiore, si bona ecclesiae non sufficiant, ab aliis ecclesiis ditioribus mutuae pecuniae adsumi solent; quas parochi eorumque successores certis annuis portionibus restituant. Quodsi ob redditus parochiae nimis tenues id fieri nequeat, sumptus inter patronum, possessores terrarum, et populum parochianum eodem modo distribuuntur; qui pro parochiis neoerectis (§. 266.) lege praescriptus est, 24. Apr. 1807.

*) Idem ferme pro Bohemia, Moravia, et Silesia decretis supra memoratis dd. 17. Jun. 1770. 7. Jan. 1797. 18. Apr. 1806 statutum est.

Sectio tertia.

De judiciis ecclesiasticis.

Caput primum.

De modo procedendi in judiciis
ecclesiasticis.

§. 270.

Divisio
materiae. **J**urisdictionis ecclesiasticae nomine hic loci venit potestas antistitum ecclesiae, de juribus ecclesiasticis in causis particularibus sociorum ecclesiae judicandi, seu definiendi, quid relate ad ecclesiam juris sit. Est autem alia interna, quae in sacramento poenitentiae non nisi pro conscientia sese exerit, externa alia, quae extra tribunal poenitentiae relate ad communionem ecclesiae externam exercetur. Posterior, de qua hic solum sermo est, rursus dividitur, in civilem et criminalem; illa bonum privatum duntaxat respicit, juraque partium discernit, haec ad bonum publicum refertur, atque in puniendis delictis ecclesiasticis versatur. (I. §. 75. 79. 80.) Judicium ecclesiasticum est complexus actionum, quibus jurisdictionis ecclesiasticae exercetur, seu ipsa causae cognitio, et decisio,

estque civile, si caussa partium, jura ecclesiastica concernens, cognoscitur. et deciditur, criminale, si de accusato ob delictum ecclesiasticum praeviâ inquisitione jus dicitur. Cum igitur agendum sit primum de modo procedendi in judiciis tum civilibus tum criminalibus, dein quoad posteriora speciatim de delictis poenisque ecclesiasticis, lectio ista duobus constat capitibus, quorum primo de modo procedendi in judiciis ecclesiasticis, altero de delictis et poenis ecclesiasticis differitur.

§. 271.

Neque jurisdictio ecclesiae privilegiata in Materia ju-
caussis civilibus clericorum, (§. 30.) neque il-
la, quam sibi tribunalia ecclesiastica mediæ ae-
vi in ipsos etiam laicos in caussis quibusdam rum civili-
civilibus titulo peccati, juramenti adjecti etc. um.
arrogaverant, (I. §. 258.) nostris quidem tem-
poribus in terris Austriacis locum habet. *)
Quae ergo adhucdum restant materiae ju-
diciorum ecclesiasticorum civilium,
1^{mo} sunt caussae, ad jurisdictionem ecclesiae
essentialem spectantes, ubi nimirum de
rebus fidei, sacramentorum, ac disciplinae
ecclesiasticae, quoad finem civitatis non re-
spiciunt, jus dicendum est; et 2^{do} caussae
leviores clericorum, neque ad judicis civilis,
neque ad magistratus politici cognitionem per-
tinentes, quae non incommode caussae di-
sciplinae ecclesiasticae in clerum
exercendae, (*geistliche Polizey über den Klerus*)
dici possunt, v. g. querelae minoris momenti

parochianorum contra pastorem animarum, aut parochi contra capellanum et vicissim, sive mores, sive officium sacrum, sive injurias leviores, et similia concernant. Ceterum in omnibus hisce causis judiciorum ecclesiasticorum, civilium non tantum de juribus, bonoque privato partium agitur, sed simul etiam de re ad munus sacrum, bonumque ecclesiae publicum pertinente ob quam judicis ecclesiastici ex officio interest, veritatem facti cognoscere, partesque ad suum cujusque officium redigere.

*) In regno tamen Hungariae consistoria episcopalia jurisdictionem delegatam adhucdum exercent in causis personalibus clericorum, item in causis sponsalium et matrimonialibus.

§. 272.

Tribunalia ecclesiastica, In antiquâ ecclesiâ jurisdictione ecclesiastica, ca per episcopum, adhibito in consilium presbyterio, exercebatur. (l. §. 108.) Hodie consistorium episcopale tribunal ecclesiasticum primae instantiae efficit. (l. §. 212.) Pristina judicia archidiaconalia in defuetudinem abierunt. Decani vero rurales jurisdictione propriâ instructi non sunt, praeterquam quod nonnunquam transactione inter partes effecta lites componant, quodque ipsis in casibus specialibus quaestiones accusatorum, aut testium, inspectiones oculares, aliive actus judiciales extra ordinem a consistoriis delegentur. Judicium metropolitanum judicis superioris, seu tribunalis secundae instantiae locum tenet. (l. §. 131.) Si ob difformitatem

sententiarum opus sit tribunali tertiae instantiae, iudicium delegatum in provinciis Austriacis constituendum, a metropolitâ, aut si is in primâ instantiâ, ejusque iudicium delegatum in secundâ instantiâ, sententiam tulisset, a sede pontificiâ petendum erit. (I. §. 145.) Tribunal quaecunque, ut sententia ejusdem vim habeat, forum competens sit, oportet. Est autem forum competens, cui reus, aut de delicto ecclesiastico accusatus, pro suâ personâ, vel saltem intuitu functionis sacrae, de quâ quaeritur, subest. Itaque in dioecanos quoque extraneos quoad functiones sacras, quas vel in dioecesi exercent, vel quarum participes fiunt, extenditur,

§. 273.

Ordo actionum judicialium in administra- Modus pro-
 tione iustitiae praescriptus processus judi- cedendi in
 carius dicitur. Jure communi distinguitur judiciis ec-
 clesiasticis ordinarius, qui praeter conditio- cles. civili-
 nes essentialia iudicii certis insuper solemnita- bus.
 tibus constat, a processu summario, ubi
 nonnisi substantialia iudicii observantur. Pro-
 cessus ordinarius proprie ob causas civiles cle-
 ricorum introductus est; in causis mere spi-
 ritualibus ex ipsius juris canonici praescripto
 duntaxat summario locus est. Clement. 2. de
 judic. Quod cum ita sit, processum ordinari-
 um silentio praetereuntes, hic loci ea solum
 pertractabimus, quae ad essentiam iudicii
 ecclesiastici pertinent; eaque sunt 1) auditio
 utriusque partis, 2) exploratio probationum
 facti, 1) sententia.

Auditio
utriusque
partis.

Primum requisitum essenziale in iudiciis ecclesiasticis civilibus est auditio utriusque partis, actoris nimirum, qui jus suum in iudicio persequitur, et rei, qui in iudicio convenitur. Actoris est, ut iudici speciem facti, fundamentum agendi, desideriumque suum clare et distincte, servato veritatis studio, breviterque sine ambagibus inutilibus exponat. Libello ab actore oblato audiendus est reus, quippe qui inauditus unquam condemnari nequit. *) Id vero fit, a) vel cum exceptionem seu defensionem litteris consignatam tradere jubetur, b) vel cum citatur, ut praesentem se iudici sistat, c) vel cum cognitio causae in loco instituenda (Vorfalunterforschung) decano rurali, alterive commissario delegatur; id quod tum praesertim moris est, cum consistorii ex officio interest, veritatem rei comperire. Reus pariter iis, quae ab actore in medium prolatae sunt, sine ambiguitate sermonis respondeat oportet, neque verba in alium sensum detorqueat, neque inutili verbositate utatur. Ceterum a prudenti iudicis arbitrio pendet, ut unam alteramque partem, quotiescunque ad comperendam rei veritatem opus visum fuerit, sive oretenus audiat, sive ab utraque declarationem scriptam deposcat, quin ad certum sermonum aut scriptorum cuique parti convenientium numerum obstringatur.

*) Id tamen non impedit, quo minus interdum statim post libellum actoris mandatum conditionatum reo dari possit, sub conditione nimirum, si res ita se habeat, quemadmodum

ab actore afferitur, utque ei integrum maneat, defensionem suam libello opponere.

§. 275.

Cum cognitio causae in loco in- Quid ob-
stituenda cuiquam demandatur, id fit eum servandum,
in finem, ut media quaecunque idonea, veri- cum cogni-
tatem facti controversi cognoscendi, quae in tio causae
loco ipso suppetunt, adhibeantur. Itaque de- in loco insti-
legatus 1) partem utramque, nimirum petitio- tuenda est?
nes actoris, fundamentumque agendi, et ex-
ceptiones rei audiat, necesse est; 2) perpen-
dat bene, quibus in rebus substantialibus par-
tes sibi contradicant, quaeque adsint media.
earum rerum veritatem investigandi; 3) proin-
de testes, sive ab unâ alterave parte prolatos,
sive qui alias certam rei notitiam habere posse
videntur, examinet; 4) ipsam litis materiam,
utpote saepe in oculos cadentem, inspiciat;
5) instrumenta ad rem illustrandam apta de-
poscat; 6) ubi dicta partium cum testimoniis,
aliisve probationibus non concordant, quod
dictis obstat, utrique parti proponat, ejusque
sinceram confessionem postulet; 7) denique de
universâ causae cognitione protocollum genui-
num conficiat, debitisque subscriptionibus con-
firmatum ad consistorium transmittat. Cete-
rum omnem etiam det operam, ut partes,
quatenus de juribus duntaxat privatis agitur,
ad amicabilem litis compositionem perducatur,
eumque in finem, habita sufficiente de statu
controversiae notitiâ, iisdem, quod aequum
visum fuerit, proponat,

Probatio-
nes facti.

Probatio dicitur actus ille, quo iudici per argumenta idonea de facto dubio fit fides, estque vel ordinaria, in quâ præter substantialia etiam solemnia probationis observantur, vel summaria, in quâ substantialia probationis servare sufficit. Item alia est probatio plena, quæ ad facti veritatem evincendam vim sufficientem habet, alia minus plena, quâ solâ facti veritas non evincitur, eaque vel semiplena, vel semiplena major aut minor esse poterit. De probationibus igitur hæc tenendæ sunt regulæ: 1) Quidquid pars altera in re ad ipsam duntaxat spectante confitetur, ulteriori probatione non indiget; confessio tamen libera, omnis coactionis experta, certa, nec minimum ambigua sit, oportet. 2) Qui factum adfert in sui ipsius favorem, cui ab alterâ parte contradicitur, illud legitime probare tenetur, alias a iudice pro vero habendum non est; qui factum negat, ad probationem negationis non obligatur. 3) In judiciis ecclesiasticis, ubi solus processus summarius locum habet, (§. 273.) probatio non nisi summaria requiritur. 4) Probatio minus plena aliis argumentis idoneis complenda est; estque prudentis iudicis, dijudicare, quando probatio plena sit, et quid ad complendam probationem minus plenam requiratur. 5) Media probandi usitata sunt testimonia, instrumenta, præsumptiones, jusjurandum.

§. 277.

In probatione per testes expendenda sunt: *habilitas personarum, examen testium, contenta testimoniorum, auctoritas eorundem, seu vis probandi.* Et 1) quidem testes fide digni sunt, qui nec scientiae, nec sinceritatis defectu laborantes, veritatem edicere et posse et velle praesumuntur. Quare inhabiles sunt, a) perfecto rationis usu carentes, b) qui rei, de qua agitur, scientiam propriam destituti, non nisi de auditu testari possunt, nisi forte de probanda duntaxat fama agatur, c) de falso convicti, pretio corrupti, aut alterutri parti inimici, d) deinde qui ex decisione causae ipsimet commodum vel incommodum expectant. 2) Testes, si gravitas rei postulet, de articulis, de quibus quaeritur, singillatim examinandi, utque testimonium jurejurando confirmant, adigendi sunt. 3) Testimonia certa sint, factumque, quod probari debet, clare continent, necesse est. Fides testimoniorum labefactatur, si sint tenoris dubii et ambigui, si contradictiones, aut manifesta mendacia contineant, si testis certam scientiae rationem reddere nequeat, si testes plures in circumstantiis gravioris momenti sibi invicem contradicant. 2) Duo testes fide digni, in facto quodam consentientes, plenam probationem efficiunt; unus testis semiplene probat. Testes singulares, qui diversos ad idem factum pertinentes actus referunt, conficiunt saltem probationem semiplenam majorem.

Probatio

per testes.

§. 278.

Probatio
per instru-
menta.

De probatione per instrumenta notandum est: 1) Instrumenta publica, nimirum magistratum, officialium publicorum, eorumque, qui ad instrumenta ejusmodi in rebus officii conficienda a legitimo superiore constituti sunt, in re officii confecta, factum; de quo confecta sunt, plene probant. 2) Instrumenta privata, nonnisi contra scribentem, modo ab eodem agnita sint, vim plenam probandi habent, contra tertium ad summum testimonii scripti locum tenent. 3) Instrumenta duntaxat originalia, quae vocant, seu primitus condita, dein exempla inde desumpta a personâ publicâ cum originali collata, quae copiae vidimatae dici solent, plenam fidem faciunt. 4) Si fides instrumenti cujusdam ob vitium aliquod impugnatur, v. g. quod suppositum sit, aut rasum, aut corruptum, inspectione originalis, comparatione litterarum, sigillorumque, examine testium, similibusque modis dubium tollendum erit.

§. 279.

Praesum-
tiones.

Praesumptionis nomine venit iudicium de probabilitate facti, sive ex eo, quod ut plurimum sic esse aut contingere solet, sive ex indiciis peculiaribus deductum. Ejusmodi praesumptiones, ex principiis universalibus derivatae, sunt, v. g. neminem pro malo habendum esse, donec sufficientia adsint argumenta, deinde, rem quamcunque versari in statu suo naturali et consueto, item neminem

juribus suis absque necessitate renunciare vel-
le etc. Praesumptiones, ex indiciis peculiari-
bus deductae, multiplices sunt, prout diversa
sunt negotia, de quibus agitur, rerumque ad-
juncta. Praesumptiones juris, quae nimirum
lege quadam positivâ nituntur, eam vim ha-
bent, ut onus probandi in adversarium trans-
ferant. *) Ceterum major minorve praesumptio-
num auctoritas e prudenti judicis arbitrio pen-
det, cujus est, conditiones causae, et adjunc-
torum, concursus praesumptionum, pro re vel
contra illam militantium, aliarumque, quae
forte adsunt, probationum, per praesumptio-
nes complendarum rationem habere, atque
exinde gradum probabilitatis dimetiri.

*) Praesumptio, quae vocatur, juris et de jure,
quae nimirum non admittit probationem in
contrarium, proprie non est praesumptio, sed
certa probatio.

§. 280.

Probationibus judicialibus adnumeratur Probatio
quoque jusjurandum, (§. 138.) quod ab per jusju-
randa alterâve parte ad firmandam dictorum ve-
ritatem praevia sententiâ judicis interlocutoriâ
deponitur. Est vero duplicis generis, aliud
scilicet voluntarium, seu litis decisivi-
vum, (Haupteid) quod pars altera sponte suâ
adversario defert eo pacto, ut si praestitum
fuerit, factum controversum pro vero habend-
um sit, (zurückschieben) et ab isto in confir-
mationem facti contrarii deponendum; aliud
necessarium, quod a jurante oblatum auc-
toritate judicis ad complendam probationem

eidem defertur. Voluntarium speciem transactionis habet, ideoque nonnisi in iis rebus, de quibus transigi potest, ubi nimirum de merà causà partium agitur, et inter eos, qui sui juris cum sint, transigendi habent potestatem, obtinet. Necessarium vel est supplementarium, deponendum ab eo, cui onus probandi incumbit, ad complendam, quam attulit, semiplenam probationem, purgatorium, quod alteri ad elidendas praesumptiones, contra ipsum prolatas, injungitur. Probatio per jusjurandum in foris nostris ecclesiasticis eo rarior est, quo magis periculum abusus jurisjurandi omni studio evitandum, aliisque modis veritas indaganda esse censetur.

§. 281.

Sententiã. Auditis partibus, factique veritate sufficienter cognitã, iudex vel transactione litem componere studet, vel sententiam fert. Sententiã autem, seu causã controversãe decisio a iudice facta, a) desiderii partium, quoad de merã causã partium agitur, accomodata sit, b) dein clara et distincta, c) item legibus conveniens, d) denique partibus debito modo publicetur, necesse est. Latã sententiã, integrum est parti gravatãe, vel in re mere spirituali ad iudicium metropolitanum appellare, vel si causã politicum forum attingat, aut de violato juris ordine conquerendum sit, recursum (I. §. 276.) ad regimen provincie interponere. Sin utraque pars acquiescat, sententiã, petente alterutrã parte, exsequenda est. Fit autem executio vel interminatis aut etiam inflictis cen-

furis ecclesiasticis, vel imploratione brachii secularis.

§. 282.

In judiciis ecclesiasticis civilibus certae etiam taxa e a partibus exiguntur, peculiari lege caesareà dd. 21. Apr. 1784 definitae. Ea vero lege statuitur, 1) ut in exactione sine personarum discrimine aequalitas observetur, 2) instructi testimonio paupertatis fide digno ab omni taxâ immunes sint, 3) taxa non nisi pro scriptura decreti vel instrumenti solvatur, actus ipsi ad munus ecclesiasticum spectantes gratis fiant; 4) summa cuique decreto seu instrumento adscribatur, ob neglectam taxae solutionem expeditionem ipsam inhibere aut retardare non liceat; 6) taxae denique iis in dioecesibus, ubi officiales cancellariae ab episcopo sustentantur, episcopo cedant, ubi vero iidem salaria e fundo religionis percipiunt, fundo huic rationes de iis reddantur.

Lex taxae cancellariae episcopalis definiens.

§. 283.

Judiciorum ecclesiasticorum criminalium materiam partim delicta ecclesiastica proprie talia, partim delicta leviora clericorum conficiunt. In dijudicandis delictis poenisque ecclesiasticis iudices ecclesiastici, ob effectus civiles poenis ecclesiasticis connexos, per leges nostras certos intra limites coarctantur. Neque enim licet animarum rectoribus poenitentias quascunque publicas sine praescitu ac consensu regiminis provinciae peccatoribus imponere. 27. Febr. 1770. Neque episcopus sententiam excommunicationis ferendi liberam habet pote-

Materia iudic. eccles. crimin. — Delicta et poenae eccles.

statem, sed in caussis hujusmodi inquisitio communi consilio a commissariis ecclesiasticis et politicis fiat, sententia vero ab episcopo lata ante publicationem regimini provinciae exhibetur, placitoque regio confirmetur, oportet. 16. Jul. 1. Oct. 1768. 17. Jun. 1775. (I. §. 259.)

§. 284.

Delicta
clericorum
leviora.

Quae nec in codice nostro criminali, (Gesetzbuch über Verbrechen und schwere Polizey-übertretungen) continentur, nec ejus sunt generis, ut poenas temporales exigant, delicta clericorum leviora vocamus. (§. 12.) De prioribus enim cognoscit judex civilis; (§. 31.) de posterioribus cognitio causae fit communiter a commissariis episcopalibus et politicis, communique consilio ad regimen provinciae refertur. (§. 33.) Poenae delictorum leviorum partim sunt proprie ecclesiasticae, qualis est suspensio a celebratione missae, aliisque sacris functionibus, partim intra fines correctionis paternae continentur, quales sunt monita et objurgationes, honesta custodia, jejunium moderatum, varia exercitationum spiritualium genera, etc. *) Poena autem a) secundum regulas generales imputationis, gradui culpaе, habità ratione circumstantiarum tum mitigantium tum aggravantium, proportionata sit oportet; b) supponit delictum certum, aut quod saltem magnam habeat probabilitatem; deficiente probatione pœnâ poena quoque mitiganda erit. c) In infligendis poenis vera solidaque delinquentis emendatio, habito respectu ad singularem ejusdem indolem, praecipue spectanda

est. d) Iudex erga clericum delinquentem ita se gerat necesse est, ut observantia statui sacerdotali debita nullà ex parte violetur.

*) Quoad carceres episcopales, jejuniumque idem servandum est, quod intuitu regularium legibus praescriptum esse alibi observavimus. (§. 51.) Pro sustentatione clerici poenitentis, in carcere episcopali detenti, summa 20. crucifloriorum indies praefixa est, quae si poenitens propriis redditibus se sustentare nequeat, e fundo religionis assignatur. 6. Nov. 1804.

§. 285.

In instituendo processu criminali Modus in-
 itidem solemnitatibus ullis opus non est, sed quirendi.
 sufficit, ut substantialia observentur. (§. 273.)
 Et 1) quidem observandum, ne fiat actus ullus inquisitionis specialis, in injuriam molestiamque inquisiti cedens, quin adsint indicia sufficientia. 2) Accusatus debito modo audiendus est, idque eum in finem, ut reus delicti ad confessionem adigatur, innocenti vero omnis se defendendi, et a delicti suspitione purgandi occasio praebeatur. 3) Quodsi delictum a se perpetratum negaverit, investigandum erit, quidquid ad probationem sive culpae sive innocentiae pertinere poterit. Modi probandi partim per denunciationem seu accusationem, partim per confessionem inquisiti, partim per adjuncta rerum aut personarum suppeditantur, suntque iidem, quos supra (§. 276 — 280.) intuitu processus civilis indicavimus, quemadmodum etiam auctoritas, visque probationum ex principiis ibidem expositis aestimanda est.

§. 286.

Examen
inquisiti.

De examine inquisiti notanda sunt sequentia: 1) Articuli eidem proponendi partim generales sunt, v. g. de nomine, aetate, loco nativitatis, vitae genere etc. partim speciales, qui delictum ipsum, ejusque adjuncta peculiaria respiciunt. Necesse est autem, 2) ut sint clare et distincte confecti, simulque sumti, quidquid ad causam pertinet, neque ullâ re essentiali praetermissâ, neque adjectis inutilibus quaestionibus, complectantur, 3) ne sint captiosi et suggestivi, qui scilicet eo tendant, ut accusatus per varias quaestionum ambiguitates et implicationes fraudulenter capiatur. 4) Ut ordine quodam naturali sibi invicem succedant, ac contradicente accusato indicia delicti ab eodem commissi probabile argumentum suppeditantia, probationesque, quae praesto sunt, articulis apte inferantur; 5) ut simul tamen ad defensionis, aut minuendae culpae momenta et adminicula dirigantur; 6) denique iudex in examine a verbis quibuscunque ignominiosis, invectivis, aut ludibriosis abstineat, accusatumque summâ animi tranquillitate, ac mansuetudine audiat. Objurgationes et increpationes finitâ demum inquisitione, cum accusatus delicti reus deprehensus fuerit, locum habent.

Caput secundum.

De delictis, poenisque eccles.

§. 287.

Notio.

Pro foro interno poenitentiae peccatum grave quaecunque delictum est ecclesiasticum.

Immo et pro foro externo peccator publicus cujuscunque generis ex disciplinâ veteri ad agendam poenitentiam, reparandumque scandalum adigi poterat, idque detrectans communione ecclesiae privari. Publica scandala, ut volunt canones, publicâ poenitentia sunt refarcienda. Conc. Trid. sess. 24. de reform. cap. 7. Unde et ritualia nostra statuunt, ut peccatores publici, donec poenitentiam egerint, scandalumque reparaverint, a sacra synaxi prohibeantur, neque iisdem aegrotantibus sanctissimum corporis Christi viaticum, nisi publica satisfactione praestita, porrigatur, defunctis vero absque signis poenitentiae ecclesiastica sepultura denegetur. *) Attamen in sensu strictiori delictorum ecclesiasticorum nomine certa duntaxat delicta veniunt, seu peccata publica canonibus descripta, quae vel fidei, vel cultui divino externo, vel singularibus status clericalis officiis repugnant. Poenae vero seu censurae ecclesiasticae illae sunt, quae socium ecclesiae sive omnibus sive certis quibusdam juribus ecclesiasticis, bonisque spiritualibus privant. (I. §. 82.) Itaque primum de poenis ecclesiasticis generatim, earumque speciebus, deinde de diversis speciebus delictorum ecclesiasticorum, eorumque poenis per canones statutis agendum est.

*) Vid. quae de observandis pastori animarum intuitu scandalorum publicorum differuntur in *der theol. prakt. Monathschr.* 2. Jhrg. 2. Bd. S. 102.

§. 288.

De poenis seu censuris ecclesiasticis generatim regulae sequentes canonicæ. Poenae eccles. generatim.

bus statuuntur: 1) Potestas infligendi censuras iis competit ecclesiae praepositis, qui jurisdictione quâdam pro foro externo sunt instructi, extra ordinem tamen etiam privilegio obtineri potest. *) 2) Causam justam, quae ad infligendam censuram requiritur, a) nonnisi delictum grave efficit, cum inter culpam ac poenam proportionem servare oporteat, b) idque externum ac publicum, eo quod censura privans communione ecclesiae externâ ad forum externum spectet, c) item cum verâ contumaciâ conjunctum, quae si desit, remedia leniora adhibenda erunt. 3) Proinde ad formam ferendi censuras spectat, ut non tantum ordo juris alias praescriptus servetur, verum etiam ut bina saltem peccatoris admonitio praecedat, quâ intermissâ ille pro contumaci haberi nequit. Conc. Trid. sess. 25. cap. 3. de reform. 4) Censura sine justâ causâ, aut violato juris ordine lata, injusta est, neque pro foro conscientiae metuenda; pro foro tamen externo ob reverentiam auctoritati superioris debitam servari debet, saltem si injustitia notoria non sit.

*) Itâ universitas Viennensis facultatem excommunicandi membra sua, eaque ab excommunicatione absolvendi per breve pontificium Martini V. coedici Austriaco insertum obtinuit.

§. 289.

Divisio.

Censura alia est hominis, quae pro arbitrio iudicis in certam personam fertur, alia juris, seu legis, lata generaliter per legem in omnes delicti cujusdam reos, seu legis praevaricatores. Posterior alia est censura feren-

dae sententiae, quae requirit sententiam condemnatoriam, vimque suam demum a tempore latae sententiae exferit, alia latae sententiae, quae ipso facto incurritur, effectumque habet; licet ad eam exsequendam sententia declaratoria opus sit. *) Inde distinguunt etiam absolutionem a censuris pro foro conscientiae, quae nisi reservata sit, a quocunque confessario approbato, si autem sit reservata, ab episcopo conceditur, et absolutionem pro foro externo, cujus conferendae potestas regulariter ad episcopum pertinet, quibusdam tamen in casibus sedi pontificiae est reservata. Verum censuris ejusmodi, quas latae sententiae vocant, gravissimae certe obstant difficultates: 1) Censura talis ipso jam facto incurrenda, proinde pro solâ etiam conscientia obligans repugnat genuinae notioni censurae ecclesiasticae, cui convenit, ut ad forum duntaxat ecclesiae externum pertineat. 2) Quaevis censura supponit contumaciam delinquentis, quae nisi praevis admonitionibus, ipso evangelico textu Matth. XVIII. praescriptis, supponi nequit. 3) Censurae istae per novem ecclesiae secula prorsus erant incognitae, quarum neque in decreto Gratiani ullum vestigium reperire est. Earum abusum describit Petrus Damiani epist. XII. ad Alexandrum Papam.

*) Alii cum Dupinio de antiq. eccles. discipl. in dissertatione III. de antiquâ infligendae excommunicationis ratione, quae omnino lectu est dignissima, multumque in hâc materiâ lucis adfert, rem ita declarant, ut in censuris quoque latae sententiae opus sit sententia condemnatoria, quae tamen simul ac reus vel confessus fuerit, vel convictus, confestim ferri possit,

non praecedentibus canonicis admonitionibus, quae in cenfuralis ferendae fententiae requiruntur.

§. 290.

Excommu-
nicatio.

Poenae ecclefiafticae partim fidelibus omnibus communes funt, partim clericis propriae. Prioris generis funt: excommunicatio, interdictum, et quae ex delicto provenit, irregularitas, de qua alio loco (§. 10. 11.) egimus. Excommunicatio eft exclusio a communione ecclefiaftica, juribusque inde dependentibus. Dividitur in majorem, et minorem. Excommunicatio major feu anathema eft, quae privat omni ecclefiae communione, omnibusque bonis fpiritualibus communibus; minor, qua quis jure recipiendi facramenta, et ministerio altaris excluditur. Major ex disciplina recentiori vel folemnis eft, quae pronuntiatur adhibitis quibusdam formulis, ritibusque in pontificali Romano contentis, vel fimplex, quae absque iftis folemnitatibus infligitur.

§. 291.

Effectus ex-
communica-
tionis.

Effectus excommunicationis majoris intuitu ipfius excommunicati eft jactura bonorum omnium fpiritualium univerfis ecclefiae focis communium; intuitu vero aliorum fidelium obligatio, omnem communionem facram cum excommunicato vitandi; cujus actus prohibiti noto illo verfu exprimi folent: os, orare, vale, communicatio, menfa negatur. Verum lex ifta vitandi excommunicatum locum non habet, nili cum fententia excommunica-

tionis expresse a iudice lata est. (Extravag. Mart. V.) Porro excipitur ille communicandi modus, quem sive necessitas, majorque utilitas, sive vinculum matrimonii, sive nexus subjectionis postulat, aut quem ignorantia excusat, quod itidem versu illo exprimere solent: utile, lex, humile, res ignorata, necesse. Ceterum denegationem communionis cujuscunque mere civilis a solâ potestate politicâ pendere, indubium est. Qui absque justâ causâ excufante cum excommunicato vitando communicat, incidit in excommunicationem minorem, cujus effectus in exclusione a perceptione sacramentorum, et a ministerio altaris consistere diximus.

§. 292.

Interdictum est censura, qua usus quarundam functionum sacrarum sive certis personis, sive certo loco, aut regioni prohibetur. Proinde vel personale est, quod inhaeret personae, eamque quocunque sequitur, vel locale, quod loco seu regioni adnexum est. Utrumque vel est generale, si personale tangat universitatem quamdam personarum, aut locale certam regionem plura loca continentem, uti regnum, aut dioecesim; vel speciale, si vel certas personas expresso singulorum nomine, vel certas ecclesias afficiat. Per interdictum prohibetur administratio sacramentorum, cultusque divinus publicus. Inde tamen excipiuntur sacramenta baptismi; confirmationis, poenitentiae, et viatici pro infirmis; item quoad cultum divinum publicum

Interdictum.

feſta anni principaliora excipiuntur. Cap. 24. de ſent. excom. in 6. Uſus interdicti generalis ante ſeculum eccleſiae decimum penitus ignotus erat, eſtque inſigni obnoxius difficultati, quod interdictum tale innocuum ſimul ac reum afficiat. Idcirco noſtris quidem temporibus omnino exolevit.

§. 293.

Suſpenſio. Poenae eccleſiasticae ſolis clericis propriae ſunt ſuſpenſio, deſolutio, et degradatio. Suſpenſio eſt cenſura, quâ clericus uſu ſeu functionibus ordinis, officii, vel beneficii interdicitur. Eſt ergo vel ſuſpenſio ab ordine, vel ab officio, ſeu actibus jurisdictionis, vel a beneficio, ejuſque fructibus. Quae ab uſu tum ordinis, tum officii, tum beneficii prohibet, totalis, quae ab uno, alterove, partialis dicitur. Suſpenſio ab officio vulgo etiam ſuſpenſionem ab ordine, non tamen a beneficio, comprehendit. Suſpenſio a beneficio, cum ſit genus poenae temporalis, ſine conſenſu regiminis provinciae locum habere nequit.

§. 294.

Deſolutio, et degradatio. Deſolutio poena eſt eccleſiastica, quâ clericus poteſtate ſacrâ perpetuo privatur, ſalvo tamen ſtatu et dignitate clericali. Per ſuſpenſionem delinquens clericus functionibus ſacris ad tempus ſive definitum ſive indefinitum interdicitur, per deſolutionem poteſtate ipſâ perpetuo privatur. Species deſolutionis eſt privatio beneficii, ſeu amotio, quae ſecundum leges noſtras nonniſi conſen-

tiente regimine provinciae praevis communi
causae cognitione locum habet. (§. 31.) In-
terdum ubi delictum levius est, privatioque
fere solum ob causas ex conditione loci profec-
tas necessaria judicatur, cum translocatio-
ne ad aliud beneficium minus juncta est. (§.
122.) Quodsi clericus delinquens non tantum
potestate sacrâ, sed ipso etiam statu ac digni-
tate clericali observatis ceremoniis solennibus
in pontificali Romano praescriptis privatur,
actus iste degradatio dicitur, quae tum
obtinet, cum ob delicta civilia a iudice se-
culari ad poenam cum infamiâ conjunctam
condemnatur. *)

*) Huic similis erat reductio clerici ad com-
munionem laicam, poena antiquae eccle-
siae familiaris, (can. 13. Dist. 55. can. 52.
Dist. 50.) quae ut nostris quoque temporibus
pro clericis inemendabilibus in usum denuo
deducatur, exoptant non pauci, argumentis
non contemnendis adducti.

§. 295.

Quae contra fidem pugnant, delicta ec-
clesiastica (§. 287.) sunt apostasia, haeresis, et schisma. Apostasia quam vocant perfidia, ut ita ab apostasiâ ab ordine regulari aut a statu clericali distinguatur, est omnimoda fidei christianae desertio, seu transitus ad infidelitatem, aut religionem a christiana alienam. Haeresis, eaque formalis, est error contra dogma fidei ab ecclesia definitum, quem quis pertinaciter tenet. Solus enim error intellectus absque pertinacia, seu haeresis materialis, neminem efficit haereticum proprie talem. Poenae ecclesiasticae tum

Delicta ec-
clesi. Apo-
stasia, haere-
sis, schisma.

apostasiae, tum haereseos sunt excommunicatio major, irregularitas, privatio beneficii, exclusio a sepultura ecclesiastica. Cap. 8. 9, de haeret. cap. 2. ibid. in 6. Schisma est pertinax a corpore ecclesiae secessus unitatisque dissolutio, estque vel universale, vel particulare, prout ab unitate ecclesiae vel universalis, vel particularis disceditur. Cum haeresi conjunctum iisdem, atque haeresis, poenis perstringitur. Si cum haeresi conjunctum non sit, excommunicatione majori, inhabilitate ad beneficia, et privatione jurisdictionis ecclesiasticae mulctatur. Cap. 1. 2. de schism. cap. un. cod. in 6.

§. 296.

Blasphemia,
perjurium,
sacrilegium,
magia.

Cultui divino externo repugnant: blasphemia, perjurium, sacrilegium, magia, et simonia. Blasphemia verbalis, aut realis est dictum vel factum in contemptum Dei seu immediate seu mediate admissum. Blasphemiae poena in clericis est depositio, laici poenitentiae publicae subjiciuntur. Cap. de maled. Eidem quodam modo adnumeratur iisdemque poenis perstringitur perjurium, seu iniqua violatio juramenti rite praestiti, et pejeratio, seu juratum mendacium, quo falsitas cognita jurejurando asseritur. Sacrilegii, quo nomine in sensu latiori venit quaecunque violatio, seu injuria personis, rebus, aut locis sacris, illata, poena est excommunicatio. Cap. 12. de sent. excom. Magiae nomine intelligimus conatum, licet frustraneum, ope daemonum vel effectus mirabiles contra naturam producendi, vel res incogni-

tas comperiendi. Clericus magiae reus suspensionis aut depositionis, laicus excommunicationis poenam incurrit. Cap. 1. 2. de fortileg. More hodierno delicta mox recensita ut civilia a iudice laico cognoscuntur, statutisque in codice legum criminalium poenis adficiuntur.

§. 297.

Simonia dicitur actio, quâ quis vel bonum spirituale per temporale, vel temporale per spirituale obtinere conatur, hæcque permutatione bonum spirituale casu priore in mercium venalium numerum reponit, posteriore in medium faciendi lucrum transmutat. Act. VIII. 9—24. Bonorum spiritualium nomine intelligimus partim actus religiosos, eorumque effectus, partim officia sacra. Bonum temporale vel est munus a manu, pecunia aut quidpiam pecuniae aequipollens, vel munus a lingua, favor et patrocinium hominum, vel munus ab obsequio, quodvis obsequii genus alteri praestitum. Malitia moralis simoniae sita est in contemptu ac profanatione religionis, institutorumque religiosorum, quae a simoniacis in classem rerum profanarum reponuntur, ac sic pro merce venali, sive pro modo acquirendi pecuniam reputantur. Excusationes solitae, v. g. quod pecunia non detur pro munere sacro, sed pro redditibus temporalibus eidem annexis, aut quod non detur ut pretium, sed ut motivum, vel ad redimendam vexam, vel titulo pietatis; vel remunerationis gratuita, non nisi praetextus vani sunt, quibus qui utuntur, delicti hujus malitiam frustra tegere conantur. *)

Simonia,

ejusque ma-

litia mora-

lis.

*) Vid. dissertatio de naturâ, et malitiâ simoniae in der theol. prakt. Monatschr. 2. Jahrg. 1. B. S. 15.

§. 298.

Varia simoniae genera. Dividitur simonia in eam, quae est juris divini, quam paragrapho praecedente descripsimus, quae nimirum in permutatione boni spiritualis cum temporali posita est, et eam, quae est juris ecclesiastici, ubi vel bonum spirituale cum alio spirituali, vel temporale cum temporali modo per canones sub poenis simoniae prohibito permutatur, uti v. g. accidit in permutatione beneficiorum absque consensu episcopi facta, item in venditione officiorum profanorum ad ecclesiam spectantium, aut in venditione materiae s. oleorum. Porro simonia vel est mere mentalis, quae voluntate solum concipitur, quin actione externa significetur, vel externa, et conventionalis, in pactum expressum vel tacitum deducta, eaque pure talis, si ex neutra parte, realis, si ex utraque parte, mixta, si ex una parte per traditionem completa est. Singularis simoniae juris ecclesiastici species est simonia confidentialis, quasi fideicommissum super beneficio constitutum, seu pactio, qua quis alteri beneficium vel resignat, vel procurat, vel confert ea lege, ut sive pensio ex eo sibi alterive, idque non interveniente legitima auctoritate, detur, sive beneficium ipsum deinceps sibi alterive denuo cedatur; quae reservatio, prout quis beneficium resignat aut procurat, vel solum sibi oblatum, vel sibi colla-

tum nondum tamen possessum, vel actu jam possessum, reservatio accessus, ingressus, aut regressus dici solet. (§. 97.)

§. 299.


Poenae canonicae simoniacorum sequentes sunt: 1) Ob simoniam in collatione ordinum commissam ordinans a potestate conferendi ordines, usque pontificalium, ordinatus tum ab exercitio ordinum receptorum, tum a receptione sequentium suspenditur. Cap. 57. 45. de simon. 2) Religiosus simoniace professus in arctius monasterium detrudendus est, superior regularis de simonia condemnatus deponendus. Cap. 10. 25. 30. de simon. 3) Provisio ad beneficia ecclesiastica simoniace facta est ipso jure nulla, inducitque inhabilitatem ad alia beneficia sententia judicis declarandum. Cap. 2. de simon. inter extravag. commun. Iisdem poenis subjacent, qui simoniam confidentialem committunt. 4) Simoniam mere mentalis coram Deo quidem ac conscientia peccati reatum habet, cum vero intus lateat, delictum ecclesiasticum proprie non est, neque poenis ecclesiasticis obnoxia. 5) Simoniacorum poenae possunt quidem a legitimo superiore ecclesiastico remitti; at vero simonia ipsa jure divino prohibita dispensatione ulla excusari aut licita reddi nequit.

§. 300.


Delictis ecclesiasticis quae clericis propria sunt, accensentur: 1) abusus ordinum, de qua alibi (§. 11.) sermo fuit, qui irregularitate perstringitur. Praeterea, qui cen-

Delicta eccl. clericis propria.

iura ecclesiastica irretiti ordines susceperunt, deponuntur, qui exercent ordinem non receptum, per tres annos suspenduntur, qui cum presbyteri non sint, missam legere, vel confessiones excipere audent, degradandi sunt. 2) Apostasia a statu clericali post receptos ordines sacros, quam irregularitatis vocant, vel ab ordine regulari post emissam professionem, quae apostasia obedientiae dici solet. Apostatae clerici censuris adiguntur, ut habitum clericalem recipiant, factaque trina admonitione privilegio fori et canonis privantur; religiosi ab usu ordinum post apostasiam susceptorum suspenduntur, privilegiis ordinis privantur, et ad arctam custodiam revocantur. Cap. 5. de apost. 3) Sollicitatio ad turpia in confessionali. Criminis hujus rei degradandi sunt, poenitentes vero, qui se sollicitatos esse confitentur a confessoribus monendi, ut sollicitantem episcopo denuncient. Videat. Constitut. Benedicti XIV. de an. 1741, quae incipit: Sacramentum poenitentiae, et altera de an. 1745, Apostolici muneris, per edictum Ordinarius Passaviensis dd. 2. Apr. 1770 certis sub conditionibus recepta. 4) Violatio sigilli sacramentalis, quae depositione et carcere perpetuo mulctatur. Cap. 12. de poenit et remiss.



Rechberger Enchiridion II Tom.



2 in 1 Bd.

1600

NV 2


12

2442/01

90

48398


- 60




118
114

118
114

— 80







Rechenberger
Enchiridion
Juris ecclesiastici



tu perpetuo oritur, non nisi per dispensationem tollitur; illa excepta, quae ex partu illegitimo orta est, atque per votum solemne extinguitur. Cap. I. de fil. presbyt. Jus dispensandi est penes episcopum, sive sit irregularitas ex defectu aut delicto, sive clandestino sive notorio, dummodo disquisitioni juridicae nondum succubuerit, idque ea de causa, quia jus no-

Ex delicto,



§. 12.

Porro irregulariss sunt: 1) ex defectu Ex defectu animi, qui rationis usu necessario carent, ac illiterati. Ex praescripto autem concilii Tridentini sess. 23. cap. 4. 10. 11. 14. de reform. requiritur, ut qui tonsurâ initiandi

